



THE
WILLIAM R. PERKINS
LIBRARY
OF
DUKE UNIVERSITY



Rare Books

42-


coll. univ. s.

8°, [XVI], 123, [5] + [II],

195, [3 blank] 1/4









HYSTI CALVINI VETERA-
CASTRENSIS

PRO SACRO-
SANCTA CATHO-
LICA ROMANA ECCLESIA,
PROQUE SUA ADEAM TRANS-
migratione

APOLOGIA.

EX

SACRIS LITERIS, VENERANDA
ANTIQUITATE, ATQUE IPSIS SECTARIO-
rum principiis ita adornata, ut facilem lecto-
ri viam ad veritatem munit.

ACCESSIT

EPISTOLARVM CATHOLI-
CARVM EIVSDEM VOLV MEN VNVM:
nec non ex S. Augustino Epist. 48. ad Vincentium,
& Epistola 50. ad Bonifacium, de latitudine Ec-
clesiæ DEI, & moderata coërcitio-
ne hæreticorum.

S. HIERONYMVS.

*Legant prius; & postea despiciant, ne videantur
non ex iudicio, sed ex odii presumptione igno-
rata damnare.*

MÖGVNTIÆ,

Ex officina Typographica Ioannis Albini.

anno clj cl. CIL

S. AVGVSTINVS Tom. I. de vera Re-
ligione cap. 7.

*Tenenda est nobis Christiana Religio, & eius Ecclesia
communicatio, quæ Catholica est, & Catholica no-
minatur, non solum à suis, verum etiam ab omnibus
inimicis. Vellet enim nolintque ipsi quoque heretici &
schismatici alumni, quando nõ cum suis, sed cum ex-
traneis loquuntur, Catholicam nihil aliud quam
Catholicam vocant. Non enim possunt intelligi, nisi
hoc eam nomine discernant, quo ab uniuerso orbe
nuncupatur.*

Idem libri. de moribus Ecclesie Ca-
tholicæ. cap. 18.

*Breui dicam, quod sentio: Audite doctos Ecclesie Ca-
tholica viros, tanta pace animi & eo voto, quo vos
ego audiui: nihil opus erit nouem annis, quibus me
ludificastis. Longè omninò, longè breuiori tempo-
re, quid intersit inter veritatem vanitatemque cer-
netis.*

RBR
C168II



ILLVSTRISSI-
MO ET REVEREN-
DISSIMO D. CINTHIO CAR-
DINALI ALDOBRANDINO
Tit. S. GEORGII, &c. Pa-
trono suo meritif-
simo

*IUSTVS CALVINVS VETERA-
castrensis S. D.*



VIBVS & quàm grauibus ex
causis præsentem Apologiam
scribere aggressus sim, CAR-
DINALIS ILLVSTRISS. NO-
runt ii, qui præsentis aliquot mensium ca-
lamitates meas inspexerunt, quàmque va-
riis telis & machinis meus ad Catholi-
cam ingressus impetitus fuerit, cogno-
runt. Horret animus meminisse variarum
tempestatum, nec fortè periculũ pericula
commemorare sinit. Missis igitur illis, quæ
qualiacunq; & quatulacunq; pro nomi-
ne suo perferenda benignè Dominus im-
):(211. posuit

E P I S T O L A

posuit, acerbissimum dolorem meum non aliter quàm leni & placida Apologia consolandum duxi. Quanquam vix quicquam huiusmodi mēdelâ apud animos tam exulceratos profici solet. Tamen ne silentio culpâ aliquam agnoscere, aut causam sincerissimâ malitiosè prodere videar, libellum hunc operis subcisiuis conscripsi, & nunc publicè excusum aduersariis legendum propono, vt vel hinc, quod sæpè requisuerunt, causas mutatæ fidei meæ cognoscant, mihiq; æquiores deinceps se iudices præbeant. Enimuerò multi me hoc nomine quotidie conuenerunt, mecumq; acres etiam conflictus de fide instituerunt. Quibus etsi multa commodè pro mea tenitate respondi, multa feliciter persuasi, & redditis documentorum testimoniis firmiter demonstravi, vt vel hinc nō mediocre aliquando fructum expectem: tamen vel propter pertinaciam aliquorum, vel propter infirmitatem aliorum multa respondere, vel persuadere nō potui, vt consultum omninò putarim, deinceps stylo quoq; causam meâ agere, eaq; quæ propter transuolantium verborum festinationem non attenderentur, clauo quasi trabali

DEDICATORIA.

bali constantis scripturæ figere, quò diutius firmitusq; sensum occuparent. Quod si infracta sit quorundam pertinacia (quemmodum multos ex isto genere suis erroribus mordicus inhærentes noui) non propterea operam hoc opere lusisse iudicandus ero.

Primùm enim extare volui publicum benignissimi ac misericordissimi erga me DEI beneuolentiæ testimonium, qui miris me modis in vtero matris formatû, in hoc splendidissimum mundi theatrum inductum, à variis fortunæ procellis & iniuriis clementissimè protectû, è perniciosissimis errorû, hæreseon & inferni labyrinthis potentissimè liberatum, tandem cum sempiternæ felicitatis spe in hunc tranquillû Ecclesiæ suę portum traduxit, statuit & collocavit. Cuius immensa & omni verborum amplitudine maiora beneficia, si modio silentii tegam vel extingquam, sceleratissimè in Deum impius sim, & omnis veritatis iustitiæque hostis. Quid enim maius à DEO præstari potest homini, quàm vt & sit, & beatus sit, id est, saluificæ veritatis cognitione illustratus, & pestilentissimorum errorum lue expurgatus? Dominus creauit

E P I S T O L A

nos, magnum est: Dominus ratione & sensu instructos aluit pauitque, maius est: Dominus errantes reuocauit & conuertit, & ad spem hæreditatis filiorum suorū traduxit, maximum est. Iam modus reparationis, modus conuersionis, etsi multorū animos & aures grauiter læsurus ac vulneratus est, *quorum ex culmine Babylonicæ dignitatis quasi ex cedris Libani, quas nondum contriuit Dominus, grauiter ruituras in me inimicitias præuideo*: tamē à me taceri vel occultari nec debuit nec potuit, Verus enim est, sincerus est, nec obscura mirificæ bonitatis Dei vestigia continet. *Sacramentū ergo Regis abscondere bonum, opera autem Dei reuelare & confiteri honorificum est. Tob. 12. 7. Quod considerans D. Augustinus lib. 12. confess. ca. 25. Domine, inquit, tremenda sunt iudicia tua, quoniam veritas tua nec mea est, nec illius, aut illius, sed omnium nostrum, quos ad eius communionem publice vocas, terribiliter admonens nos, ut nolimus eā habere priuatam, ne priuemur ea. Nam quisquis id, quod tu omnibus ad fruendū proponis, sibi propriè vendicat, & suum vult esse quod omnium est, à communi propellitur ad sua, hoc est à veritate ad mendaciū. qui enim loquitur mēdaciū, de suo loquitur.*

Altera huius cōsiliū ratio est domus Dei
 profec-

DEDICATORIA.

profectus & incrementum: quæ quemadmodum scandalis destrui, ita pietatis & constantiæ exemplis mirificè augeri atq; confirmari solet. Nam vt Augustini iterum verbis vtar, 8. confess. cap. 4. qui ex profundiore tartaro cecitatis ad Dominum redeunt, & lumen recipiunt, si minus noti sint populis, etiam minus de illis gaudent qui nouerunt eos. Quando enim cum multis gaudetur, & in singulis uberius est gaudium, quia feruefaciunt se, & inflammantur ex alterutra. Deinde quod multis noti, multis sunt authoritati ad salutem, & multis præcunt securis, ideoque multum de illis & qui eos præcesserunt, letantur, quia non de solis letantur. Absit enim vt in tabernaculo Domini præ pauperibus accipiantur personæ diuitum: aut præ ignobilibus nobiles: quando potius infirma mundi elegit, vt confunderet fortia, & ignobilia huius mundi elegit & cõtemptibilia, & ea quæ nõ sunt, tanquã quæ sunt; vt ea quæ sunt euacuaret. Sic maxima Ecclesiæ gloria Augustinus, audita ex Simpliciano Victorini Rhetoris conuersione, quãuis inter mare & portũ adhuc fluctuãs exarsit ad imitandũ, exclamauitq;: O Domine Domine, qui inclinasti cælos; & descendisti, tetigisti mōtes & fumigauerunt, quibus modis te insinuasti illi pectori, quod tãquã inexpugnabile receptacu-

E P I S T O L A

lum Diabolus obtinuerat? Rex noster alligauit fortem, & videmus vasa eius erepta mundari & aptari in honorem Dei, & fieri utilia Domino ad omne opus bonum. Sic duo Imperatorii Palatii milites apud Treuiros inter deambulandum inuēto codice, in quo scripta erat vita Antonii, eoq; lecto mirari cœperunt & accendi, & inter legendum meditari arripere talem vitam, & relicta militia seculari seruire Deo. Quo enim, inquit, omnibus laboribus nostris ambimus peruenire? Quid quarimus? Cuius rei causa militamus? Maior ne esse poterit spes nostra in palatio, quam vt amici Imperatoris simus? Et ibi quid non fragile plenumque periculis? Et per quot pericula peruenitur ad grandius periculum, & quamdiu istud erit? Amicus Dei si voluero, ecce nunc fio. Dixit hoc vnus, & turgidus parturitione nouæ vitæ, reddidit oculus paginis, & legebat, & mutabatur intus vbi tu videbas, & exuebatur mundo mens eius, vt mox apparuit. Namq; dum legit & voluit fluctus cordis sui, infremuit aliquando & discreuit, decreuitque meliora: Iamque tuus, ait amico suo: ego iam abrumpi me ab illa spe nostra, & Deo seruire statui, & hoc ex hora hac in hoc loco aggredior. Te si piget imitari, noli aduersari. Respondit ille, adherere se socio tantæ mercedis, tantæque militiæ. Et ambo am-

D E D I C A T O R I A.

bo iã tui ædificabant turrim sumptu idoneo, relin-
quendi omnia & sequendi te. O si quis meo ta-
lem affectum exemplo caperet, quanta
beatitudine se, quanto gaudio Deum, An-
gelos, Ecclesiamq; afficeret! Nam, vt Euan-
gelium quoq; docet, in rebus humanis ita
comparatum est, vt plus gaudeamus de sa-
lute desperatę animæ, & de maiore pericu-
lo liberatę, quã si spes ei semper affuisset
aut periculum minus fuisset. Triumphat vi-
ctor imperator, ait Augustinus 8. confess. cap. 3. &
nõ vicisset nisi pugnauisset. Et quanto maius peri-
culum fuit in pralio, tantò maius gaudium est in
triumpho. Iactat tempestas nauigantes, mixaturq;
naufragium, omnes futura morte pallefcunt. Trã-
quillatur cælum & mare, & exultant nimis, quo-
niam timuerunt nimis. Æger est charus, & vena
eius malũ renunciat: Omnes qui eum saluum cu-
piunt, egrotant simul animo. Fit ei rectè, & non-
dũ ambulat pristinis viribus, & fit iam tale gau-
dium, quale non cum antea saluus & fortis am-
bularet. Sic ubiq; maius gaudium molestia maiori
preceditur. Nam ipse quoq; misericors pater plus
gaudet de vno pœnitente, quã de nonaginta no-
uem iustis, quibus non est opus pœnitentia. Et nos
cum magna incunditate audimus, cùm audimus,
quã exultantis pastoris humeris reportetur ovis

E P I S T O L A

quæ errauerat: & drachma referatur in thesauros tuos collatantibus vicinis mulieri quæ inuenit: & lachrymas excutit gaudium solennitatis domus tuæ, cum legitur in domo tua de minore filio, quoniam mortuus erat & reuixit, perierat & inuentus est. Gaudes quippe in nobis & in Angelis tuis sancta charitate sanctis. Sed si qui superbiores neq; legibus, neq; exemplis se morigeros præbebunt, illi fanè suo fastu in extremam præcipitabuntur ignominiam, & nos illorū securi, faciemus id, quod Plato olim in Diogene docuit. Quem cum gelidissimo tempore videret in aquis pene congelatis nudum stare, & magnam hominum multitudinem circumfusam mirando commiserari: si inquit, huius hominis misereri, eumq; tāta molestia liberare vultis, discedite. Sentiens fore, vt admiratoribus digressis, & fructu inanis glorię sublato, ipse stultus continētem peteret, & quæ ex salute forēt faceret. Quod non minus fortè nobis de multis infanientis sapientiæ consultis dicere fas sit.

Tandem præstabit & istum vsum Apologia nostra, quem in Leporio quodam Pelagiano notat Gennadius de script. Ecclesiast. & Cassianus lib. 1. de Incarnat. Is à Gallicanis Doctōribus admonitus, & in Africa per Augustinum emen-

DEDICATORIA.

emendatus, scripsit emendationis suæ libellum, in quo ita magnificè malè conceptam opinionem damnauit, ut nò minus penè admiranda cffet correctio illius, quàm illæsa multorum fides, quia primum est errorem penitus non incurrere, secundum benè repudiare. Is ergo in se reuersus non solum in Africa tam errorem suum cum dolore, quàm sine pudore confessus est: sed etiam ad omnes admodum Galliæ ciuitates flebiles confessionis ac plangētus sui literas dedit: scilicet ut ubi deniatio eius prius cognita erat, illic etiam emendatio noscetur: & qui testes erroris antea fuerant, iidem postea correctionis essent. Eodem modo & mihi præfens Apologia mea partim confessionis publicæ, partim sinceræ retractationis loco apud omnes pristini erroris testes erit; quibus etsi demonstrare non possum, an vera confitear, credent mihi tamen, quorum mihi aures charitas aperit, & credet Dominus, cuius oculis nuda est abyssus humanæ conscientie. Iam Epistolas quod attinet, quanquam multos futuros scio, qui illarum vel scriptionem damnaturi, vel editionem miraturi, vel dedicationem denique reprehensuri sunt: tamen nullius istorum tanti apud me autoritas fuit, ut semel susceptum edendi consilium vel

tan-

E P I S T O L A

tantillum remoraretur, nedum planè impediret aut euerteret. Scribendi enim causas puto me habuisse iustas, edendi iustiores, dedicandi iustissimas. Scripsimus ad pares, aut ad superiores. A paribus consilium, à superiorib. auxilium postulauimus, & in causa quidem optima, grauiissima, sincerissima. De salute enim mea anxius, consului eos, quos consilio valere & salutis negotia intelligere iudicabam. Necessitatibus constrictus, opem imploraui eorum, quos & officio posse, & benignitate velle me iuuare, cognoram.

Iam quod ea, quæ tanquam priuatos inter parietes gesta sunt, publico nunc totius orbis theatro spectanda propono, sinceritatis argumentum est. *Qui enim malè agit, odit lucem.* At ego tantoperè causæ meæ non diffido, vt etiam in penetralia consiliorum aduersarios nunc intromittam, qui legant licet clausa, videant occulta, nil proditoriè, nil perfidè à nobis actum inuenient. Augustini Epistolas duas quasi coronidis loco huic opusculo propterea adieci, vt vel indè maior autoritas fidesq; assertionibus meis accederet, cùm sanctus Pater quasi summam totius argumenti mei hisce literis videatur complexus. Sed

DEDICATORIA.

Sed nunc tempus ad te veniam, Cardinalis Illust. cui quod totum hoc, quicquid est, quod certè perexiguum est, dedicare, tuiq; sub àplissimi nominis felici auspicio in lucem proferre visum, non puto mihi longè aut anxie rationes conquirendas esse. Offerunt sese vltro & quidem plena manu. Cùm enim in hoc arduo, atq; omnium quæ homini accidere possunt, grauissimo conuersionis meæ opere Dominus Zebaoth quadrigas quasi salutis meæ instructurus, ex ipso illustrissimo purpuratorum patrum collegio, patronos conciliaffet quatuor, omni diuina humanaq; virtute instructissimos, deq; me longè meritos optimè: quorum singuli munificentia iure quasi tesseram quandam gratitudinis à me efflagitarèt, muneri meo vtcunq; deinceps ordinè satisfactorius, ab illustrissima celsitudine tua, tanquam proximo S. D. N. cognato initium faciendum esse duxi. Cuius quoniam eminentissima inter ipsas Ecclesiæ columnas dignitas, laus & fama toto orbe percrebrescens, admirabilis in Deū & homines pietas, veritatis Catholicæ ardor incomparabilis, doctrina omnis generis profundissima atq; eloquētissima, deniq; ma-

xima

EPIST. DEDICATORIA.

xima erga me & incredibilia merita, humanitasq; in meo etiam planè agresti silentio iterum atq; iterum literis testata, singularem quandã ac propè diuinam gratitudinem postulare videtur, fateor me hoc leuidensi munusculo neutiquam partib. meis satisfacturum. Sed quia & pilos caprarum ad templi structuram oblatos legimus & munera non tã ex pondere suo, quã animo donantis valorem accipere solent: restat vt (quod humilimè ardētissimeq; precor) hilari vultu donantē accipiat. Celitudo tua, & quod datur tenue vileq;, æqui boniq; cōsulens, amplissimi nominis sui autoritate tanquã clypeo contra vituperatores protegat & defendat, quò liberius in hominū manus venire, atq; aliquem saltem veritati propagandæ fructum afferre possit. Numen diuinum enixè oro, vt quemadmodum Illustris. C. T. cumulum suorum erga me beneficiorum indies augere non desistit, ita eam mihi & vniuersæ Catholicæ Ecclesiæ, multisq; adhuc per Dei gratiam è tenebris emerfuris, quam diutissime sospitem valentemque conseruet. Moguntia, 11. Septemb. anno redempti orbis 1601.

CLARISSIMO VIRO
IVSTO CALVINO
IN CATHOLICÆ ECCLE-
siæ portum feliciter recepto.

IVSTVM

Deduxit (Dominus) per vias rectas & ostendit illi
regnum Dei, & dedit illi scientiam Sanctorum.

Sapient. X.

Candida Relligio, Veterumq; antistita morum
Et veri dux una fides, tuq; arbitra mundi
IVSTITIA, optanti noua suffice gaudia celo.
Ecce tuus tibi IVSTVS adest, iam iustus, apertas,
Hæreseon surgit nubem eluctatus, in auras.
Fallendiq; astus, abiuratasq; tenebras,
Præterita in puro cognoscit æmna sereno.
Talis erat domina postquam Memphitide pressum
Iosephus tetro iustus caput extulit antro,
Vt faceret Phario terrarum arbitria curru,
Tu dominam infamem, dense caliginis umbras,
Seruitiumq; anima iam vindice lumine Christi
Egressus, sancta cum libertate, fideq;
Ducus inoffenso constantem transtite gressum,
Sidereamq; viam, & tritos cælestibus orbes,
Ter sælix, solidiq; locas Vestigia VERO.
Aspice quæ æterno terrisq; petra ardua calle,
Hanc firmata super fulgenti Ecclesia cœtu,
Immo perstat cultu immutabilis, suum
Doctrina & morum seruans sincera tenorem.
Non illa ancipiti mentem frustrata figura
Præcipitat dubiam sensu variante salutem,
At recto stabiliq; gradu fida inseret astris
Inculpatam animam, vita aspera sincere cuncta, &
Subter humi stratis docet insultare periculis.
Certa via, & longo seclorum plana meatu.
Et diuerticulis sectarum imperdita constat.
Hæc quia te reducem, lens IVSTE agmine ducens

Emeritum aetherea fert admotura corona,
 Perge alacer, quo iam tot ierunt secula ductu.
 Non metue, illa etiam prsuatum lumine Saulum,
 Quam sua cernentem, securius orbita vexit.
 Hac olim AURELIUS Variis anfractibus actus
 Dum reprobat, repetitq; vias, in pace quieta
 Sollicitam ingemuit, raptamq; per inuisa vitam,
 Erroresq; suos, Huc errabunda Luthero
 Contempto retulit STAPHYLVS Vestigia. Magnus
 Te exemplo, scriptisq; grauis PISTORIUS anticit
 Proximus, inq; viam docet auia corda reuertit,
 Palantesq; animas Fidis, caelsq; reducit.
 Huc te etiam immensos post magni pectoris actus
 E labyrinthis ambagibus extricatum
 Summa Dei eduxit Clementia IUSTE; nec illum
 Aut latuit studium, aut pia cura impensa salutis,
 Et toties vigiles in Veri indagine noctes.
 Cum veterum crebro monumenta exacta remensus,
 Et praecepta Patrum, magna concordia Roma;
 Atq; aliena nouis emirabare magistris,
 Adfuit, & blando cita pectora perculit ictu
 GRATIA dum medio pendes discrimine rerum
 Et Verum damnas animo alternante probasq;
 Postquam nocte animi excussa, Vinculisq; solutis
 Aetheream toto admisisti pectore lucem,
 Tum vero inuicto fulsit constantia scuto,
 Et triplici Heroos artus adamante reuinxit.
 Non graue propositum carissima pignora nate,
 Coniugij non frezit amor, non fama malignis
 Pronsor, & IUSTI Virtutibus inuida mouit.
 Et merito, patriam, quam Christo agere exul adempto
 Maluit, & patrio bene pro fumo astra pacisci,
 Iam sic ille fide meritisq; adspirat olympo
 Sic alii pratentat iter, quos nocte profunda
 Lux summa de luce Deo, Deus euocet vitro
 In regnum, & puro det lumine posse renasci.

A. C. M.

IV.



IVSTI CALVINI VETE-
RACASTRENSIS

PRO SACRO-
SANCTA CA-
THOLICA ROMANA EC-
CLESIA, PROQUE SVA AD
eam transmigratio-
ne,

APOLOGIA.



ANCTVS AVGVSTINVS, Ca-
tholicæ Ecclesiæ decus, & præsidium firmissimum, cum
diruptis & derelictis Mani-
cheorum laqueis Catholicæ veri-

ati caput submisisset, sibi que ex præcepto
Domini omne negotium dari sciret, vt ipse
conuersus confirmaret quoque fratres suos: se-
ctam illam variis scriptis non tam acerbè
aut biliosè carpsit, quàm humaniter erudiit,
& propositis veritatis falsitatisque causis,
flendo quasi, deprecando & obtestando ad
salutem capessendam cohortatus est. Qua
diligentia sua & lenitate omnibus posteris
A quasi

*Aduersarij
quomodo
tractandi.*

*August. de
duabus a-
nimabus
contra Ma-
nich. cap. i.*

Luc. 22.

quasi regulam fixit, exemplumque reliquit tractandi aduersarios suos, non biliosis inuectiuis aut acerbis sarcasmis & exprobrationibus, sed amica, placida, & humili ostensione causerum, quibus veritas innixa contrarios errores subsistere non patitur. *Magis enim inquit, de correctione eorum, qui imprudentius fortasse quam malitiosius heresi adhaeserunt, quam de subuersione cogitandum est. Et quanquam Dominus per seruos suos regna subuertit erroris, ipsos tamen homines, in quantum homines sunt, emendandos esse potius, quam perdendos iubet, &c. Illi ergo in vos sauiant, qui nesciunt cum quo labore verum inueniatur, & quam difficile caueantur errores. Illi in vos sauiant, qui nesciunt cum quanta difficultate sanetur oculus interioris hominis, ut possit intueri solem suum, &c. Illi in vos sauiant, qui nesciunt, quibus suspiriis & gemitibus fiat, ut ex quantulacunque parte possit intelligi Deus. Postremo illi in vos sauiant, qui nullo tali errore decepti sunt, quali vos deceptos vident.*

*Autoris in-
feruentum.*

Scripturus igitur ego, iuuante Domino, Calvinianæ, quam vocant, fidei sectatoribus A P O L O G I A M, meamque ad Romanas partes secessionem à sinisterrimis quorundam suspicionibus & calumniis vindicaturus: quanquam aliud illatæ mihi iniuriæ, & clamor per orbem sparsus, & multorum in angulis susurrantium, meamque famam eminentis conuitiis rodentium iniquitas suadere videbatur: ne tamen malum pro malo

repen-

rependens, in Christi disciplinam impingam, cumque maledicis maledicus fiam, meum ita stylum temperabo, ut neque mansuetudinis partes excessisse, neque nimium etiam pertinaciæ quorundam concessisse videar. Quod si quædam fortè incauto verbulâ duriora (quod haud spero) exciderint. Illustrissimos Principes, ac viros sapientia auctoritateq; præditos obtestor, ne suæ id personæ ascribant, sed præsentium turbarum autoribus & continuatoribus, quibus cum omne mihi certamen futurum profiteor.

Primum autem ne cui mirum videatur, quo pacto ego tanto quondam interuallo à fide Catholica segregatus, tamque diuersis in studiis enutritus, præter omnium sententiam & expectationem quasi cælitus mutatus Romanam fidem profiteri, eamque ut diuinam ac cœlestem prædicare, laudibusq; omnibus ac veneratione prosequi incipiã: præludij causa præmittendum existimo, quæ me ratio ad istam mentem impulerit, quamq; nulla temeritate aut præcipitantia, multo minus praua aliqua affectione, sed acerrimo conflictu atque insuperabilis veritatis vi ac necessitate eò deuenierim.

*Narratio
de auctore
conuersione.*

Annus iam agitur fermè decimus quartus, ex quo relictis pueritiæ studiis Theologiam sacram pro vitæ instituto amplexari cœpi: & eam quidem Theologiam, quæ Caluini & Zvinglij partes potissimum sequens, tantum alias puritate sectas, quan-

*Pristinâ
auctoris
studia &
religio.*

tum linguâ, doctrinâ, & acumine superare nititur. De hac fide, mea semper existimatio honestissima fuit, atque eiusmodi, esse eam quasi ex omnibus huius perturbatissimi seculi religionibus viam quandâ medullam, & purgatissimum succum. Qua de causa in eam non solum acri studio per annos amplius quinque Heibelbergæ incubui, verum etiam, quoad plures fructus eius pervenire, utque tanquam vera atque unica salutis via omnibus innotescere posset, meâ qualicunque operâ publicè per annos novem gestis muneribus efficere conatus sum. Sed ut quod res est fatear, duo fuerunt semper, quæ hanc persuasionem meam quasi exerta manu petere, atque aliquo etiam modo conuellere videbantur. Prius est, Ecclesiæ Romanæ præ novis conventiculis antiquitas, & digna promissionibus novi testamenti amplitudo: catholicorum virorum in Deum & homines pietas, in dictis factisque constantia, in studiis & bellis fortunatissimi successus: contra novellorum doctorum in oriendo obscuritas, in docendo lubricitas & inconstantia, in ecclesiis extendendis angustia, in viuendo profanitas & mollities: in tractandis aduersariis plus quàm barbara feritas, & scurrilis dicacitas, in pugnando infirmitas, denique in veritatis venditione plus quàm Thrasonica sine teste præfidentia. Hæc etsi sæpissimè animum vellicarunt, oculosque altiùs aperire, iulle-

*Trabs comm-
vniuerso.*

iusserunt, tamen quia mores potius & corticem religionis, quàm interiorem medullam concernere videbantur, facili excusatione diluta euauerunt.

Alterum igitur, quod tanquam grauissimum telum mentem meam expugnauit, & ad Romanam ecclesiam tanquam à melioribus stantem partibus, rectiusque scripturas sanctas interpretantem, impulit, sanctorum Patrum, Augustini in primis, & Cypriani lectio est, à diuino numine clementissimè mihi suasa, & ad perpetuam auimæ meæ salutem dexterrimè gubernata. Augustinum ex patris bibliotheca habebam, item Cyprianum, & nonnullos patrum alios. Magna igitur confidentia Caluinum legens ad Augustinum tanquam ad fidelissimum atq; optimum testem antiquitatis, quin & theologorum coryphaeum prouocantem: faciendū mihi putabam, ut ipse quoque ad eius libros tanquam ad illustre armamentarium confugerem, indeque necessaria tela contra Iesuitas & Lutheranos, quibus tum omne certamen indixeram, colligerem. Aded igitur quàm primum Augustinum, explico, benè instructam armaturam inuenio, sed non ad militiam Caluinianam. Omnia lædebant me, omnia vulnerabant, & catholicis patrocinebantur. Quod miratus, Cyprianum capesso, an fortè ille æquior meæ causæ, sed omnia similiter habebant: nihil hic de nouiter exorientibus reformatoribus, nihil de prouin-

*S. Patrum
plurimum unum
momenti
ad sapientiam
asserunt.*

*Cal. lib. 3.
Inst. cap.
3. §. 10. &
lib. 4. cap.
14. §. 26.
Caluusus
in Psal. 58.
§. 2.
Hyperius
de lectio. S.
Scriptura
p. 51. & opo-
rum parte
2. fol. 62.
S. August.*

*S. Cypria-
nus.*

cialibus angustiis: doctrina, regimen ecclesiasticum, ritus, omnia Romana erant: omnia Romanam Ecclesiam sonabant, eiusque perpetuam durationem, & à perfidia immunitatem, valentissimis argumentis astruebant. Hic mihi cor palpitare, maleque de nostris ominari. Quamvis enim fidem meam humanis assertionibus non facile concederem, tamen & fraus Caluini me pessimè habebat, & tutius iudicabam in controversis fidei quæstionibus antiquissimos Patres sequi duces, qui vel coram Apostolos tanquam viva scripturæ commentaria audiissent, vel alioqui miraculis & doctrina clari totius Ecclesiæ iudicio dexterrimi semper scripturarum interpretes habiti essent. *Qui denique ut Augustinus ait (lib. 2. contra Iulianum Pelagianum) Nullas nobiscum vel vobiscum amicitias attendissent, vel inimicitias exercuisset, neque nobis neque vobis irati, neque nos neque vos miserati esset: quod inuenerunt in Ecclesia retinissent: quod didicerunt docuissent: quod a parentibus acceperunt, hoc filius tradidissent.* Agitati cogitationes istas subsidio venit fortissimus seculi nostri athleta R. Bellarminus, mentemque longius in Catholicorum partes propellit. Hic enim tanquam Apelles quidam longè venustiore ecclesiæ faciem depingens, & horribiles calumniarum maculas, quibus à protestantibus conspurcata erat, eluens, nec non doctrinæ singula capita accuratiùs explicans, & mussitantes contra hæreticos fortissimè repel-

S. Patrum
ecclesiæ.

Bellarmini
1576.

repel-

repellens, id apud me effecit, vt quamuis diu multumq; reluctarer acerrimè, tandem tamen vel inuitus in sententiam eius transire, & manus veritati præbere coactus sim. Qua in re non postulo, vt fidè mihi quisquã gratis tribuat. Faciat quæso ipse periculum: legat primò patrem vnum atque alterum: euoluat Tertulliani præscriptiones aduersus hæreticos: Cypriani librum de vnitæ Ecclesiæ: itidem Augustini eiusdem argumenti contra Donatistas: nec non eiusdem tractatum aureum de vtilitate credendi ad Honoratum: quin & Vincentii Lirinensis commonitorium aduersus prophanas hæreseonouitates. Tum his omnibus quasi plenioris confirmationis causa adiungat Baronij Annales Ecclesiasticos, fidissimos antiquitatis testes, Bellarmini disputationes accuratissimas, adeo quæ curiositatis saltem causa inquirat, quænam sit illa Fides prisca, quibus fundamentis nixa, à qua superiori seculo maiores nostri magna sua infamia defecerunt, & contra quam hodiè tam imperitè multi dicaculi ministri deblaterant: fidem depono, si non multi (omnes enim asserere nolim, quia *fides non omnium est*, neque par etiam omnium in legendo dexteritas aut intelligentia) breui sententiam mutaturi, & cum illis Donatistis apud Augustinum dicturi sunt: *Nesciebamus hic esse veritatem. nec eam discere volebamus. falsis rumoribus terrebamur intrare ecclesiam, quos falsos esse nesci-*

*Qui patres
primo legere
de hæreticis*

*Epistola
48 - d. Vin.
centium*

remus nisi intraremus. *Gratias Domino, qui trepidationem nostram abstulit, expertos docuit, quam vana & inania de Ecclesia sua mendax fama iactauerit. Hinc iam credimus & illa falsa esse, quae auctores huius haeresis criminatisunt, quando posteriores eorum tam falsa & peiora finxerunt.* Sed ad Bellarminum meum redeo, virum aeterna memoria dignissimum, cui Dominus retribuatur mercedem, quam pollicitus est iis, qui errantes a via mala conuerterint, & ad iustitiam cohortati fuerint plurimos. Illi quanquam leoni intrepido imbelles quidam & timidi lepusculi barbam vellicare, & confarcinatis hinc inde centonibus aureas ipsius disputationes, si Diis placeat, confutare aggressi sunt. Quo euentu? qua laude? Vidi omnes ac legi, vereque testari possum, nihil vel ex Anglia, vel ex Galliis, vel ex Germania aut Belgio in hoc genere editum aut scriptum esse, quod ego non auide coemptum legerim, & priuata collatione, vel inde etiam subsidium sperans, cum causa & argumentis Bellarmini studiosissime contulerim. Sed bone Deus, quam frigida ac tenuia omnia! ἀμυσία τὸ πλεον μέρ, λόγων τε πλεον. Alij conuictis scenam ingressi nomen tantum & famam aduersarij lacerant, & de fraudibus scilicet lectorem praemonent, ut quae inuicta occurrunt argumenta, fraudibus annumerentur. Alij tenuiter quaestionem extremis quasi digitis attingentes nihil

Daniel. cap.
12.
Bellarmi-
ni Anta-
gonista.

Lactantius in
Cicobulo.

nihil reponunt, nisi veterem crambem, & quod in quæstione est, sua autoritate minutis intermixtis argutiis, tanquam imperatorio edicto confirmant, & vel lectori inuito obtrudunt. Noui quendam ex ista classe, quem sæpe vix precibus adducas, vt præter argumentum generale instantias vel minimo digitulo attingat, contentum pompâ & minis asseruisse, suam sententiam esse veram, & quæcunq; dicantur contra, sophisticæ & Antichristianis fraudibus accensenda. Cuius hominis ineptiæ vt clarius patefiant, quemadmodum & aliorum, suo id loco, Deo coadiuuante, testatum faciemus.

Nunc in viam redeo, vbi commemorare poteram, quæ prætereà abiiciendi erroris mihi adiumenta accesserint. Sed ne prolixus sim, Baronii quædam scripta omitto, Stapletoni disputationes, Fabricii Harmoniam Augustanæ Confessionis prætereo: exterorum tantum populorum consensum adiicio: in iisque præter Æthiopes, Ruthenos, Jeremiæ præsertim Patriarchæ Constantinopolitani iudicium, quod Tubingensium laceffitu ante annos circiter xxv. de Augustana confessione scripsit: quo *Censura* certè plurimum meam de Romana ec- *Oracorum.*lesia sententiam confirmatam esse fateor. Ita enim omnia in potissimis doctrinæ capitibus conueniunt, vt mirer summo opere, non eodem Patriarcham loco quo Pontificem Romanum à nouatoribus haberi. Si

// enim vnus Antichristus est, necesse est & al-
 // ter sit, quia neruum doctrinæ communem
 habent. Tantòque magis dolenda est quo-
 rundam ex aduersariis simplicitas, qui nescio
 quem cum Ecclesia Græca consensum ad-
 hac somniantes, eumque sibi falso à pecu-
 niæ cauponibus persuaderi sinentes, scriptis
 literis & missis Catechesibus animum ori-
 entis explorare non cessant. Itane oblitum sunt
 factorum Augustanæ confessionis? nesciunt
 quomodo excepta, & quàm grauitè in au-
 la Patriarchæ comprobata fuerit? Abeant
 Tubingam, quærant, Crusius narrabit. Aut
 si piget viæ, orationem Chytræi legant,
 quam de statu ecclesiarum in Græcia, Asia,
 Boëmia &c. Francofurti edidit. ibi p. 113, 115.
 116. 129. 133. quædam ad hanc causam perti-
 nentia inuenient. Præcipuè autem p. 132. vbi
 ex Crusio summam censuræ pauculis hisce
 aphorismis commemorat:

Summa

Censura

Græcorum.

Error Græ-
corum.

- 1 Nititur Patriarcha fortissimè demonstrare,
Spiritus S. ex solo Patre processionem.
- 2 *Libero arbitrio plus iusto tribuit.*
- 3 *Per fidem & charitatem & spem iustificari
 hominem contendit.*
- 4 *Septem Sacramenta ponit.*
- 5 *Sanctos defunctos, & Mariam Dei genetri-
 cem, & S. Angelos innocat, & sacras eorum
 imagines adorat, non latriæ cultu (soli e-
 nim Deo debetur.) sed coniunctiuè, seu re-
 spectu, non materia, sed sanctorum, qui per
 materiam significantur, et affectione qua-
 dano*

ROM. ECCLESIA APOLOGIA. II

damamica, & venerationem ac honorem erga sanctos ostendente.

6 *Pro monastica vita instituto tanquam angelica conuersatione propugnat.*

7 *Probationes ex patribus & synodis sumptæ sunt: & c.*

8 *Hortatur nos humaniter ad assensionem.*

Hæc Crusio authore totius censuræ summa est: quam si quis integram nobiscum legerit, plura & maiora ad damnandam fidem nouam inueniet: inprimisque ista quæ tanquam colophonis loco Patriarcha scribit responso tertio. Pag. 350.

Omnino tacere nobis propositum fuit ad ista vestra, nec respondere vobis quicquam: qui adeo aperte tum scripturam, tum doctorum sanctorum interpretationes ad vestram voluntatem transferatis: cum Paulum habeamus nos sic hortantem: Hereticum hominem post vnā atque alteram admonitionem reice. Verum quia silentio nostro futurum fuisset, ut vobis assentiri videremur tanquam fortasse recte opinantibus, & intelligentibus, hæc ipsa scriptura & sancti à vobis stare in hac parte: ideo ad defensionem horum, nunc etiam hæc exarare volumus: licet certa nobis ex scriptis vestris fides facta sit, vos nunquam nobiscum, vel potius cum veritate sentire posse.

*Patriarcha
Vale nunciat
Tubingen
sibus
tanquam
desperatis.*

Ibidem in fine 3. responsi pag. 370. Rogamus itaque vos, ne posthac labores nobis exhibeatis: neque de iisdem scribatis, & scripta mittatis. Nam theologos, qui Ecclesia lumina fue-

runt, aliàs aliter tractatis: Et verbis quidem honoratis eos, extollitisq; factis verò reicitis: armaque nostra inutilia nobis efficere vultis excutere, scilicet de manib. nostris, verba illorum sancta Et diuina, quibus nos ad scribendum, Et contradicendum vobis, uti potuissimus. Quamobrem quantum ad nos attinet, liberastis nos curis. Vestram erga viã euntes, ne amplius de dogmatibus, sed amicitia tantum causa, si volueritis, scribite.

*Censura
Græcorum
suppressa,*

Atque hinc patet, cur censura ista tam ægrè à capitibus VVirtembergensis Ecclesiæ in lucem emissa fuerit: quod Crusius bis significat citata oratione Chytræi pag.131. & 133. *Ut Græcorum scripta edantur, inquit, Et nostra metuo. Nihil enim illi de veteribus erroribus remittunt. Dei opus eorum conuersio. Et iterum pag.107. Hi quinque libelli si excuderentur, una cum conuersione latina è regione, esset pulchrum Et utile opus. Hos omnes libellos habeo ego, Et paratus essem suscipere laborem editionis, si aliquando me viuente τῶν ἡμῶν ἔκκλησίας Φωστῆροι placeret. Sed adhuc nemo tale quid cogitat, Et sunt Διλαβεῖς καὶ ἐφελκxί. Profectò meritò ἐφελκxί. Parum enim subsidii causæ suæ in ista editione restare videbant. Et fortè nunquam ista scripta lucem vidissent, nisi Socolouius arte in medium protraxisset.*

Socolouius.

Quamquam igitur nescius non sum, quo loco schismatica ista Ecclesia habenda sit, nemini tamen tam vasti in oriente spatii testimo-

testimonium vilescere debet: ubi Chytræus saltem veras Iesu Christi Ecclesias esse, & per immensos tractus dilatatas profitetur. Nam in media Turcia, Græcia, Asia, Armenia, Iberia, & Intimis Asiæ regnis latissimè Christiani habitant. Et ex quatuor Patriarchis, qui nostro etiam tempore orientalibus ecclesiis præsent, latissimè patet Byzantini Patriarchæ diocæsis, qua in Europa totam Græciam, Mysiam, seu Seruiam & Bulgariam, Thraciam, Valachiam, Moldauiam, Russiam, Moscouiam, Insulas Aegæi maris, & Asiam minorem complectitur. In Asia autem Syri & Georgiani veterem Iberiam, & Albaniam incolentes: quos ad Boream Caucasus, ad occasum Colchi, ab ortu mare Caspium, à meridie Armeni ambiunt: in octodecim Episcopatus diuisi, vni Catholico parent, & Græcorum doctrinam ac ceremonias in vniuersum sequuntur. Armeni verò à finibus Cappadocie & Cilicie, in qua Terassa, Sancti Pauli patria, Tarsus olim appellata, hodie floret, usque ad Iberiam, mare Caspium, Mediam & Assyriam longissima terrarum spatia occupant.

Quorum omnium populorum confessiones & sententias vnica ista Patriarchæ censura complexa est: vt qui tanta auctoritatum nube non mouetur, planè deploratæ aut stultitiæ, aut arrogantiæ sit. Nam vt Tertulliani verbis arguam, age nunc omnes errauerint, deceptus sit & Apostolus de testimonio reddendo quibusdam: nullam respexerit Spiritus sanctus, uti eam in veritatē deduceret, ad hoc

Latitudo

Ecclesia

Græca.

Chytræus in o-

rat pag 6

7. 13 14 17.

23 30

Tertul. de

præscrips.

cap. 28.

hoc missus à Christo, ad hoc postulatus de patre, ut esset doctor veritatis: neglexerit officium Dei villicus, christi vicarius, sinens Ecclesias aliter interim intelligere, aliter credere, quam ipse per apostolos predicabat: ecquid verisimile est, ut tot ac tanta in unam fidem errauerint? nullus inter multos inuentus est, unus exiit, variasse debuerat error doctrina ecclesiarum. Ceterum quod apud multos unum inuenitur, non est erratum, sed traditum. Audeat ergo aliquis dicere, illos errasse qui tradiderunt.

*Statu pro
Romana
Ecclesia, cõ-
tra omnes
quascunq;
Synagogas.*

Quid ergo: ut summam dictorum faciam, his tot tantisque præceptoribus iam annos complures vsus: Sanctorum patrum auspiciis de vera & genuina scripturarum interpretatione monitus, de controuersis quaestionibus catholicorum disputationibus rectius eruditus, de sinceritate atque integritate Romanæ ecclesiæ manifestissima veritate conuictus? de omnibus fidei capitibus exterarum quoque ecclesiarum consensu confirmatus: iam dudum feci, & iterum facio Deo duce iudicium: quotquot ab unitate & communione Romanæ ecclesiæ, vel diuersæ religionis instituto, vel morum disciplina, & pacis vinculo separati sunt, extra Christum, & à corpore ipsius tanquam palmites à vite præcisos atescere, & æterno camino reseruati.

Quotquot autem hanc Romanam catholicam ecclesiam (de qua tam multa falsa & odiosa passim ab imperitis sparguntur, &

à simplicibus perniciosissimè creduntur) & fidei, & communionis vnitatem sequuntur, in vera, viua & dilecta Christi ecclesia esse, quam semel in hisce terris fundatam firmissimè contra portas inferorum defendit hactenus, & in posterum defensurus est: & in qua tanquam templo Dei salutaris Sacramentorum communio extat: In qua omnes hactenus ab apostolicis temporibus electi & fideles fuerunt, & ad quam deinceps omnes tanquam ad arcam Noe contra æterni ignis diluuium confugere est necesse.

Quæ tam odiosa noui theologis ac duræ sententia, quò debito robore muniatur, ac tanquam caput causæ firmissimis prædiis fulciatur, necesse nunc est in campum confirmationis excurrere, & tela argumentorum, quibus hoc tam hostiliter obsessum castellum defendatur, promere.

Confirmatio iam facta præpositæ propositionis a dæmonio. aduersariorum ipsorum. C. S.

Argumentorum genera multa sunt, quæ *patrua* fusè tractari solent ab iis, qui ex professo controuersias fidei explicandas susceperunt. Nos ut hostium respectum habuisse videamur, duobus tantum in præsentia utemur: quorum prius desumptum ab ipso-^{1.} rummet aduersariorum *κεκτηνεις*, quæ religioni diiudicandæ præscripserunt: Po-^{2.} sterius ab orthodoxæ antiquitatis consensu: quem hac in re plurimum momenti habere, nemo sanus negarit. *Si enim Irenæo teste, de aliqua modica questione disceptatio orta Lib 3. c. 4. fuerit,*

*De prescri-
pt. cap. 21.*

fuert, nonne oportebit in antiquissimas recurrere ecclesias, & ab eis sumere de presenti questione, quod certum & re liquidum est? Et quemadmodum Tertullianus inquit, quid prædicauerint Apostoli, quid illis Christus reuelauerit, & hic præscribam, non aliter probari debere, nisi per easdem Ecclesias, quas ipsi Apostoli condiderunt. Si hac ita sunt, constat proinde omnem doctrinam, qua cum illis Ecclesiis Apostolicis & matricibus & originalibus fidei conspiret, veritati deputandam, reliquam verò omnem de mendacio præiudicandam.

*Zacharias
Vrsinus.*

Quid ergò ab hostibus testimonii habes veritas Catholica, sapientia sancta? Plurimum profectò. Nam vt sine ambagibus arenam ingrediar, Zacharias Vrsinus Theologus Calvinianus haud ignobilis, magno apud suos loco habitus, & multorum quasi Chrysippus, in prolegomenis explicationum suarum Catechetiarum, cum de *κερτησις* Christianæ religionis differit, ita differit, vt quasi sui oblitus Catholicis arma suppeditet robustissima, quibus ipse & tota causa nouatorum miserè inguletur. Nam attendat lector, quæ ipse pro religione Christiana contra Iudaicam, Turcicam, Ethnicam adfert argumenta, an non iustissimè à Catholicis contra omnes omnium aduersantium ordines adhiberi & vrgeri queant? Quod vt re ipsa fiat perspicuum, rationes auctoris ordine subducamus.

ARGVMENTVM I.

ZACH. VRSINVS.

Argumenta veritatem ac certitudinem doctrinae Ecclesiae confirmantia, sunt plurima: quorum alia conscientias de veritate conuincunt: ut priora XII. alia etiam persuadent atque conuincunt, ut postremum.

Argumenta 14. pro Catholica, ex ipsa sectariorum Theologia.

Primum est integritas & puritas legis. Impossibile est enim religionem fingentem idola, vel approbantem scelera contra legem Dei, & iudicium rectae rationis, veram & diuinam esse. Atqui omnes religiones praeter eam, quae in sacris literis est tradita, & ab Ecclesia colitur, manifeste illud faciunt. Omnes enim primam legis diuinae tabulam de vno vero Deo, & de huius veri Dei cultu, vel omnino abiiciunt, vel suis mendaciis contaminant: secunda vero aliquam tantum partem de externa honestate, & de officiis ciuilibus retinent, ut supra est dictum. Sola Ecclesia utramque legis tabulam puram & integram secundum scripturam amplectitur. Quare sola Ecclesiae doctrina est vera & diuina.

IVSTVS CALVINVS.

Primum hoc Vrsini κριτήριον, quod pro religione Christiana verum certumque agnoscimus, primum Catholicae Ecclesiae contra nouatores testimoniū praebet: quod sic argumento eiusdem quincō.

B

Vera

Vera Ecclesia proponit integram & incorruptam legem Dei.

Sola Ecclesia Catholica proponit integram & incorruptam legem Dei: non noua.

Ergo,

Sola Ecclesia Catholica, est vera ac germana Dei Ecclesia.

Assumptum pro diuersis membris particulatim à nobis exponendum ac confirmandum est. Primùmque diuinæ legis integritatem, nemo in Catholica desiderare potest.

Sine discrimine enim vtramque legis tabulam vrget, ac scholis Ecclesiisque discendam proponit. Sine discrimine ab omnibus omnino præceptorum obedientiam flagitat, & homini renato per auxilium diuini spiritus possibilem docens, verbis factisque legis auctoritatem tuetur. Sine discrimine omnes legis tabulas, vniuersum veteris ac noui testamenti corpus retinet, atque in culmine sequendæ authoritatis cum maioribus relinquit: quæ omnia in nouatoribus contraria grauissimam reprehensionem merentur. Nam quid inauditæ olim insanix ad Antinomis motum est? qui etsi communes omnium hostes, nouæ tamen fidei progenies fuerunt, nec clementius vllis à Catholicis haberi debent. Sanè non alterutram tantum, sed vtramque legis tabulam fu-

Antinomi.

furiôsè sustulerunt, legem curiæ, Mosen
 furcæ addicentes. Quos etsi grauitè repre- *Lutherus*
 hendit Lutherus tomo 6. fol. 493: & to- *legi in*
 mo 5. fol. 253. tamen idem ipse docuerat *quæ.*
 ante, vel femina grauiſſimi erroris imprudens
 sparserat. Sic enim scribit Tomo 1. VVite-
 berg. folio 189. 190. 200. *Oportet cor huma-*
num legem DEI atque adeo DEV Mipsum
supra modum odisse. Et ibidem folio 201.
quicumque dicunt, se amare legem, mentiun-
tur, & quid dicant nesciunt. Item in libro de
 libertate Christiana: *Christiano, inquit, ne-*
que opera, neque lex necessaria est, quia per fi-
dem liber est ab omni lege. Et in secundum
 caput ad Galat. *Legi mori nihil aliud est, quam*
ad legem non esse obligatum, ab eaque liberum
esse, siue ceremonialis sit, siue moralis, vt ex-
pressè addit in quartum caput ad Galatas.
Clarum est, decalogum solis Iudeis datum, &
non nobis, nec sectarii sine mendacio aliter do-
cere possunt.

Sectarii do-
ctores obli-
que legem
abrogant.

Iam etsi in ista sectæ aliæ non consen-
 tiunt, tamen nec ipsæ illibatam Dei legem
 tenent. Tollunt enim, cùm ab operibus
 eius siue excusantibus, siue accusantibus
 fideles liberos pronunciant, nullumque
 credenti peccatum obesse statuunt. Vnde
 iste dialogismus crebro in ore populi, & do-
 ctorum: *Conscientia dicente peccasti, responde,*
imo peccaui: Ergo Deus puniet & condemna-
bit. Non. At lex hoc dicit. Sed nihil mihi cùm lege.

Lutherus
in 2. cap. ad
Galat.
Caluinus
lib. 3. Instit.
cap 19. §. 2.
 4 7.

Quare? quia libertatem habeo. Quod quàm orthodoxum, quàm purum & defecatum sit, æquus lector videat. Paulus longè aliter, *Rom. 3.* *Legem, inquit, abrogamus per fidē? absit. Imò vero stabilimus.* Et S. Augustinus. *Quis, inquit, ita impius est, ut dicat, se propterea præcepta non servare, quia Christianus sit, non sub lege, sed sub gratia?*

Luth Tom.

2. Ienens. f.

455 & Tomo 6. VV. it.

fol 503.

Matth. 11.

1. Ioan. 5.

Deinde nonne hoc securis in iugulo legis, cum præcepta eius graua, difficilia, atque adeò impossibilia statuunt: contra discretam Christi, & charissimi eius discipuli vocem? Cùm tabulas eius tam miserè discerpunt, plurimosq; veteris testamenti libros è canone eiiciunt? Qua de re alibi commodior dabitur disputandi occasio.

Obiectio, de

præcepto se-

cundo a

Catholicis

sublato.

Sed hic in procinctu stant aduersarii, præceptumque secundum nobis de imaginibus erasum exprobrant: cuius sacrilegii tuendi causa postea decimum in duo diuiserimus: quæ res tanquam grauis momenti silentio hic prætereunda non est.

67

Cæterùm iniuriam faciunt insignem Catholicis, cùm de castrato decalogo quiritantur. Neq; enim præceptum de sculptilibus sublatum est, sed honoratiori à nobis sede constitutum, primoq; tanquam manifesta appendix additum: quod & ratio & maiorum autoritas suadet. Nam quis nescit, vnã eandemq; religionis virtutem, summi videlicet Dei vnus cultum, vtrobique præcipi, & ad idem peccatū sacrilegii transgressio-

gressionem vtriusq; referri? Vnde D. Augustinus appositè: *Reuera*, inquit, *quod dictum est, non erunt tibi dii alii præter me, hoc ipsum perfectius explicatur, cum prohibentur colenda signa.* Et postea. *Quo pertinet, non facies tibi idolum, neq; ullum simulachrum, quacunque in cælo sunt sursum, & quacung; in terra deorsum, & quacung; in aquis sub terra, nõ adorabis illa, neq; seruias illis: nisi ad illud, quod dictum est, non erunt tibi dii alij præter me?*

Iam noni & decimi præcepti distinctionem secundùm Catholicos, etsi quidam non sequuntur, (vt Iosephus 3. Antiquit. cap. 6. & 8. Origenes homilia 8. in Exodum. Ambrosius & Hieronymus in c. 6. ad Ephes. Procopius & Rupertus in cap. 20. Exodi:) tamen alij non minoris autoritatis doctores omnino approbant & confirmant: quemadmodum videre est apud Clementem Alexandrinum lib. 6. Strom. cap. 8. apud Augustinum quæst. 71. in Exodum. & Epistola 119. cap. 11. Et in Psal. 32. Concione 1. Libro de decem Chordis 3. cap. 5. 6. 9. Et communiter Scholasticos in 3. Sentent. distinct. 37. Nec causa distinctionis obscura est. Præterquam enim, quod ipse tenor verborum, vt D. Augustinus notauit, duo ista præcepta distinguit, cum bis concupiscendi vocabulum reperitur: planum est etiam, præceptum decimum latius esse nono, cum hoc vnus speciei, illud vniuersæ rei alienæ concupiscentiam prohibeat: Et vitia ipsa prohibita in

Noni & decimi præcepti distinctio.

genere turpitudinis plurimum differre, cum concupiscentia rei alienæ ad furtum spectet, præceptoque septimo contineatur: concupiscentia autem vxoris alienæ ad fornicationem, & præcepto sexto vetita, propter crebritatem delicti denudè repetatur.

*Catholici
ab idolola-
tria crimi-
ne vindi-
cantur.*

Quocirca de integritate legis diuinæ puri sunt Catholici, & rei potius nouatores, vt vidimus. Puritatem quod attinet, deinceps videbimus, vtra ex parte sit castior doctrina.

*Calvinus
lib. 1. Instit.
c. 11. §. 11. &
c. 12. §. 1. 2.
Centur. Ma-
gdeb. Cent.
1. lib. 2. c. 4.*

Enimuero Catholicis magna hic lis de idololatria mouetur, sed frustra. Neque enim vllum Deum agnoscunt, præter vnum solum & verum Deum, Patrem Domini nostri Iesu Christi, qui fons vitæ & bonitatis solus intimi cordis fiduciam ac reuerentiam sibi flagitat, nec gloriam suam alteri dabit.

*August. 20.
contra Fau-
sum ca. 21.*

Interim colimus martyres eo cultu dilectionis, & societatis, quo & in hac vita coluntur sancti Dei homines, sed illos tantò deuotius, quanto securius, post incerta omnia superata. Imagines verò, quod habemus, ac sanctos amica & familiari prece ad iuuandum nos laceessimus, nulla idololatria, nullum sacrilegium est. Distinguatur fons ab riuulis: Internoscatur rex à subditis, auditor à precantibus: videbis Domino honorem tribui gloriæ, hominibus mercedem gratiæ. Nec finge nunc surdos vel cæcos cœlites. Sanè vident in luce domini prostratos, audiunt clamantes, iuuant deuotos: nesciunt verò eos, quo-
rum

rum opera nesciendo improbant, improbandoque à throno Domini repellunt. Neque imagines sanctorum idola vocares, nisi Copronymum magis patrem, quam Catholicam matrem agnosceres. Iste enim primus decretum fecit, ut sacræ imagines idola vocarentur, & eorum cultores idololatræ. At mater omnium nostrum Ecclesia Synodo 7. sess. 7. *Qui venerandas, inquit, imagines idola appellat, anathema.*

*Imaginis
& idoli
differentia.*

Ac sanè intolerabilis est ista confusio, cum longe aliud sit, facere idolum, aliud similitudinem. Si quis enim quolibet metallo auri, vel argenti, vel ligni, vel lapidis, faciat speciem quadrupedis, vel serpentis, vel avis, & statuatur illam adorandam, non idolum, sed similitudinem fecit: vel etiam si picturam ad hoc ipsum statuatur, nihilominus similitudinem fecisse dicendus est. Idolum verò facit ille, qui secundum Apostolum dicentem, quia idolum nihil est, facit quod non est. Quid est autem, quod non est? species quam non vidit oculus, sed ipse sibi animus fingit, verbi gratia, ut si quis humanis membris caput canis aut arietis formet: vel rursus in uno hominis habitu duas facies fingat &c. idcirco hac sciens Apostolus dicit: quia idolum nihil est in mundo. Eodè modo Oecumenius & Theodoretus idolum & imaginem distinguunt: ut imago sit rei alicuius possibilis similitudo: idolum verò rei minimè subsistentis nec possibilis simulachrum. Quanquã secundum Sanderum, *Omne id quod, vocatur idolum, & etiã imago.*

Origen. homil. 8. in Exodum.

Oecum in 1. Cor. 8. Theodoret. q. 38. in Exod. Vazquez lib. 2. de ador. diff. 1. cap. 1. Sanderus lib. 1. de

si rem subsistentem representet, non tamen ea ratione, quæ illi secundum naturam aut gratiam inest. quemadmodum imago Veneris aut Saturni, quæ illos tanquam deos deasue repræsentat, cum illud neque natura neque gratia fuerint. In quam acceptionem consentit quoque Augustinus, Tertullianus & Euthimius. Sed benè monent authores, latiori quoq; significatione idoli vocabulum vsurpari, pro omni eo, quod non est Deus, & tanquam Deus colitur, siue sit imago & simulachrum, siue res alia quæcunq; , quia adoratione huiusmodi idololatriæ crimen cõtrahitur. At imago est similitudo alicuius exemplaris veri, quæ si rem dignam veneratione repræsentet, cum ipso exemplari, suo modo honorari potest.

Quare integritatem ac puritatem legis in Catholica factam rectam esse, liquidò demonstrauimus. Vnum enim Deum & trinum, proculcatis omnibus idolis, diuino cultu solum prosequitur; scelera contra rationem & legem admissa, seuerissimè quantum potest, plectit & prohibet: de omnibus Christianæ fidei articulis, prout à scriptura, & sanctis patribus conciliisq; edocta est, rectè sentit atq; loquitur; nullâ superbiâ tumida, nullâ pernaciâ turbulenta, nullâ nouitate corrupta, quemadmodum apud nouatores videre est.

Illi enim etsi verbotenus scelera nulla præcipiunt, & non nisi vnū verū Deum se colere pro-

August. li. 6. quest. 6. rer. Testa.

quest. 41.

Tertul. lib. de idol. cap.

4 Euthim. in Panopli.

tit. 23.

Vazquez. lib 2. de

adorat. dist.

put. 1. cap 3

Antithesis

doctrinae

aduersa-

riorum.

re profitentur, tamen fidei suæ vanitate ac falsitate ab illo vno Deo tãto perè aberrant, vt meritò Deum factis negare, atque idolum cerebri sui colere dicantur. Quod etsi alij *Philippus Nicolus.* acerbius vehementiusq; ostendere conati sunt: tamen nos maledicentiam aduersus hostem etiam improbantes, paulò maiori modestia & humanitate demonstrare aggrediemur, capitibus quibusdam doctrinæ in medium adductis, quibus admiranda Dei puritas quasi labe aspersa maculari, deque gloriæ suæ solio deturbari videtur.

Primùm enim quale illud est, quod Calvinus cum sua schola asserere non dubitat, Deum, quem scriptura dicit iniquitatè nolle, omnesque qui ab eo fornicantur, odisse, peccata non tantum permittere, sed velle etiam fieri, quæcunque fiunt ab hominibus sceleratè? sic enim i. Institut. cap. 18. §. 1. *Ab-
surdum* inquit *videtur, volente ac iubente Deo excacari hominem, qui mox cecitatis suæ pœnas daturus est. Tergiuersando itaque effugiunt, Dei tantum permissu non etiam voluntate hoc fieri. Ipse verò palam se facere pronuncians, effugium illud repudiât. Et in libro de æterna Dei prædestin. pag. 944. Hinc certè iam colligere promptum est, quam inane & fluxum sit illud diuina iustitiæ patrociniûm: quæ mala sunt, non eius voluntate, sed permissu duntaxat fieri. Et pag. 946. Ergo cum iusta de causa licet nobis ignota, à domino procedant, quæ sceleratè ab hominibus maleficia perpetrantur*

etiamsi rerum prima causa sit eius voluntas, peccati tamen eum esse authorem nego. Theologiam miram! Deus author peccati non est, & tamen voluntate ac iussu eius homines mox mactandi excæcantur. Quasi verò permissionis voluntas voluntatē peccati eunecat: cūm utiq; volens permittere possim id, quod fieri nolo, factumq; contra ius fasq; libera voluntate, punire constitui. Nec vsquā se facere Deus peccatū testatur, nisi quatenus est causa rerum generalis & indifferens, quæ nullā particulari agenti necessitatē affert, sed ab ea potius liberē ad hāc vel illam facti speciē determinatur: quemadmodū solis influxus ad maturitatē & putredinē, ad mollitiem & indurationē, pro diuersi subiecti ratione.

Deinde nunquid hoc ad veri Dei purissimam facit naturam, quod porrò addit Calvinus, non solūm velle eum fieri, sed etiā ab
 // omni æternitate decreuisse vt fierent, quæ-
 // cunq; fiunt ab hominibus peccata: inprimis-
 // que hominis primi lapsum, quem ab omni
 // æternitate voluerit & decreuerit, non ante præuisa determinatione humanæ voluntatis, sed ex mero & absoluto beneplacito, aded vt Adam necessitate quadam lapsus sit, neq; lapsum euitare potuerit. Calvinus 3. instit. cap. 23. §. 7. *Disertis verbis hoc extare negant, decretū fuisse à Deo, ut sua defectione periret Adam, quasi vero idem ille Deus, quē scriptura predicat facere, quæcunq; vult, ambiguo fine condiderit nobilissimā creaturam. Et paulo post. Decretū*

quidem horribile, fateor: inficiari tamen nemo potest, quin præsciuerit Deum, quem exitum esset habiturus homo, antequam ipsum conderet, & ideò præsciuerit, quia decreto suo sic ordinauerit. & §. 8. Cadit homo Dei prouidentia sic ordinãte. & §. 9. Excusabiles peccãdo haberi volunt reprobi, quia enadere nequeãt peccandi necessitatem, præsertim cū ex Dei ordinatione sibi inuiciatur huiusmodi necessitas. Sic in libr. de æterna Dei prædest. pag. 906. Ad iustã hominis damnationem satis erat, in via salutis cūm esset collocatus, inde spontè excidisse. At fieri aliter non potuit. quid tum? an ideò culpa liberatur, quæ tota in eius voluntate residet?

Pròh Deum immortalẽ, quid horribilius? Dominus Deus misericors & lōganimis, qui non vult mortem peccatoris, sed omnes vult saluos fieri, ille non præuidit solùm lapsum hominis, sed præordinauit quoq;, vt necessariò fieret, atq; ab homine euitari nõ posset. quis vnquã Christianus hoc sensit? Augustinus lōgè aliter, Deus inquit ordinator & creator omnium rerum naturalium: peccatorũ autem tantum non ordinator. Et alibi. Omnes naturas atq; substantias, quæ nõ sunt quod tu es, & tamen sunt, tu fecisti: & hoc solum a te non est, quod nõ est, motusq; voluntatis a te, qui es, ad id quod minus est, quia talis motus delictum atq; peccatum est. Et quod nullius peccatum, aut tibi nocet, aut perturbat ordinem imperii tui, vel in primo, vel in imo. Præuidit ergò sanè Deus; hominẽ a se in isto statu condendũ, lapsurum: sed

August. i.
confess. cap.
10.

August. 12.
confess. cap.
11.

sed non ut laboretur, præordinavit: nec aliter prævidit, quàm lapsus est, liberâ scilicet voluntate, nullo occulto impulsu aut inspiratione, aut infallibili necessitate. Et quoniam visio illa Dei simplex decretum præcessit, sanè admissurum se lapsum hominis decrevit, verùm haud aliter, quàm quomodo futurum præviderat: non præordinatum à se, sed à liberrima hominis voluntate contingenter conceptum. Quod autem contingentia etiam certò prævidet Deus, exquisitam eius naturam arguit, non creaturarum necessitatem.

Tertiò adhuc grauius in naturam veri Dei impingit Caluini schola, cùm insuper Deum imperare Satanæ atque improbis statuit, ut maleficia cõcipiant, eosq; ad hoc inclinare, impellere, cogere ac trahere. Aretius in caput 1. ad Romanos, & in problematibus, loco de tentatione, Calvinus itidem 1. institut. cap. 17. §. 11. *Verum ubi in memoriam reuocant, diabolum totamque improborum cohortem sic omnibus partibus manu Dei tanquam freno cohiberi, ut nec concipere vllum aduersus nos maleficium, nec conceptum moliri, nec ad perpetrandum, si maximè moliantur, digitum mouere queant, nisi quantum ille permiserit, imò nisi quantum ille MANDARIT: nec compedibus tantum eius teneri ligatos, sed etiam ad obsequia præstanda freno cogi: habent unde se prolixè consolentur. Nam ut domini est eorum FVROREM ARMARE, & conuertere, destinareq;*
quo

quò libuerit, &c. Ibidem cap. 18. §. 2. de sceleribus Assyriorum: *apparet certa destinatione Dei fuisse impulsos.* & §. 4. *Homo in isto Dei impulsu agit, quod sibi non licet.* Zuinglius termine de prouidentia cap. 6. *Nec dicet quisquam, innocens igitur est latro: Deo enim impulsore egit. Nam contra legem peccauit. At inquires, coactus est ad peccandū. Permitto inquam, coactum esse, sed in hoc, ut & alter transferretur, & alter cruci adfigeretur.*

Heu fatum! cogit Deus homines ad peccandum, operatur in mentibus eorum, ut maleficia concipiant: & peccantibus tamen tam graues pœnas irrogat. Quis hoc de numine optimo sibi persuadeat? Sanè verum est, refrenare sæpius Deum maligna impiorum consilia, eosque à sceleribus exequendis prohibere, ne furore suo pios conculcent: sed ut maleficia indat mentibus, *vacantes quasi aliquò trahat, inclinet, & flectat, quocūque sine bono, aut malo, nulla unquam religio vel mutire ausa est.* Longè aliter Paulus, *Non sunt facienda mala, ut eueniant bona.* Nec cum scriptura vspiam præcipere Deum improbis dicit, tam asperè mandati voce utitur. Præcipit pœnam Dauidi ad correctionem; non præcipit maledictum Simei ad reatum: nec aliter nisi finendo & gratiam subtrahendo præcipit, cum iustè peccatis hominū propria voluntate conceptis ad iustitiæ vindictam utitur.

Sed pergunt aduersarii, suamque de Deo fidem

fidem latius explicant, operari Deū in mentibus hominum impiorum nō generali tantum, sed speciali quoq; motione, & per eos tanquam per sua instrumenta velut primariam causam agere, quæ respectu hominum dicuntur, & sunt verè peccata. Calvinus lib. 1. Instit. cap. 18. §. 1. *quod autem nihil efficiant homines, nisi arcano Dei nutu, nec quicquam deliberando agitent, nisi quod ipse iam apud se decreuit, & arcana sua directione constituit, innumeris & claris testimoniis probatur.* Et §. 2. *à Deo ipso manat efficacia erroris, ut mendacis credant, qui rennuunt parere veritati.* Et libr. 2. Instit. cap. 4. §. 2. *Omitto hic uniuersalem Dei motionem, unde creatura omnes ut sustinentur, ita efficaciam quiduis agendi ducunt.* De illa SPECIALI ACTIONE tantum loquor, quæ in unoquoque facinore apparet. Idem ergo facinus Deo, Satanae, homini assignari, videmus non esse absurdum.

Beza in responsione ad Sebast. Castalionem de æterna Dei prædestinat. aphorismo 22. *Sic autem agit per illa instrumenta (mala) ut non tantum sinat illa agere, nec tantum moderetur euentum, sed etiam excitet, impellat, moueat, regat, atque adeò, quod omnium maximum est, etiam creet, ut per illa agat, quod constituit.*

Quod quid aliud est, quàm manifestè Deum, & quidem solum (quod sine horrore dicere non possūm, nec in vlla ciuitate dici

dici debere, gentes ipsæ agnouerunt) peccati authorem constituere? Nam si impij sunt instrumenta Dei in facinoribus malis: & verum est, quod ipsi Calvinistæ nobiscum fatentur, *quod ab administra vel instrumentali causa factum est, id causa principali imputari, & acceptum ferri: vt 2. Sam. 12. v. 9. cum ait Propheta Nathan Dauidi, Vriam Chittæum percussisti gladio, vt uxorem eius assumeres tibi in uxorem. Nam occidisti eum gladio Ammonitarum: Quis ita cæcus est, quin omnia vniuersi mundi grauissima scelera in vnum Deum authorem refundenda cognoscat? Quod ita clarè ex prædictis hypothsibus sequitur, vt Zuinglius ipse abnuere non potuerit, nec voluerit. Vnde eius tam præclara vox in sermone de prouidentia cap. 5. Porro iniustitiam in sese nobis ostendere numen cum nullaratione posset, vt quod vndique verum, bonum, sanctum naturâ sit, per creaturam iniustitie exemplum produxit. Non quasi illam creatura suo Marte produxerit, qua nec est, nec viuit, nec operatur sine numine, sed quod NUMEN IPSVM AVTHOR EST EIVS, QVOD NOBIS EST INIVSTITIA, ILLI VERO NULLATENVS EST. O inconsideratam vocem! quis vquam tam ferox aut vecors est populus, qui vel in medijs Idolomania tenebris hoc vnquam asserere aufit? Non verum Deum colunt, qui sibi tale numen imaginantur: sed horrendum idolum humani cerebri*

*Amianthus
Polanus li.
1. logica
pag. 12. &
13.*

bri, quo & religio omnis, & virtus, & quicquid vsquam sacrum sanctumque est, vno quasi ictu prosternitur, & pedibus conculcatur.

ARGVMENTVM II.

ZACH. VRSINVS.

Euangelii congruentia cum iustitia Dei. II. *Euangelium ostendens exitum & liberationem à peccato & morte. proculdubio enim ea doctrina & religio, qua modum euadendi ex peccato & morte citra violationem iustitiæ diuinæ ostendit, & firmam consolationem de vita æterna conscientis præbet, vera est & diuina.*

IVST. CALVINVS.

Alterâ hac notâ ex Euangelio desumptâ quod citra vllam diuinæ iustitiæ violationem exitum & liberationem à peccato & morte ostendat, non minus protestantium doctrina erronea, quàm Catholica vera demonstrabitur. Nam quia salus hominis in iustificatione consistit, eaque à Catholicis ita distinguitur; quod propter sufficientissimum Christi *λύτρον* in Baptismo quidem plenissima omnium debitorum remissio fiat, sine vlllo interueniente hominis merito, ex sola Dei in Christo gratia: quod etiam ibidem noua homini dona ac virtutes diuinitus ad nouam vitam infundantur; quæ neglecta postea, minusque ad pugnam exercita denuò

denuò hominem reum faciant offensæ Dei, à qua pœnitentiæ Sacramento restaurandus 3. & de nouo quasi saluandus est, aliter tamen quàm antea, interueniente nimirum propter admissæ culpam negligentia, ipsius hominis dolore ac contritione, confessione quoque, & explicatione debita temporalis mulctæ, quæ remissa propter Christum gratis, etiam sine vlllo hominis merito, pœna æterna, & reconciliata Dei gratia, luenda tamen superest: nulla hic nobis diuinæ iustitiæ perturbatio obiici potest. At illi enormiter in diuinam iustitiam impingunt, dum eandem iustificationis in Baptismo, & pœnitentiæ Sacramento rationē statuunt, vtramque nudè sine vllius operis interuentu, fide sola fieri contendentes. Quam sententiam D. Chrysostomus refellit lib. 3. de sacerdotio, & Cyrillus lib. 12. in Ioannem cap. 56. & Clemens Alexandrinus apud Eusebium lib. 3. historiæ cap. 17. vbi manifestè duos illos remittendi modos distinguunt: & ad hunc *Sess. 13. cap. 18.* posteriorem lachrymas, orationes, ieiunia flagitant. Qua de causâ rectè Concilium Tridentinum. *Diuina inquit iustitia ratio exigere videtur, vt aliter ab eo in gratiam recipiantur, qui ante Baptismum per ignorantiam deliquerunt, aliter vero, qui semel à peccati & demonis seruitute liberati, & accepto Spiritus Sancti dono scientes templum Dei violare, & Spiritum Sanctum contristare non formidauerint.* Cuius rei causam manifestè satis indicat

Dominus Lucæ 12. *Servus qui cognovit voluntatē Domini sui, & non preparavit, neque fecit secundum voluntatem eius, vapulabit multis.*

ARGUMENTVM III.

ZACH. VRSINVS.

Antiquitas
246

III. *Antiquitas huius doctrina, quæ reperitur vetustissima. Sola enim Ecclesia doctrina in scripturis tradita, originem suam ad ipsum Deum referre potest, & propagationem continuam ac certam inde ab initio mundi ostendere. Alias verò religiones omnes aliis temporibus, post illam exortas ac recentiores esse, collatio historiarū, totius mundi, cum historia sacra ostendit. Cum igitur antiquissima religio haud dubiè sit verissima (primam enim religionem homines à Deo acceperunt) sequitur, Ecclesia doctrinam solam veram & diuinam esse.*

IUST. CALVINVS.

Tertia hæc nota, Antiquitas, latum nobis dicendi campum aperit. Sed nolumus esse in re manifesta prolixi. Summa est, antiquissimam doctrinam esse verissimam. Sicut enim Deus prior est diabolo, & Ecclesia prior hæresi: sic Catholica doctrina tempore & auctoritate omnes omnium hæreticorum larvas exsuperat. Et possumus per Dei gratiam facile originis nostræ initiū ad ipsum Christum, per intermediam successionem, atque omnium ordine seculorum consensum, referre

ferre: cùm de hæreticis quibuscunque huius seculi certum sit, vbi, quo tempore, qua occasione, quibus auctoribus nati atque educati sint, quamque dubio passu huc vsque suum curriculum deduxerint. Lutherus tuba huius sacri belli, anno 1517. sonare cœpit. Sectatores suæ doctrinæ inuenit multos, sed paucos Præceptores. Hunc insecuti Zuinglius & Calvinus, totaque illa seditiosorum familia, qui etsi magnoperè professionis suæ antiquitatem prædicant, quod sit Catholica, quod Apostolica, quod Orthodoxa: nullo tamen vinculo intermedij consensus cum Christo & Apostolis eam connectere possunt. Alioqui quæ illos intemperies ad tantum patrû contemptum impellere posset? Veræ enim doctrinæ propagatio per legitimos fit pastores & Episcopos, ab Apostolis per legitimam successionem & ordinationem descendentes: quibus quia nouatores certissimè destituuntur, meritò illis cum Tertulliano insultabimus: *posterior de præscrip. nostrares non est, imò omnibus prior est: hoc erit testimonium veritatis ubique occupantis principium. Ita ex ipso ordine manifestatur, id esse Dominicum & verum, quod sit prius traditum. Id autem extraneum est & falsum, quod sit posterius immisum.* Et ibidem. *Edue origines Ecclesiarum vestrarum, euoluite ordinem Episcoporum vestrorum, ita per successionem ab initio decurrentem, ut primus ille Episcopus aliquem ex Apostolis vel Apostolicis viris habuerit authorem*

Et antecessorem. Hoc enim modo Romanorum Ecclesia Clementem à Petro ordinatū refert, &c.

Propterea frustra non est, quod in linea illa successionis recitanda, tam studiosi fuerunt sancti Patres. Irenæus lib. 3. cap. 3. enumerat omnes Episcopos Romanos à Petro ad Eleutherium vsque, ac dicit, *per hanc successionem confundi omnes hereticos.* Eusebius in historia & in chronico: nec non Hieronymus ac Prosper in eiusdem chronici continuatione idem diligentissimè præstiterunt.

Optatus Mileuitanus lib. 2. contra Parmenianū, simili instituto enumerat omnes Romanos Pontifices, à S. Petro ad Syricium vsque, qui tunc sedebat: Et sanctus Augustinus à Petro ad Anastasium vsque: concludens alibi. *Numerate sacerdotes vel ab ipsa sede Petri, & in ordine illo patrum, quis cui successerit videte. Ipsa est petra, quam non vincunt superba inferorum porta.*

Quid iam de Luthero, Caluino, & similibus? Rectissimè in illos quadrabit istud Cypriani: *In Ecclesia non est Novatianus, neq; Episcopus computari potest, qui Apostolica traditione contempta nemini succedens, à se ipso ordinatus est.* Et in fine. *Aut pastor haberi quomodo potest, qui manente vero pastore, & in Ecclesia Dei ordinatione succedanea presidente, nemini succedens, & à se ipso incipiens, alienus fit & prophanus.*

At nostra, inquit, doctrina nihilominus antiqua & Apostolica est, etiamsi per istam succes-

*August. e-
pist. 165. ad
Generosum
In Psalmo
contrapara-
sem Dona-
vi.*

*Cypr. lib. 1.
epist. 6.
57*

*Calvinus
prefat. 10-*

succef-

successioneſ pompam non fuerit ad nos pro-
 pagata. Illud enim Antichristi Tyrannide fa-
 ctū est, qua pressa Ecclesia caput erigere non
 potuit. Interim in mediis tenebris semper
 aliquos conseruauit Dominus, qui rectè cre-
 derent, & publicis etiam erroribus reclama-
 rent. At inquam ego, semper ne pressa fuit
 Ecclesia uestra ab Apostolorum tempore, an
 aliquando erecto capite stetit? Si hoc uultis,
 ostendite vllius seculi doctores, qui vobiscū
 faciant, & vestros ritus institutaque similiter
 tenuerint? Quod si facere possētis, non tot
 vobis scopuli & naxi in patribus quibuscun-
 que viderentur. Magdeburgenses certè Cen-
 turiatores, in omnium centuriarum quarto
 capite circa finē, vel inuiti annotant, qui au-
 tores nostra dogmata defenderint: vel poti-
 us quàm constanter & publicè ab omnib.
 religio Catholica defensa fuerit. Vestra autē,
 quod vnquam ab orthodoxis defensa fuerit
 doctrina, Illyricus quidem magno opere de-
 monstrare conatur: sed pueriliter & frustra,
 vt infra audiemus. Quod si illud magis pla-
 cet, cogitate quàm iniurii sitis veritati, quàm
 iniurii promissionibus Christi, qui nunquam
 portas inferorū præualituras Ecclesiæ suæ di-
 xit. Quod si enim tot annorum centurias sub
 Antichristi iugo detenta fuit captiua Ecclesia;
 quod si in penentralibus & angulis cōtinuò la-
 tuit, quomodò nō præualuerunt portæ infe-
 rorū? quomodo non miserior Christianorū,
 quàm ipsorum Iudæorum conditio est, qui

*fitur. ad
 Regem Gal-
 lia.*
*Centuria-
 toros.*

& olim in Veteri Testamento publici cultus splendore viguerunt: & hodie semper aliquibus conuenticulis solennitates suas celebrare potuerunt, vt taceam *Ecclesiam sine pastoribus & sacerdotibus consistere non posse*: quemadmodum rectè B. Hieronymus contra Luciferianos asserit: neque etiam sine confessione: quæ si non publica sit, ne confessio quidem erit. *Corde enim creditur ad iustitiam, ore fit confessio ad salutem.*

Rom. 10.

Neque hic nobis scripturam vel Apostolos ingeminate: quæ vana gloriatio est: cum in eo ipso controuersia cardo vertatur, vtrum malè vel benè scripturas Canonicas interpretemini: qua de re postea vberius.

ARGVMENTVM IV.

ZACH. VRSINVS.

Miracula.

IV. *Miracula, quibus Deus inde ab initio mundi hanc doctrinam confirmauit, & qua diabolus non potest imitari, ne per speciem quidem, vt sunt suscitatio mortuorum, status & regressus solis, diuisio maris & fluminum, partus virginis & similia. Quæ cum solius Dei sint opera, ad confirmandam Prophetarum & Apostolorum doctrinam edita: Deus verò mendaciorum testimonium non perhibeat: doctrinam eam à Deo profectam & verissimam esse euincunt.*

IVSTVS CALVINVS.

Non minus hæc nota, quàm præcedentes doctrinæ.

doctrinæ Catholicæ sinceritatē, & sectariæ
 falsitatem coarguit. Et si enim verū agnosci-
 mus illud Augustini, *necessaria fuisse miracu- lib. 22. de*
la, priusquā crederet mundus, ad hoc, ut crede- ciuit. De
ret mundus: ut qui nunc adhuc prodigia, ut cre- cap. 8
dat, inquit, magnum sit ipse prodigium, qui
mundo credente nō credit. Christus enim primo
afferens medicinā, quæ corruptissimos mores sū- August. l. 1.
natura esset, miraculis conciliauit auctoritate br. de d. di-
auctoritate meruit fidem, fide contraxit multi- ta. e. cre. 10.
tudinem, multitudine obtinuit vetustatem, ve- di. c. p. 14.
tustate roborauit religionem: quam non solum
hereticorum ineptissima nouitas fraudibus a-
gens, sed nec gentium quidem veterinosus error
violenter aduersans, aliqua ex parte conuelle-
ret: tamen quemadmodum olim Apосто-
lis prædicantibus cooperatus est Dominus, eo- Marc. 16.
rumq; sermonem sequentibus signis confirmauit:
 sic nunquam Ecclesiæ Catholicæ virtutes &
 signa defuerunt, quibus increduli ad fi-
 dem conuerterentur, & doctrinæ puræ di-
 uinitas comprobaretur. Magdeburgenses *1161.*
 ipsi singulis centuriis capit. 13. vel inuiti ex
 historiis annotant, quibus singula sæcula a-
 pud Catholicos miraculis claruerint. Quæ
 quamuis audacter pro dæmonum illusioni-
 bus, vel falsis narrationibus respuant & con-
 demnent: tamen nihil argumenti, præter o-
 pinionem suam adferunt, & quod Lutheri
 Zuingliuæ Euangelio aduersentur. At val-
 dè iniquum est, seræ potius impudentiæ,
 quàm prisæ & admirandæ vetustati crede-

re. Quæ si ratio inualeſcat, omnium libro-
rum fides peribit, neque vllius authoris hi-
ſtoria certam merebitur fidem: quemadmo-
dum rectè olim Auguſtinus paganis mira-
cula Chriſti & Apoſtolorum negantibus re-
ſtitit. Quod verò dæmonum præſtigiis an-
numerant Catholica miracula, vetus blaſ-
phemia eſt Scribarum & Phariſæorum, qui
Dominum quoq; per Beelzebub demonia eiice-
re criminabantur. Et Pagani olim Martyres
ob miracula Magos & Necromantas voca-
bant: nec minus ipſi quoq; hæretici Catho-
licorum miracula multis nefariis calumniis
inceſſebant: quemadmodum Hieronymus
& Ambroſius teſtantur.

lib. 10. de ci-
uit. Dei.
cap. 18.

Matth. 12.

Hierony-
mus contra
Vigilant.

Ambroſ. ſer-
mone de
ſſ. Gerua-
ſio & Pro-
taſio.

2. Theſſ. 2.

de Unitate
Eccleſiæ
cap. 19.

Lege lector
ſicut caput,
ſapies me-
lo us.

Non expec̄to nunc, vt Antichriſti futura
miracula recenſeant: quæ ſi valdè vrgent,
totum ſuum argumentum eneruant, & ab
Apoſtolo diſertè falſa & mēdacia nuncupari
ignorant. Nec aliter Auguſtinus Donatiſta-
rū mira reiicit, quàm quod vel occulta in vi-
ſionibus, vel mendacia, & extra Eccleſiam ef-
ſent: quæ ipſi tā nota omnibus videbatur eſſe
debere, vt etiā ſcribere auderet, *quæcunq; ta-*
lia in Catholica ſiūt, ideo ſunt approbanda, quia
in Catholica ſiunt, nō idco ipſa manifeſtatur Ca-
tholica, quia hæc in ea ſiūt: quæ tamē cū grano
ſalis accipiant aduerſarii, ne ſuas ipſi oues fla-
geliēt. Nam alioqui plurimi feciſſe Auguſti-
nū miracula patet ex libro eius 22. de ciuitate
Dei, vbi contra Paganos plurima miracula ad
reliquias ſanctorū, Stephani in primis proto-
martyris,

martyris, facta commemorat. Et in libro de utilitate credendi ad Honoratum, nec non contra epistolam Fundamenti. cap. 4. dicit, *se in Ecclesia vinculis miraculorum teneri.*

Quod si hodie nobis defectum miraculorum opponant, respondebimus cum S. Augustino, *Talia illo tempore facta esse, quo Deus in vero homine, quantum sat erat hominibus, apparebat: nunc autem non fieri, quia non mouerent, nisi mira essent, & si solita essent, mira non essent.* Et tamen vt obturetur os Scribarum & Phariseorum, etiam hodie nonnulla fiunt. Exorcismos creberrimos quis ignorat? publicis literis proclamati sunt. Nationes memoriarum nemo negat, nisi haeretica larua indutus. Noui orbis miracula ita testata sunt, vt ne ipsi quidem hostes sine rubore inficientur.

Quæ autem protestantium sunt miracula? Lutheri, Caluini que portenta iam in admiratione scilicet omnium. Curantur obsessi, excitantur mortui, nec tamen vsquam conatus reliquit effectum. Vt rectè concludamus cum Tertulliano: *Si alium Deum predicant, cur eiusdem rebus & literis vtuntur, contra quem predicant: si eundem, quomodo aliter? alioqui probent se novos Apostolos, dicant CHRISTVM iterum descendisse, iterum ipsum docuisse, iterum crucifixum, iterum mortuum, iterum resuscitatum. sic enim Apostolus solet facere, dare illis praterea virtutem, eadem signa edendi, quæ & ipse. Volo igitur &*

De Utilitate credenda cap. 16.

Vide Stapletonum prompt. moral. parte 1. p. 63. 64.

Surius & Hieronym. Bolsec. in Vita Calvini.

De prescri. aduers. hor. cap. 30.

virtutes eorum proferre, nisi quod agnosco maximam virtutem eorum, qua Apostolos in perversum emulantur. Illi enim de mortuis viuos faciebant, isti de viuis mortuos faciunt.

ARGVMENTVM V.

ZACH. VRSINVS.

Prophetia.

V. Oracula & predictiones rerum futurarum euentibus comprobata. Eiusmodi plurima in utriusq; Testamenti libris continentur, & celestem eorum originem euidenter confirmant, cum oracula vera edere Dei sit proprium.

IVST. CALVINVS.

Hanc ipsam quoque notam præcedenti affinem in Catholica Ecclesia demonstrare, apud hæreticos ne inuenire quidem possumus. Quid enim vnquam veri prædixit Lutherus, Zuinglius, Calvinus, & similes Prophetæ Euangelici, per quos non potuit stare verum de præteritis, nedum innotescere verum de futuris? Lutherus aliquando vini plenus, inflatis buccis prædixit, si prædicatio eius pauculos durare annos posset, ad internecionem Papatum periturum, nec vllum templi vel altaris vestigium remansurum. Sed quàm verè, euentus comprobauit. Prædicat potius illud cum Caluino, posteritatem tandem fraudes nouatorum sensuram, & antiquis viis instituram: habebit vaticinio suo indies per Dei gratiam in omnibus ditionibus respondentem euentum.

Simile habet. Tom. 6. VVit. fol. 432. p. 1.

Calvinus præfat. ca. rechefecs.

Luth. Tom. 1. VVit. f. 285. p. 2.

At Catholicis hoc quoque Christianæ fidei insignem nunquam defuit. Præter eos enim, qui primis quingentis annis vaticinati sunt, vt Agabus, Gregorius Thaumaturgus, Antonius, Abbas Iohannes: posterioribus quoque seculis, quæ ob Pontificum authoritatem suspecta habentur, verissimi quidam prædictores futurorum fuerunt: S. Benedictus apud Gregorium lib. 2. dialog. cap. 15. S. Bernhardus in vita ipsius lib. 4. cap. 3. S. Franciscus in eiusdem vita, & multi alii diuersis seculis. Quo dono deinceps Ecclesiam suam perpetuo ornaturam dominum confidimus: cum certæ sint illæ promissiones Ioëlis. 2. & Actorum 2. nec nascenti demum, verum etiam crescenti maturæque Ecclesiæ factæ.

*Act. 11.
Basilius de
spiritu san-
cto cap. 29.
Athanas.
in vita S.
Antonii.
August. lib.
5. de ciuit.
Dei cap. 26.*

ARGVM. VI.

ZACH. - VRSINVS.

VI. Consensus partium doctrine Ecclesie. Doctrina enim sibi contraria, non est vera nec diuina, cum verum vero consonet, & Deus sibi non contradicat. At præter solam propheticam & Apostolicam doctrinam religiones alie omnes a se ipsis & inter se variè dissident, etiam in fundamento & præcipuis capitibus. Sola igitur Ecclesie doctrina vera est & diuina.

Præclara iterum nota & utilis ad omnis spiritus diiudicationem : nec ad religionis magis Christianæ contra incredulos confirmationem, quàm ad hæreticorum fluxam & fragilem fidem condemnandam. Nam quod

*Lib. 3. mo-
valium ex-
positi. in lob.
cap. 19.*

S. Gregorius de hæreticis scribit, *habere eos hoc proprium, quod in eo gradu, in quo de Ecclesia exeunt, diu stare non possint, sed ad deteriora quotidie ruant, & sentiendo peiora in multis se partibus scindant, atque à semetipsis plerumque longius confusionis suæ altercatione diuidantur*: id tam dextrè hisce hominibus competit, vt nemini dexterius. Primùm enim quis varias variorum sectas recenseat? quis germinantes adhuc hodie puluerulentarum arborum ramos commemoret? Sectæ plurimæ sunt, nec tamen vlla secta est, quin iterum in minutissimas partes dissecta: quemadmodum Augustinus olim de Donatistis & Maximianistis conquestus est.

Iam reformatorum ipsorum, quæ secum domestica pugna sit, paulo accuratius commemorare libet. Turpissimam inconstantiam varia variarum editionum exemplaria produunt.

Lutherus in assertione articuli 36. summam rerum suarum in doctrina de arbitrii seruitute constituit, aitque: *In cæteris articulis de Papatu, de conciliis, de indulgentiis, aliisque non necessariis nugis, ferendam esse leuitatem*

tem & stultitiam Papa & suorum. Sed in hoc articulo de seruitute arbitrii, qui omnium optimus, & rerum suarum summa sit, dolendum ac flendum esse, miseros sic insanire.

Et in libro aduersus regem Angliæ iactat, adeò se certum esse de sua doctrina, ut si quis aliter doceat, aut damnet, quæ ipse scripserit de fide, de operibus, de libero arbitrio, & similibus, is damnet Deum, atque oporteat eum filium gehenna manere.

Nunc videamus, quàm in hoc doctrinæ suæ capite constans fuerit. In assertionem articuli 36. loquitur: *Liberum arbitrium est figmentum in rebus, & titulus sinere, quia nulli est in manu quippiam cogitare boni, vel mali, sed omnia (ut VViclefi articulus Constantiæ damnatus rectè docet) de necessitate absoluta eueniunt. Quod & Poëta voluit, quando dixit, certa stant omnia lege. Et Christus Matth. 6. Folium arboris non cadet in terram sine patre vestro. Et infra. Non est dubium Satana magistro in Ecclesiam venisse hoc nomen, Liberum arbitrium.*

Vbi apertè Lutherus simpliciter liberum arbitrium in omnibus rebus tollit, iuxta hæresin VViclefi, ideoque etiã nomen liberi arbitrii damnat. Ex quo factum, ut & librum aduersus Erasmus inscripserit, *De seruo arbitrio*. Iam aduerte, quàm se firmum in hac statione præstiterit. In libro de visitatione Saxonica, posterius scripto, in articulo de Libero arbitrio, hanc cantilenam canit:

nit: *Multi de libero arbitrio indiscretè loquuntur* (intellige ipsum Lutherum, Philippum, & alleclas eorum qualescunque) *idcirco hanc breuem informationem adscripsimus: Homo habet ex propria virtute liberum arbitrium, ad faciendum & omittendum opera externa, per legem & pœnas adactus. Quapropter potest & secularem probitatem, & bona opera facere, ex propria virtute à DEO ad hæc data & obtenta. Paulus enim vocat eam iustitiam carnis, hoc est, quam caro aut homo ex propria virtute facit. Si ergo operatur homo ex propria virtute ullam iustitiam, utique habet electionem & libertatem, & fugiendi malum, & faciendi bonum. Ibidem. Voluntas humana est vis libera, ut facere possit iustitiam carnis, seu iustitiam civilem, ubi lege & vi agitur, ut non furari, non occidere, mœchari, &c.*

En constantiam Lutheri? Homo liberum arbitrium nusquam habet, & tamen alicubi habet: quæ ipsa quoque Philippi mutabilitas fuit, ut Bellarminus in hac disputatione demonstravit. Quare si austeriores nos iudices causæ huius præstare vellemus, utrumq; suo gladio iugulare, & horrendis diris ad ipsa tartara deuouere possemus. Sed ad alia properamus.

Hominum ipsorum cothurnos versatiles vidimus: Nunc doctrinæ genium exploremus, quàm arctè inter se partium singularum vincula cohæreant.

Primum profitentur omnes, se nobiscum credere Deum omnipotentem. Et tamen Calvinistæ negant, *Deum ulla vi efficere posse, ut corpus Christi sit realiter presens in Sacramento.* quæ manifesta antilogia est. Qui enim omnia potest, plus & ultra quàm sensus & cogitationes nostræ capiunt, quare hoc non possit, quod promisit? Nec magis cum natura veri corporis pugnat, verè in Sacramento inuisibiliter & illocaliter esse, quàm amisso pondere aquis inambulare, deposita crassitie clauso utero & monumento egredi, & clausis ianuis intrare: & quæ præterea mira in hoc miro atque omni humano ingenio imperscrutabili corpore acciderunt.

Contradictiones aliquot hereticorum. Martyr in dialogo de cana.

Deinde antilogia est, cum iidem dicunt, Deum esse iustum & misericordem, & tamen sine peccati respectu, mero & absoluto beneplacito, quosdam ad æternam damnationem infallibiliter destinasse.

Bera in respons. ad Sebast. Castalio de eterna Dei prædest. refut. 2. calum.

At inquam ego, præter quam quod crudele est, creaturam sua manu faciendam innoxiam, æterno cruciatui mancipare, ne iustitia quidem Dei hoc admittit. Sicut enim iniustum est in executione damnare hominem nihil mali merentem; ita iniustum est in decreto, decernere hominem damnare, cuius nullum malum extat meritum, ne in præuisione quidem. Deinde magis iniustum est, velle & ordinare integri

Et in resp. ad acta col. loquii Mompelga. pag 155 164

ho-

hominis lapsum, ut habeas quos iuste punias, quam simpliciter absque culpa punire.

// Utiq; enim maius malum est culpa quam poena:

// & ideo maior iniustitia, nihil mali merito auctorem culpae esse quam poenae. Vnde Au-

Lib. 3. aduersus Iulian. cap. 18. De gratia & libero arbitrio cap. 23.

gustinus, *Bonus est Deus, iustus est Deus: potest sine bonis meritis liberare, quia bonus est: non potest sine malis meritis damnare, quia iniustus est.* Et alibi. *Deus reddit mala pro malis, quia iniustus est, bona pro malis; quia bonus est: bona pro bonis, quia bonus & iustus est: saltem non reddit mala pro bonis, quia iniustus non est.*

Tertio antilogiam faciunt, cum regnum Christi aeternum inuictumq;, Ecclesiam etiam Catholicam atq; omnium seculorum prouinciarumque fatentur: Et tamen propudenda nouitatis suae velo obtendunt, a temporibus Gregorii magni ad Lutherum, vel nullam, vel plane angustam, misereque Antichristi tyrannide oppressam, ac tantum non extinctam Ecclesiam fuisse, quam ipsi e cineribus reuocatam, nouo spiritu animarint.

Luo. 1. Matth. 13.

Quod si verum est, quomodo stabit illud, *Regni eius non erit finis?* quomodo rata promissio, *Porta inferi non proualebunt aduersus eam?* Nam quod latuisse fingunt Ecclesiam, maior stulticia est. Si enim latuit, iam aliquatenus victor est Satan. Et si a temporibus Gregorii magni latuit, sane longiori spatio latuit, quam aperta luce incessit: quae intolerabilis in noui Testamenti gloriam contumelia est.

Quarto antilogiam committunt, cum hominē sola fide, seu fiducia diuinæ misericordiæ iustificari dicūt, & tamen fidem illam iustitiā posteriorem faciunt. Nam si fides illa specialis non posterior iustificatione censeatur, falsa esse conuincitur. Quæro enim, cum incipio credere, Deum mihi esse propitium, seu quod eodem redit, me propter imputatā, vt loquuntur, Christi iustitiam ex misericordia Dei à peccatis absolutum ac iustum esse, vtrum nō illam iustitiā, meam præcedere intelligentiam necesse sit? Nisi enim præcedat, falsum credidero, & per mendaciū saluabor. Si verò præcedit, quomodo fide iustificor, qui ante fidē, quod credendum proponitur, iustificatus sum? Neq; est, quod dicas, fide speciali non credi, peccata de præterito esse remissa, sed remitti in præsens. Præterquam enim quod Calvinus omnia ad vim æternæ electionis referre solet, & pueros etiam vix natos, nec dum baptizatos, isto prædestinationis iure sanctos saluosq; contendit: Remissio sanè obiectū est fidei meæ, adeoq; necessario prior: quia nunquam fit, vt obiectum per actum suum producat, cum obiectū actui essentiam det, non actus obiecto.

Tandem antilogiam multiplicē faciunt, in doctrinā Sacramentorum. Primū enim Sacramenta tantū Euangelii appendices, & fidei excitandæ confirmandæque instrumenta vocant. Et tamen ne Anabaptistis accenseantur, sedulò cauent, ne nuda signa no-

minent: viderique volunt omninò coniunctam rerum signatarum exhibitionem credere. Hinc in Baptismo peccata ablui, & in sacra cœna ipsissimæ Christi carnis & sanguinis comunionem admittunt. At nomine ista coniuncta exhibitio cum principali isto Sacramentorum fine, quem statuunt, pugnat? aut si non pugnat, & vtrumque fit, fidei scilicet confirmatio, quod minus est, & gratiæ Christi collatio, quod longè maximum est, quare non à digniori ac principaliori effectu sacramentis denominationem induunt?

Pari ratione cum fine isto Sacramentorū pugnat pædobaptismus. Nam si Sacramentorū proprium munus & officium est, fidem excitare & confirmare: quo iure infantibus // aqua conceditur, quibus nec fides nec ratio- // cinatio aut iudicium vllum est? quis verò sine mentis discursu & symbolorum ad signū relatione fidei suæ vllum argumentum fecerit? Hoc argumentum ita vrsit Lutherum, vt manifesto errore scriberet, *paruulos, cum baptizantur, verbum Dei audire, Deum cognoscere ac diligere, adeoq; indubitatè credere.* Quod qui credit, necesse est cum ratione infaniam.

*De captiui.
Babyl. cap.
de Baptism.
Et in lib.
contra Co-
chleum an-
no 23.*

*Calvinus
in 26. cap.
Matth. &
lib. 4. Insti.
ca. 17. S. 32.*

*Calvinus
in libro de*

Similis antilogia est, cum in sacra cœna nuda signa esse inficiantur, vereque nobis cum symbolis corpus Domini in salutarem animæ cibum dari admittunt, ita vt substantia carnis Christi pascantur animæ nostræ, & verè vnum cum eo efficiamur: & tamen alibi

alibi corpus Christi tanto interuallo ab ele- suo cum
 mentis collocant, quanto abest terra ab altif- Tigurinis
 fimis cœlis: negantque in nos ingredi Chri- consensu.
 sti carnē, quemadmodū videre est apud Cal- Beza in
 uinum libro quarto Institutio. cap. 17. §. 32. summa do-
 Nunquid etiā hæc aduersis frontibus inter ctrina Sa-
 se pugnant, cū corpus CHRISTI non ore, cram qu. 6.
 sed fide tantum manducari contendunt, ab- Caluix. 4.
 utentes dicto S. Augustini, *crede & mandu-* Instit. c. 17.
casti: & tamen alibi manifestè manducatio- §. 32.
 nem à fide distinguunt, tantumque inter illa Beza in
 interesse dicunt, *quantum inter manum & ap-* summa do-
prehensionem, qua manu fit? Calvinus expref- ctrina Sa-
 sè dicit contra Zuinglium, comedere car- cram 9. 9.
 nem CHRISTI, non esse solum credere, sed 10. 11. 13.
 verè participem fieri carnis eius: ponitque Beza in lib.
 exemplum: *quemadmodum, inquit, non aspe-* de cœna do-
ctus, sed esus panis alimentum corpori sufficit: minicontra
ita verè ac penitus participem CHRISTIANI- Vestphaliæ
nam fieri conuenit. Conciliet ista qui potest, cap. 9.
 edere esse solum credere, & edere non esse Lib. 4. in-
 solum credere: in nostra sanè logica aduersis stit. cap. 17.
 ista frontibus pugnare videntur. §. 5.

Nec magis ista cohærent, cū verba
 cœnæ *Hoc est corpus meum*, per tropum
 exponunt, facillimumque illis sensum
 affingunt, Hic panis est figura corporis
 mei, quâ reuocetis vobis in memoriam pas-
 sionem meam & mortem, quaque excitati
 fide in me toti feramini: quem sensum ipse Pagina 4.
 Martyr in dialoگو suo oppidò quàm facilem
 & expeditum vocat: & tamen alibi magnum

hic mysterium fingunt, magnamque sententia suæ difficultatem prætendunt : quemadmodum Calvinus libro quarto institutionū capite 17. §. 71. *nihil restat, inquit, nisi ut in eius mysterii admirationem prorumpam, cui nec mens planè cogitando, nec lingua explicando par esse potest.*

At si nulla fit realis Christi coniunctio nobiscum, sed per cogitationem tantum, vel respectum, nullum hic mysterium est, nullum miraculum, nulla difficultas intelligendi. Quis enim non facile capiat, panem esse signum corporis, vinum signum sanguinis CHRISTI, non minus quam circumcisio, pascha, sacrificia signa futurorum fuerunt? quis non capiat, fidem hisce signis, in CHRISTVM absentem ferri, ac tanquam tessera de amore eius confirmari debere? facilia sunt illa omnia, & humanis sensibus accommodata. At sancti Patres, *ea quæ Christus hoc Sacramento instituit, omnem admirationem, omnem mentem, omnemque sermonem excedere scribunt: imò sensui ac cogitationi nostræ planè absurda videri.* Æstimet nunc humanus lector ex hisce pauculis partium doctrinæ novæ contentum, & spiritum contradictionis tanquam ex ungue leonem agnoscat. Plura antilogiarum exempla instituti breuitas afferre non patitur: nec opus est, cum in bello quinti Evangelii diligentissimè quasi integris fasciculis comportata reperiantur. Quid ergo? Concludamus cum S. Athanasio in decre-

S. Ephrem
in libro de
natura Dei
cap. 5.
S. Chrysof.
hom. 60. ad
popul. An-
tioch et ho-
mi. 83 in
Matthæum.

Bellum
quinti Eu-
angelii p r
Andream
Iurgiensium

decretis Synodi Ephesinæ? *Homines sunt, ut dixit Iacobus, duplici animo, & instabiles in omnibus viis suis, nec eandem habentes sententiam, sed nunc in hanc, nunc in illam sese verentes, & nunc quidem probantes, quod dicunt: mox verò vituperantes, quod paulo ante laudauerunt. Hoc autem, ut Pastor ille dicebat, ex diabolo prognatum est. Per quod citius cognoscas caupones, quàm Doctores. Est enim, sicuti à maioribus traditum est, vera doctrina: & hoc veros Doctores arguit, si eadem inter se profiteantur, neq; diuersa sentiant, vel inter ipsos, vel à suis maioribus dissidentes. Etenim qui hunc in modum affecti non sunt: improbi potius, quàm veri Doctores dicendi sunt.*

ARGUMENTVM VII.

ZACH. VRSINVS.

VII. *Hostium confessio, quòd ipse diabolus clamare cogitur: Tu es Christus ille filius Dei: hostium. & alii hostes fateri coguntur, doctrinam nostram esse veram. Quicquid enim boni & veri in suis religionibus habent alii, id etiam, & multò clarius ac solidius, habet nostra religio, & possunt conuinci, quòd ex nostra sint suffurati, & suis figmentis admiscuerint, ut solet diabolus, Dei simia, quaedam vera suis mendaciis miscere, quò facilius hominibus imponat. Vnde quæ alii nostra doctrina habent consentanea, ea non possunt refutari, quia ex nostra sumpserunt: quæ verò habent pugnancia, ea facile euertuntur, quia sunt hominum figmenta.*

IVST. CALVINVS.

Quam hostibus Christianorum innocentissima Evangelii veritas extorsit confessionem: eandem quoque nostris capitalibus inimicis vel inuitis à DEO expressam gloriari possumus. Præterquam enim quod omnia passim collegia, cœnæ, congressiones &c. Catholicarum laudum plenæ sunt, ipsique æmuli nostri Catholicorum virorum admirandam sapientiam, doctrinam, prudentiam, pietatem & honestatem agnoscere & prædicare coguntur: ipse etiam Lutherus, qui aliàs Papatum, vt ipsum Antichristianissimum, regnumque diaboli non satis insectari, lacerare, conuiciis prolcindere, ac diris omnibus deuouere potuit, ita tamen contra Anabaptistas Papæ odio paruulorum baptismum reiicientes scribit: *nos fatemur sub Papatu plurimum esse boni Christiani, imo omnem bonum Christianum, atque etiam illinc ad nos deuenisse. Quippe fatemur in Papatu veram esse scripturam sacram, verum Baptismum, verum Sacramentum altaris, veras clâues ad remissionem peccatorum, verum predicandi officium, verum Catechismû, vt sunt oratio Dominica, decem præcepta, articuli fidei. Dico, in super, sub Papatu veram Christianitatem, imo verum nucleû Christianitatis esse.* Idem Tom. 1. f. 12. p. 1. super Epist. ad Galatas. *Romana Ecclesia sancta est: quia sanctum Dei nomen, Euangelium ac Baptismum habet. Quæ res ubi sunt, merito populus esse sanctus populus vocatur.*

Lutheri
confessio de
Papatu.

Tom. 2.
Vitteb.
f. 229. p. 2.
in Epist. ad
duos pasto-
res.

Et in postilla super Euangelium Domini. I. aduentus: *mundus indies fit deterior, sunt nunc magis homines vindictæ cupidi, magis auari, magis immodesti, & indisciplinati, multoque deteriores quàm fuerint in Papatu.* Similia habet Paulus Eberus præfatione comment. Philippi in Epistol. ad Corinthios. & Calvinus sermone 10. & 30. super epistolam ad Ephesios. Denique Sarcerius in postilla Domini. 10. *Iam ferè in prouerbiu[m] abiit, inquit, satius & tutius esse in rebus civilibus cum mercatore papista agere, quàm cum eo, quod se euangelicum iactat.*

Habes hostium confessionem de fide & moribus nostris satis luculentam: qualem illi ex nobis de se nunquam audient. Cæterum reliquias verorum dogmatum, quæ adhuc nobiscum communia habent, hic commemorare nihil attinet. Constat satis ea & pauca esse, & passim scabie hæretica infecta: quæ verò contraria tenent facilis expugnationis, quemadmodum à fortissimis Catholicæ Ecclesiæ defensoribus, Baronio, Bellarmino, Valentiano &c. re ipsa demonstratum est. Optimè *Chrysostomus, concessum est diabolo* Super Mat. *inquit, interdum vera dicere, ut mendacium* thaum. *suum rara veritate commendat.*

ARGUMENTVM VIII.

ZACH. VRSINVS.

Odiu[m] Satana & instrumentorum eius ad- Odiu[m] Sa-
D 4 uersus

*tana ac
mundi.*

uersus hanc doctrinam. Ea enim religio haud dubiè vera est & diuina, quam omnes mali & ipse Satan uno consensu oderunt & extinctam cupiunt. Nam veritas odium parit: & diabolus est mendax ab initio, & in veritate non stetit. Atqui nullam doctrinam Satan & mundus impensius oderunt & oppugnant, quam doctrinam Ecclesie: quia nimirum doctrina Ecclesie longè rigidius eos accusat, mendacia eorum sub examen vocat, fraudes detegit, omniaq; idola & vitia damnat, quam alie sectæ, quæ ista concedunt, veletiam defendunt. Mundus me odit, quoniam testificor de eo, quod opera eius mala sint. Si de mundo essetis, mundus quod suum est amaret, &c.

IVSTVS CALVINVS.

Si de hac nota pluribus dixero, & pressis ab aduersario vestigiis rectè institero, malam ab eo gratiam merebor. Ita enim multa aduersus Catholicæ Ecclesiæ hostes dura atque acerba occurrunt, vt si muneri nostro satisfacere velimus, nullius istorum nomini pausuri videamur. Sed ne conuitiis nos faciendis delectari arbitrentur, rem ipsam nudè putabo: quamque prono ac benigno animo in Catholicam fidem mundus sit, considerabo. Turcæ persecutiones, hæreticorum machinationes, Apostatarum ludibria, scommata, fannas, iniurias in res & personas sacras, denique mille diaboli ad obscurandam Romanæ Ecclesiæ lucem technas, quis oratione satis

tis dignâ prosequatur? Neque Ecclesia ipsa noctes diesque in excubiis stans, propulsare queat virulentissima tela, ab omnibus mundi partibus & angulis cateruatim in se missa. Hæretici quanto odio in rem Romanam flagrent, vel vnus ille Anglus testari potest, qui sæpè pro concione gregi suo suavit, & libris editis confirmare scilicet conatus est, *religionem Romanam magis idololatricam esse Turcica: item Pontificem periculosiorem CHRISTI hostem esse, quam sit magnus Turca.* Testari etiam possunt illi milites Zelandi, qui bellum contra Regem Hispaniæ instructuri, gesserunt in suis vexillis figuram argenteam lunæ crescentis, cum hac inscriptione: *potius Turca, quam Papista.* Testari deniq; poterit ipse Lutherus, hodiernorum in fide tumultuum tuba, quem tanquam stellam cælo delapsam, clauigerum abyssi, & mortis ianitorem non immeritò quis dixerit. Is quò liberius in oues Christi sua rabie grassari, denudatasque omni pastorū præsidio longius è septis propellere posset, non solùm in vita tam insatiabili in Papam & Papistas, vt loquuntur, odio flagrauit, *vt pro verbis mera se fulgura ac tonitrua in eos vibrare posse optaret*: verùm etiã amicis in conuentu Smalkaldico, cùm lethali morbo correptus discedere cogeretur, valedicens, *amorem & benedictionem Christi, Pa- pe vero odium & detestationem summam precaretur.* Idque tanquam sacrum quoddam oraculum collaudant, & scriptis etiam thesi-

Horn. de Pr. matu Regina contra Fol pag. 101. 102.

Caluino- turcismus lib. 1. cap. 2.

In conui- uialib fol. 313. 4.

Mathesius concione II. de Luthero fol. 122.

*Tossanus in
theſiſus de
Papatu
theſi. 1.*

*Sueonius
in Vita C.
Caligula
cap 30.*

bus defendunt ij, qui alioqui non ſatis benignè erga Lutherum affecti, communi amen odio noſtri excæcati, præda funeſtorum luporum, quàm Chriſti obedientes ouiculæ eſſe malunt. Aſt nos iſtorum hominum exulceratas mentes non longè à Caligulæ furore abeſſe animaduertimus, qui aliquando implacabili correptus ira, magnâ voce exclamauit: *utinam populus Romanus vnâ ceruicem haberet*, quàm videlicet ego odii fatu-randi cauſa vno ictu integram amputarem. Sed peribit ſpes impiorum, neque dabit nos Dominus in opprobrium hoſtibus noſtris: quin potius, Chriſtus in medio inimicorum ſuorum, non ſeruiet, ſed dominabitur, ad diem vſque illum quo abrogabit omne imperium & poteſtatem, regnumque dabit patri, & ipſe erit omnia in omnibus. Nam nec ipſa Antichriſti tyrannis ita ſubruet regnum Chriſti, quin in ipſo deſerto vexilla profeſſionis ſuæ & ſucceſſionis Apoſtolicæ indiuiſe habiturum ſit.

ARGUMENTVM IX.

ZACH. VRSINVS.

*Deſenſio
mirabilis.*

IX. *Mirabilis deſenſio & conſeruatio hu-ius doctrine contra furores Satane & aliorum hoſtium. Cùm enim nulla religio grauius à tyrannis & hereticis perpetuò ſit oppugnata, & ſine intermiſſione oppugnetur, quàm hac ipſa, Deus nihilominus eam inuitis hoſtibus & infero-
rum*

rum portis mirabiliter adhuc defendit, ut sola inuicta permanserit, cum interim aliæ religiones vel omninò non, vel leuius oppugnatae, cito perierint. Hinc doctrinam Ecclesiae Deo probari & cura esse, firmissimè concludimus.

IVST. CALVINVS.

Rectè hæc nota præcedenti subiungitur, Non minus enim Deus in Ecclesia sua tuenda strenuus, quàm hostes in ea oppugnanda diligentes & seduli sunt: qua de re præclare iam olim S. Patres scripserunt. *Iustinus apologia 2. ad Anton. piũ: Chrysostomus homilia 34. in Mattheũ: & homilia 4. & 5. in 1. ad Corinth. Damascenus li. 4. orthodoxa fidei cap. 4. Augustinus lib. 22. de ciuitate Dei cap. 5.* Verùm illa doctrina tamdiu hætenus contra immania monstra, & tam sæpè repetita hostium molimina defensa, Catholica doctrina fuit, non Lutherana aut Zuingliana. Hæc enim nondum nata, neque educata, illa autem quasi sub pellibus enutrita, & persecutiones hostium perpeffa, tandem inimicis suis gloriosissimè triumphauit. Numerate cruentos imperatores, numerate fœdifragos Iudæos & hæreticos, nihil ad extremum conatum satanæ defuisse reperietis. Victrix tamen semper fuit per Dei gratiam Romana Ecclesia, & frustra hæreticis circumlatrantibus, *culmen authoritatis obtinuit.* Refert *Theodore-*

*August. de
Stat. cre-
dendi cap.
17.*

mus ad sua tēpora septuaginta sex diuersas hæ-

refert

refert *Augustinus* octoginta octo, ex quibus etiam plurimas suo ævo periisse super Psalmum 57. testatur. Nos ad Lutheri tempora *ducentas hereticorum diuersas familias* numerare possumus: quæ omnes paucis in oriente // Nestorianis & Eutyrianis, in Boëmia Huf- // sitis exceptis, vt fumus & stipula perierunt, vix nominibus eorum saluis.

*Luthera-
nismus &
Caluinis-
mus nutat.*

Lutheri & Caluini schola, quãuis aliquan- diu iam durauit, non tamen sine maximis fluctuationibus stetit, & ruinam propediem minari videtur. Quod vel ipsi quodam mentis præfagio authores ante viderunt: vt ex præfatione Caluini in Catechesin Geneuensem, & præfatione Centuriatorum Magdeburgensium in centuriam 2. & 5. apparet.

Diximus supra Lutherum quondam pro sua temeritate prædixisse anno 25. *Si ipsi ad-
huc biennium vnum predicare liceret, fore vt
Papa, Cardinales, episcopi, moniales, monachi,
turres, campana, missæ & uniuersus papatus e-
uanesceret.* Sed fallus est propheta, proroga- toque termino prædicationis eius, non ad duos, sed ad viginti duos annos, non tamen quod voluit obtinuit. Ecclesia stat instar muri aheni: ipse auté cū fœtibus suis nutat, fluctuat & instar torrentis decurrit, mox cessaturus & exsiccandus, quemadmodum Augustinus in psalmum 57. loquitur.

*S. Hierony-
mus in dia-
logo contra
Lucifera.*

Quid ergo? breuē apertamq; animi mei sen- tentiam proferam, in illa esse Ecclesia permanen- dum, quæ ab Apostolis fundata, ad hanc usque diem durat.

AR-

ARGVMENTVM X.

ZACH. VRSINVS.

X. *Pœna hostium.* Nam dubium non est, ^{Pœna hæ-} ^{reticorum.} eam religionem a Deo approbari, & defendi, ob cuius oppugnationem aduersarios punit. Testantur autem historia veteres & recentes, atrociter à Deo punitos esse, qui prophetarum & Apostolorum doctrinam oppugnarunt. Ergo eam Deus approbat. Etsi autem impii aliquando in mundo florent, & ecclesia oppressa iacere videtur: tamē id neque casu fieri, neque quod illi Deo placeant, vel Ecclesia non placeat, euentus testantur, & scriptura passim docet. Perpetuò enim Ecclesia in persecutionibus seruatur, & tandem liberatur: cùm contra tyrannorum & impiorum breuem fecilitatem tristissimus interitus excipiat. Nec refert, quod non omnes persecutores Ecclesia tragicè hic puniuntur, sicut Antiochus, & Herodes, &c. Dum enim Deus plerosq; in hac vita ulciscitur, satis ostendit, quid de aliis similibus estimari velit: eos nimirū esse hostes suos, in aternas pœnas abiiciendos, nisi resipiscant.

IVST. CALVINVS.

Tragicos hæreticorum exitus, qui priscis olim seculis ecclesiam vexarunt, diligenter S. Patres annotauerunt. Hac ætate quid acciderit, quamque luculenter ecclesiæ turbatores Deus vindicarit, etsi testatum satis est, tanta tamen hominum impudentia est, vt id negare audent. Ne igitur de *Luthero*,

Quin-

Zuinglio, Caluino, Oecolampadio, & aliis dicam, quorum alios repentina Dei manus, alios vis Martis, alios ira Diaboli perculit: intueamur casus duorum prædicatorum clandestinorum, quos è Catholicorum manibus elapsos iusta Dei vindicta ipsi ad pœnas retractos scribunt. *Petrus Brulius concionator Gallicus, cum ob sparsam Tornaci hæresin clausis portis inquireretur, nec occultari amplius posset, nocturno tempore per urbis mœnia fune dimittitur ab amicis. Vbi terram tetigit, & humi consedit, quidam ex iis qui demiserant, procumbens ex miro salutem ei summissa voce precatur, & dum sic innititur, saxum, quod forte resoluta calce non bene coherebat, impellit, impulsus illi aduoluitur, & sedenti crus perfringit. Itaque partim dolore casus, partim frigore afflictatus, miseriam & infortunium suum querulis vocibus & lamentando deplorat. Id exaudiunt vigilantes, & suspicati quod erat accurrunt & comprehensum in carcerem conduunt.*

*Sleidanus
libro 16. historia.*

*Simplerus
in oratione
de Vita Petri Martyris
fol. 9.*

Idem accidit cuidam Eremitano Lucensi Augustinianæ familiæ à confessionibus. *Qui cum violatæ religionis accusatus, & iussu Romani Pontificis carcerem coniectus esset, nobiles Lucenses ipsum effractis carceribus ex urbe eduxerunt, fugaque sibi consulere iusserunt. Sed vide Dei nutum. Fugiens labitur ac crus frangit, denuoque captus Romam abducitur. Hæc si leuia videntur, intueamur omnes populos & nationes, quæ relicta vnitare Apostolica, hisce turbatoribus aures præbuerunt, an*

NON

non eorum fortuna ab eo tempore planè in contrarium mutata pluribus eos malis publicè priuatimque afflixerit? Respublicas quondam florentissimas languete nunc & marcescere videmus, populos fortissimos effœminatos, principum fiscos exhaustos, & qui sacros redditus ad se rapuerunt, sic nominibus premi, vt vix sibi suisque aulicis sufficiant: splendidissimas atque opulentissimas familias ad inopiam redactas, & qui alios ad hæresin instituerunt, vel excindi planè, vel ad stipem in sobole redigi. Vt de iis nihil nunc dicam, qui nefando scelere constitutis fororibus, pulsatis matribus, suppilatis gazophylaciis, vniuerso mundo testatum fecerunt, suos fuisse parentes, quorum peccata Deus zelotes in tertiam, & quartam progeniem vindicaturus sit.

ARGUMENTVM XI.

ZACH. VRSINVS.

XI. *Testimonia & constantia martyrum, Martyrum qui suo sanguine doctrinam Ecclesie obsignantes, inter sæuissima tormenta testantur, se verè sic sentire, & in cordibus suis de veritate doctrine, quam sunt professi, firmissimè persuasos esse, atque eam consolationem, quam aliis predicant, ex ea verè percipere, quod propter Christum verè sint Filii Dei, & quod sint Deo cura in media morte. Deus igitur hac vna consolatione eos sustentans testatur, seq̃ doctrinã Ecclesie, propter quam illi patiuntur, approbare.* *constantia incredibilis.*

IVST. CALVINVS.

*Pseudo-
martyres
hæreticorū.*

*Deut. 13. &
17 & 8.
Epist. 167.
ad Festum.
Idem lib. 1.
contra E-
pist. Parm.
cap. 8.
De Unitate
Ecclesia.*

Iam si martyrum iudicio disceptabitur, ne iniquum aduersarii certamen inibunt, atque equum, quod dicitur, in planitiem vocabunt. Habent quidem sua martyrologia, atque ibi nonnullos commemorant, in quos ex sententia legis diuinæ propter hæresin animaduersum est. Sed meminerint semper illud Augustini, de quo in sequentibus, *nō pœnam facere martyres, sed causam: nec ex passione certam iustitiam, sed ex iustitia passionem gloriosam*: item illud Cypriani. *Talis etiam si occisi in confessione nominis fuerint, macula ista nec sanguine abluitur. Inexpiabilis & gravis culpa discordiæ, nec passione purgatur. Esse martyr non potest, qui in Ecclesia non est, ad regnum peruenire non poterit, qui eam, quæ regnatura est, dereliquit.* Et paulò post. *Cum Deo manere non possunt, qui esse in ecclesia Dei unanimes noluerunt: ardeant licet flammis, & ignibus traditi, vel obiecti bestiis, animas suas ponant; non erit illa fidei corona, sed pœna perfidiæ: nec religiose virtutis exitus gloriosus, sed desperationis interitus. Occidi talis potest, coronari non potest.*

*Martyrum
Catholico-
rum mul-
titudine.*

Deinde quid paruus iste sutorum aliquot vel sartorum manipulus, qui Circumcellionum more ipsi sese proteruè quasi in fauces mortis abdiderunt, ad tam numerosum nobilissimorum nostrorum martyrum exercitum, qui hoc vnico seculo in Gallia, Anglia

glia, Germania, pro Christo decernentes, animosè vitam pro veritate profuderunt, ac Domino tanquã holocausta oblata sunt.

Edmundus Campianus, & ipse martyr, suam Edm. Campianus de Martyribus Anglicis.
& Ecclesiæ sortem in Anglia descripturus, Iniquum Anglorum de Catholicis iudiciũ.
Omnes, inquit, *custodia nostra referta sunt Catholicis*, nunc demum aperte pronunciant, satius esse paucos internecioni dedere proditores, quã tot animas perdere. De suis martyribus iam tacent. Superamus enim de Catholicis iudiciũ. causa, numero, dignitate omnium. Afferimus pro aliquot apostatis aut sutoribus exustis, Episcopos, Regulos, equites, antiquissimam nobilitatem, spectacula doctrinae, probitatis, prudentia, lectissimam iuventutem, matronas illustres, reliquos fortuna mediocris, planè extra numerum, omnes aut semel, aut quotidie consumptos. Dum hæc scribo, immanissima sævit persecutio. Mœsta domus. Nam aut mortem suorum predicant, aut latebras, aut vincula, aut rapinam bonorũ, tamen pergunt animosè.

Et sanè qui capita martyrum nostrorum Numerus omnis generis martyrum in Anglia. numerant, commemorant in hoc ordine
Cardinalem vnum, Archiepiscopos tres,
Episcopos octodecim, Abbatè vnum, Prio-
res religiosorum cõuentuum quatuor, con-
uentus integros quatuor, Decanos Eccle-
siarum Cathedralium tredecim, Archidia-
conos quatuordecim, Canonicos Ecclesia-
rum Cathedralium supra sexaginta, sacer-
dotes minimum sexcentos: doctores Theo-
logiæ quinquaginta, doctores Iuris octode-
cim,

cim, doctores medicinæ nouem, Rectores collegiorum quindecim, reginam vnam, comites octo, barones decem, equestris ordinis viginti sex, nobiles minimū quadringentos: laicos inferioris ordinis extra numerum: fœminas centum viginti: præter infinitam multitudinem aliorum, qui de nomine auctori noti non sunt. In Gallis minor messis non est. Nam annis abhinc viginti, præter ciuitates exultas, præter euerfas domos & pagos, præter familias extinctas & mulieres virginesque constupratas, perierant iam homines in vniuersum 765000. & edamplius: ex quibus Ecclesiastici fuerunt 8760. Quem numerum ab eo tempore quanta putas accessione in hisce continuis, ac vix dum Sanctissimi Domini Nostri, auspiciatissimi Pontificis, CLEMENTIS. VIII. nutu sopitis turbis locupletatum?

*Martyres
in Gallis.*

*Eusebius
lib. 5 histor.
cap. 18.*

*Tertull. in
lib. de fuga.*

*Epiphanius
heresi 80.*

*Augustin.
ep. 50.*

*Theodoret.
lib. 4. de heret. fabul.*

Epist. 68.

Eant nunc Calvinistæ, & de martyribus suis glorientur: martyribus inquam non sapientis sed stultæ philosophiæ: quales maiori etiam numero olim *Montanistæ* venditarunt, nec non *Messaliani* & *Donatistæ*, qui ut martyrum nomen lucrarentur, semetipsos de montibus precipitabant, vel aquis profocabant, vel in ignem coniciebant, vel mortem denique minabantur, & inferebant iis, qui eos occidere nollent. Vnde non immeritò *Augustinus*, vinebant inquit, ut latrones, honorabantur

bantur ut martyres. Sed de toto hoc argu-
mento in sequentibus vberius.

ARGUMENTVM XII.

ZACH. VRSINVS.

Pietas & sanctitas eorum qui libros sacros
scripserunt, & doct. inam in illis comprehensam
professi sunt. Quae enim religio homines facit
sanctos, Deoque placentes, eam necesse est san-
ctissimam & diuinam esse. At Patriarcha,
Propheta, Apostoli & alii, qui doctrinam eorum
serio amplexi sunt, & amplectuntur, vera vir-
tute & sanctitate longissime superant aliarum
religionum homines, id quod collatio ostendit.
Quare Ecclesie potius, quam aliarum religio-
num doctrinam veram esse ac diuinam, est con-
sentaneum.

Sanctitas
Gita.

IVSTVS CALVINVS.

Hanc iterum notā Catholici totam suam
esse euincunt. Ut enim prioribus olim seculis
in Apostolis & Euangelistis, sic posterioribus,
in episcopis, sacerdotibus, monachis,
&c. Christianae doctrinae efficacia se prodi-
dit, atq; euidentia sanctitatis suae vestigia re-
liquit: qua de re Tertullianus ad Scapulam:
Iustinus apologia 2. ad Anton. pium: Laclan-
tius libro 3. Institutio. capite 26. Præterquam
verò quòd Nouatores hodie Monasticorum
ordinum institutores, Dominicum, Bernhar-

Catholico-
rum in Gi-
ta sancti-
monia.

Lutherus
de captiuit.
Babyl. ca. 2.
Philippus
in Apolog.
artic. 5. 27.

*dum, Franciscum, &c. viros sanctos fuisse fatentur: etiam plerique religionum professores, ita se temperantiâ, continentîâ & austeritate gerunt, ut restringenda nonnullis & quasi ad humanos ea fines reuocanda videatur. Præter alios multos tanquam solis quoddam iubar Societatis IESV Patres per omnes nunc orbis prouincias radiant, simul atatem sub vno Re-
 ctore degentes, atque in orationibus, in lectionibus, in disputationibus & studiis exquisitissimis, nulla superbiâ tumidi, nullâ perniciâ turbulenti, nullâ inuidentiâ liuidi: sed modesti, verrecundi, casti & pacati, ut meritò illis tribuamus hoc Augustini libro 2. in Iulianum: isti sunt Episcopi & pastores (id est, Episcoporum & pastorum coadiutores) docti, graues, sancti, veritatis acerrimi defensores, qui Catholicam fidem in lacte suxerunt, in cibo sumpserunt, cuius lac & cibum paruis magnisq; ministrauerunt. Talibus post Apostolos sancta Ecclesia plantatoribus, rigatoribus, edificatoribus, pastoribus, nutritoribus creuit crescitque, ac deinceps iuante Domino accretura est.*

Societas

IESV.

Ex D. Augustini Verbis lib. de moribus Ecclesie cap. 31.

*Antichesis
 Vita aduersariorum.*

2. Timot. 3.

At quibus parentibus noua illa ecclesia fata & propagata? possem hic scapham scapham vocare, & lignonem lignonem. Sed quia sic acerbitalis nomine irritare magis, quam conciliare aduersarios possem: loquatur pro me Pauli vaticinium, de hoc procul dubio seculo maximè prolatum: erunt homines sui amantes, auari, gloriosi, superbi, maledici, parentibus non obsequentes, ingrati, profa-

ni, charitatis expertes, implacabiles, calumniatores, intemperantes, immites, minimè amantes bonorum, proditores, præcipientes, inflati, voluptatum amantes potius quam Dei, habentes formam pietatis, sed vim eius abnegantes.

TIGVRINI in responsione ad librum Lutheri contra Zuinglium Lutherus, inquit, *que sua sunt, querit, pertinax est, insolentia nimia effertur, & in omnibus correptionibus suis plurimum maligni, quam minimū verò amici & paterni animi deprehenditur.*

Caluinista-
rum &
Zuingl. iu-
dicium de
Luthero.

GESNERVS in Biblio. vocat Lutherum hominem vehementis ingenii, contentiosum, impudentis oris, impatientem, qui nisi per omnia sibi consentientes ferre nesciat.

Cunradus Risius scribit propter peccatum superbia, quâ se extulerit, verum Luthero spiritum subtractum, ut Prophetis illis 3. Regum 21. atque eius loco inuidum, superbum & mendacem ei spiritum datum.

Contra Io-
an Hessium.

Caluinus contra VWestphalum, quibus Lutherū ellogiis cum asseclis suis ornet, humanus Lector ibi videat.

Contra Zuinglium Lutherus ita describit, ut magnæ eum superbia, peruicacia arrogantiaq; incuset, qui etiam peior factus sit, quam eum papista esset.

Lutheri iu-
dicium de
Zuinglio.
Tom. 3. Ie-
nenis folio
468. 469.

Caluino & Bezæ, quæ vulgò crimina obii-
ciantur, publicè notū est, ideo nolo nunc Ca-
merinā hanc mouere, ut parcam simplicibus
qui nesciunt, peruicacibus qui negant, pro-

Item in cō-
fess. de cæn.
Item in lib.
quod verba
adhuc fir-
ma stent.

bis & cordatis qui improbant & execrantur.

*Menno de
Vita mini-
strorum Eu-
angelicorū
cap. de fide
mulieris
Canan.*

Vulgarium porrò ministrorum, si non omnium, saltem plerorumque, quis viuendi mos sit, appositè, *Menno in libro de Christiana fide* exposuisse videtur. Si inquit, ad predicatores veneris, qui de verbo gloriantur, inuenies quosdam aperte mendaces, quosdam ebriosos & vinolentos, quosdam fœneratores, quosdam superbos & fastuosos, tum habitu tum gestu, quosdam calumniatores & conuictiatores, quosdam persecutores & proditores innocentum. Quo iure etiam ac fide nonnulli matrimonia contraxerint, cuius nota uxores habeant, Domino atque ipsis concedo. Agunt inertem, quietam, & ignauam vitam, aluntur meris seductionibus & blanditiis, ex Antichristi * pradis & rapinis. Tantum docent, quantum ventri dedito magistratui placet, quantumq; ille iusserit.

* *Rectius
diceresss.
Cathol. Ec-
clesia, cuius
bona dila-
pidant.*

Neque tamen hoc ita à me accipi velim, quasi omnes Euangelio nouo ministrantes, vel credentes, uno ordine habeam. Scio enim & inter ipsos quosdam ita grauitè, atque inculpatè viuere, vt laudem potius, quàm vituperium mereantur. Sed plurimorum, & eorum quidem, qui suis in erroribus feruentiores videri volunt, si intueamur mores, profectò subscribere cogor *Erasmus de* *smo*, qui epistola ad *Vulturium Neocomum*: *circumspice* inquit, *populum istum Euangelicum*.

*Erasmus de
Vita Euan-
gelicorum.*

licum, & observa, num minus illic indulgeatur luxui, libidini, & pecunia quam faciunt ii, quos detestamini: profer mihi, quem istud *Eu-angelium ex comessatore sobriū, ex feroci mansuctum, ex rapaci liberalem, ex maledico benedicum, ex impudico reddiderit verecundum.* Ego tibi multos ostendam, qui facti sunt seipsis deteriores.

Iam si quædam etiam Ecclesiæ zizania obiiciunt aduersarii, habent confitentes reos. *Nonimus enim & nos multos, qui profitentur quod non sunt. Sed propter illos non perit pia fraternitas.* In domo magna non omnia vasa sunt ad honorem; multa sunt ad dedecus.

In agris etiam cultissimis lolium enascitur, & multæ pestilentes herbulæ, ad messem vsque tolerandæ. *In agro igitur Dominico fruges querite, frumenta in area: apparebunt facile, seseque offerent ipsa querentibus. Quid nimis in purgamenta oculos intenditis?*

Quod si forte in ipsum ordinem Episcoporum, qui ducitur ab ipso Petro, ad præsentem vsque CLEMENTEM OCTAVVM, sanctissimæ vitæ Pontificem, vel ipsa inimicorum admiratione teste, quispiam traditor per illa tempora subrepisset, nihil tamen præiudicaret Ecclesiæ, & innocentibus Christianis, quibus Dominus providens, ait, de prepositis vobis Pe ilia malis: qua dicunt facite, quæ autem faciunt

Occupatio de ulceribus quibusdam Cathol. Eccles.

Augustin. libro 1. de morib. Eccles. Cathol. cap. 25.

August. epistola 16. & libro 2. contra Irenæum, Pe ilia malis, cap. 51

facere nolite: dicunt enim & non faciunt, ut certa sit spes fidelibus, qua non in homine, sed in Domino collocata, nunquam tempestate sacrilegi schismatis dissipetur.

Vide infra in confuta. & epest. 3.

Sed de hoc argumento in sequentibus iterum atque iterum.

ARGVMENTVM. XIII.

ZACH. VRSINVS.

*Rotunda
propriorum
defectuum
confessio.*

XIII. Candor eorum in detegendis suis & suorum vitiis, per quos spiritus sanctus doctrinam hanc literis commendavit.

IVSTVS CALVINVS.

*August. 2.
Retract.
cap. 16.
Cyrillus li-
bro 10. in-
Iulianam.
Damas. de
100. heresib.
Cochl. cus
descript. &
Ecclesia au-
thor. cap. 3.
4.*

Qui Evangeliorum autoritates eleuare olim studebant (quales in primis fuerunt *Ethnici, Iulianus, Apostata, Mahumetes, & nostris temporibus Otto Brunfelsius*) hac potissimum calumnia utebantur, quod etsi Evangelia ab Apostolis scripta, à veritate tamen multis in locis aliena essent; quia Apostoli partim ut homines interdum errarint, partim studiosè magistri sui gloriam confictis narrationibus ornare studuerint. Huic calumniæ præfens nota opponenda est. Nam ut de altero taceam, si in magistri gratiam Apostoli veritatem adulterasse credendi sunt, quomodo probabile est, eos in crucis ignominia, in discipulorum infirmitatibus næuis, & lapsibus tam copiosos futuros? nonne verita-

ritatem potius religiosè & candidè, quàm vanam mundi gloriam spectasse videbuntur?

Enimuerò, si de hac quoque gloriâ cum aduersariis certandum sit, nullo modo inferiore Ecclesiam deprehendemus. Nam vt *Thol.* alias quidem sectas cœtuum suorum defectus & flagitia necessitas, omniumque hominum notitia fateri cogit: ita Catholica religio Christiano candore publicè priuatimque infirmitates suas ingenuè profitetur, Confessionem sacerdotalem quotidie frequentissimam omitto, vbi intimi etiam sinus conscientix libera voluntate panduntur.

S. Franciscus, rogatus quid de se sentiret, *videor*, inquit, *mibi maximus peccatorum*. *Frater Egidius*, vnus ex quatuor primis comitibus sancti Francisci, illiteratus quidem, sed sapiens, rogatus quid faceret, respondit, *male, quia gratiam Dei non semper recipio, nec in ea, pro vt par est, ambulo.*

S. Francisc.
S. Bonauentura in
gesta S. Francisc.
cap. 54

Claudius Espencæus in epist. ad Titum cap. 1. Sine pudore in Ecclesiasticis etiam quibusdam turpis lucri aucupia fatetur, & reprehendit. *Clerus* haud grauatè annuit, non omnes sui ordinis æquè diligenter munus suum implere, & in officio alios segnes, alios turpiter negligentes, alios scandalosè profanos esse. *Sadoletus Cardinalis exhortatione ad principes populosq; Germaniæ*, huiusmodi nœuos complures in Ecclesia etiam Romana spontè aperit & deplorat. Tandem fatentur

omnes Catholicæ Ecclesiæ ciues, se non humiliter tantum, sed etiam veraciter illud quotidie precari, *dimitte nobis debita nostra*. Ut valdè illiberaliter agant, qui pharisaicum Ecclesiæ fastum, hypocrisin, occulendorumq; peccatorum studium obiiciunt.

ARGVMENTVM XIV.

*Internum
spiritus di-
scern.*

XIV. *Spiritus sancti, cuius inspiratione scriptura est tradita, in cordibus credentiũ testificatio, hoc est, ὀληροφοεΐα seu fides, que est certa persuasio, scripturam sacram esse: quam fidem sequitur letitia in Deo acquiescens, & eum inuocans, cum certa spe impetrandi eum alia bona, que ex verbi ipsius prescripto petimus, tum ipsam vitam eternam. Hac enim ὀληροφοεΐα & hac viua consolatio piorum, neque hominum, neque ullius creature testimonio nititur, sed est effectus spiritus Sancti proprius, quem per solam Prophetarum & Apostolorum doctrinam lectam, auditam, & mentibus impressam ab eo accendi & confirmari, omnes pii viuo ac certo suorum cordium sensu experiuntur. Hac igitur testificatione spiritus sancti omnes ad Christum conuersi, de certitudine doctrine cœlestis firmissimè confirmantur & obfirmantur. Atq; hoc argumentum, ut est reatorum proprium, ita solum corda eorum non solum de veritate & authoritate scripturæ sacræ conuincit, sed etiam persuadet, ut assentiantur, & in ea firmiter acquiescant: reliqua*
- omnia

omnia communia sunt etiam non conuersis, quos quidem etiam conuincunt, atque ora contradicentibus obturant: sed sola non persuadent, nec mouent ad essentiendum, nisi & intus testimonium Spiritus sancti accedat.

IVST. CALVINVS.

Quæ in hac postremâ notâ, de internâ Spiritus sancti testificatione dicuntur, ea talia sunt, vt ad publicam & solennem veritatis testificationem non nisi dubiè & infirmè referri posse videantur. Etsi enim Spiritus sancti testimonium, per se firmū certumq; est, tamen quia passim omnes Spiritum iactant, & in tam diuersis sectis nemo est, qui non interno spiritus & conscientia testimonio niti velle videatur, fit vt circumscriptioribus ista tam diuersa & contraria testimonia non immeritò habeantur suspecta. Quæ enim homines suis ipsi animis persuaserunt, vel errore, vel amore, vel odio alioque affectu inducti, ea pertinacissimè colunt, & pertinaciam hanc spiritus dictamen interpretantur.

Sic *Anabaptista* spiritum sibi fingit, eiusque ductui se regendum tradit, quin & testimonio eius de fide sua certus est. Alioqui si incertus hæsitaret & fluctuaret, quæ eum vis tam patientem contra gladium atque incensos rogos faceret?

Sic *Lutheranus*, sic *Arianus*, sic omnes deniq;

Præsent nota cum qua distinctio- ne admit- tenda.

Anabapti- starum a- liorumq; vana de religione sua persuasio.

*Lutheri ple-
rophoria.*

*Tom. 2. le-
nens. fol.*

522. b. & fo.

39. a. Tom.

3. f. 334. a.

Tom. 4. fo.

168. a. &

280. a.

Tom. 5. f.

398. a. b.

denique sectarii obfirmatâ animi duritie su-
is erroribus adhærescunt, eamque ipsissi-
mum spiritus impulsu opinantur. Putasne
dubium fuisse Lutherum, cùm nomen sibi
fidelis Propheta, Apostoli, Evangelista, &c. ar-
rogaret, scriberetque, *se Evangelium suum*
non ab hominibus, sed de super tantum per Chri-
stum IESVM accepisse. Item, *se tam certum*
esse de sua doctrina, ut si quis aliter doceat, aut
que ipse scripserit, damnet, is damnet Deum &
oporteat eum manere filium Gehennæ.

Luth. in

conu. pa.

354.

In Funda.

titul. de do-

ctrina præ-

dicant.

Verùm quis non parem in Campano ple-
rophoriam statuat: cùm dicit, *quam certò*
DEVS DEVS est, tam certò Lutherus dia-
bolicus seductor est. Et Menno, *verissimè noui,*
inquit, *quod extra spiritum, missionem & ver-*
bum Christi sint: quodq; doctrina & factis gra-
tiam tantum hominum, honores, fastum, redi-
tus, splendidas domos, & voluptuariam vitam
aucupentur.

Cùm ergo tam dissonantium sectarum
architecti, quos necesse est præter vnam Ec-
clesiam omnes à vero aberrare, omnes tamen
fidei suæ certitudinem iactent, & nemo non
ωληροφροειαν cordis possideat, quis adeò
demens est, quin videat, maximam hominū
partem lubrica & vana persuasione suffultâ
esse? Qua de causa non immeritò aduerfa-
rius, ut hanc notam minus propriam, cæte-
risque dissimilem significaret, subiunxit: *hoc*
argumentum, ut est renatorum proprium, ita
solum

solum corda eorum de veritate scriptura non tantum conuincit, sed etiam persuadet.

Interim si ad causæ disceptationem veniendum sit, facile est demonstrare, non vsquequaque firmam semper & constantem aduersariis hanc ἀληθοφροσίαν infuisse. *Lu-* Lutheri in-
therus initio prædicationis suæ quàm varius *constantia*
 & mutabilis fuit? Nunc seriò aduersus Pon- *maxima.*
 tificem disputauit, nunc nihil à se definiri, sed
veri tantum inquirendi causa theses proponi
 commentus est. Nunc periculo urgente, se
 & omnia iudicio Pontificis Ecclesiæq; sub-
 iciecit (apud Sleidanum lib. I. Historiæ fol. .1.2. *112*
 Papam pro vicario Christi agnouit, coram
 testibus & scriba, consiliariis quoque cæsa-
 ris quatuor. Ecclesiam sanctam Romanâ à se
 reuerenter coli professus est, *Et si quid alienū*
ab ea dixerit, nolle se ratum habere. fol. 4. Pon-
 tifici reconciliari petiit. fol. 5. *nimis acrem se*
fuisse, Et parum obseruantem dignitatis Pon-
tificiæ fassus, à Caietano ad Papā prouocauit.
 folio 5. b. huic adulatoriè scripsit, *Et tum se*
ad Palinodiam obtulit, tum Ecclesiam Ro-
 manam magnificis elogiis celebrauit. fol. 7.
 Verum ista quandiu? quandiu nudum se à
 præsidio sensit, patronosque perfidiæ suæ
 non inuenit. Quamprimùm autem in tutum
 receptus, gladii secularis exolfecit fauorem,
 mutato proposito fulmina mera & tonitrua
 conuitorum in Ecclesiam Romanam iacu- *Sleidanus*
 latus est: nunc vocitans eam *sentinam im-* *lib. 1. f. 2. b.*
purissimam, Et locum impietati consecratum;

nunc

nunc ipsissimam Antichristi sedem, à qua qui diuortium fecerint, Graci & Bohemi, felices merito existimandi sint.

Hæccine ἀληθοφώεια Evangelica est, asferere, negare: laudare, culpæ: venerari, calumniari: parere, obedientiam detractare: calidum denique & frigidum eodem guttore spirare? Neque hic trepidantis conscientia stimulus vnquam in Luthero ad mortem vsque conquieuit: quemadmodum multa eius testimonia docent.

Morsus conscientia in Luthero.

Tom. 2. l. 1. fol. 9.

Præfatione libri de abusu missæ, Quam sæpe, inquit, cor mihi palpitauit; meq; coarguit atq; obiecit, tu ne solus sapiens, ceteri omnes errent; ac tanto tempore errarint? quid si tu erres, ac tot in errorem seduceres, perpetuo supplicio con-

Sermo. con- uersu. fol. 10.

demnandos? Et alibi. Pergrauis mihi fuerunt istæ cogitationes, tu solus purum atque immaculatum Dei uerbum habes? ceteri omnes eo destituuntur? quod Christiana Ecclesia decreuit, totque annos credidit, tu impugnas, ac tanquam falsum euertis: quin & tua doctrina politicum atque Ecclesiasticum regimen conturbas. Ibidem fol. 158. istas cogitationes nunquam ex animo dimitto, quin optem hanc me causam nunquam incepisse. & folio 273; nunquam maiores grauioræque tentationes habui, quam ex meis concionibus. Cogitabam enim, ista tu solus incepisti. Ista tentatione sæpe ad infernum vsque demersus sum. Quo & factum, ut alibi libros suos æterna obliuione sepultos optarit, Addens sperare se, ubi horum temporum

Præfat. Tom. 1.

curiositas saturata fuerit, breui monumenta sua interitura.

Similes ac maiores etiam cōscientiæ mortuus Philippus sensit, cū aliās, tum in primis anno 30. in comitiis Augustanis, vbi propter nimiam timiditatē & in Catholicis impugnantis lenitatē Lutheri literis fulciendus, & quasi flabello iterum ad insaniam inflammandus fuit. *Articulos Schmalkaldicos* cum qua exceptione subscripserit, notum est. Nobili cuidam, Ioanni Bartholomæo à Velbergk suasisse dicitur, *ut in veteri Catholica precandi ac communicandi ratione persisteret: sibi vehementer dolere addens, q̄ relicta Philosophia in Theologicis scribere cœperit. Nullius se digiti iacturam refugere, si istum reuocare laborem possent. Sed nunc se nimis profandè causâ immersum nullum regressum inuenire.*

Zuinglius quàm timidè ac dubitanter suam de cœna sententiam in lucem protruserit, cuiusque spiritus testimonio firmarit, testis est ipse, & Kemnitius in libello de cœna Domini fol. 216. De Oecolampadio notius est, quā vt verbis egeat. *Selneccerus* in morbo hac eum p̄catione vsū scribit, *Iesu Christe patefac mihi veritatē tuam, an etiam hæctenus de sacra tua cœna rectè docuerim & scripserim.*

Eant nunc sectarii, fidei que suæ ἀληθοφoρίαν iactent: cum tot tamq̄; luculentis testimoniis ipsi ὀλιγοπισίαν suam atq; incertitudinē turpissimam abūdantissimè prodant.

Et

Philippi trepidatio.

Chyrenus in historia August. confess.

Tom. 6. lem. fol. 522. a.

VVolfgangus Agricola concione de matrimonio.

Zuinglii et Oecolampadii incertitudo.

Parte 1. comment. in ps. fol. 215.

Et quidem certū esse potest apud eos, qui tutissimo Ecclesiæ portu relicto, vela ventis sine gubernaculo dederunt, sæpissimèq; naufragi ad mentem sanam redire noluerunt? O utinam saperent tandem, securissimoque Ecclesiæ portui fiderent, quàm tuti, quàm tranquilli, quàm certi intus & extrà forent: Intus testante spiritu, extrà loquente Ecclesia, de qua D. Paulus *Columna est & firmamentum veritatis*: de qua D. Cyprianus, *Adulterari non potest sponsa Christi, incorrupta est & pudica: unam domum nouit, unius cubiculi sanctitatem casto pudore custodit*: de qua denique Augustinus contra Donatistas: *Cum in scripturis non inueniamus aliquos ad Ecclesiam transisse ab hereticis, & sicut ego dico, aut sicut iudicis, esse susceptos: puto si aliquis sapiens extitisset, cui Dominus Iesus Christus testimonium perhibet, & de hac questione consuleretur à nobis, nullo modo dubitare deberemus id facere, quod ille dixisset, ne non tam ipsi quam Domino Iesu Christo, cuius testimonio commendabatur, repugnare iudicaremur.* **PERHIBET AVTEM TESTIMONIUM CHRISTVS ECCLESIAE SVAE.** Ecce Evangelium lege ubi ait, &c. *Quod si non vis, non mihi aut cuiquam hominum, qui vult ita suscipere, sed ipsi Saluatori contra salutem tuam perniciosissimè reluctaris, qui te sic suscipiendum esse non vis credere, quemadmodum suscipit illa Ecclesia, quam testimonio suo commendat ille, cui fateris nefarium esse non credere.*

1. Tim 3.
de unit. Ec-
cles.
D. unit. elo.
cap. 22.

Deficiente
scriptura,
Ecclesia
consulenda.

Qui Eccle-
sia reluctat-
ur, Christo
ipsi reluctat-
ur.

Non

Non ergo est, quòd nouatores ita leuiter Catholicos veritatis tantùm aliqua opinione imbutos iudicent, qui arundinum instar fluctuantes, modò huic, modò illi sententiæ palmam deferant: cùm loquantur potius & sentiant cum Richardo de S. Victore: *Domine si error est, à te decepti sumus. Nam ista in nobis tantis signis, & prodigijs confirmata sunt, & talibus, quæ non nisi per te fieri possunt.*

Atque hæc de primo instituti nostri fundamento, quod in ipsis aduersariorum principiis positum esse diximus. Vbi pro nostra mediocritate liquidò demonstratum speramus, 14: illa κριτήρια Vrsini pro Religionis Christianæ veritate allata, totidem Catholicæ Ecclesiæ sincerissimæ puritatis infallibilia testimonia præbere: ipsorumque errorum documenta certissima, vt si deinceps Catholici esse noluerint, suis ipsi decretis immorigeri deprehendantur.

*Conclusio 1.
rationum.*

Alterâ nunc ratio explicanda sequitur, quæ ab authoritate & consensu sumitur eorum, qui ante nostemporibus minus suspectis vixerunt, Christianamque fidem tutati sunt: *qui nullas nobiscum vel vobiscum amicitias attenderunt, vel inimicitias exercuerunt, neque nobis vel vobis irati sunt, neque nos vel vos miserati sunt: quod inuenerunt in Ecclesia, retinuerunt, quod didicerunt, docuerunt, quod à parentibus acceperunt, hoc filiis tradiderunt.*

Ratio altera breuior, è pauculis SS. Patrum Testimonijs. August. lib. 2. in Iulian. Pelagia.

S. Irenæus de Romana Ecclesia.

Primùm igitur S. Irenæus lib. 3. cap. 3. *Quoniam, inquit, valde longum est, in hoc tali*

volumine omnium Ecclesiarum enumerare
 successiones, maxima & antiquissima & omni-
 bus cognita à gloriosissimis duobus Apostolis Pe-
 tro & Paulo Romæ fundata & constituta Eccle-
 sia, eam quam habet ab Apostolis traditionem
 & annunciatam hominibus fidem per successio-
 nes Episcoporum peruenientem vsque ad nos in-
 dicantes, confundimus omnes eos, qui quoquo
 modo, vel per sui placentiam malam, vel va-
 nam gloriam, vel per cœcitatem & malam sen-
 tentiam, præter quam oportet, colligunt. Ad

*Successio
 Romanorū
 Episcoporum
 confundit om-
 nes here-
 ticos.*

*Roma caput
 Ecclesiarū
 cœciliarum.*

hanc enim Ecclesiam propter potentio-
 rem prin-
 cipalitatē necesse est omnem conuenire Eccle-
 siam, hoc est, eos qui sunt undique fideles, in qua
 semper ab his qui sunt undique conseruata est
 ea, que est ab Apostolis traditio. Fundantes igitur
 & instruentes beati Apostoli Ecclesiam, Li-
 no Episcopatū administranda Ecclesia tradide-
 runt. Succedit autem ei Anicetus, post eum

*Ordo Ro-
 manorum
 Pontificū.*

tertio loco ab Apostolis Episcopatum sortitur
 Clemens, qui vidit ipsos Apostolos, & contulit
 eum eis, cum adhuc insonantem predicationem
 Apostolorum, & traditionem ante oculos habe-
 ret, &c. Huic autem Clementi succedit Euaris-
 tus, & Euaristo Alexander, ac deinceps sextus
 ab Apostolis constitutus est Sixtus, & ab hoc Te-
 lesphorus, qui etiam gloriosissime Martyrium
 fecit, ac deinceps Higinus, post pius, post quem
 Anicetus. Cum autem successisset Aniceto Soter,
 nunc duodecimo loco ab Apostolis Episcopatum

*vsus suc-
 cessionis*

habet Eleutherius. Hac ordinatione & succes-
 sione, ea que est ab Apostolis in Ecclesia traditio

& ve-

Et veritatis præconiatio pervenit usq; ad nos. Et est plenissima hac ostensio, unam & eandem vni-
 ficatricem fidem esse, qua in Ecclesia ab Aposto-
 lis usq; nunc sit cōservata & tradita in veritate.

*continua in
Romana
Ecclesia.*

Tertullianus de præscript. cap. 36. Si Italia
 adiaces, habes Romam, unde nobis quoq; autho-
 ritas præstò est. Statu felix Ecclesia, cui totam
 doctrinam Apostoli sanguine suo profuderunt:
 ubi Petrus passioni dominica adequatur, &c.

*Tertullia-
num.*

S. Cyprianus lib. i. epist. 3. Post illa adhuc
 insuper Pseudoëpiscopo sibi ab hæreticis consti-
 tuto, navigare audent, & ad Petri cathedram,
 atq; ad Ecclesiam principalem, unde unitas sa-
 cerdotalis exorta est, à Schismaticis & profanis
 literas ferre: Nec cogitare, eos esse Romanos, quo-
 rum fides Apostolo predicante laudata est: ad
 quos perfidia non possit habere accessum.

*S. Cypria-
num.*

*Ad Roma-
nam Eccle-
siam perfidi-
a non ha-
bet acces-
sum.*

Idem lib. 4. Epist. 8. de Cathedra Rom.
 Pontificis loquens: scimus hortatos nos esse, ut
 Ecclesia Catholica matricem & radicem agno-
 scerent & tenerent.

Idem lib. 3. Epist. ii. formulam Palinodiæ
 recensens eorum, qui à Schismate ad Eccle-
 siam redibant: Nos Cornelium episcopum
 sanctissimæ Catholica Ecclesia electum a Deo o-
 mnipotentem & Christo Domino nostro scimus.
 Nos errorem nostrum confitemur, nos impostu-
 ram passi sumus &c. Nec enim ignoramus v-
 num Deum esse, & unum Christum esse Domi-
 num, quem confessi sumus, unum Spiritum san-
 ctum, unum episcopum in Ecclesia Catholica ef-
 se debere.

*Formula
Palinodia
Veterum ad
Ecclesiam*

S. Athana-
sius.

S. Athanasius & Ægyptii Episcopi in epistola ad Marcum Papam: *Domino sancto & Apostolici culminis venerando Marco sanctæ Romanæ Apostolicæ sedis, atq; uniuersalis Ecclesiæ Papæ, Athanasius & uniuersa Ægyptiorum salutem, &c.*

Ibidem. *Optamus ut à vestra sanctæ sedis Ecclesiæ auctoritate, quæ est mater omnium Ecclesiarum, ea ad correctionem & recreationem fidelium orthodoxorum percipere per præsentem legatos mereamur, &c.*

S. Hiero-
nymus.

S. Hieronymus Epist. 57. ad Damasum.

Quoniam vetusto oriens inter se populorum furore collisus, indiscissam Domini tunicam, & desuper textam minutatim per frustra decerpit, & Christi vineam exterminant vulpes, ut inter lacus contritos, qui aquam non habent, difficile ubi fons signatus & hortus ille conclusus sit, possit in-

Cathedra
Petri in du-
bis consu-
lenda.

telligi: ideo mihi cathedram Petri, & fidem Apostolico ore laudatam censui consulendam: inde nunc mea anima postulans cibum, unde olim Christi vestimenta suscepi. Neq; verò tanta vastitas elementi liquentis, & integra longitudo terrarum me à præciosa margarita potuit inquisitione prohibere. Vbicunq; fuerit corpus, ibi congregabuntur aquila. Profligato à sobole mala patrimonio, apud vos solos patria seruetur hæreditas. Ibi cespitem terra fecundo dominici seminis puritatem centeno fructu refert &c. Quamquam igitur tui me terret magnitudo, inuitat tamen humanitas: a sacerdote victimam salutis, à pastore præsidium ouis flagito: faceat in-
uidia,

*uidia, Romani culminis recedat ambitio, cum
 successore piscatoris, & discipulo crucis loquor. //
 Ego nullum primum nisi Christum sequens Beati-
 tudini tuae, id est cathedra Petri communionem
 confocior: Super illam Petram adificatam Ec-
 clesiam scio. Quicumque extra hanc domum a-
 gnium comederit, profanus est. Si quis in arca
 Noe non fuerit, peribit regnante diluuium. Qui-
 cumque non tecum colligit, spargit: Hoc est, qui
 Christi non est, Antichristi est.*

*Extra Ro-
 manam
 Ecclesiam
 nulla salus.*

S. August.

*S. Augustinus in psalm. contra partem
 Donati: Venite fratres, si vultis, ut inferamini
 in vite: dolor est, cum vos videamus precisos ita
 iacere. Numerate Sacerdotes vel ab ipsa Petri
 sede, in ordine illo patrum quis cui successerit,
 videte: ipsa est petra, quam non vincunt su-
 perba inferorum porta.*

*Sedes Petri
 insuperabi-
 lis.*

*Idem Epist. 162. Qui posset non curare con-
 spirantem multitudinem inimicorum, cum se
 videret Romana Ecclesia, in qua semper Apo-
 stolica cathedra viguit principatus, per commu-
 nicatorias literas esse coniunctum?*

*Romana
 Ecclesia
 principa-
 tus.*

*Et Epist. 165. Euangelizatum tibi est per
 Propheticas & Apostolicas literas, quod Abraha
 dictae sunt promissiones & semini eius, quod est
 Christus, cum ei diceret Deus, in semine tuo be-
 nedicientur omnes gentes. Has ergo promissiones
 tenenti, si tibi angelus de caelo diceret, dimitte
 Christianitatem orbis terra, & tene partes Dona-
 ti, cuius ordo tibi exponitur in epistola episcopi
 tuae ciuitatis, anathema esse deberet: quia te
 a toto pracidere, & in partem contrudere cona-*

*Ecclesia &
 universalis.*

Ordo Romanorum
Episcoporum.

retur, & alienare à promissis Dei. Si enim ordo Episcoporum sibi succedentium considerandus est, quando certius & verè salubriter ab ipso Petro numeramus, cui totius Ecclesie figuram gerenti Dominus ait: Super hanc petram edificabo Ecclesiam meam, & porta inferorum non vincunt eam. Petro enim successit Linus, Linò Clemens, Clementi Anacletus, Anacleto Euaristus &c. In hoc ordine successionis nullus Donatista Episcopus inuenitur.

Cathedra Petri propter peccata hominum non consistendum.

Idem contra literas Petiliani Dona. libro secundo cap. 51. Cathedra tibi quid fecit Ecclesie Romana, in qua Petrus sedit, & in qua hodie Anastasius sedet: vel Ecclesie Hierosolymitana, in qua Iacobus sedit, & in qua hodie Iohannes sedet, quibus nos in Catholica unitate connectimur, & à quibus vos nephario furore separastis? Quare appellas cathedram pestilentie cathedram Apostolicam, si propter homines quos putas legem loqui & non facere, nunquid Dominus IESVS Christus propter Phariseos de quibus ait, dicunt enim & non faciunt, cathedra in qua sedebant, ullam fecit iniuriam? Nonne illam cathedram commendavit, & illos seruato cathedra honore redarguit? ait enim, cathedram Moysi sedent, qua dicunt facite, qua autem faciunt, facere nolite: dicunt enim & non faciunt. Hec si cogitaretis, non propter homines, quos infamatis blasphemaretis cathedram Apostolicam, cui non communicatis. Sed quid est aliud quam nescire quid dicere, & tamen non posse nisi maledicere?

Tandem omnia quasi in vnum fascicu- ^{Qua Au-}
 lum colligens lib. contra Epist. Manichaei ^{gustinum}
Ut omittam sapientiam, quam in Ecclesia esse ^{in Ecclesia}
Catholica non creditis, multa sunt alia, quae in ^{detinuerunt.}
eius gremio me iustissimè teneant. Tenet consen- ^{tu}
sio populorum atque gentium, tenet autoritas
miraculis inchoata, spe nutrita, charitate au-
cta, vetustate firmata: Tenet ab ipsa sede Petri
Apostoli, cui pascendas oves suas post resurre-
ctionem Dominus commendavit, usque ad pra-
sentem Episcopatum successio sacerdotum: Te-
net postremo ipsum Catholica nomen, quod non
sine causa inter tam multas haereses sic ista Ec-
clesia sola obtinuit, ut cum omnes haeretici se ca-
tholicos dici velint, quarenti tamen peregrino
alicui, ubi ad Catholicam conveniatur, nullus
haereticorum vel basilicam suam vel domum
audeat ostendere.

OPTAVS MILEVITANVS libro ^{Optatus}
 secundo contra Donatistas. Probamus ^{M. Constantinus.}
 eam esse Ecclesiam Catholicam, qua sit in to- ^{nus.}
 to terrarum orbe diffusa, eius iam commemo-
 randa sunt ornamenta, & videndum ubi sint
 quinque dotes, quas tu sex esse dicis, inter quas
 cathedra est prima. Vbi nisi sederit Episcopus,
 coniungi altera dos non poterit; Videndum est qui
 & ubi priori cathedra sederit. Si ignoras disce: ^{Poma ca-}
 Si nosti erubescere. Ignorantia tibi ascribi non po- ^{thedra pri-}
 test, restat ergo ut noveris. Scientem errare pec- ^{ma, in qua}
 catum est. Nam ignorantibus nonnunquam so- ^{Petrus se-}
 let ignosci. Igitur negare non potes, scire te in ur- ^{dit, &c.}
 be Roma Petro primo cathedram Episcopalem
 esse.

esse collatam, in qua sederit oranium Apostolorum caput Petrus, unde & Cephas appellatus est: In qua una cathedra unitas ab omnibus seruaretur, ne cateri Apostoli singulas sibi quisque defenderet, & iam schismaticus & peccator esset, qui contra singularem cathedram alteram collocaret. Ergo cathedra unica, qua est prima de dotibus, sedit prior Petrus, cui successit Linus, Lino Clemens, Clementi Anacletus &c. Vestra cathedra vos originem reddite, qui vobis vultis sanctam Ecclesiam vendicare.

S. Bernhar.

S. Bernhardus ad Eugenium Papam, Quis es? sacerdos magnus, summus Pontifex. Tu princeps episcoporum: tu haeres apostolorum: tu primatu Abel, gubernatu Noë, Patriarchatu Abraham, ordine Melchisedech, dignitate Aarō, authoritate Moses, Iudicatu Samuel, potestate Petrus, vntione Christus. Tu es cui clauēs tradita, cui oues credite sunt.

*Praclarum
Romani
Pontificis
ellogium.*

*Conclusio
rationis se-
cunda.*

Ex his & similibus infinitis aliorum patrum testimoniis manifestè liquet, quàm honorificè pia antiquitas de Romana Ecclesia senserit & locuta sit, quidque nos etiam nunc sentire conueniat. Non enim ea prius tantum tempora, sed nostram quoque ætatem, & vniuersum seculi decursum concernunt. Alioqui infirmæ Patrum ratiocinationes, & non magis tunc, quàm nunc hereticos conuicturæ fuissent: si vlla temporis diuturnitas vel peruersitas exceptionem facere possit. Nec aliud quàm vniuersæ religionis incertitudo sequeretur, labascente simplicium

placium fulcro, qui hæresibus vrgentibus nõ alio, quàm Ecclesiæ solius præsidio se tutos norunt.

Sed nunc, quid ad hæc aduersarii respondeant, videamus. *Humana* inquiunt, *isthac testimonia sunt, dubia fidei & fallibilis auctoritatis. Nos habemus firmiorem propheticum sermonem, cui attendimus, quasi lucernæ lucenti in caliginoso loco, donec dies elucescat, & lucifer oriatur in cordibus nostris.*

*Confutatio
Sulgarium
effugioria*

2. Pet. 1. 6. 19

Huic prætextui specioso, omnibus hæreticis familiarissimo olim *Tertullianus* respondens, seridò admonet, ne Catholici cum hæreticis de fide disputaturi, fucum scripturarum admittât, sed ad maiorum potius traditionem prouocent, & ex illa germanam fidei sinceritatem petant. *Nihil enim proficit, inquit, congressio scripturarum, nisi planè ut aut stomachi quis ineat euersionem aut cerebri.* *Ista hæresis non recipit quasdam scripturas: & si quas recipit, adiectionibus & detractionibus ad dispositionem Instituti sui interuertit: & si recipit, non recipit integras: Et si aliquatenus integras præstat, nihilominus diuersas expositiones commentata conuertit. Tantum veritatis obstrepit adulter sensus, quantum & corruptor stylus.* Et paulò post. *Quid promonebis experientissime scripturarum, cum si quid defendere negetur: è diuerso, si quid negaueris defendatur. Et tu quidem nihil perdes, nisi vocem in contentione: nihil consequeris, nisi vilem de blasphamatione laudem.*

*Tertull. de
prescript.*

cap. 16. 17. 18

*Scriptura
abusus a-
pud hæreti-
cos.*

Ibid. cap. 17.

Frustra igitur ouillam hanc pellem ostentatis, Nouatores; nec scripturam sequimini ducem, sed somnia capitum vestrorum, & deliria præceptorum vestrorum, qui abrepti ambitione, vel spiritu vertiginis conuulsi, tam tetra mundo monstra pepere-
 runt; vt rectissime vobis applicetur alterum illud Petri: *Hi sunt fontes sine aqua, & nebule turbinibus exagitatae, quibus caligo tenebrarum reservatur. Superba enim vanitatis loquentes, pelliciunt in desiderijs carnis luxuria eos, qui paululum effugiunt, qui in errore conuersantur. Libertatem illis promittentes, cum ipsi serui sint corruptionis. Ne autem quisquam se fallat Apostolici dicti deprauatione, attendat restrictionem ibidem discretissime additam: Hoc primum intelligentes, quod omnis prophetia scripturae propria interpretatione non fit. Non enim voluntate humana allata est aliquaado prophetia: sed Spiritu sancto inspirati locuti sunt sancti Dei homines.* En verum scripturarum vsum & neruum. Non hoc de scripturis est, quod hic vel ille tenebrius ex verbulis aliquot presfis & detortis comminiscitur, sed quod in mente authoris fuisse Spiritus sanctus per publicam & vnanimem Ecclesiae vocem & praxin ab exordio huc vsque durantem testatur: contra quam pugnare vt dementissima insaniam est, ita in fide periculosissimum. Non enim cuius datur donum intelligentiae, aut prophetiae, sed multi temeraria
 inter-

2. Pet. 2. 6.
 17. 18.

Scriptura
 non est pri-
 uata inter-
 pretationis

interpretandi prælumptione grauitè se & salutem suã vulnerarunt: quemadmodum ipse Petrus sequenti cap. 3. epistolarum Paulinarũ exemplo ostendit: *in quibus inquit, sunt quedam difficilia intellectu, quæ indocti & instabiles deprauant, sicut & ceteras scripturas, ad suam ipsorum perditionem.* Hinc Augustinus epist. 222. ad Consentium, *intellectum valdè ama, quia & ipsa Scriptura sancta, quæ magnarum rerum ante intelligentiam suadent fidem, nisi eas rectè intelligas, utiles tibi esse non possunt. Omnes enim heretici qui eas in auctoritate recipiunt, ipsas sibi videntur sectari, cum suos potiùs sectentur errores, ac per hoc non quòd eas contemnant, sed quòd eas non intelligant, heretici sunt.*

2. Petri 3.
v. 16.

Scriptura
intelligem-
tia sectam-
da.

Et sanctus Hieronymus contra Lucifer. cap. 9. *Nec sibi blandiantur, si de scripturarum capitulis videntur sibi affirmare quod dicunt; oùm & Diabolus aliqua de scripturis sit locutus, & scriptura non in legendo consistant, sed in intelligendo.*

At hæc omnia nihil ad nos, inquit, qui verum scripturæ sensum tenemus & tuemur. Quo vero id iudice, inquam. S. scriptura inquit, quæ velita per se manifesta est, ut cuius pateat: vel aliorum locorum collatione facile patescit. Prius illud quàm falsum sit, iam Petrus docuit exemplo & ratione. Si enim epistolæ Paulinæ magna ex parte obscuræ, si in genere scriptura priuatæ interpretationis non est, quid opus de ista tam lucida perspicuitate

Scriptura
difficultas.

cuitate oggannire? Aliter longè Augustinus Epist. 3. ad Volusianum: tanta est Christianarum profunditas literarum, ut in eis quotidie proficerem, si eas solas ab incunte pueritia usque ad decrepitam senectutem, maximo otio, summo studio, meliore ingenio conarer addiscere.

Et Chrysost. homil. 40. in Iohan. Christus inquit, Iudeos ad scripturarum non simplicem & nudam lectionem, sed ad inuestigationem per quam diligentem relegavit. Non dixit, legite scripturas, sed scrutamini, divina enim summa indigent diligentia. In umbra enim maioribus illis non absre locutus est, idcirco effodere profundius iubet, ut quæ aliè delitescunt, inuenire possimus. Non enim rem in superficie, & in promptu positam effodimus, sed quæ tanquam thesaurus profunde reconditur, qui enim huiusmodi querit, nisi summam adhibeat diligentiam & laborem, nunquam quesita inueniet.

*Collatio lo-
corum si-
milium.*

Iam posterius illud de collatione, quæro quo fundamento nitatur. Aut enim collatio illa certam & præscriptam in scriptura regulam habet, aut priuato fit cuiusque conferentis arbitrio. Si illud, ostendatur. Si hoc, res eodem redit, nec maioris authoritatis collatio duorum dictorum est, quam nuda vnus interpretatio: cum norma semper priuati hominis sit iudicium.

*Analogia
Fidei.*

Fidei, inquit, analogia regula est utriusque, & interpretationis & collationis. Rectè inquam: sed non quæuis à quouis grege confarcinata analogia, sed vera, prisca, Catholi-

ca, quæ semper & vbiq; ab exordio prædicationis Apostolicæ apud orthodoxos obtinuit. Qui enim non credit id, quod semper & vbiq;, & ab omnibus ab Ecclesia exordio creditum est, Catholicus non est, inquit Vincentius Lirinensis in commonitorio. Hinc aliam facit interpretationem & collationem Arianus, aliam Samofatenianus, aliam Lutheraus, aliam Anabaptista, quia aliam singuli analogiam sequuntur: & tamen omnes errant, quia ab vna incommutabili Ecclesiæ confessione discesserunt.

Iam postremò quod de Spiritus Sancti in interpretando ductu & regimine excipere solent, verum quidem est, sed nihil ad ipsos.

Qui enim Christi non sunt, quomodo spiritum Christi possidebunt? Quomodo autem Christi sunt, qui in corpore eius non sunt, quod est Ecclesia, ubi membra per unitatis charitatem sibi copulantur, & per eandem capiti suo coherent, quod est Christus Iesus. Totum enim quod annunciat de Christo, caput & corpus est, caput est ipse unigenitus Iesus Christus filius Dei veri, ipse Saluator corporis, qui mortuus est propter delicta nostra, & resurrexit propter iustificationem nostram. Corpus eius est Ecclesia, de qua dicitur, ut exhiberet sibi gloriosam Ecclesiam, non habentem maculam aut rugam, aut aliquid huiusmodi.

Quod si ergo hoc telo pugnare vultis, Nouatores, quæro, num arbitremini, maiorem Spiritus sancti afflatum in seditiosis vestris

Catholicum
quid.
cap. 3. § 25

Ductus Spiritus sancti.

rom. 8. § 9.

August. de Unitate Ecclesie cap. 2. § 17.

Comparatio veterum & novorum Doctorum.

stris tribunis & nouatoribus fuisse, qui ne honestæ quidem vitæ testimonium habuerunt, *Et cum pro sua superbia nimis affectarent plurimum posse, ad suatamen vitia sananda, vel refrenandam maledicentiam Et liuorem nihil potuerunt*: quàm in sanctissimis illis, doctissimis & celeberrimis Ecclesiæ Patribus & Pontificibus, quorum plerique etiam sanguine suo veritatem cœlestem obsignarunt, & stupendis miraculis suam apud Deum gloriam & beatitudinem testati sunt? Nonne his dicentibus potius & facientibus, illustrissimisque rationibus probantibus Spiritum sanctum incubuisse fatebimur: quàm illis nugantibus, & vita semetipsos refellentibus? *At patres inquitis, nobiscum faciunt, Et à nostris stant partibus.* Hoc sanè Calvinus audacter affirmat: *Si patrum inquit auctoritate dirimendum certamen esset, melior victoria pars (ut modestissimè etiam loquar) ad nos inclinaret.* Et paulò post. *Si id presentis instituti esset, nullo negotio mihi liceat meliorem eorum partem quæ hodie à nobis dicuntur, patrum suffragiis comprobare.*

Verùm quàm horribile & impudens illud sit mendacium, ego longè minori negotio, si huius instituti esset, contra Calvinum demonstrarem: Ita enim omnia, quod legenti prima fronte patet, sunt *dis Ağa wa-σῶν*, vt non immeritò alibi tam inhumaniter Patribus barbas vellicent: quemadmodum *Wuttackerus* Hieronymi laudes præclare

*S. August.
epist. 3. ad
Volusian.*

*S. Patres
ab extra stēt
parte.
Calvinus
prefat. in-
stit. ad re-
gem Gallia.*

*Wuttacke-
rus in d. p. l.*

clare scilicet canit, cum scribit *Augustino malim cat contra
similior esse quam Hieronymo, quem* T U Q *Stapletoni*

*Romanus & triumlinguarum rara tum scien- Conuittia
tia & solitudo Bethlehemitica morosiore fecit, in S. Pa-
ut nonnunquam lingua & calamo minus tem- tres.*

*perarit, quam talem virum & tantam sancti-
monia professionem decuerit. Et contumelior- Lutherus
sius adhuc Lutherus. Homo fuit nullius neque de S. Hiero-
iudicii neque diligentia. Multa impie scribit nymo.*

*ea fuit oscitantia & hebetudo eius in scripturis
intelligendis, more suo Iudaicas cecitates pro hi-
storico sensu, deinde suas ineptias pro allegoria
obtrudit. Non honestiora de aliis iudicia fe-
runt alii, quæ tanquam impuram sententiã li-
benter intacta relinquo. Plurimum autem*

*admiror Flaccii Illyrici temeritatem, qui in
præiudicium Romanæ Ecclesiæ C A T A L O G
V M scilicet TESTIVM VERITATIS colligere
conatus est, hoc animo, ut ostenderet singu-
lis seculis aliquos extitisse, qui papatui con-
tradixerint, eiusque doctrinam coarguerint.* Flaccius Il-
lyricus.

*Quasi vero nouum & insolitum sit hæreses
exitere, & diabolũ ambiciosa vel irrequieta
excitare ingenia, qui Christo contradicant,
præsertim cum scriptura doceat, hunc esse po-
situm in signum contradictionis, eumque domi-
naturum in medio inimicorum suorum. Quan-
quam falsos etiam sæpe testes citat. Aut enim
hos affert, qui cū causa eius nihil quicquam
habent commune: aut eos qui simili scabie
infecti, ab omni antiquitate iam olim hære-
seos condemnati sunt, ac ne testium quidem
nomen*

*Catalogus
Testium
Veritatis.*

Luc. 2.

nomen merentur: aut denique sanctorum quorundam Patrum, ac constantium Ecclesie filiorum defensorumque, seuerioribus ad morum correctionem spectantibus inuectiuis pro sacrilega sua dispersione abutitur. Sed sciat aliud esse mores carpere, aliud fidem condemnare: Sciat testibus fide dignis, non hæreticis aut refractariis obedientie contemptoribus hic locum esse: Sciat denique fidem Catholicam non ex vnus atque alterius in hoc vel illo angulo tenebrionis intempestiuabile, sed ex constanti scripturarum, vetustatis ac totius orbis Christiani consensione diiudicandam. Rectissime igitur ad hunc totum catalogum, ementitam atq; emendicatam nouæ Ecclesie defensionem respondebimus, quod *Lucullus* olim apud *Ciceronem* 4. *Academica* aduersus nouam Philonis, Arcesilæ, Carneadisque Academiam, veterum quorundam philosophorum autoritate sese venditantem respondit, *Primum mihi videmini*, inquit, *cum veteres Physicos nominatis, facere idem quod seditiosi ciues solent, cum aliquos ex antiquis claros viros proferunt, quos dicant fuisse populares, ut eorum ipsi similes esse videantur.* Repetunt iam à *P. Valerio*, qui exactis regibus primo anno consul fuit; commemorant reliquos, qui leges populares de prouocationibus tulerint, cum consules essent: tum ad hos notiores (*Flaminium*, qui legem Agrariam aliquot annis ante secundum Punicum bellum *Tribunus Pleb.* tulerit

Lucullus.

tulerit inuito senatu, & postea bis consul factus sit, &c. Horum nominibus tot virorum atque tantorum expositis, eorum se institutum sequi dicunt. Similiter vos cum perturbare, ut illi Rempub. sic vos philosophiam bene iam constitutam velitis, Empedoclem, Anaxagoram, Democritum, Parmenidem, Xenophanem, Platonem, &c. Socratem profertis. Profestò viua nostrorum Arcefilaram imago, qui cum firmis Theologiæ suæ fundamentis destituantur: fictitiæ antiquitatis robore se saluos sperant: cum alioqui veram antiquitatē, quam Vincent, sic sequimur, si ab his nullatenus sensibus rece- Lirinensis damus, quos Sanctos maiores ac Patres nostros celebraſſe manifestum est. Veram vniuersita- reses cap. 3. tem, quam sic sequimur, si hanc nostram fidem veram esse fateamur, quam tota per orbem terrarum confitetur Ecclesia: Veram consensionem, quam ita sequimur, si in ipsa vetustate, omnium vel certè penè omnium sacerdotum pariter & magistrorum definitiones sententiasque sectemur: Non tantum rideant, verum etiam horribili audacia condemnent, & pedibus proculcent. Si vel totum inquirunt, Senatum Patrum in nos commoueritis, nisi quod dicitur Dei non hominum voce comprobetur, de Antinihil comprobabis. Quid ita vero? Patres enim christo ad in multis insigniter errasse, nemo nisi insigniter indoctus nescit. O fatum pariter mortuorum & viuorum! Quasi verò non hoc agatur, magis de Dei sensu esse, quod diuinæ istæ animæ nobis ab Apostolis acceptum tradide-

runt: quàm quod distorta & inflata ingenia hodie vel heri de priscorum hæreticorum lacunis resorptum mundo ad interitum propinarunt. Atqui homines fuerunt Patres lapsi sapius & prauaricati. Quidni homines: modo non bestia. Lutherus verò tuus, Calvinus, Zuinglius, Beza, nunquid Dij sunt, extra aleam infirmitatis & erroris positi? Quid tu, qui tuopte iudicio scripturas legis, vertis, interpretaris, fidei controuersias disceptas, ac priuato quasi nisu in cœlum tendis, nunquid non ipse quoq; homo es, errorum vile mancipiũ & tenebrarum abyssus? S. Patres quod attinet, fatemur sanè illos pro cõmuni infirmitatis lege humani interdũ aliquid passos, & vel incommodius sensisse, vel imprudentius locutos esse, quod ipsi postea corrigerent & retractarent. Sed quid hoc ad infringendam ipsorum grauissimam auctoritatem. Et si enim aliqui in quibusdam aliquando dogmatibus errauerunt, nunquam tamen omnes simul in eodem errore conuenisse demonstrabis. Et sunt plerunq; errores isti in minutioribus capitibus, quæ fidei summam & analogiam non concernunt: & in quibus salua vnitare Ecclesiæ etiam sanctissimi inter se discrepare possunt. Attende igitur & sequere saluberrimum *Thomæ Waldensis* in hoc casu consiliũ. Si quid inquit, quisquam Patrum per se solum in aliqua re opinando decreuit, illo dimisso solum hoc astruam, quod maior pars Patrum a tempore, *Aposto-*

Patrum errores quales.

Vide Vincent. in common. cap. 9. & 39.

In princip. doctrinæ fides.

3

Apostolorum successivè ad nos usq; sensit & tradidit: a qua professione nullus sub pœna perfidia potest declinare fidelis. Sed hic iterum duo gravissimi doctrinæ & morum Ecclesiæ Catholicæ quasi scopuli incidunt, quibus omnis hereticorum infidelitas alliditur, & à salutis portu non absterretur tantum, sed & repellitur. Vah inquit, quid tu nobis Romanam Ecclesiam, quæ tam multa falsa & adulterina, à communi sensu & scripturæ veritate abhorrètia continet: cuius *tectum stramineum, parietes lutei, fundamentum arenaceum.* Illiq; rei ut fidem aliquam faciât, capita nonnulla accersunt caluniæ opportuna, quibus *exagitâdis imperitæ plebeculæ stomachum movent, cornutâsq; beluas in Romanam Ecclesiam graviter priant.* Prædestinationis inquit causas ex p̄missis hominû meritis distinguunt Papistæ. Fidem & conuersionem libero arbitrio ascribunt: Septem Sacramenta ponunt: Ex omnibus idola faciunt: opus operatum sine fide vrgent: Missæ sacrificio vnicum sacrificium Christi repetendo abolent: Iustificationem promiscuè operibus tribuunt: Matrimonium damnant: ciborum dierumq; discrimina statuunt: sanctis defunctis cultum & invocationem assignant: animas in purgatorium relegant: traditionibus omnia probant, & scripturam sanctam pedibus conculcant.

Hæc tam putida & virulenta conuitia, quibus omnis Catholicorum insectatio tanquam fasciculo comprehenditur, si ordine

Scopuli doctrinæ Catholicæ.

Vittack. præfat. duplicat. contra Stapletonum.

nobis refellenda, & veritas à scoriis mendaciorum separanda foret, integram huc Theologiam accersere cogeremur, quod nec huius instituti, nec præsentis temporis est. Ut tamen aliqua hic attingam, & cum istis hominibus paulò familiaris agam, id est, sicut ego possum, non sicut doctissimos viros posse miratus sum: Vnum hoc dico, triplici ab iis ratione in doctrina Catholica trutinanda peccari. Primùm nuda imperitia & infidelitate, cùm ea quæ re vera à Catholicis creduntur, & vera, bona, ac salubria dogmata sunt; turpi infidelitate damnant & reiiciunt. Deinde mendacio aperto, cùm ea quæ à Catholicis non creduntur, sed damnantur, ab illis credi & sentiri existimant, iisque impudenter ascribunt. Tertio calumnia, cùm quædam quæ credunt, sinistrè interpretantur, & à genuino sensu detorquent, quo dira & fugienda existimentur. Primi generis sunt ista, quæ de 7. Sacramentis, de sacrificio Missæ, de purgatorio, de cultu & inuocatione Sanctorum obiiciunt, quæ & in scripturis & Patribus, & Conciliis, & vniuersæ Ecclesiæ praxi fundamentum habere, suo loco iuuante Domino ostendemus. Secundi & tertii generis sunt plurima: quæ vel à ministrellis imperitis confinguntur, vel de genuina sententia in alienam detorquentur, vt non tam Catholicorum dogmata, quàm protestantium mendacia dici debeant. Audiui profectò ego interdum conciones, quas Catholi-

*Triplicis
causa erro-
rum apud
Protestan-
tes.*

CUS VNO VERBO REFUTASSET; MENTIRIS: non sic credimus: non sic docemus: sententiam nostram nunquam rectè percepisti, nunquam legisti, rationibus friuolis tanquam gladio plumbeo pugnas. Et sane quotus quisque nouorum Theologorum in Catholico ita puluere exercitatus est, vt non rudibus tantum batuere, sed acuto etiã ferro cum aduersario congregiaufit? Noui plerosque indulgere affectibus, Catholicorum scripta ne de limine quidem salutare, sed cane peius atque angue odisse: In disputationibus plus quam frigidus & nudos esse: quoties vrgentur, vel ira ebullire, vel antiquam cantilenã repeterere: susque deque ferentes, quicquid centies millies ex scriptura, Patribus, Conciliis, vniuersæ Christianæ Ecclesiæ, etiam in remotissimis terræ partibus consensu responsum sit.

His ductoribus quis se tutò committere aufit? an nō metuitis boni, ne vobis eueniat illud Evangelicum, *Cecus cum cacum ducit, Matth. 18. uterque in foueam cadit.* Quin ergo ipsi potius curam animarum vestrarum suscipite, ipsi libros Catholicorum legite, ponderate, iudicate: caput depono, si non quàm primum ignorantiam vestram damnaturi, & causæ meæ æquiores vos iudices præbituri estis. Nam vt eadem similitudine vtar, qua quondam *Martyr* vester vltus est. *Si quis fortè per aprica deambulans è longinquo mulieres viris mixtas saltare videat, nec sonũ ullũ audiat.*

*In Vita Galeacis carae
ciolis Vice
Marchio-
nis.*

*Stultas eas indicabit, sed si propius accedat, ita ut numeros ad quos saltant, audire possit, mutata de iis sententia non solum delectabitur, sed etiam commoueri desideriumque accendi in se sentiet, cum eis pariter saltandi. Eodem modo multi nunc stultum me & perditum iudicantes, vbi harmoniam & concentum Catholicæ fidei sanis auribus perceperint, facile in idem mecum choragium iuuante Domino descendunt. Nec quenquam à sancto proposito absterreant imperitiæ stultorum vocolæ, Papistas sophistas esse, patrum corruptores, Antichristianismi defensores & incrustatores. Cogitet ipse quorum hæ voces sint, infensissimorum nempe inimicorum, quorum testimonia paruiducenda vel ipsi mente capti norunt. Præclare Augustinus Epist. 227. ad Albinum. *Multi sunt inquit, qui detrahendo nobis caterorum animos, à quibus diligere videmur, aduersus nos perturbare conantur, ut locum in eis Diabolo faciant. Cum autem irascuntur nobis, de quorum salute satagimus, magnum illis consilium vindicandi est libido moriendi, non in corpore sed in corde, vbi funus occultè prius suo putore sentitur, quam nostra cogitatione perspicitur. O quam verè ego vobis charissimi bona conscientia testari possum, quod multorum annorum lectione, & nunc aliquantuli temporis vsu deprehendi, Papistas, quos vocatis, & in primis Iesuitas viros esse omni laude dignissimos, humanitate, sanctitate, morumque facilitate illustrissimos.**

*Conuicia
in Catho-
licos & Iesui-
tas præfer-
sim.*

*Laus Catho-
licorum ipso
Iesuitarum teste.*

mos. Denique non humaniori tantum literaturâ, sed theologica in primis eruditione, veterum Patrum & historiarum cognitione instructissimos: ut si quos de aliqua quaestione consulere velis, hic quasi omnem eruditionis thesaurum defossum reperias. Legite quale ipsi Calvinistæ de unico Bellarmino meo (quem honorificentissimæ memoriæ causa nomino) iudicium ferant, ex quo cæteros faciliè cognoscetis. *Vittackerus* præfat. disput. de Verbo Dei ad *Wilhelmum Cecilium*: De quo inquit, (Bellarmino) *cum meam vir honoratiss. opinionem quereres, respondit quemadmodum sensi, ME ILLVM IUDICARE VI-* Latus Bellarmini ex
RVM SANE DOCTVM, INGENIO felice, iudicio ro- Vittacker-
subtili, lectione multiplici præditum, qui soleret etiam apertius ac simplicius agere, quam reliqui consueverunt Papistæ, & argumentum pressius urgeret, & arctius ad causam adheresceret. Sic enim homo eruditus in scholis, & controuersias ex instituto tractans, in argumento totus, missis circuituibus atq; ambagibus versari, herere, habitare debuit, &c. Idem præfat. 2. ad lectorem duplicatione aduersus Stapletonum: Sunt Iesuite humaniores Stapletono, qui propter præfractam atq; intractabilem naturam non potuit fieri Iesuita. Bellarmini quidem agnosco, quemadmodum in controuersiarum præfatione scripsi, felix ingenium subtile iudicium, lectionem multiplicem. Ista tamen in Bellarmino eiusmodi sunt, ut commendationem potius quam admirationem mereantur.

Ex Francis-
sco Iunio.

Iam *Franciscus Iunius* quondam Præceptor meus, quàm prolixus est in commemorandis eiusdem Bellarmini laudibus? paginas sanè multas complet in præfatione suarum in Bellarminum Notarum: quas etsi inuitus, tamen in vestri gratiam ascribam Nouatores, ut si aures vestræ aduersus preces meas clausæ sint, voci doctorum vestrorum pateant. *Reuera ardua multa* (inquit) *in isto opere instituto, ac velut pilatas acies agmine facto oportet homini occurrisse, quum in tantis rebus argumētisque, accuratè & condignè scientiam a Deo multiplicem desiderari putauerit, ut hereticos non unius generis, sed varia variorum examina strenue una acie prosterneret.* Quapropter cum gratias illi ago & habeo maximas, quod tantum spatii tanto suo & collegarum suorum τὸ κτ̄ ἀντὶς σπεραυζόντων labore in accumulando & coagmentando vasto illo controuersiarum & disputationum corpore consumpserit; tum ab omnibus bonis Christianisq; deberi iudico. Nam siue ea quæ rectè & ex veritate ab eo dicta sunt, respexeris aduersus falsa errantium & hereticorum dogmata, labor est sua laude dignus; siue ea quæ præter veritatem constabiliendis Ecclesie Romanae Ἰσθωύμωσ dicta & Pontificia, dogmatis propugnandisq; attulit saltem eo nomine videtur non malè de nobis meritis, quòd capita illa doctrina, in quibus a vero aberrat, dissident, aut instabiles sunt Pontificii, in unum compegit atq; concinnauit, multasq;

Loquitur
aduersari-
us ex suo
sensu.

tasq; multorum sententias, summa pontificum
Academiarumq; Pontificiarum approbatione
munitas comportauit & conclusit sententia sua.

Ac eorum quidem omnium, quæ verè & san-
ctè aduersus hereses ab illo dicta sunt, laudem ius-
tam ut præcerpamus aut deminuamus, neq; est
viri boni & Christiani officium, neq; est nobis a-
nimus, aut unquam fuit. Etenim quicquid bo-
num, verum, sanctum, & iustū est, cum à Deo
sit, id tanquam à Deo oportet accipi atq; asser-
uari; ac non superciliosè attendi, per quos, aut
etiam quomodo nobis offeratur. Bonum, verum,
sanctum, iustum, homini semper thesaurus ius-
tus est; quem ab instrumento quolibet non dedi-
gnantur percipere boni & prudentes viri, sed ul-
trò quasi rem à Deo per instrumenta, licet alie-
na, inepta, indignaq; oblatam accipiunt, quali-
cunq; modo offeratur. Quæcunque $\omega\epsilon\iota\ \omega\acute{o}\delta\alpha\varsigma$
sunt (ut vulgo dictum est) à quocunque homine
sint, laudare iubemur natura duce, ut à sutore
quamuis cetera ineptissimo nos patimur cal-
ceari, si pedem calcei non vrant, non follicent,
non sint incommodi, Hæc de iis, quæ rectè Bellar-
minus scripsit, bona fide profiteor, equo animo
censeo, & bonos mecum sensuros confido, ne in-
bonum, verum, sanctum, iustum iniquo animo
propter aliquam si forte hominis cuiusquam
iniquitatem dicamur $\epsilon\mu\pi\alpha\theta\acute{\omega}\varsigma$ inuehere, aut
ob alienum vitium doctrinam Deo bonisq; ex
natura & ratione & fide probatam respuere.

Sed in altero illo argumentorum genere, quæ

Errores tri-
bus Bellar-
mino, sed
falso.

præter veritatem stabiliendis Pontificum suo-
rum dogmatis ab eo perscripta fuisse arbitra-
mur, suam quoque aureolam (ut loquuntur) ipsi
ex animo ultro concedimus, nec eum omnino
abiici è manibus aut contemni putamus oportere.
Cum enim veri illius, quod inuestigare nos
omnes profiteamur, duplex sit modus, prout ve-
rum est in sese, & pro ut est in mente & intelle-
ctu nostro, Omne quidem tulisse punctum vide-
tur is, qui verum priore illo modo assequitur,
& perceptum potest exponere: veruntamen,
quia id per omnia facere diuinitatis potius
quam humanitatis est (ut Imperator loquitur)
is etiam punctum aliquod tulisse putandus est,
qui cum veri aliquid attulit (ut à Bellarmi-
no factum agnoscimus) tum si quando per
inscientiam infirmitatemque humanam ab eo
abest, quod secundum Deum & naturam ve-
rum est, tamen quod in animo & intellectu con-
cepit, siue verum, siue falsum, ex veritate sui
conceptus enunciat.

Præter vero
non iudi-
cat.

Non enim diffiteor multa esse, adeoque pluri-
ma, in quibus Bellarminum iudico à vero, quod
proprie & per se verum est, aberrare; prout &
nos quoque, dum hic viuimus in ista labe peccati
& tenebris carnis nostræ, ex parte solum cogno-
scimus, atque ex parte prophetamus, ut optime do-
cet Apostolus 1. Cor. 13. Ex eo enim id omnino se-
quitur, nos ex parte quoque multa non cognoscere,
sed tenebris erroris obductos falsum pro vero plu-
rimum amplexari. Sed duo hic nobis occurrant,
& in animo insideant omni tempore necesse est:

unum

unum errare, labi, decipi humanum esse, & neminem hominem esse (quod aiebat ille) ex omni parte beatum: alterum infirmitatem atq; insipientiam humanam a bonis humaniter accipi oportere; idq; ea lege, ut quod bonum verumq; est, ac dicitur a quouis homine teneas, quod malum aut falsum abiicias, & utrumq; certo iudicio probes ex regula veritatis. Sic quod verè Bellarminus adfert, probamus verè: quod falso, tamè quia ex vero sensu mentis eum dicere presumimus, discernetes humana illius ignorantie & infirmitatis vitium, a quo animo ferimus, donec melius ipsi reuelet Deus: & cum ipsius, tñ populi Christiani causa (de cuius salute laboramus quotquot membra sumus de corpore Christi.) sine iracundia aut perturbatione animi refellimus. Nam ut statuamus eum præter veritatē sensus interni sui dicere ea, in quibus ipsum à vero abesse iudicamus, nec charitatis officium patitur, ad quod vocati sumus, & in quo alii debemus aliis præluce, nec sensus conditionis nostræ. Videt ipse in corde suo quid sentiat; videt ille maior corde ipsius, & nostro Deus: cuius solius videre est, perfectio diuinòq; visu, & perfecta diuinàq; iustitia ab eis, qui contra conscientiam veniunt, reposcere. Stat aut cadit quisq; domino suo; in cuius oculis omnia sunt peruia, atq; (ut Apostolus ait Hebr. 4.) ὁπτεραχηλισμῶα. Atque hæc de primo obstaculo, quo Nouatores omnes à fide Catholica amplectenda abstinere nouimus, plus satis.

Alterum

*Alteri Ob-
iectioni à
moribus
Catholico-
rum occur-
ritur.*

Alterum iam sequitur quod prisca omni-
um hæreticorum consuetudine à moribus
Catholicorum desumunt, quos virulenta
lingua incessere, ac modis omnibus tãquam
Epicuri familiam exagitare nunquam desi-
stunt. Quid, inquit, nos Romanã Eccle-
siã, quæ tantis vndiq; vlceribus scatet? Quæ
pontifices sæpe habet non admodum probæ
notæ, clerum incontinentem, sacerdotes
concubinarios, Episcopos auaros ac sangui-
nolentos, plebem etiam non satis bene mo-
ratam, ac multis turpissimis vitiis delibutam.

At tu inquam, vir pie, quàm rigidus es,
quàm largus vitiorum exprobrator, quam
certus incertorum asseuerator? Quo vero
ista testimonio comprobas? Si accusare suf-
ficiat, quis innocens erit? & qui paratus est
in alium dicere, carere debet omni vitio. Mi-
seri homunculi in multis labimur omnes. Et
qui sine peccato est, primum lapidem tollat.
Forte festucæ fratrum intenti nostras trabes
obliuiscimur, & quæ in aliis accusamus, nos
liberius perpetramus. Sed ne paria delicta
paribus opponendo, vulneremus causam
magis, quàm propugnemus: age Scripturam
adeamus medicam, & quomodo huic vulne-
ri medendum sit, audiamus. Pharmaca illa
tria nobis suppeditat, quorum primum est æ-
quitatis, vt ne seueros aliorum iudices nos
præbentes, veritatem lædamus & innocen-
tiam. Alterum mansuetudinis, vt aliorum
delicta & infirmitates patienti animo susti-
neamus,

neamus, & misericordiæ affectu superemus. Tertium sapientiæ, vt nihil nos ex aliorum casibus detrimenti vel contagionis percipere cognoscamus. Quæ tria si diligenti vsu versauerimus, nihil planè ex aliorum lapsibus afficiemur. Vel enim dexterrima quæq; de fratribus cogitabimus, & quæ alii mala exagitant, falsa esse suspicabimur: Vel ea, quæ consciis nobis perperam gesta sunt, humanæ infirmitati, grauibusque Diaboli tentationibus ascribemus: Vel denique ea quæ nulla ratione excusari possunt, & vel DEI vel hominum castigatione digna iudicamus, suis authoribus luenda, non nostræ curiositati exagitanda relinquemus. Nullius facinoris culpa in te redundabit, nisi quod vel ipse admiseris, vel iusseris, vel probaris. Purum animum nulla peregrina labes inficit. *Tu ergo quis es, qui iudicas alienum seruum? Domino suo stat aut cadit. Stabit autem. Potens est enim DEVS statuere illum.* Nonne memores eius, quod Dominus præcedit: *Nolite iudicare, vt non iudicemini. In quo enim iudicio iudicaueritis, iudicabimini: Et in qua mensura mensi fueritis, remetietur vobis. Quid autem vides festucam in oculo fratris tui, & strabem in oculo tuo non vides?*

Et D. Paulus, *Propter quod inexcusabilis es homo omnis, qui iudicas. In quo enim iudicas alterum, te ipsum condemnas. Eadem enim agis qua iudicas. Scimus enim quoniam iudicium Dei est secundum veritatem in eos, qui talia*

Rom. 14. 4.

Math. 7.

v. 1. 2. 3.

Rom. 2. v. 1.

23.

lia agunt. Existimas autem hoc ô homo, qui iudicas eos, qui talia agunt, & facis ea, quia tu es fugies iudicium Dei?

S. Cypria-
nus.

Epist. 165.

Quàm sapienter Cyprianus Epist. 51. ad confesso. *Etsi videntur in Ecclesia zizania esse, non tamen impediri debet, aut fides, aut charitas nostra, ut quoniam Zizania esse in Ecclesia cernimus, ipsi de Ecclesia recedamus. Nobis modo laborandum est, ut frumentum esse possimus, ut cum cœperit frumentum dominicis horreis condi, fructum pro opere nostro & labore capiamus.* Huius vestigiis insistens Augustinus: *In illum autem ordinem Episcoporum inquit, qui ducitur ab ipso Petro usque ad Anastasium, qui nunc eandem cathedram sedet, etiamsi quisquam traditor per illa tempora subrepsisset, nihil prauddicaret Ecclesie & innocentibus Christianis: quibus Dominus providens, ait de prepositis malis: quæ dicunt, facite, quæ autem faciunt, facere nolite: dicunt enim & non faciunt. Vi certa sit spes fidelibus, quæ non in homine, sed in Domino collocata, nunquam tempestate sacriligi schismatis dissipatur: sicut dissipati isti sunt, qui legunt in codicibus sanctis Ecclesias, quibus Apostoli scripserunt, & nullum in eis habent Episcopum.*

Idem de moribus Ecclesiæ Catholicæ, cap. 32. *Perpetienda sunt vitia multitudinis, ut curentur, & prius toleranda, quæ sedanda est pestilentia.* Ibidem cap. 34. 35. *Nunc vos illud admoneo, ut aliquando Ecclesiæ Catholi-*

ca maledicere designatis, vituperando mores hominum, quos & ipsa condemnat, & quos quotidie tanquam malos filios corrigere studet. Sed quicumque illorum bona voluntate DEIQVE auxilio corriguntur, quod amiserant peccando, poenitendo recuperant. Qui autem voluntate mala in pristinis vitiis perseverant, aut etiam addunt graviora prioribus, in agro quidem Domini sinuntur esse, & cum bonis seminibus crescere, sed veniet tempus, quo zizania separentur. Aut si iam propter ipsum Christianum nomen magis in palea, quam in spinis esse arbitrari sunt, veniet etiam qui aream purget & à frumentis paleam separet, & singulis partibus pro suo cuiusque merito, quod oportet summa equitate distribuatur. Vos interea quid sentitis, quid excecaminis studio partium? quid tanti erroris longa defensione implicamini? Fruges in agro, frumenta in area querite, apparebunt facile, se se³ offerent ipsa querentibus. Quid nimis in purgamenta oculos intenditis? Quid ab opimi horti ubertate imperitos homines septimum asperitate terretis? Est certus aditus, quamvis paucioribus notus, quàm possit intrari, quem vos aut esse non creditis, aut invenire non vultis. Sunt in Ecclesia Catholica innumerabiles fideles, qui hoc mundo non utantur, sunt qui utantur, tanquam non utentes, ut ab Apostolo dicitur, quod illis temporibus iam probatum est, quibus ad idolorum cultum Christiani cogebantur. Quot enim tunc pecuniosi homines, quot patres famili-

familiâs rusticani, quot negotiatores, quot militares, quot primates urbium suarum, quot denique senatores, utriusq; sexus hæc omnia vana & temporalia relinquentes, quibus utique quamuis uterentur non detinebantur, mortem pro salubri fide ac religione subierunt, demonstraveruntq; infidelibus, à se potius illa omnia, quàm se ab eis esse possessos.

Retorsio.

Quod si autem omnino placet Aristarchi, hanc aleam subire, vestramque causam periclitari gravius, videte ne proprio gladio iugulemini. Neque enim immemores estis, Aedib. in propriis, quæ prava aut recta gerantur.

Ac primum si ἀταξίαν vestrarum Synagogarum inspiciamus, numquid non rei estis eius, quod apud Tertullianum de præscriptionibus annotatum est, cap. 41. Non omittam ipsius etiam conversationis hæretica descriptionem, quàm futilis, quàm terrena, quàm humana sit, sine gravitate, sine auctoritate, sine disciplina, ut fidei suæ congruens. In primis quis Catechumenus, quis fidelis, incertum est, pariter adeunt, pariter audiunt, pariter orant. Etiã Ethnicis si supervenerint sanctum canibus & porcis margaritas, licet non veras, iactabunt: simplicitatem volunt esse prostrationem discipline, cuius penes nos curam lenocinium vocant. Pacem quoque passim cum omnibus miscent, nihil enim interest illis licet diversa tractantibus, dum ad unius veritatis expugnationem conspirent. Omnes timent, omnes scientiam pollicentur. Ante sunt perfecti Catechumeni, quàm edocti.

edocti. Ipsa mulieres heretica quam procaes,
que audeant docere, contendere exorujmos a-
gere, curationes repromittere forsitan & tingue-
re? ordinationes eorum temerariae, leues, incon-
stantes: nunc neophytos collocant, nunc sarculo
obstrictos, nunc apostatas nostros, ut gloria eius
obligent, quia veritate non possunt. Nusquam
facilius proficitur, quam in castris rebelium,
vbi ipsum esse illic promereri est. Itaq; alius ho-
die Episcopus, cras alius: hodie diaconus, qui
cras lector: hodie presbyter, qui cras laicus. Nam
& lucis sacerdotalia munera iniungunt. Et
cap. 42. De verbi autem administratione quid
dicam, cum hoc sit negocium illis, non Ethnicos
conuertendi, sed nostros euertendi, hanc magis
gloriam captant, si stantibus ruinam, non si ia-
centibus eleuationem operentur: quoniam &
ipsum opus eorum non de suo proprio adificio ve-
nit, sed de Veritatis destructione: Nostra Suf-
fodiunt, ut sua edificent.

Et paulò post: Mentior si non etiam à regu-
lis suis variant inter se, dum unusquisq; proinde
suo arbitrio modulatur, quae accepit, quemad-
modum de suo arbitrio ea composuit ille, qui tra-
didit. Agnoscit naturam suam, & originis suae
morem profectus rei. Idem licuit Valentinianis,
quod Valentino. Idem Marcionitis, quod Mar-
cioni, de arbitrio suo fidem innouare. Deniq;
penitus inspecta haereses omnes in multis aucto-
ribus suis dissentientes deprehenduntur. Pleriq;
nec Ecclesias habent, sine matre, sine sede, orba
sed extorres, quasi sibi, late vagantur.

Iam politicam conuersationem quod at-
tinet, etsi experientia plus satis docet, quan-
tis plerique virtutibus fulgeant, quàm cras-
sis, & manifestis turpitudinibus populus sit
delibutus, quanta magistri & præfules, ex-
emplaria scilicet gregis, ambitione, æmula-
tione, superbia & inuidia diuexentur, vt cum
nullo vsquam homine in fidam se coalescere
amicitiam posse ipsi conquerantur: ta-
men ne videar maledicentia delectari, & ho-
mines magis quam vitia odisse, presso guttu-
re meo apponam, quæ ipsi ornamenta asse-
clis suis ascribunt.

Erasmus ad Fratres inferioris Germaniæ
scribit, *Lutheranos auditores sic à suis concioni-
bus domum redire feros, arrogantes & audaces,
ac si non ab Ecclesia Christiani, sed à pralio mi-
lites reuenterentur.*

Lutherus postilla domestica Ienensi, an-
no 59. Conc. 2. Dom. 1. aduent. *Mundus, in-
quit, indies ex hac doctrina peior fit. Homines
uno antea, nunc septem diabolis obsidentur,
Diabolus nunc plena cohorte homines inuadit,
vt sub clara Euangelii luce multò sint, quam
antea sub Papatu, auariores, astutiores, fraudu-
lentiores, crudeliores, libidinosiores, procaciores
ac peiores.*

Similia habet Tom. 1. fol. 289. in 5. cap.
Galat. Tom. 2. fol. 471. adhortatione ad pre-
ces contra Turcam. Tomo 3. fol. 351. in Psal.
51. & folio 529. præfat. in psal. 3. Tomo 4. fo-
lio 62. in caput 6. Matthæi. Tomo sexto, fo-
lio

lio 57. in explicatio. secundi præcepti. Tomo octauo folio 304. Explicatione in Holeam, & folio 350. in Ioelem.

Paria & maiora etiam habet Calvinus in Epistol. ad Ephes. serm. 10. & 30. Andreas Musculus libro de Prophetia Christi. Iacobus Andreæ Concione 4. planet. folio 140. 141.

Quid ergo nunc hypocrita festucam vides in oculo fratris tui, trabis autem in oculo tuo obliuisceris? Extrahere prius trabem tuam, deinde manum admoue proximo, an festuca eum liberare queas. O quam facile poteramus conuenire, nisi odiorum acerbitates vtrinque tam late animos dispescerent?

Matth. 7. 6.
3. & seq.

Vnica restat querela, quam Romanomastyges cum maioribus suis Donatianis ad nauream vsque repetere, & singulis concionibus odiosissime exaggerare solent. Patimur, inquit, grauissimas ubiuis terrarum à Papistis persecutiones. Infestant nos ferro flammisq; Pontifices, & quos possunt crudelissime matant. Martyrologia nostra referta sunt, & procul dubio sumus illi, quos Christus consolatus est dicens, Beati qui persecutionem patiuntur propter iustitiam: quoniam ipsorum est regnum coelorum.

Vltima que
rela de per-
secutione.

Matth 5. 10

Hanc ad querelam sedandam, etsi multa dici poterant, vereque ostendi, communem omnium hæreticorum hanc aduersus Catholicos criminationem fuisse, Donatistarum, Nouatianorum, Bogomilum, Messalianorum,

norum, qui etiam propter crebritatem suppliciorum Martyriani vocati sunt: Inprimis verò circumcelliorum, quos S. Hieronymus eruditè *Martyres stulta Philosophia nominat*: Etsi etiam liquido argumento demonstrare poteram, non inferre hodie Ecclesiam persecutiones istis, sed perferre potius ac pati ab istis: qui passim bona eius diripuerunt, templa diruerunt, monasteria solo æquarūt, aut in haras & stabula conuerterunt, multa hominū millia in Gallis, Germania, Belgio, seditioso mucrone peremerunt, in Anglia non tantum exules multos, sed plurimos quoq; martyres doctos & indoctos, nobiles & plebeios, principes & subditos, Reginam quoq; nobilissimam, quod publicis scriptis annotatum est, fecerunt: tamen ne odiosis exemplis pugnare, & stomachū cuiquā mouere velle videar, missis istis ius inquiramus: an quod facit Catholica Ecclesia in plectendis hæreticis, vel disciplinæ, vel tutelæ, vel correctionis causa, rectè facere putanda sit. Quam quæstionem nisi solidissimè ab Augustino iam olim contra murmuratores tractatam scirem, maiori hic conatu explicare aggrederer. Sed miror inprimis in dubium venire posse apud eos, qui eandem & legib. & exemplis abundantissimè confirmarunt. Quis enim leges Anglicanas nescit, sanguine scriptas? Quis Bezae librum non vidit? quis Seruetti, quis Valentini Gentilis, aliorumq; supplicia non audiuit? Tempus me

defice-

deficeret, si equuleos omnes Anglicanos etiam in ipsos Catholicos incensos commemorare vellem. Cùm ergo ipsi sibi potestatem sumant vindicandi tam in bonos, quàm in malos: cur virgulam censoriam Ecclesiæ inuident, necessitate præscriptam, utilitate sancitam, multorum seculorum usu confirmatam, diuino deniq; iure permissam. Quid enim illud est, quod *Psalmes* ait, 149. Psalmo. *Exultabunt Sancti in gloria, letabuntur in cubilibus suis. Exultationes Dei in gutture eorum, & gladii ancipites in manibus eorum, ad faciendam vindictam in nationibus, increpationes in populis, ad alligandos reges eorum in compe-dibus, & nobiles eorum in manicis ferreis, ut faciant in eis iudicium conscriptum. Gloria hæc est omnibus sanctis eius.*

Ac sanè si leges sinunt, fures pecuniarum, vel latrones corporum furca suspendere, ne aliis molestiã periculumue facessere pergant: quid iuris erit in furibus ac latronibus animarum, qui repagula conscientiarum infringunt, atque ipsi perpetuæ hominum saluti violentas manus inferunt? Statuit Dominus iam olim, cùm angustioribus terminis circumscripta esset Ecclesia: *Qui superbierit, nolens obedire sacerdotis imperio, qui eo tempore ministrat Domino Deo tuo: ex decreto iudicis morietur homo ille, & auferes malum de Israël, cunctusque populus audiens timebit, ut nullus deinceps intumescat superbia.*

Deut. 172

*Augustini
sen. enia
de persecu-
tionibus ha-
reticorum.*

Sed nunc ipsum *Augustinum* videamus, elegantissimè hanc causam pertractantem. Epistola 48. ad Vincentium sic scribit: *Doctores nimium inquieti sunt, quos per ordinatas a Deo potestates cohiberi atque corrigi mihi non videtur inutile. Nam de multorum iam correctione gaudemus, qui tam veraciter unitatè Catholicam tenent atque defendunt, & a pristino errore se liberatos esse letantur, ut eos cum magna gratulatione miremur. Qui tamen nescio qua ut consuetudinis nullo modo mutari in melius cogitarent, nisi hoc terrore perculsi sollicitam mentem ad considerationem veritatis incenderent, ne forte si non pro iustitia, sed pro perversitate & presumptione eorum, ipsas temporales molestias infructuosa & vana tolerantia paterentur, apud DEVM postea non inveniunt, nisi debitas poenas impiorum, qui eius tam lenem admonitionem & paterna flagella contempserint.*

Et paulò post. *Si quisquam inimicum suum periculosis febribus phreneticum factum, currere videret in præceps, nonne tunc potius malum pro malo redderet, si eum sic currere permitteret, quam si corripendum ligandumque curaret, & tamen tunc ei molestissimus & adversissimus videretur, quando utilissimus & misericordissimus extitisset? sed planè salute reparata tantò uberiùs ei gratias ageret, quanto sibi eum minus pepercisse sensisset. O si possem tibi ostendere ex ipsis Circumcellionibus quam multo etiam Catholicos manifestos habeamus, damnan-*

damnantes suam pristinam vitam & miserabilem errorem, quo se arbitrabantur pro Ecclesia Dei facere, quicquid inquieta temeritate faciebant: qui tamen ad hanc sanitatem non perducerentur, nisi legum istarum, quae tibi displicent, vinculis tanquam phrenetici ligarentur, &c.

Idem Epist. 167. ad Festū. Si pro errore homines & damnabili dissensione & conuicta modis omnibus falsitate tanta presumunt, ut eorum salutem requirenti Catholica Ecclesia tam audacter insidiari minariq; non cessent: quanta magis equū est, & oportet eos, qui pacis & unitatis Christiana asserunt veritatē, omnib. etiā dissimulantibus & confitentib. manifestā, satagere instanter atq; impigrè, non solū pro eorum munimine, qui iam Catholici sunt, verūm etiā pro eorum correctione, qui nondū sunt? Nam si pertinacia insuperabiles vires habere conatur, quantas debet habere cōstantia, quae in eo bono, quod perseveranter atq; infatigabiliter agit, & Deo placere se nouit, & procul dubio non potest hominibus prudentibus displicere. Quid autem infelicius atq; peruersius, sicut Donatistae faciūt, qui se persecutionem perpeti gloriantur, quam de coërcitione iniquitatis suae non solū nescire confundi, sed etiam velle laudari, ignorantēs cœcitate mirabili, vel animositate damnabili se scire dissimulantes, quod Martyres veros non faciat pœna, sed causa, &c.

Idem lib. i. contra Epist. Parmen. cap. 8.
Quin etiam audeat conqueri Parmenianus, quod

*eos Constantinus ad campum, id est, ad supplicium duci iussit: qui victi apud Ecclesiasticos Iudices nec apud ipsum qua dicebant probare poterunt, & adhuc in sancta Ecclesia praecisione sacrilego furore ferebantur, &c. Quid enim non isti iuste patiuntur, cum ex altissimo Dei praesidentis, & ad cauendum ignem aeternum flagellis talibus admonentis iudicio patiuntur, & merito criminum, & ordine potestatum? prius enim probent se non esse haereticos, vel schismaticos, tum demum de indignis poenis suis luendam emittant vocem, tum demum sese audeant, cum mali aliquid patiuntur, veritatis martyres dicere. Alioqui si quisquis ab Imperatore, vel a Iudicibus ab eo missis poenas luit, continuo martyr est, omnes carceres martyribus pleni sunt, omnes catene iudiciariae martyres trahunt, in omnibus metallis martyres arumnosi sunt, in omnes insulas martyres deportantur, in omnibus poenali-
bus locis iuridico gladio martyres feriuntur ad omnes bestias martyres surriguntur, aut iussionibus iudicum viui ignibus concremantur.*

Et paulo post. Et tamen quid tale isti patiuntur, quale faciunt, nisi quia hominum multitudo non in corde cor habet, sed in oculis. Nam si sanguis exit de carne mortali, quisquis aspicit exhorrescit, si pro hac pace Christi praecise anima atque separata in haeresis vel schismatis sacrilegio moriuntur, quia non videtur, non plangitur, imo vero mors tetrrior atque luctuosior, & ut plane dixerim, verior, iure consuetudinis de-
videtur: cum authores tantarum mortium publice

licè insultāt, & nec veritatis manifestanda causa sermonem nobiscum conferre dignantur, &c.

Ibidem cap. 9. Non ergo quisquis in aliqua religionis quæstione fuerit ab imperatore punitus, martyr efficitur. Neque enim vident, qui talia sentiunt, in eum locum se progredi, ut ipsos etiam demones martyrum sibi gloriam vendicare posse contendant : quia istam patiuntur persecutionem per Imperatores Christianos, ut penè toto orbe terrarum eorum templa euertantur, idola comminuantur, sacrificia subtrahantur, qui eos honorant, si deprehensi fuerint, puniantur. Quod si dementissimum est dicere, non ergo ex passione certa iustitia, sed ex iustitiâ passio gloriosa est. Ideoq; Dominus, ne quisquam in hac re nebulas offenderet imperitis, & in suorum damnatione meritorum laudem quæreret martyrum, non generaliter ait : Beati qui persecutionem patiuntur : sed addidit magnâ differentiam, qua vera à sacrilegio pietas secernatur. Ait enim, Beati qui persecutionem patiuntur propter iustitiam. Nullo modo autem propter iustitiam, qui Christi Ecclesiâ diuiserunt, & cum ea quasi simulata iustitia conantur ante tempus à palea separari, ac frumenta eius falsis criminationibus insectantur, dum ipsi ab ea potius tanquam leuissima palea variis rumoribus flatibus separati sunt.

Sic epistola 171. contra Donatistas. Si propterea iusti estis, quia persecutionē per Imperatores passi estis : Iustiores vobis sunt isti Maxianista

Plura Vide
apud S. Cy-
priam
de Unitate
Ecclesie ob-

*iectione 2.
Et apud S.
August. de
Gent. Eccle-
sia cap. 12.*

*mianista, quos per indices ab Imperatoribus Ca-
tholicis missos vos ipsi persecuti estis.*

Sed quid opus plura coaceruare? modus sit, ne videamur sanguinolenti, & vitæ siccantes imperitorum, quos benè instructos & Catholicos optaremus. O vtinam Christe misericordia fiat ouiculis tuis, quæ sunt foris, & iudiciū lupis intus, breui purgabitur area tua, atq; ex iis qui longè sunt, fiet grex vnus nobiscum, & pastor vnus, & vnum ouile: Eritq; pax in terris, & gladij in vomeres conuertentur. Neque enim volumus cum zizaniis euelli triticum, vel desperatorum loco haberi simplices, quos vasa electionis facere potest Dominus, qui ex lapidibus excitare filios Abrahæ nouit.

*Conclusio
tertius Apo-
logia.*

Tandem ergo, vt finem faciamus Apologiae nostræ quid dignum affertis Nouatores pertinacia vestra? quid dignum errore? Nihil habetis, quo vos tegatis, nihil quo muniat. Separauistis vos à communione orbis terræ, nec tantum crimen vel minima ratione excusatis. Fidem Catholicam impetitis: frustra. Mores carpitis imprudenter, scripturam trahitis, sed contra vos est. Si à vobis, detorta & malè intellecta. Scriptura autem malè intellecta, scriptura non est, sed commentū vanum, & humanis digitis fictū idolum, quod qui adorant, sacratissimæ Dei maiestati perfidè iniurii sunt. Quod ne vobis accidat, ita scripturam sequimini, vt gladiū sensus cōiungatis cum vagina verborū: sensumq;

sensumq; quærite nō in tenebricosis capitibus Tribunorum vestrorum, sed in publico & aprico Ecclesiæ Catholicæ campo, quæ se ipso satis nomine prodit. Eò enim se promissione certa & infallibili astrinxit Christus, cum ait: *Ego rogabo patrem, & alium paracletum dabit vobis, ut maneat vobiscum in æternum, spiritum veritatis, quem mundus non potest accipere, quia non videt eum, nec scit eum.*

Vos autem cognoscetis eum, quia apud vos manebit, & in vobis erit. Hic docebit vos omnem veritatem. Non enim loquetur à semetipso, sed

quæcumque audiet, loquetur, & quæ ventura sunt, annuntiabit vobis.

Huius Ecclesiæ gremio quid nos dubitabimus condere fratres, quæ ita fossa valloq; circumdata, & contra

erroris procellas, & contra hæreticorum hostiumq; circumlatrantium technas in æternum tuta liberaq; futura est. Ah plus quàm

stultè timidos & ὀλιγοπίστους, qui se huic munitioni non credunt, & maternum sinum

Ecclesiæ ad inædificandam sibi fidem non ferunt: quorum si quis piam quasi utilitatem

dictorum aspernatus, extra nutritorias curas superba imbecillitate se extenderit, heu cadet mi-

serè. Domine Deus miserere, ne impulsem pullum conculcent, qui transeunt viam, &

mitte Angelum tuum, qui eum re-

ponat in nido, ut vivat donec
volet.

Iohan. 14.
v. 13.

Iohan. 16.
v. 13.

August. de
Trinitate
credenda
cap. 17.

Augustin.
12. confess.
cap. 17.



S. AVGVSTINI SENTEN-
TIAE 4. notatu dignissimæ, ex lib.
de Fide ad Petrum. cap.

37. 38. 39. 40.

I

Firmissimè tenè & nullatenus
dubites, omnem extra Eccle-
siam Catholicam baptizatum,
participem fieri non posse vitæ
aternæ, si ante finem vitæ huius Catholice
non fuerit redditus atque incorporatus Ec-
clesiæ. Quia, si habeam, inquit Apostolus,
omnem fidem, & nouerim omnia Sacra-
menta, caritatē autem non habeam, nihil
sum. Nam in diebus diluuii neminem le-
gimus extra arcam potuisse saluari.

II.

Firmissimè tenè & nullatenus dubites,
non solum omnes paganos, sed & omnes Iu-
dæos, hæreticos atque schismaticos, qui ex-
tra Ecclesiam Catholicam præsentem fini-
unt vitam, in ignem æternum ituros, qui
paratus est Diabolo & Angelis eius.

III.


Firmissimè tenè, & nullatenus dubites,
quemlibet hæreticum siue schismaticum in
nomine Patris, & Filii, & Spiritus sancti
baptizatum, si Ecclesiæ Catholice non fue-
rit ag-

rit aggregatus, quantascunque eleemosynas fecerit, etsi pro Christi nomine etiã sanguinẽ fuderit, nullatenus posse saluari. Omni enim homini qui Ecclesiã Catholica non tenet unitatem, neque baptismus neque eleemosyna, quamlibet copiosa, neque mors pro nomine Christi suscepta, proficere poterit ad salutem, quamdiu in eo hæretica vel schismatica prauitas perseuerat, quæ ducit ad mortem.

Firmissimè tenè & nullatenus dubites, non omnes qui intra Ecclesiam Catholicam baptizantur, accepturos esse vitam æternam, sed eos qui percepto baptisinate rectè viuunt, id est qui abstinuerunt se à vitiis & concupiscentiis carnis. Regnum enim cælorum sicut infideles hæretici atq; schismatici non habebunt, sic Catholici criminosi possidere non poterant.

IV.

LAUS DEO Virginiq; matri MARIÆ.







IVSTI CALVINI VETERA-
CASTRENSIS,

DE VNITATE
SACROSANCTÆ

ROMANÆ ECCLESIAE

omnibus amplectenda,

Epistolarum Catholicarum

VOLUMEN VNUM.

ACCESSIT

*Ex S. Augustino Epistola 48. ad Vincentium: & Epi-
stola 50. ad Bonifacium, de latitudine Ecclesie DEI,
& moderata coërcitione hereticorum.*

Lactantius libro 4. diuinarum Institutio-
num. Cap. 30.

*Sola Catholica Ecclesia est, qua verum cultum retinet: hic est fons
Veritatis, hoc est domicilium fidei, hoc templum DEI, quo si
quis non intrauerit, vel a quo si quis exiuerit, a spe vite ac sa-
lutis aeterna alienus est, &c.*



MOGVNTIÆ,
Typis IOANNIS ALBINI, anno

cl. 15 CII.



Beneuolo Lectori S.

Scias lector, in ordine Episto-
larum temporis non digni-
tatis habitam esse rationem,
idque non leuiter, sed certis
de causis. Quod vt scires, no-
stra tuaque interesse putau-
mus. Vale.



EPISTOLA I.

DE FIDEI
CATHOLICAE
PRINCIPIIS: QUORVM
præcipuum est verbum
DEI.

REVERENDO ET DOCTISSI-
MO IN CHRISTO PATRI, D. AN-
dree Vermadio Societatis ꝛ E-
SV Theologo,

IUSTVS CALVINVS S.



IRABERIS FOR-
tasse quid sit, reuerendè ac
doctissime Pater, quod ab eo
tempore, quo nuper fuimus v-
nâ, placidamque de fide inter

*Excusatio
silentii.*

nos συζητησιν habuimus, ego contra pro-
missi fidem litteras tibi mittere intermise-
rim. Quod etsi minus rectè factum agno-
sco, tamen quia necessitate potius, quàm
negligentia prætermisum est, spero veni-
am dabis, meque tardius loquentem beni-
gnus

*in fidei cau-
sis pruden-
ter incedē-
dam.*

gnius auidiusq; audies. Primùm autem tibi certum esse volo, quod nuper etiam manifesto argumento prospicere potuisti, iam per DEI gratiam, multorumque annorum indefessam lectionem ita mihi fidem Catholicam persuasam, vt extra eam nullam ecclesiam, nullam salutem esse, firmiter credam & statuam. Sed quia multa sæpe incidunt calumniâ quadam, & malitiosa scripturarum interpretatione, quæ vel perspicacissimis fucum facere, & tanquam nebula veritatis serenitatem offuscare queunt: magnoperè curandum existimo, vt proficiscentibus ad ciuitatem DEI planum inoffensumque iter paremus: ne hic vel illic impingentes hæreant, & dubia fide cum potestate tenebrarum congregiantur. Qua de causa meam ad vos transmigrationem neuitquam præcipitandam arbitror: donec indurata melius ad solem cornua, conflictum occurrentium hostium ferre ac superare possint. Interim si compendio agitatae hodie controuersias tractare, & quasi ruminandas nobis proponere velimus, hac diuisione, vt puto, commodissimè procedemus.

Omnis quæ de rebus diuinis cogitatio suscipitur, vel de principiis est, vel de iis quæ ex principiis illis extruuntur. Principia uoco, rationes & firmamenta, quibus id, quod credendum faciendumue proponitur, verum iustumque esse demonstratur. Et si e-

nim

nim fides est ἀναπόδεικτος, vt pulchrè Na- *Ναζιανζος*
 zianzenus alicubi loquitur, & propterea de- *Fides ἀ-*
 finitur ab Apostolo ἐλπίζομεν ἐν ἰσότητι ναπό-
 πραγμάτων, ἔλεγχος ἔβλεπομεν: δεικτος
 tamen id magis ad demonstrationem διότι *quatenus.*
 quam ὅτι pertinere existimo. *Heb. 11. 1.*
Ignoti enim nulla cupido. Nec quisquam credo inficias
 ibit, vel generalem saltem rationem verita-
 tis, honestatis & rectitudinis, fidei obedi-
 entiaque veræ substratam esse oportere.
 Quare enim hoc vel illud credam, quod
 credendum Ecclesiæ proponis? quia verum
 certumque id esse vel ratio sana, vel diuina
 patefactio docet. Quare hoc vel illud faci-
 am, quod adeò seuerè mandas & iniungis?
 Quia iustum bonumque esse iterum vel nat-
 uræ instinctus, vel iustum diuinum osten-
 dit. Hactenus sanè rationem procedere ne-
 mo sanus negarit. At si iam rationis istius,
 id est mandati aut patefactionis diuinæ
 (quam quidem talem esse constat:) ratio-
 nem poscas, ibi mentem subsistere, seque
 in obedientiam fidei subiugatis sensibus
 submittere oportere, libens agnosco & fa-
 teor. Neque enim rationibus nobiscum
 DEVS agit, sed legibus. *At legem breuem Seneca.*
esse oportet, que iubeat non disputet, inquit
rectè Seneca. Et Augustinus. Non intelligens. S. Aug. Epis
di viuacitas, sed credendi simplicitas tutissimos. Sola 95-
facit.

Cæterum principia illa fidei & morum *Principia*
 genera- *fidei dupli-*
 cia.

Naturalia.

generalissima diuisione vel naturalia sunt, vel supernaturalia. Naturalia appello, quæ vel à natura ipsa arripuimus, hausimus, expressimus, vel ab hominibus animalibus didicimus, legimus, accepimus, adeoque ad quæ partim docti & instituti, partim facti & imbuti sumus. Tametsi enim non ignoramus, vehementer peccato læsam esse hominis mentem, totumq³ Adamum (vt Concilio etiam Tridentino placuit) per illam preuaricationis offensam, secundum corpus & animam in deterius commutatum: palàm tamen est, tantum illi naturalis luminis superesse, vt non solum veritates theoreticas & mechanicas, quæ in artibus humanis & naturalibus continentur, cognoscere possit, verùm etiam bonum verumque morale, vniuersè consideratum: vt DEVM esse colendum, parentes venerandos, liberos diligendos, &c. Quid enim aliud voluit Apostolus ad Rom. i. cum ait, τὸ γνωστὸν θεῶν etiam gentibus ex mundi structura notum esse? Et sanè historiæ scripta que Philosophorum testantur, non vulgarem eos, sed valde præclaram & illustrem DEI cognitionem habuisse: idque non tantum per manus accepta traditione Iudæorum, aut peculiari DEI afflatu, sed plerumque etiam naturalis ingenii solertiæque adiumento, Philosophiæque in primis ductu & auspicio. Quamquam neque magnum hoc mundi spectaculum ab istis subsidiis eximendum duco.

Plato

sess. 5. de
cret. de pec-
cato origi-
nals.

Bellar. li. 4.
de grat. &
lib. arbit. c.

2. Calvinus
lib. 2. insti.
c. 2. & li. 2.
cap. 2.

Bellar. li. 4.
de grat. &
lib. arbit. c.

2. & lib. 5.
ibidem c. 1.
2. & se-
quentibus.

Ben. Aretii
us in prob.
proble. 1 de
natur. & Dei
cognitione.

Plato enim, non immerito *mundum Epistolam vocavit DEI patris ad genus humanum.* *Plato in Tim. Hifor Tri- part 1b 2.*
 Et Antonius ille Eremita omnibus libris & *præceptoribus destitutus, ipsam naturam creaturarum dixit sibi esse librum perpetuo presentem, in quo verba DEI relegere, quoties liberet, liceret.* *Antonius Eremita*
 De hoc naturalium principiorum genere, quod ad hanc quidem causam attinet, nullam admodum litem esse existimo. fatemur enim utrique, extra Ecclesiam, & in iis qui nondum sunt diuinitus illuminati, aliquid ea quidem, sed non satis momenti habere, ad conuincendum animum, & de diuinis mysteriis erudiendum.
 De Christo enim nihil habent, nihil de Evangelio. In Ecclesia verò, ubi animi iam perfectiori doctrina imbuti, pleneque de omnibus ad salutem pertinentibus instructi sunt, illa sublunaria, vel tanquam similitudines fidem illustrant, vel tanquam secundaria & succenturiata argumenta obscure infirmiterque confirmant. Iam ut ad *Supernaturalia.*
 supernaturalia principia veniam, sunt illa testificationes ipsius verissimi sapientissimi-
 que DEI, *qui variis modis locutus patribus in prophetis, nouissimè diebus istis locutus est nobis in filio,* & adhuc loquitur per ministros legitime vocatos & ordinatos, ut ad consummationem vsque seculi duret ædificatio corporis Christi, omnesque perfecti *Hebr. 2.*
 fiamus eodem sensu & fide, neque sit in *Ephel 4. Ephel. 5.*
 bis ruga erroris, vel macula impietatis. Hi

*Pfal. 118.
Rom. 1.*

θεόπνεύσει λόγοι, medicina animorum, ac lucerna pedum nostrorum, quin & potentia Dei ad salutem omni credenti, miserrimo planè fato nostro in pomum Eridos hodie commutantur, & tanquam Helena quædam tot annos Catholicos protestantesque exercent. Capita autem controuersia, si rectè memini, nouem hisce quæstionibus continentur.

*De Verbo
Dei quæ-
stiones no-
uem,*

1. Vbi patefactiones illæ diuinæ olim hominibus factæ inueniantur: vtrùm in solo verbo DEI, quod scripturam canonicam appellamus: an verò extra verbum Dei in reuelationibus & somniis priuatis: an denique partim verbo DEI, partim extra illud in traditionibus non scriptis, quas propterea pari pietatis affectu cum scripturis suscipi necesse sit.

2. An illæ patefactiones diuinæ, siue in scripturas siue in traditiones relatæ, fideliter ab authoribus consignatæ, & à posteris incorruptæ seruatæ sint, ita vt à nobis certam fidem autoritatemque mereantur. Quod partim contra veteres hæresiarchas, Simonianos, Basilidianos, Marcionitas &c. partim etiam contra Iudæos, Mahumetistas, & Libertinos dispiciendum est.

3. Quinam sint illi libri à DEO inspirati, & à Prophetis & Apostolis consignati, quo indicio cognoscantur, & ab aliis profanis vel Apocryphis discernantur: suane aliqua propria nota & indicio omnibus conspicuo;

quo, an verò Ecclesiæ tantum discretione & iudicatu.

4. In quorum potestate istorum librorum verè sacrorum & Canonicorum lectio fit, aliquorumne perfectiorum tantum, an verò omnium promiscuè Christianorum.

5. Si omnium; qua lingua tum publice & priuatim legi, tum etiam in quam scripturæ transferri possint & debeant.

6. An scripturarum qualescunque versiones parem cum authentica lingua auctoritatem habeant.

7. An istorum librorum sacrorum stylus ita perspicuus, & dilucidus sit, vt à quouis non tantum legi, verum etiam rectè intelligi, & ad controuersiarum diiudicationem securè applicari possint.

8. Si alicubi obscura, ambigua, flexiloga diuina pronunciata videantur, vnde interpretatio eorum petenda: vtrum ex ipsa scriptura, aliorum locorum facta collatione, an verò aliunde ab aliquo iudice & interprete spirituali.

9. An interpretationes & decreta Pontificum & conciliorum sint certum principium Theologicum, cui tutò fides committi possit & debeat.

Hiscè nouem quæstionibus, reuerende ac *Petitio.*
doctissime Pater, omnia contineri existimo, quæ à Theologis in hac materia controuerti nunc solent. Si quid præterea est, quod in disceptatione veniat, velim moneri à te, & de

his breuiter instrui, vt quid Catholicae fidei
 affeclam tenere necesse sit, tuo quoq; suffra-
 gio cognoscam. Multum est consensum vi-
 dere piorum, & à diuersis idem doceri, non
 postremum est verae praedicationis argu-
 mentum. Vale 21. Maii, Anno 1600.

 EPISTOLA II.

RESPONSIO AD
 PRÆCEDENTEM EPI-
 stolam, qua nouem de verbo
 DEI quaestiones soluun-
 tur.

ANDREAS VERMADIVS, SO-
 cietatis IESV Theologus.

IVSTO CALVINO, S. D.

MIRABAR sanè, quod scribis, silentium
 tuum, mi Iuste, tam diuturnum praeser-
 tim tamque pertinax. Sed abundè satis fecisti
 proximis literis tuis, quibus conceptam no-
 bis spem de te magis magisque confirmasti:
 tantoque nos in CHRISTO affecisti gaudio. vt
 non possimus non plurimum gratulari tibi
 & nobis, de tam excelso animo veritatis a-
 mante, & auido cognitionis rerum ad aeter-
 nam salutem spectantium; quarum funda-
 menta

menta sunt quæstiones IX. de patefactionibus diuinis propositæ. Quas etsi sufficienter Bellarminus noster explicauit, tamen quia meam etiam sententiam requiris, ne amici videar deesse officio, breuiter animi sensa aperiam, & quid hæreticis ista proponentibus respondendum putem, monebo,

QVÆSTIO I.

Vbi patefactiones diuina inueniantur.

Quàm impiè de ea sentiant Schvvenckfeldiani ac Fanatici, in vulgus notū est. Profiteor autem ego cum Ecclesia Catholica, patefactiones illas, quibus DEVS notitiam mentis suæ verissimam hominibus manifestat, verbo DEI, quâ scripto, quâ tradito, contineri; nec video quo solo fundari protestantes hanc sententiam negare ausint verbis, quam re ipsa & facto veritati consonam testantur. Credunt vna mecum libros veteris & noui testamenti verè diuinos, quod sanè ex scriptura nullo modo, ex traditione autem sola constare potest. Nam vt rectè ait Bellarminus, libros Prophetarum & Apostolorum, etiamsi scriptura dicat esse diuinos, huic tamen infallibilem adhibere non possumus fidem, nisi prius crediderimus, scripturam quæ hoc affirmat, diuinam esse. Credunt vna mecum Euangelia Marci & Lucæ esse vera, Euangelia Thomæ & Bartholo-

*Verbum
Dei scriptum
& non scriptum*

*Traditiones probare
conferuntur
ipsi aduersariis.
Confer
Tertull:
de pres.
cap. 23.*

tholomei esse falsa, cum ratio potius dicat, magis credendum libro præferenti titulum Apostoli, quam non Apostoli. Hæc autem fides ex scripturis haberi non potest, sed ex traditione constat. Credunt unà mecum, quod distinctio diuinarum personarum sit per relationes, quod pater sit ingenitus, filius à patre genitus, Spiritus sanctus à filio patreque procedens; Sed nullam Dei patefactionem in sacris scripturis expressam reperimus, quæ hunc fidei articulum disertis verbis eloquatur, sed illæ quæ quasi per manus traditæ à CHRISTO & Apostolis continua successione ad nos usque peruenerunt. Credunt unà mecum, paruulos ante rationis usum utiliter baptismatis Sacramento initiari, cum tamen illud dogma non habeat in scripturis certa & manifesta diuinæ reuelationis testimonia.

*S. Augustinus de pædo
baptismo.*

Scio D. Augustinum ad illud confirmandum allegoriam circumcisionis proferre, & alios alia; ex quibus tamen non firmam & solidam probationem desumi posse affirmat, sed tantum probabilem coniecturam. D. Augustini verba hæc sunt, l. 4. contra Donatistas, capite 23. *Traditum tenet uniuersitas ecclesie, quod paruuli infantes baptizantur, qui corde nondum possunt credere ad iustitiam, & ore cõfiteri ad salutem. Et si quisquam in hac re auctoritatem diuinam querat, quanquam quod uniuersa tenet ecclesia, nec conciliis institutum, sed semper retentum est, non nisi auctoritate Apostolica traditum rectissime creditur: tamen*
veraciter

veraciter conicere possumus ex circumcissione carnis, quam prior populus accepit. Dum addit (veraciter conicere possumus) nihil aliud insinuat, quã firmam hanc rationem non esse, sed probabilem coniecturam; robur autem suum hoc dogma ex tradita patefactione diuina adipisci. Cùm igitur hæc & similia fide teneant nobiscum, & tenenda prædicent: nihilq; credendũ censeant & meritò, nisi quod DEVS reuelauit, ac patefecit, a eo cognoscere, quo fundamento nixi, traditum DEI verbum tollant, quod re ipsa ponunt.

QVÆSTIO II.

An illa patefactiones diuina fideliter ab auctoribus consignatæ, & à posteris incorruptæ seruatæ sint, ita vt à nobis certam fidem auctoritatemque mereantur.

Ingenuè confitentur & docent, docueruntque & confessi sunt semper omnes Catholici; auctores à quibus diuinæ patefactiones consignatæ sunt, eam dignitatem, reuerentiam, auctoritatem & fidem mereri, vt de eorum fidelitate dubitari disceptariue à nemine possit, multisq; rationibus falsitatis arguuntur Iudæi & Mahumetani, qui cæca infidelitatis caligine immersi, claram veritatis lucem, in dubium vocant.

*Auctoritas
S. Literariorum
totiusq; re-
ligionis, in-
fallibilis.*

Prima ducitur ab eorum conditione & RATIO I
aucto-

auctoritate, qui fidem Christianam olim receperunt, qua utitur LACTANTIUS, lib. 5. diuin. institut. cap. 13. & S. AVGVSTINVS, lib. 1. de utilitate credendi, cap. 14.

Secunda ducitur à constantia Martyrum, qua IVSTINVS Apologia 1. ad senatum Romanum testatur, se maximè fuisse motum ad fidem: & ea etiam utitur LACTANTIUS lib. 5. institut. diuin. cap. 13. & 14.

Tertia ratio ducitur à mirifica mutatione animi eorum, qui fidem Christianam suscipiunt & colunt: qua vsi sunt S. IVSTINVS Apolo. 2. pro Christianis ad Antoninum pi-um Imper. TERTVLLIANVS lib. ad Scapulam. LACTANTIUS lib. 3. diuin. institut. cap. 26.

Quarta ducitur à modo, quo olim fuit propugnata. Hac utitur IVSTINVS Martyr. Apolog. 2. ad Antoninum pi-um. CHRYSOSTOMVS homilia 34. in Matth. homilia 4. & 5. in priorem ad Corinth. D. AVGVSTINVS lib. 22. de ciuitate DEI cap. 5. DAMASCENVS lib. 4. Orthodoxæ fidei cap. 4.

Quinta à miraculis, quæ vel ob eam rem maximè, quasi antonomasticòs nominari solent signa, quia cum primis significant atq; declarant, eam doctrinam diuinitus probari, atque adeò veram esse, cuius ad confirmationem edantur. Hac vsus est D. CHRYSOSTOMVS, hom. 3. in secund. ad Corinth. D. AVGVSTINVS, lib. 22. de ciuitat. Dei cap. 8. & libro de utilitate credèdi cap. 16. plures aliæ adduci possunt, desumptæ ab eorum testimonio; qui

qui fidem nostram non receperunt, ab eorum cladibus, qui eam oppugnarunt; à Prophetis prædictionibus, à sanctitate & rectitudine doctrinæ, & similibus. Ex quibus manifestum fit, patefactiones illas à nobis indubitata fidem mereri, & cæcos esse Iudæos ac Mahumetanos, qui tam manifestam veritatis lucem non sentiunt.

QVÆSTIO III.

Qui nam sint illi libri à DEO inspirati, & à Prophetis & Apostolis consignati, quove iudicio discernantur à profanis.

Hæc quæstio, cum duarum sit partium, geminam responsionem postulat. Ad priorem ^{Canon scriptura.} partem, qua quæritur, quinam sint Canonici, respondeo cum œcumenica ac generali Tridentina synodo, sessione quarta: quam ipse domi priuatim legere potes. Ad posteriorem, qua quæritur, quo iudicio distinguantur Canonici ab Apochryphis: profiteor contra CALVINVM, cum Ecclesia Catholica: iudicio priuati spiritus, vel internæ ^{Canonico- rum dis- tinctio ab Apocryphis} testificationis, non posse discerni, sed Ecclesiæ iudicio & autoritate: nec illius solùm Ecclesiæ, quæ temporibus Apostolorum fuit, vt LVTHERVS opinatus est; sed etiam illius, quæ Apostolos secuta est. Stat enim ^{1. Tim. 3. Vers. 15.} D. Pauli sententia, Ecclesiam esse columnam & firmamentum veritatis.

QVÆSTIO IV.

*Quorum sit legere, &c.**Scriptura
à quibus
legenda.*

Respondeo duplex esse genus hominum Christianorum, alterum quod præiudicatio iam errore occupatum, eo sua legendæ scripturæ studia refert, ut erroris, quò imbutum est, fulcimenta corradat, & non tam ex communi Ecclesiæ consensu, quàm suo opte iudicio per affectum corrupto sententiam sibi scripturæ confingat. Alterum verò quod mente sincera ac humili plus Ecclesiæ quàm proprio iudicio confidens, eò sedula lectione progreditur, ut signatam ante à patribus scripturæ sententiam firmiter insinat; atque hoc ipsum esse genus hominum dicimus, quod securè simul ac vtiliter sacram paginam potest euoluere. Primùm verò minimè, cum sanam sibi conficere medicinam infan ministerio iudicii non minus queat, quàm si imperitum vulgus ex bene instructa Apotheca sorbitiunculam contra omnis generis morbos conficere præsumeret.

QVÆSTIO V.

*De idiomate, &c.**Quo idio-
mate scri-
ptura le-
genda.*

Qua lingua sacræ reddi debeant literæ ac peruulgari, si ex protestantium principio respondere quis velit, dicat necessum est, non alia

alia, quàm qua primum fuerunt conscriptæ. Quod enim verti debeât in aliam, nusquam præceptum legimus. Nihil autem faciendum à quoquam illi contendunt, quod scriptura sacra non præcipiatur. At vero secundum Catholicorum sententiam haud grauatè conceditur, vt eò, quo supra diximus modo, ab omnibus lingua patria legantur.

QVAESTIO VI.

De versionibus, &c.

Scripturæ versiones qualescunque nullus *Versiones* probauerit Catholicorum, nisi quas Eccle- *scriptura* siæ authoritas comprobauerit, cuius est de- *scriptura* cernere, conueniatne patria versio cum au- *scriptura* thentica, an discrepet.

QVAEST. VII. VIII. IX.

De interpretatione & intellectu, &c.

Scripturam non omnibus intellectu faci- *Scriptura* lem, doctorum studia & concertationes pa- *difficultas* tefaciunt, ideo quæ obscura & ambigua sunt, *Ecclesia in-* si facta aliorum locorum collatione explica- *terpreta-* ri possunt, rectè quidem: sin minus ad Eccle- *tione tolli-* siam summumque pastorem referentur. Il- *tur.* lorum enim iudicio standum nascentis Ec- clesie praxis docuit.

Hæc sunt, quæ ad quæstiones nouem in

tanta temporis angustia & laborum distractione, qui per infirmitatem concionatoris nostri mihi impositi sunt, respondere licuit, quæq; aduersariis ista perquirentibus rectè responderi posse puto. Si quid præterea est, priuato studio facilè inuestigabis. Nostræ epistolæ modus plura ferre recusauit. Vale
29. Iunii, Anno 1600.

EPISTOLA III.

DE SANCTI-
TE MORVM EC-
CLESIAE.

ORNATISSIMO VIRO, D.
Gregorio Renato, &c.

IVSTVS CALVINVS S.

QVONIAM inter iudicia doctrinarum Ecclesiæ non postremum locum fructus obtinent: dicente Domino Matth. 7. *Caute vobis à Pseudoprophetis, qui veniunt ad vos in vestimentis ouium, sed intrinsecus sunt lupi rapaces: à fructibus eorum agnoscetis eos:* at verò fructus duabus radicibus innituntur: alii doctrinæ ipsius sanæ aut corruptæ: alii liberæ hominum voluntatis, etiam præter doctrinæ genium sese efferentis & luxuri-

antis: sanè multo ex me iure quæris, Gregori dilectissime, vtri hic fructus intelligèdi: & si hi vel illi, vtrum in veteri magis quàm noua Ecclesia reperiantur.

De primo quod attinet, sunt sane, qui longissime à scopo aberrâtes, fructus ipsam doctrinam interpretantur, quasi dominus eos doctores definiat veros, qui veram, falsos qui falsam doctrinam profiteantur: Quod sanè parum præsentis loco commodum est, cum nil nisi inanem circulum, & vt logici loquuntur *αἰτμα τῆ ἐξ ἀρχῆς* efficiat. Etenim ipsa prophetarum doctrina hic in quæstionem venit, & certo signo agnoscenda ponitur. Nihil autem sui ipsius index esse potest, sed alio & quidem manifestiori signo indiget: qualis puritas doctrinæ non est, sed fructus pœnitentiæ, & constans conspicuaq; virtutum omnium cultura: quæ in sensus hominum incurrit.

Deinde, fructus per quos falsa doctrina à vera, ac falsi doctores à veris distingui debêt, similes sunt ficibus ac vuis, *ψ. 16.* At doctrina non habet rationem ficuum vel vuarû, sed stipitis potius ac radicis, vnde fructus enascuntur, cum doctrina efficax sit per opera, non vicissim opera per doctrinam. Quomodo ergo fructus doctrina interpretandi erunt?

Postremò, Dominus ipse hos fructus de externis & visibilibus operibus interpretatur, *ψ. 21.* cum ait: *Non quisquis dicit mihi do-*

Fructus non s̄ ipsa doctrina.

Fructus sunt opera ex iis quæ si gēno doctrinæ promittuntur.

mine domine, intrabit in regnum caelorum, sed qui facit voluntatem patris mei. Et v. 23. discedite à me omnes qui operamini iniquitatem. Et v. 24. quisquis audiet sermones & eos præstat, hunc assimilabo viro sapienti. omnium verò apertissimè, v. 17. 18. vbi sic argumentatur. Quemadmodum se habent fructus ad arborem, sic opera se habent ad doctorem vel doctrinam, Atqui fructus mali, malam & acerbam arborem, fructus boni bonam & dulcem arborem arguunt, quapropter etiam bona opera bonum doctorem & doctrinam, mala opera falsum doctorem & impuram doctrinam arguunt.

*Occupatio.
Opera non
quævis, sed
doctrina
affinia in-
telligenda.
Matth. 23.*

At inquis, opera illa externa communia sunt vtriusque, & veris & falsis Prophetis: unde etiam sæpe vestimentis ouium comparantur, quibus se lupitegunt: & Dominus nolens doctrinam discerni ex opere, cum sæpe mali bona doceant; *Quæ dicunt, inquit, Pharisei & Scribæ, facite, secundum opera verò eorum nolite facere. Rectè inquam. Ergo iam alterum quoque videamus, cuius radicis opera hic intelligenda sint. Aliqua enim voluntatum ipsarum corruptione fiunt, contra ipsius doctrinæ genium sese efferentium, & conscientiam manifesta vi cõtaminantium. Aliqua ipsius doctrinæ mollitie ita concipiuntur, fouentur & aluntur, vt secundum propheticum illud. Puluilli quasi consuantur sub omni cubito manus, & cervicalia substernantur sub capite uniuersæ etatis ad capiendas animas.*

*Ezech. 13.
Vers. 18.*

animas. De illis, vt certum est, hic dominum non loqui: ita de his sermonem esse, manifestatio euincit. Nam quæ doctrina ita afficit homines, vt calore pietatis indies magis magisque exardescant, & negata impietate totos se sanctimoniam mancipient, ea procul dubio sancta, pia & diuina est. Quæ verò homines ad languorem trahit, inque salute curanda facit remissiores, improbæ protinus notæ conuincitur, quemadmodum Dominus ipse arguit: *Arbor bona bonos fructus fert, mala malos, non potest arbor bona malos proferre fructus, nec mala bonos, &c.*

Matth. 7.

Quod si iam secundo loco vetus doctrina ad nouam hac lance appendatur, facili indicio se vtriusque genius prodet. Enimvero Catholici cum fide pœnitentiam vrgent, cordis amaritudinem præcipiunt, ieiunia, preces, eleëmofynas, omniaque corpori dura ac laboriosa iniungunt. Quo fit vt teste Augustino, *Tam multi hospitales, tam multi officiosi, multi misericordes, multi docti, multi casti, multi sancti, multi vsque adeo Dei amore flagrantes in Ecclesia reperiantur, vt eos in summa continentia atque mundi huius incredibili contemptu solitudo delectet.* Nam (quod non minus hodiè quàm olim verum est) *quis nescit summae continentia hominum Christianorum multitudinem per totum orbem indies magis magisque diffundi: quis nescit eos qui secretissimi penitus ab omni hominum conspectu, pane solo, qui eis per certa intervalla temporum as-*

Catholica doctrina bonorum operum fecunda.

August. de moribus

Ecclesiæ

*Catholica lib. 1. cap. 30
& 31.*

Eremita

fertur, & aqua contenti desertissimas terras incolunt, perfruentes colloquio Dei, cui puris mentibus inhaerunt, & eius pulchritudinis contemplatione beatissimi, quae nisi sanctorum intellectu percipi non potest. Quis inquam nescit hos, videntur enim nonnullis res humanas plusquam oporteret deseruisse, non intelligentibus, quantum nobis coram animus in orationibus proficit, & vita ad exemplum, quorum corpora videre non sinimur. Tantum isti admonendi sunt, qui sese inaniter iactant, in tantum processisse temperantiam & continentiam sanctissimorum Catholicae fidei Christianorum, ut restringenda nonnullis, & quasi ad humanos fines reuocanda videatur. Usque adeo supra homines illorum animos euasisse, ab iis etiam quibus id displicet, iudicatur. Sed si hoc excedit nostram tolerantiam, quis non illos miretur & praedicet, qui contemptis atque desertis mundi huius illecebris, in communem vitam castissimam sanctissimamque congregati, simul aetatem agunt, viuentes in orationibus, in lectionibus, in disputationibus: nulla superbia tumidi, nulla pernicacia turbulenti, nulla inuidia lividi: sed modesti, verecundi, pacati, concordissimam vitam & intentissimam in Deum, gratissimum munus ipsi offerunt, a quo ista posse meruerunt. Haec est etiam vita foeminarum Deo sollicitè castèque seruientium, quae habitaculis segregatae ac remote a viris quam longissime decet, pia tantum illis charitate iunguntur, & imitatione virtutis: ad quas iuuenum nullus accessus est, neque ipsorum quamuis grauissimorum

Cenobita.

Coniales.

& pr.

Et probatissimorum senum, nisi usque ad vestibulum necessaria præbendi quibus indigent gratia. Lanificio namque corpus exercent atque sustentant, vestesque ipsas fratribus tradunt, ab iis inuicem quod victui opus est resumentes. Hos mores, hanc vitam, hunc ordinem, hoc institutum, si laudare velim, neque dignè valeo, & vereor ne iudicare videar per seipsum tantummodo expositum placere non posse, si super narratoris simplicitatem cothurnum etiam laudatoris addendum putauero.

At verò Euangelici de operibus pœnitentiæ tam contemptim sentiunt, ut illa etiam ad salutem perniciosa olim censuerint. Lutherus tomo 7. V Vitteb. fol. 130. 131. bonum opus quantumuis factum benè, peccatum statuit mortale. Hinc in omnibus suis operibus, maximè tomo 6. V Vitteb. fol. 256. animos hominum tantoperè à bonis operibus ad libertatem, vel licentiam potius auocat. Qua ex re tanta passim profanitas consecuta, ut LUTHERUS ipse scribat, Postilla domestica Ienenfi anno 59. concione 2. Dominicæ primæ Aduentus: *Mundus indies ex hac doctrina peior fit. Homines vno antea, nunc 7. Diabolis obsidentur. Diabolus nunc plena cohorte homines inuadit, ut sub clara Euangelii luce multo sint, quam antea sub Papatu, auariores, astutiores, fraudulentiores, crudeliores, libidinosiores, procaciores ac peiores.*

*Antithese
doctrinæ ha-
retic. que
frenalaxat
cupidi-
tibus.*

*Georgius
Maior in
libro hu-
tituli.*

Lutherus

Alii etsi opera quidem laudant, fideique quo ad præsentiam adiungunt, quo ad effectum tamen gratiæ & remunerationis tollunt, & grauissimis etiam sceleribus vnicae fiduciae præsidio impunitatem spõdent. Quæ ex re quid aliud sequi potest, quam acerbi, & insipidi fructus impietatis? quemadmodum præclarissimè quondam Sadoletus Cardinalis exhortatione ad principes populosque Germaniæ scripsit. *Hac voce (sola in Deum, fide homines effici iustos, ad iustitiam in nobis consociendam bona opera nil referre) per populos promulgata, authoribusq; auditis: quis non intelligat, maximos motus animorum, id quod factum est, necessario fuisse concitandos? cum enim credere in Deum facile sit: difficile autem cupiditates suas temperare: nemo paulo mobilior atque imperitior esse potuit, qui non exiguo illo credendi negotio, liberam suis cupiditatibus inseruiendi facultatem redimere sibi vellet.*

Pagina 69.

Plutarchus
in lib. de
perfect. mo-
rum.

Læter lib. 1.
de vitis
Philosoph.

An cum fi-
de, necessa-
rio opera
cohereant.

Quapropter etsi interdum videas nonnullos de pietate gnauiter differentes, tamen similes putato Græcis illis, quos *Anacharsis* numismate tantum ad numerandum uti dicebat: vel similes philosophis, quos *Diogenes* pro bona valetudine sacrificantes in ipso sacro epulis ingurgitari querebatur.

At inquis, fieri non potest, ut qui Christo per fidem insiti sunt, fructus non proferant gratitudinis, fidesque a deo ab operibus indiuisa manet. Hoc quam verum sit, docet *Apostolus*, 1. Cor. 13. *Si habuero omnem fidem, ita*

ut montes transferam, caritatem autem non habuero, nihil sum. Et Iacob. cap. 2. *Quid proderit fratres mei, si fidem quis dicat se habere, opera autem non habeat? nunquid poterit fides saluare illum?* Tandem August. de Trinit. cap. 18. *Fides sine charitate potest quidem esse, sed non & prodesse, &* Tractat. 10. in Epistolam Ioannis. *Iam credit aliquis in Christo, sed odit Christum, habet confessionem fidei in timore pœnæ, non in amore coronæ: adde huic fidei dilectionem, ut fiat fides, qualem Gal. 5. dicit Apostolus Paulus, fides quæ per dilectionem operatur.*

Deinde si necessario fidem sequuntur opera (addit idem Sadoletus) *quid attinuit ab ea iustitia, quæ per fidem imprimitur, opera bona seiungere? Cum ea ita complexa & cognata ipsa cum fide sint, ut simul cum ea adsint, & simul cum ea iustificent, tanquam ad rationem fidei substantiamque pertinentia. Quod enim stare per se sine altero non potest, habet illud certè quo sine non potest esse, ad naturam suam penitus adiunctum: Nec tamen diffiteor, debere quidem, atque in multis etiam fidem opera subsequi. Nam si Euangelium potens est ad salutem, potens quoque esse debet ad pietatem, sine qua salus nulli obtingere potest. Ideo Apostolus ad Galat. 5. talem in Christiano fidem desiderat, quæ per dilectionem sit efficax. Et Ephes. 4. negat eos Christum rectè percepisse, qui in vanitate mentis suæ ambulantes, cupiditatibus seculi*

De opere & indulgent. Unde D. Cyprianus. Qui habet elemosynas. fidei veritatem (inquit) servat Dei timorem: qui autem Dei timorem servat, etiam caritatem & misericordiam erga pauperes servabit.

Lib. 1. hist. Et Eusebius Christianum definit, qui per Eccl. cap. 5. Christi cognitionem & doctrinam animi moderatione & iustitia, continentiaque vite ac pietatis confessione excellit. Atque hoc per DE I

Aug. lib. 1. cafit, vt meritò concludamus cum Augu- de moribus, stino. Istis Manichæi (Evangelici) si pote- cap. 34. stis obsistite, istos intuemini, istos sine mendacio si audetis, & cum contumelia nominate, istorum ieiuniis vestra ieiunia, castitati castitatem, vestitum vestitui, epulas epulis, modestiam modestiæ, caritatem denique caritati, & quod res maximè postulat, præceptis præcepta conferte. Jam videbitis quid inter ostentationem & severitatem, inter viam rectam & errorem, inter fidem atque fallaciam, inter robur & tumorem, inter beatitudinem & miseriam, inter unitatem & conscissionem, postremò quid inter superstitionis sirenas & portum religionis intersit. Vale, Calendis

Augusti 1600.



EPISTO-

EPISTOLA IV.

BEATISSIMO
AC SANCTISSIMO IN
CHRISTO Patri ac Domino, D. CLE-
MENTI VIII. Pontifici Maxi-
mo, & c. Domino suo Cle-
mentissimo.

IUSTVS CALVINVS S.

Quàm multi sunt, Beatissime Pater,
CLEMENS VIII. Pontifex Opt.
Max. qui hunc conatum meum extremæ
impietatis & perfidię condemnabunt? Quàm
multı, qui hæreseos & Apostasias mani-
festæ? Postquam enim ego, DEI sic fe-
rente imperscrutabili voluntate, in istis lo-
cis natus atque educatus sum, quin & mul-
tos annos vixi, & munera officiaque gessi;
vbi hæretico grassante furore, pulsa veteris
fidei soliditate, doctrina noua, atque à con-
sensu totius orbis omnisque antiquitatis a-
liena, sub specioso Euangelii nomine, cum
multarum animarum æterna pernicie in-
vulgus spargitur ac disseminatur: Nuncau-
tem collustratis diuinitus oculis meis, per-
spectisque fœdissimis sectariorum errori-
bus ac furoribus, ad Catholicæ Ecclesię gre-
mium

mium iuante Domino, nec non sanctissima Beatitudine tua approbante, transire toto pectore satago: mirum quot probra, quot conuitia, quam acerbis insectationes ac virulentas proscriptiones in me vndique iaculaturi sunt ii, quos sacrilega obstinatio, ac furor prauus extra salutare hosce Ecclesiæ carceres detinet. Ast ego, qui Christi militiæ ascriptus sum, caelesti fortitudine armatus, fideique constantia roboratus, nulla tela inimicorum pertimescere, multo minus leuissima ista hominum nec de sua, nec de aliena salute rectè sentientium, iudicia reformidare debeo. Nec fundamenta causæ meæ in arena collocata sunt, sed in firmissima Petra: Petra inquam illa, quæ est Christus, cuius gratia vocauit me è tenebris in admirabilem veritatis suæ lucem: cuius veritas & constantia Cathedram hic fixit in terris, ad quam perfidia non habet accessum: ad quam propter potentiores principalitatem necesse est omnem conuenire Ecclesiam: Extra quam qui agnum commedit, prophanus & sacrilegus est. Cathedram inquam Romanam, in qua olim Petrus sedit, & in qua nunc Clemens Octauus sedet, diuina prouidentia Pontifex optimus maximus, Ecclesiæ Christi munimentum, terror hæreticorum, lumen seductorum.

Ab hactam augusta sede, si me vel odiorum acerbitas, vel periculorum larvas, vel sinister-

*Cypr. lib. 1.
epist. 3.
Iren. lib. 3.
cap. 3.
Hieron. epi.
ad Damas.*

finisterrimorum iudiciorum ventos abster-
 rere patiar, non solum stultè verùm etiam
 impiè fecero. Quid enim? *An esse sibi cum* Cypri. de Ec-
 nitate Ec-
 clesia.
*Christo videtur, qui aduersus sacerdotes Chri-
 stificat? qui se à cleri eius & plebis societate
 secernit? Fidenter dicam, Quisquis ille est,
 & qualiscunque est, Christianus non est, qui* Cypria. epi.
 52. ad An-
 ton.
*in Christi Ecclesia non est. Iactet se licet, &
 Philosophiam vel eloquentiam suam superbis
 vocibus predicet, qui nec fraternam carita-
 tem, nec Ecclesiasticam unitatem tenuit, etiam
 quod prius fuerat, amisit.*

Sed fratres mei quos defero, audientes
 talia, rident & stomachantur, meque con-
 uitiis omnibus incessunt. Infanis, inquirunt,
 neque adis Ecclesiam Dei, sed deseris. Quid
 ita inquam? Persuasum hoc vobis est, sed
 malè. Tenebar & ego quondam eodem er-
 rore, Romanam Ecclesiam maledictis lace-
 rans, communionemque Dei in sola Cal-
 uini parte remansisse credens: sed quis hoc
 euicerat? Calumniæ graues, & atrocia in do-
 mum Dei conuicia mentem meam peruer-
 so iudicio imbuerant. Itaque sequens illos,
 qui à corpore Christi præcisi properabant
 ad exitium: *Vae vae quibus gradibus descen-
 debam & ipse in profunda inferi.* Ab aliena
 barà promissis Dei, & tetra morte inuolu-
 tus pulchrè me viuere existimabam. *Sed tu*
DEVS longanimis & misericors oblitum tui,
oblitus non es: tu securus mei curam gessisti,
ac miseratus simplicitatem meam (neq; enim
 desti-

*Aug. li. 3.
 Confess. c. 6
 August. 11.
 Confess. c. 2*

August. 13.
Confess. c. 1.
& 22.

destinata malitia peccabam) praeuenisti me
antequam inuocarem te, & institisti crebre-
scens multimodis vocibus, perumpens surdi-
tatem, & intonans voce forti in interiorem au-
rem meam, vt cognoscerem super eminentem
scientiam charitatis CHRISTI, & firmi-
tudinem Ecclesiae tuae, quae supra Petram
fundata, vndique circumlatrantibus haereticis
inconcussa staret. Tu demonstraisti mihi
feruorum tuorum ministerio, quam graui crimine
alligati furerent, qui rupta vnitate fidei,
vltro se apud temerarios conuenas, sine diuina
dispositione praeficerent, qui se praepositos
sine vlla ordinationis lege constituerent: qui
contemptis Episcopis, & DEI sacerdotibus
derelictis, constituere auderent aliud altare,
precem alienam illicitis vocibus facere,
Dominicae hostiae veritatem per falsa
sacrificia profanare. Hoc demonstraisti mihi
DEVS meus, & gratias ago. Noui, confiteor
tibi Domine, mecumque nouit & benedicit te,
quisquis ingratus non est certe veritati.

Cypri. de Vnitate
Ecclesiae.

August. 11.
Confess. c. 7.

At vos fratres meos plus quam prodigos salutis suae obtestor, vt deposito paulum typho deliberationem Christiani hominis mecum suscipiatis, quamque longe à DEO peregrinemini, vel limis saltem oculis aspiciatis. Subducite mecum, an vel vnum verae Ecclesiae signum apud vos demonstrare possitis. Certè vnitate destitui-
tuimini

tuimini, à consensu orbis Christiani præcisi, & in minutissimas sectas miserè dispersi. Sanctitate quanta præstetis publicè notum est. Catholicos nominare vos nec vultis nec potestis, tam angustis obscuræ alicuius regiunculæ limitibus circumscripti. *Tertull de*
Iam si Apostolicos vos nominare libet, *præscript.*

Ostendite ordinem Episcoporum vestrorum. Edite origines Ecclesiarum vestrarum, & in ordine illo Patrum, exorsi à S. Petro ad præsentem usque Clementem Octauum, quis cui *Aug. epist. 165.*

successerit videte. Certè in eo ordine successio- nis nullus Donatista Episcopus inuenitur, nul- lus Lutheranus, nullus Calvinista. Quid ergo iam amplius aduersum hæc sæuitis? quid studio partium excæcaminis? Venite potius ad Romanam Ecclesiam, ut inseramini in vi- *Aug. in 17. contra pa- trem Do- nati.*

te: dolor est cum nos videmus præcisos ita iace- re. Numerate sacerdotes vel ab ipsa Petri se- de, in ordine illo Patrum, quis cui successerit videte: Ipsa est Petra, quam non vincunt su- perbæ inferorum portæ. Idque vt mecum in- telligatis, deponite ad tempus persuasionem sapientiæ vestræ. Audite doctos Catholica Ecclesiæ viros, tanta pace animi, & eo voto, quo vos ego audiui, nihil opus erit XX. annis, quibus me ludificastis. Longè omnino, longè breuiore tempore quid intersit inter veritatem vanita- temque cernetis. *Aug. li. 1. de morib. Ca- thol. Eccles. cap. 18.*

Atque hæc fortasse paulò prolixius san- ctissime Pater, commiseratione fratrum meo- rum:

rum: quibus consulto exponere volui, quibus ego remediis ad sanitatem adductus essem, ut quæ mihi medicina profuisset, eadem ipsi vtentes conualescerent. Audiui enim ego, pro Augustini consilio, doctos Catholicæ Ecclesiæ viros, sanctorum patrum monumenta sedulò euolui, modernorum Theologorum scripta, in primis quæ diuini viri Roberti Bellarmini (cui secundum Deum præcipuas conuersionis meæ partes ascribo) enucleatissimas disputationes studiosè legi: Ecclesiæ Græcæ consensum ex Patriarchæ Constantinopolitani in Augustinam Confessionem censura sollicitè rimatus sum: coram etiam cum multis sacerdotibus sermones contuli: nihil quæ ad eò prætermisi, quod ad cognoscendas Catholicorum sententias facere videretur. Neque id iniuriâ. *Oportet enim*, ut Cyprianus ait, *non tantum quid maligni atque apostata dicant, audire, verum etiam quid modesti & graues viri sentiant faciantque, de vitæ ipsorum ac discipline exploratione perpendere.* Hanc sollicitudinem meam si imitarentur isti, qui se magistros profitentes orbis terrarum sua plerophoria miserè decipiuntur, fortasse etiam pœnitentiam imitarentur, & mecum resiliant ab iis, qui sine vocatione ingressi, sine ratione mentiti, sine mente grassati super inferis miscuerunt, & neque vitæ innocentia fratribus similes, nec fidei vnitatem patribus concordem esse voluerunt.

*Epist. 52. ad
Anton.*

Sed ut eò iam, cuius gratia tota hæc scriptio instituta est, progrediar: vides Sanctissime Pater ex commemoratis, quis sit sensus meus & animus. Redeo ex fuga & dispersione longa: cupio reconciliari iis, qui Ecclesiæ possessores ac vitæ æternæ hæredes rectissime creduntur: Tanquam ovis perditus sto ad ostium ouilis Christi, & pulsans humiliter intromitti cupio. Hic cum nulli claves aut spatiosi ouilis cura commissa sit, præterquam tuæ Beatitudini soli: prouolutus ad pedes Sanctissimos tuos, cum multo gemitu & planctu, propter Christum supplico, ut ne spernas æstuantem hanc animam meam, nec à grege tuo repellas: quin potius apertis clementer foribus, ad Ecclesiæ sacrosanctæ communionem, & saluberrima Sacramentorum pabula admittas: Postmodum, quod reliquum est, exulem breui propter Christum relictis omnibus futurum Apostolica benedictione tua compleas, & sustentens. Quod à Beatissima Sanctitudine T. petere & sperare, non iussit impudens aliqua & proterua audacia: sed iussus & auctoritas eorum, qui suo merito Sanctitati T. à latere iuncti omniumque consiliorum conscii, hanc mihi promptissimam voluntatem tuam, in media Germania, non obscure confirmarunt. Idque ubi eorum votis, & tua plusquam diuina ad Germanos iuandos promptitudine impetrare licebit, mea in Deum pietas, & in Apostolicam

hanc sedem humilitas atque obedientia: in
 tuenda verò Catholica vnitate firmitas &
 constantia, ita semper constabit, vt nun-
 quam vel nomine Catholico, vel Pontificis
 Maximi beneficiis planè indignus fuisse vi-
 dear. Nec dum viuam, sacrosanctam Dei ma-
 iestatem ardentibus votis precari desinam,
 vt T. Sanctitatem vniuersæ Ecclesiæ Chri-
 stianæ quàm diutissimè incolumem seruare,
 Tuumque istum Pontificatum quàm pluri-
 morum Germanorum conuersione insi-
 gnem facere dignetur. Vale, S. Pater. Ca-
 lend. Decemb. Anno 1600.

 EPISTOLA V.

ILLVSTRISSIMO
ET REVERENDISSIMO
 D. CAESARI BARONIO SORANO,
 S. R. E. presbytero Cardinali, Tit. SS.
 Nerei & Achillei, sanctæ Apostoli-
 cæ sedis Bibliothecario, &c. Do-
 mino suo Clementif-
 simo.

IVSTVS CALVINVS S.

INter Romanæ Ecclesiæ præfules, interque
 veræ ac solidæ iustitiæ præcones, qui ad-
 uentanti nunc Antichristo diuina ingenii sui
 acie

acie neruos incidunt, profugisq; ab Ecclesia
 tuba sonanti receptui canunt, te præcipuum
 esse, CÆSAR BARONI, Cardinalis Illustris-
 sime, & fama dictitat, & præclarissima an-
 naliū tuorū monumenta contestantur. Quo-
 circa aliquoties me has scribere ingressum,
 deterruit partim grauissimorum negotio-
 rum tuorum recordatio: partim iusta debi-
 taque Illustrissimi nominis tui reuerentia.
 Sed hæsitantem confirmauit iterum specta-
 tissima ordinis vestri humanitas, & in pri-
 mis benignissima mei ad scribendum inui-
 tatio: qui cum consultissimi viri, Iosephi à
 VVinden, Germaniæ Referendarii sermoni-
 bus, nec non Reuerendi patris Andreæ Ver-
 madii literis de mea ad Catholicam fidem
 conuersione certior factus esses, summo-
 que idem Pontifici retulisses: mirificè vter-
 que pro vestra pietate cum beatis DEI spiri-
 tibus huius animulæ inuentione vos osten-
 distis recreatos. Atque ego si affectus istius
 vestri erga me magnitudinem vllis verbo-
 rum præconiis satis celebrare, vel digna gra-
 tiarum actione prosequi me posse sperem,
 valdè oblitus sim & virium mearum, & lon-
 ge maximæ dignitatis Apostolicæ. Verum vt
 tam benignis celebribusque benefactoribus
 maiorum erga me meritorum occasionem
 præbeam, paucula de rebus meis, & diu-
 turnis præsertim erroribus commemoran-
 da puto. Qua in re illud primo loco con-
 sulto, nulla me voluntate tam diu ex-

Apocal. 9.

tra Christi castra profugum, aduersus sacerdotes DEI maledicum, ab officina salutis alienum fuisse, sed patriæ partim corruptione infectum, partim peruersa præceptorum informatione inductum. Postquam enim, persolutis iam quatuor Apocalypseos tubarum pœnis, quinta tuba sonante, hæc misera Germania nostra, per illam funestam stellam cælo delapsam, inexpiabili crimine inuoluta, & fumo tartareo, locustisque pestilentibus, in tantam fidei vitæque profanitatem adducta est. Ego quoque huius Ægypti incola, communibus, proh dolor, tenebris inuolutus, & ab regia salutis via cum aliis abstractus sum. Ac ne multus sim, vigentibus publicè erroribus, illud mihi accidit, quod Marcus Cicero in Academia de stultis Philosophis commemorat. *Ceteri inquit, primum ante tenentur astricti, quam quid esset optimum, iudicare potuerunt: deinde infirmissimo tempore ætatis, aut obsecuti amico cuidam, aut una alicuius, quem primum audierunt, oratione capti, de rebus incognitis iudicant, & ad quamcunque summi disciplinam quasi tempestate delati, ad eam tanquam ad saxum adherescunt.* Viua profecto, viua deceptionis mei imago. Parentibus enim (quod misericors DEVS in melius vertat) haud Catholicis natus, præceptoribus haud Catholicis usus, patriæ haud Catholicæ consuetudine imbutus, ad fidem quoque haud Catholicam me pertrahi

trahi passus sum. Eam inquam fidem, si fides dicenda est, quæ à consensu orbis Christiani aliena, Donatisticam quandam puritatem iactitat, & Catholicum nomen detestata, fidam Christi sponsam, Romanam Ecclesiam, miris verborum ludibriis subsannat, & ferro furenter persequitur. Sed quia benignus DEVS simplicitatem meam & interitum miserabatur, subinde optima iam annis aliquot continuis suppeditauit remedia, quibus ad erroris & periculi sensum sanæque mentis possessionem adduci possem. Ac primum, quia me fascinatum videbat, gloriosæ Euangelicæ professionis titulo; sæpiusculè in mentem reuocauit, laceram scissamque huius synagogæ faciem, quæ nullo vnitatis vinculo copulata, in multas minutissimas partes secta, capitali inter se odio dissideret, & tanquam Babylon suis frustrata ausis, in dies suppullulantibus nouis fœtibus emarcesceret, atque extingueretur.

Deinde, vt (quod penè puer animaduertentiam) fraudes & mendacia hæreticorum, in detorquendis ac fugillandis Catholicorum sententiis, manifestius aperiret, lectionem ipsorum Catholicorum authorum suasit: primumque in manus dedit sanctorum aliquot Patrum commentaria, Augustini in primis & Cypriani: qui tanquam duo fulmina belli, facile prostrauerunt pleraque nouatorum mendacia, quantaque

fide illi in tractanda antiquitate versarentur, demonstrarunt. Sed vt ad rem propius accederem, atque ipsam quasi arcem causæ inuaderem, ad ipsos quoque recentiores Theologos consulendum incitauit. Quos vbi inspexi, tanquam Bethsaidanus ille gradatim sanatus, *primum a longe videre mihi visus sum homines tanquam arbores insedentes*, deinde continuata lectione & repetita quasi impositione manus dominicæ plenariam sanitatem recuperavi, ac dilucidè veritatem perspexi. Enimverò parentum liberorumque amor, præceptorum admiratio &c. ægrè melioribus locum dedit. Sed quia potiozem DEI quam hominum rationem habendam noueram, & apertissima veritas vrgebat, coactus sum illi manus dare, nec amplius reluctari potui. *Vt enim lancem in libra ponderibus impositis deprimi, sic animum perspicuis cedere necesse est.* Et quum inconstantia fama insidiaretur, succurrebat Cyprianus, *Non inquiens, quia semel erratum est, ideo semper errandum est, cum magis sapientibus & DEVM timentibus congruat, patet factæ & perspectæ veritati libenter atque incunctanter obsequi, quam pertinaciter atque obstinatè contra fratres & sacerdotes pro hæreticis reluctari.*

Akor. 4.

*Cicero in
Academia.*

*Epistola 73.
ad Lulianum.*

Sic itaque diuina ope sanatus, fide & intellectu interioris hominis, dudum rationes omnes quæsiui, euadendi hanc lernam, & publicè profitendi fidem meam.

Sed

Sed quia Dominus ipse monebat, *ne turrim edificaturus, aut hostem casurus, temere ad opus prosilirem, sed sumptibus prius subdudis viderem, par ne operi perficiendo esse possem, ne spe deiectus, risum ludibriumque mouerem vicinis: Ego iusta me ratione moueri credebam, vt lentè agerem, & vada prius tentarem, littoraque explorarem, quàm me periculoso cum meis mari committerem.*

Cumque hoc sollicitè mecum iam multos menses faceret, Reuerendus & Doctissimus Pater, ANDREAS VERMADIVS, rerum mearum & salutis studiosissimus: Ecce Θεὸς διὰ τὴν μίχρανῆς, nobis de ouiculis aliquibus conciliandis sollicitis, tua imprimis opera, Cardinalis Illustrissime, ipsum Pastorem summum conciliauit, eiusque voce humanissima quæque pollicitus est. Quam tam optatam consilii perficiendi occasionem, vt ego è manibus dimitterem, nihil erat. Quin potius pro Illustrissimæ Celsitudinis tuæ hortatu humiles quædam, & fortasse non satis pro dignitate compositas literulas ad sedem Apostolicam direxi: certa spe fretus, fore vt explicatis Pontifici Maximo longorum errorum meorum deceptionibus, & periculorū, in quibus adhuc versor, angustiis, coadiuuante diuina misericordia, & ingenita Pontificis Maximi bonitate, hoc præsertim anno Iubileo & veniã delictorū, & Catholicæ vnitatis vinculum.

Apostolicæque liberalitatis fructum essem impetraturus. Quod votum meum, vt & Illustrissima Celsitudo tua, à qua originem ducit, suo voto comprobare, sanctissimoque Domino nostro quàm efficacissimè insinuarè velit, per sanctam Domini crucem, & viuifica ipsius vulnera ardentissimè precor. Ego quàmprimùm Apostolicæ voluntatis nutum vel minima significatione percepero, me illi absque vlla cunctatione morigerum præstabo: & quidquid porrò ad Catholici nominis dignitatem, ad humillimam pro acceptis beneficiis gratitudinem, ad commissam denique quamcunque Spartam nostram pertinebit, tanta *σὺν θεῷ*, fide, curabo, vt nulla in parte meo muneri defuisse videar.

DOMINVS IESVS sanctissimum Dominum nostrum, nec non Illustrissimam Celsitudinem tuam, ad maximum Ecclesiæ suæ emolumentum, meam & plurimorum conuersorum salutem, quàm diutissimè seruet incolumem. Vale 3. Decembris. Anno 1600.

•§(o)§•

EPISTO-

EPISTOLA VI.

ILLVSTRISSIMO

ET REVERENDISSIMO,

D. ROBERTO BELLARMINO. S. R. E.

Presbytero, Cardinali, &c. Do-

mino suo Clementis-

simo,

IUSTUS CALVINUS S.

TV verò ille es, Roberte Bellarmine, Cardinalis Illustrissime, quem colit & veneratur anima mea, quem diligit & exoptat cor meum. Tu es, qui animam hanc vindicasti à morte, & plusquam Cimmeriis tenebris obrutam, diuinæ virtutis fulgore, secundum DEVM, collustrasti. Tibi vota faciam, tuumq; immortale nomen perpetuis laudibus celebrabo. Ecquid hoc est, inquis? quem insperatum Pæana audio? quis peregrino celestimate acclamat? Ego ego sum, Roberte Bellarmine, dulce solatium meum, amica quies mea. Ego sum, magnus debitor tuus. Si gratiam inueni in oculis tuis, præbe aures tuas, percipe magnalia DEI, audi excellentissimos fructus laborum tuorú. Ecce sedebas quondam, & medicinam parabas ægris, quos vel tartaræ locustæ à Iohanne præsignificatæ, falsorum dogmatum aculeis læserant, vel hydrops falsæ sapientiæ inflarat, vel leuis super-

bię aura ex area Ecclesię proiecerat. His me-
 dicinam disputationibus tuis parabas, atque
 in vulgus prolatam cunctis propinabas. Sed
 vide ingratos homines. Alios vis morbi ob-
 stupefecerat, alios desperatio acquirendę
 sanitatis abalienauerat, alios furor ad pro-
 culcandũ pharmacũ incitauerat. Mihi quid
 accidit, ægrorum infirmissimo? Propinatur
 eadem librorum tuorum medicina. Rideo,
 vt assuetus eram, & tamen periculi faciendi
 causã admitto eam, lectioneque imbibo.
 Hic, quod ægris quibusdam accidere solet,
 pharmacum primò commouet animum, ac
 resultum quærit. Postmodum aliquandiu
 retentum, occulta virtute interius cum mor-
 bo conflictu habito, sudorem toto corpore
 excitat. Quod vbi sensi, tum demum grauif-
 sima me lue infectũ, totaq; cura ad frequen-
 tandum antidotum opus esse animaduerti.
 Eoq; facto maiores indies vires colligere, &
 tandem, benedicente Domino, integram sa-
 nitatem recuperare cœpi, vt nunc quidem
 nihil amplius in votis habeam, quàm primo
 quoq; die abiectis pristinis errorum exuuiis
 valetudinarium hæreticorum relinquere, &
 in sæce Ecclesię DEI cum Catholicis sincero
 corde ac fide ambulare. En operum tuorum
 saluberrimam in me medicinam Bellarmi-
 ne! En quanto me malo eripueris: quantoq;
 bono bearis! Laborabam periculose, tu sa-
 nasti: moriebar lachrymose, tu viuificasti, se-
 pultus eram calamitose, tu è pulueribus in-

ferni excitasti, inquè regia DEI collocasti. Onunquam commemoranda satis beneficia tua? Pro iis quid ego reponam? superat ista magnitudo omnes thesauros mundi. Nihil igitur repono, mihi quod priscis diuorum donariis inscribi solebat, *Aliud quidem non habeo.* Sed & Dominus miserationum in hac iam vita constituens te inter principes populi sui, atq; inter columnas Ecclesiæ suæ hanc tuam fidelitatem insigni laurea coronauit, & in altera longè maiori & diuiniore coronabit, rependens illud Prophetæ Danielis: *qui docti fuerint fulgebunt quasi splendor firmamenti, & qui ad iustitiam erudiunt multos, quasi stellæ in perpetuas æternitates.* O magnificum Mineruale, Bellarmino meo debitum! Qui vt misericordiæ quoq; præmium consequatur, exilio meo consolando sustentandoque, liberaliter efficere potest, Quod vt facias Cardinalis amplissime, vir æterna memoria prosequende, submissè obnixèq; oro: dumq; facis, ego tibi ac similibus tui, Baronio imprimis, canticum illud ingeminare non cessabo, quod sanctus Augustinus 13. Confessionum Capite nono de vobis quasi vaticinans protulit. *Currite ignes sancti, ignes decori, vos enim estis lumen mundi, nec estis sub modio. Exaltatus est cui adhesistis, & exaltauit vos, discurrete & innotescite omnibus gentibus.* 4. Decembr.

Anno 1600.

EPISTOLA VII.

CLARISSIMO AC
 CONSULTISSIMO VIRO,
 D. Iosepho à VVinden, I. V. Doctori,
 ac Germaniæ in curia Romana
 Referendario, &c,

IVSTUS CALVINVS S.

OVtinam Romæ vobis vel vnum diem coram adesse liceret, clarissime ac consultissime vir, totam mearum rerum seriem, à primo vobis ouo commemorarem, exponeremq; quibus adhuc angustiis, probante Domino, meam in recens cognita veritate constantiam, circumseptus sim. Quin & vobis pro vestra illa insigni ad me iuuandum promptitudine, gratias quantas possum maximas agerem, rogaremque, vt quam à longè ostendistis erga me hospitem benevolentiam, deinceps ad pacem anhelanti, atq; ægrè ex hisce voraginibus emergenti, præstare non desistatis. Sed quia loci distantia, ac præsens rerum mearum status, id nullo modo sinunt, literarum ministerio vtendum, vobisq; rerum mearum statum, quantum molestissimæ occupationes sinerent, exponendum duxi. Facile autem reputare potes pro
 tua

tua prudentia, in quanto hîc discrimine ver-
 ser, si conuersio mea publicè pateſcat. Et ta-
 men nonnullis aliquid ſuboluit: qui magna
 anxietate euentum rei expectant, perſuaſi
 fore, vt temporis diuturnitate iſte meus ar-
 dor refrigeſcat. Sed qui didici ex ore Salua- *Luc. 9*
 toris, non ſatis eſſe manum aratro admouere,
 ſed conſtantiam requiri, illoſque demum *Be-
 Gæioy* conſecuturos, qui ad ſinem uſque perſene- *Matth. 24*
 rarint: nunquam iuuante Deo, committam,
 vt vlla me pericula, vel blanditiæ de gradu
 conſtantia deiciant. Nec non ſæpe lauda- *Epistola 52.
 ad Anton.*
 bo auream illam Cypriani ſententiam, *Gra-
 nes viros, & ſemel ſuper petram ſolida ſtabilitate
 fundatos, non dico aura leui, ſed nec vento
 aut turbine commoueri, ne animus dubius &
 incertus, variis opinionibus velut quibusdam
 ventorum incurſantium flatibus frequenter a-
 gitetur, & à propoſito ſuo, cum quadam leuitatis
 reprehensione mutetur.*

Quanquam igitur minimè præcipitan-
 dam arbitror, meam ex hiſce terris migratio-
 nem: tamen quia ouiculam diu inter lupos
 verſari, periculofum eſt, neceſſariò mihi ali-
 qua ſecuritatis ratio ineūda erit, vt DEO ho-
 minibusque fides mea conſtet, & familiam
 meam ex hoc incendio eripere poſſim. In-
 dies enim mihi audire videor id, quod He-
 ctor Æneæ;

*Eia age nate Dea, teque hiſ ait, eripe flammis, Virgilius 2.
 Acneidos.
 Hoſtiſ habet muros, ruit alto à culmine
 Troia.*

De fortunis meis non tam sollicitus sum
quàm de vxore, ternaquè prole, tenella ad-
huc, & in primis annis constituta. Vicissim
consolatur sanctissimi nostri Benignitas &
spectatissima liberalitas: quem pro vestro
tuas peculiaribus literis certius adhuc con-
ciliare mihi volui, modo rectum cursum te-
nuerim. Istas literas, vt & alteras ad Illustris-
simos Cardinales BARONIVM & BELLAR-
MINVM, vt tua amplitudo rectè curare velit,
obnixè per CHRISTVM oro. De BARONIO
quid velim, vobis notum est. BELLARMINVM
salutare, prope diuina eius erga me merita
iusserunt. Iste enim est, cuius ductu auspi-
ciisque primum ad Catholicam ingressum
feci: iste me erudit, collustrauit secundum
DEVM, fouit ac confirmauit in sanctissima
DEI veritate: idque eruditissimis disputatio-
nibus suis: de quibus si quis alius, certè iudi-
ciosissimus BARONIUS veram tulit senten-
tiam libro primo *Annalium* pagina 468. vbi
sic scribit: *Disputationes Roberti Bellarmini,*
sunt instar turris illius, quam David edificauit
cum propugnaculis, ex qua mille pendent cly-
pei, & omnis armatura fortium. Sed video ex-
crescere epistolam. Finis sit, scribendi qui-
dem, non autem amicitiaè, quàm, vt veræ re-
ligionis glutine coniunctam in multos an-
nos protrahere possimus, DOMINVM

IESVM precor. Vale 4. Decemb:

Anno 1600.

*Baronij iu-
dicium de
Bellar. disp.*

EPISTOLA VIII.

Clemens Pap. VIII.

DILECTO FILIO,

IVSTO CALVINO.

Dilecte fili, Salutem & Apostolicam Benedictionem. Perlectis literis tuis, quas ad nos dedisti, de tua ad fidem Catholicam conuersione, commota sunt viscera nostra, super filio nostro è regione longinqua, vbi fames ac tenebræ, & vmbra mortis ad domum paternam redeunte, hoc est, ad vnã sanctam Catholicam & Apostolicam Ecclesiam, quæ est domus DEI viuentis, columna & firmitermentum veritatis, & quamuis corpore longè à nobis absis, tamen in vnitæte fidei, & in vinculo caritatis, & in spiritu Christi, qui in semetipso etiam disiunctissima iungit atque conglutinat, te vt præsentem intuebamur, & cecidimus super collum tuum, teq; non iam vt alienum, sed vt filium, non vt membrum Diaboli, sed vt membrum Christi & nostrum paterno affectu complexi sumus, gaudio spiritali exultantes in Domino, quia filius noster, filius Ecclesiæ, qui perierat, inuentus est, & qui mortuus erat, reuixit. Benedictus Deus & Pater Domini nostri Iesu Christi, qui ostendit in te abundantes diuitias gratiæ & misericordiæ suæ, qui te densissimis errorum atque hæresum tenebris obcæcatum, & planè

mor-

mortuum, secundum interiorem hominem, excitauit, illuminauit, & conuiuificauit in CHRISTO, & dedit tibi spiritum sapientiæ, & reuelationis, in agnitione eius, vt cognosceres, & intelligeres, quia vnus est DEVS, vna fides, vna Ecclesia, non in vnus prouinciæ angulum coniecta, sed toto terrarum orbe diffusa, non in penetralibus, & locis tenebri-
 cosis abdita, sed vt ciuitas Dei supra montem posita, non heri aut nudius tertius excogitata, à paucis hominibus cupidis, elatis, superbis, qui deserentes antiquitatem, vniuersitatem, consensum, & abnegantes veritatem à Christo traditam, ab Apostolis promulgatam, à fortissimis Martyribus sanguine confirmatam, à sacrosanctis œcumenicis Conciliis declaratam, à sanctis Patribus per tot seculorum ætates vnanimi, atque admirabili sensu & consensu prædicatam, seipso solos horribili superbia & intollerabili audacia omnibus præferentes, conuerterunt se à fidei veritate ad fabulas, & adorauerunt idola manuum suarum, nimirum hæreses & impietates suas, quibus demerunt multos, & quod sine magno dolore commemorari non potest, animas pretioso CHRISTI sanguine redemptas, secum abduxerunt in damnationem atq; interitum sempiternum. Iterum igitur & sapius benedictus Deus, & pater misericordiarum, qui ex tenebris illis eduxit te in admirabile lumen suum, & benedictus tu, fili, qui diuinæ vocationi & Spiritui

ritui sancto non restitisse, sed aperuisti cor tuum pulsanti Deo, teque preuenienti in benedictionibus dulcedinis, quæ siuisti & inuenisti sapientiam, veritatem, vitam, tene eam, nec dimittas, & quod Deo auctore fortiter inchoasti, eodem adiutore constanter perfice: misisti manum ad aratrum, ne respicias retrò, licet te ciues, & necessarii tui, vt scribis irrideant, detestentur, proscribant, ne te vlllo humano affectu aut timore, aut terrenis, & carnalibus rationibus à tuo sancto proposito retardari; nedum dimoueri patiaris. vitæ auctor clamat ad te, qui amat patrem aut matrem plus quàm me, non est me dignus. Etiam si parentes, patria, cognati, amici deserent, & derelinquent te, Dominus & pater omnium assumet te, & nos, qui illius vicem in terris, immeriti licet, gerimus, assumemus. Vtinam illi exemplum tuum imitentur, sed si magis tenebras diligunt, quàm lucem, illi miseri in peccato suo morientur. tu fuge de medio Babylonis, & salua animam tuam, pro qua nulla commutatio dari potest. Ne ergò timeas, te enim tamquàm ouem perditam, vt scribis, ad ouile Christi pulsantem, non solum non repellimus, sed vltro accersimus, & iam nunc inuitamus, & apertis brachiis expectamus, vt complectamur, & perfectè introducamus intra gremium sanctæ matris Ecclesiæ, quæ te parturit, donec Christus formetur in te. Veni ad nos, veni ad urbem Romam, veni ad

Ecclesiam matrem, & magistram omnium Ecclesiarum, à qua totius Ecclesiæ Catholice vnitas dimanat, vbi domicilium religionis, vbi fidei Petra, & Apostolica illa successio à beatissimis Apostolis Petro & Paulo, vsque ad humilitatem nostram, quæ omnes hæreses conuincit, & prosternit: nos studiis tuis suffragabimur, eaque, vt expetis, sustentabimus, vt multis prodesse possis, neque patiemur, vt quæ ad vitam, & victum necessaria sunt desideres, ea enim tibi sumministrari iubebimus, tuisque commodis benignè consulemus, omni denique amoris significatione, te in Domino prosequemur. Cuius nostræ in te voluntatis, has nostras litteras testes, & veluti pignus esse volumus. Deus autem omnis gratiæ, qui opus suum in te inceptit, ipse absoluat & perficiat, in laudem & gloriam nominis sui, vsque in diem Christi, Amen. Datum Romæ, apud Sanctum Petrum, sub annulo Piscatoris, die XVII. Ianuarii M.D C I. Pontificatus nostri Anno Nono.

Siluius Antonianus Card.



EPISTOLA IX.

CINTHIVS ALDO-
BRANDINVS, S. R. E. CARDI-
nalis; &c.

IUSTO CALVINO, S.

ORnatissime vir ac Domine; quas literas ad S. D. N. superiori mense Decemb. dederat D. V. eas ego quoque perlegi, & quidem cum incredibili quadam animi mei voluptate. Erant enim huiusmodi, vt facile appareret, non potuisse tam præclara perscribi, nisi ab eo, cuius mentem manumque diuinus afflatus iam regeret, penitusque occuparet. Tantam felicitatem D. V. ex animo gratulor; Deum opt. maxim. præcatus, vt gloriosam hanc victoriam, quam de se ipsa iam retulit D. V. non sibi solum, sed & aliis quam plurimis velit esse salutarem. Quod quidem omninò fore confidimus, præsertim si, quod pollicetur, in eam curam sedulò deinceps incubuerit, vt rectam veritatis viam aberrantibus pio officio demonstrat. De paterna S. S. erga eam caritate, nihil attinet me plura scribere, quandoquidè eam cumulatè exprimit breue Apostolicum quod mitto. De me priuatim omnia sibi polliceatur velim, quæ ab homine sui amantissimo proficisci possunt. Valeat feliciter D. V. & quæ ià eruditionis laude (vt video) floret, ad solidam ex vera pietate gloriam, qua nihil illustrius, totis viribus, quod facit, contendat. Romæ die 20. Ianuarii 1601. d 2 EPI.

EPISTOLA X.

CÆSAR BARO-
NIVS SORANVS, S. R. E.
Cardinalis, &c.

IVSTO CALVINO; S.

A Mantissime frater, vt perlegi literas tuas, Deo optimo maximo, *cuius sunt miserationes* (vt cecinit Dauid) *super omnia opera eius*, plurimas gratias egi, quod è tenebris te vocauerit in admirabile lumen suum. Hoc beneficio nullum maius, gratia nulla potentior vel vtilior, ob idque custodienda cautius, & sollicitius conseruanda, aliudque non tam generoso victori carmen sit triumphale canendum, quàm idem ipse monendus verbis Apostoli: *Videte quomodo cautè ambuletis, non quasi insipientes, sed vt sapientes, redimentes tempus, quoniam dies mali sunt*, & cohortandus verbis Dominicis: *Ambulate dum lucem habetis, vt non vos tenebræ comprehendant: & dum lucem habetis, credite in lucem, vt filii lucis sitis*. Victus semel Diabolus, maiori impetu solet assurgere, & validioribus virib⁹ victorem appetere, pro vt nos exemplo illo docuit Dominus, de spiritu nequam, qui cum exit à homine, non quiescit, sed auxilares copias colligit,

assu-

assumens septem alios spiritus nequiores se, vt quam dereliquit ad tempus munitionem inuadat, aut dolis expugnet. *Circuit namque ille (monet Petrus) tanquam leo rugiens, quærens quem deuoret, cui resistite fortes in fide.*

Quærit fugitiuum suum, militantem iam in castris Ecclesiæ, repetit transfugam suum, ne prodat artes suas & consilia sua faciat manifesta, valdè timens, ne rursus Saulus in Ecclesiæ Catholicæ conflatorio igne diuini spiritus conflatur in Paulum, & fulmen prodeat veritatis, telum mendacii, quo ipse ad debellandas gentes est vsus. Tu verò strenue Christi miles, caue ne semel sumptum scutum fidei, abiicias indecorè; magis autem teipso potentior indies euadens, teipsum supera, te ipsum æmulans, vt erubescas nō longè maiora præstare sub Christo duce miles adscriptus, quàm sub principe tenebrarum opera exhibueris tenebrarum.

Ista ego ad te commilito tuus, cupidissimus gloriæ tuæ, absens corpore clamo, præsens spiritu auribus ingero. Spectaculum iam factus Deo, angelis, & hominibus, inter duos tuos Agonothetas, Cyprianum & Augustinum, in certaminis campum ingressus, fauente Deo, ministrantibus Angelis, coadiuuantibus fratribus, sanctis monentibus & opem ferentibus, nihil est tibi timendum, sed gaudendum; magis verò exultandum, si pro fide Catholica, ipsa veritate tuenda, aliquid pati dignus inuentus fueris. Reddidi

litteras tuas summò Pontifici, audit libenter iamdiu perditæ balatus ouis, quam & iudicavit dignam, vocem audire pastoris, Apostolicis te literis alloquens, quibus velut extensis brachiis te complectitur, & quot characteribus, tot petit osculis, imponens super humeros suos, &c. quem semper verè Pastorem & patrem experieris. Vale, Romæ 20. Ianuar. Anno Domini 1601.

EPISTOLA XI.

ROBERTVS BELLARMINVS, S. R. E. CARDINALIS, &c.

IVSTO CALVINO, S.

CLarissime Domine, quod gratia spiritus sancti cor tuum potèti sua virtute ad veram lucem aspiciendam & amandam conuerterit, & lætor ex animo, & gratias ipsi Patri luminum, quantas possum, ago. Quod verò ad hoc efficiendum scriptis meis prouidentia diuina vti voluerit, exulto, mihi crede, pro fructu, sed inani non efferor gloria. satis enim imperfectum meū noui: neq; ignoro, *virtutem Dei, vt Apostolus ait, in infirmitate perfici*, id est, tantò illustrius Dei potentiam enitescere, quantò per instrumenta infirmiora operatur. Magnum Dei donum est agnitio veræ Ecclesiæ, in qua sola reconciliantur homines Deo, & spem solidam concipiunt adipiscendæ salutis æternæ, hæc videlicet

licet est illa preciosissima margarita, quam qui inuenit, venditis omnibus cōparare studet. Neq; metuendum est, ne si propter fidem patrimonium amittamus, fame nobis & frigore pereundum sit, cū Dominus dicat. *Querite primum regnū Dei, & iustitiā eius, & hæc omnia adicientur vobis.* Sed etiam si rapinam bonorum nostrorum, vt Apostoli verbis vtar, sine spe talia rursus acquirendi pati nos oporteret, non ideò minore ardore animi in veræ fidei professionem & prædicationem incumbere deberemus. *non enim sunt condignæ passionēs huius temporis ad futuram gloriam, quæ reuelabitur in nobis.* Pontifex Maximus optimam voluntatem erga te gerit, & breui dabit operam, vt res necessarię tibi & tuis ad vitam honestè transigendam non desint. Sed si fortè diutius res differretur, quàm par esset, ob distantiam regionum, & plurima negotia, quibus optimus Pontifex quotidie pene obruitur, velim ad mentem reuoces, quod Moses populo in angustiis posito dicebat, tentat vos Dominus Deus vester, vt sciāt an diligatis eum. Ego pro mea virili non deero, tum precibus apud Deum, vt opus bonum, quod in te cœpit, ipse perficiat, tum apud homines, vt temporalia subministrent iis, quos à patre cœlesti ad regnum æternum vocari vident. Vale clarissime vir, confortare in Domino, viriliter age, omnem sollicitudinem tuam in Deum proiicito, quoniā ipsi est cura de nobis. Romæ die 18. Ian. Anno 1601.

EPISTOLA XII.
 SANCTISSIMO AC BEATISSIMO Patri,
 ET DN. CLEMENTI VIII.
 Pontifici Maximo,

IVSTVS CALVINVS sempiternam felicitatem.

BEATA verò tempora nostra, sanctissime Pater, quæ te tantum Ecclesiæ præfulgentem genuere! Beatum me, qui talem, secundum CHRISTVM, animæ meæ Pastorem inueni: tam vigilem, ut balatus redeuntis ex eremo ouiculæ non obaudiat: tam fidum, ut pulsantem ad fores Ecclesiæ non repellat, tam humilem, ut voce etiam & alloquio dignetur. O quis illud sacrum Apostolicum tuum satis digno encomio prædicabit? præsens ætas mirabitur affectus humanitatem: posteritas prædicabit veritatis sinceritatem: secula omnia obstupescunt religionis sanctimoniam. Ita enim clementer reducem excipis, PATER, ita sincerè tyronem imbuis: ita religiosè tractas & inuitas exulem, ut & miris modis incomparabilem nominis tui famam augeas, & hæreticos omnes pudore ignominiaque suffundas.

Crepant

Crepant multa degeneres filii, de matris desertæ inhumanitate, exagitant spiritum eius celsum: Dominici gregis pastores, summos pariter & imos, quibus possunt virulentissimis conuitiis proscindunt, & fœdissimis fictorum criminū maculis conspurcant. Sed qui tales sunt, adsint huc, aperiant oculos, pandant aures, capiant fidelissimæ matris pietatem, curam, benignitatem, sollicitudinem, humilitatem, distenta vbera, religiosissimum sinum. Et, si mentis stupor eos inuasit, vel crassis manibus tangant diuinam pastoris summi erga miseram ouiculam propensionem, cum magna eam exultatione in humeros suos recipientem, domumque reportantem. O Utinam amore tali illecti, inueniantur & ipsi, ne perditī pereant, & miseri errore, miserrimi fiant, damnatione & cruciatu sempiterno! Capiant exemplum redeuntis filii, & recipientis patris: neque pluris faciant superba mundi deserta, reluctantia & relatrancia castris DEI; quæ igneo promissionum DEI muro circumuallata, nihil damni è canum circumlatrantium rabie capiunt: gaudii autem plurimum ex salute eorum, qui ex hostibus amici facti, futuræ gloriæ consortium adipiscuntur.

Sed missis illis, ad te redeo Sanctissime Pontifex: cui quoniam omnes totius orbis Christiani diuino humanoque iure ad promptam & alacrem obedientiam deuincti sunt, dicente Apostolo, *Obedite prepositis vestris Ad Heb. 13.*

qui vigilant pro animabus vestris: Ego sancti-
 tatis tuæ voce (quod sine humillima animi
 deuotione , maximaque gratiarum actione
 commemorare nequeo) non solum ex hæ-
 reseos gurgite ad sacrosanctæ Romanæ Ec-
 clesiæ, cuius fides toto orbe prædicatur, commu-
 nionem admissus , verum etiam in urbem
 sanctam , & domicilium religionis huma-
 nissimè euocatus: pro munere meo non pos-
 sum neque debeo , quin quamprimum ad li-
 mina sanctorum Apostolorum me sistam,
 tuaque vltiora capeßam imperia. Sed quo-
 niam præter viæ longinquitatem maximam,
 plurimæ etiam difficultates aliæ me nunc
 impeditum tenent , familiæ vtcunque nu-
 merosæ importunitas , valetudinis subinde
 recurrens imbecillitas , æstus flagrantissimi
 metus : nolo in eam venire opinionem,
 quidquam me ab officio aut sanctissimæ vo-
 luntatis tuæ nutu facturum alienum , si pau-
 lulum dilato itinere , commodioris tempo-
 ris opportunitatem expectaro. Quod vbi
 non ingratum sanctitati tuæ intellexero , fa-
 xo quamprimum me Catholici habeant ali-
 cubi socium confessionis, & æmulum pie-
 tatis. Sed quia magnam mihi calamitatum
 messem hac emigratione mea præparatam
 video, DEVM Optimum Maximum seriis
 votis precor, vt quam in me mentem excita-
 uit, eandem spiritus sui robore perpetuò fir-
 met atque alat, ne vnquam me vlla (quod
 haud spero) aduersitas de gradu constantiæ
 defi-

deiciat. Tua vero Beatissima sanctitudo, quem erga me semel suscepit fauorem & gratiam; vt nullo vnquam tempore abiiciat, quam possum humillimè peto. Quod ad me attinet, profiteor in conspectu DEI, quod ante hac etiam Sacramento interposito professus sum, me sincero pectore Catholicam fidem amplecti, & ad extremum vsque spiritum amplexurum, quoscumque potero edoctrum, & contra quosuis pro mea tenuitate verbis factisque, atque etiam si opus sit, sanguine defensurum. Sanctitatis autem tuæ erga me credibilia merita muneraque, nulla vnquam temporis obliuio ex animo meo delebit, quin quotidiana ea memoria Deo Optimo Maximo ad æternam compensationem insonem. Huius clementissima protectio Sanctissimam Beatitudinem tuam plurimos annos sospitem valentemque conseruet, atque omni spiritali benedictione corpore & animo magis magisque adaugeat. Augustæ Vindelicorum

22. Maii, Anno redempti

orbis 1601.

EPISTO-

EPISTOLA XIII.

ILLVSTRISSIMO
AC REVERENDISSIMO,
 D. Octauio Parraucino S. R. E. Car-
 dinali, Tit. S. Alexii, Germaniæ Pro-
 tectori amplissimo, Domino
 suo Clementissi-
 mo,

IVSTVS CALVINVS S.

QVam miseræ sint vices rerum humana-
 rum, Cardinalis Illustrissime, quamque
 variè multi in hoc vasto mundi pelago, vel
 bellorum fluctibus iactentur, vel errorum
 & hæreseon procellis à salutari fidei portu
 ad inhospita saxa & scopulos æternæ damna-
 tionis allidantur, plus satis, pròh dolor, mise-
 ra hæc Germania nostra septuaginta nunc &
 amplius annorum suffragio demonstrat. E-
 goq; minimus inter multos, non planè istius
 calamitatis expers fui. Sed quanta DEI in
 reuocandis multis ab erroribus & æterna
 pernicie, benignitas sit: quanta item Eccle-
 siæ Catholicæ, quæ Christi corpus & sponsa
 est, in recipiendis tractandisque talibus leni-
 tas & mansuetudo, luculentissimè vel meo
 vnus exemplo patet. Annos enim complu-
 res

res iactatus curru inanium questionum, ut loquitur author hypognosticôn, lapsusq; in fluctus vana contentionis & hereseos, velut navis deserta gubernaculo, per diuersa & incognita littora opinionum volutus, metuens tandem naufragii, reuertens, & in portu fidei Catholica, ubi menulla posset fluctuose curiositatis, vel impietatis tempestas turbare vel mergere, anchoram meam figere cupiens, ecce Apostolicæ sedis arcem adeo, flensque cogitata mea propono. Hic non secus atque olim Æneæ fociis Dido:

Soluite, inquit, corde metum Teucris, secludite curas, *Virgilius.
Æneidos.*

Seu vos Hesperiam magnam, Saturniaque arua,

*Siue Erycis fines, regemque optatis Acesten,
Auxilio tutos dimittam, opibusq; iuuabo.*

*Vultis & his mecum pariter considerare regnis?
Vrbem quam statuo vestra est, subducite naues.*

Ita fanè mihi ad vnicas literas tota quasi Apostolica aula in occursum venit, meque complexa vlnis caritatis, noster inquit eris, abiice curas, tabentes sale artus in littore nostro pone: nauiculas tuas subducito: quacunq; in re tibi vsui esse poterimus, apertos inuenies thesauros misericordiæ nostræ: fouebimuste auxilio, defendemus præsidio.

Ad quæ omnia ego meritò hic iam in ellogia erũpere debebam, Cardinalis Illustrissime, & celsis laudibus extollere tam insignem

gnem humanitatem & beneficentiam vestram. Sed quæ tanta potest esse, præsertim penes me balbum, dicendi facultas, quæ non ad tam vastû laudum campum exhorrescat, & exarescat. Pontifex Opt. & Sanctiss. tanquam alter. paterfamiliâs, videns à longè redire filiû famelicum, siliquis porcorum ferè confectû, misericordia commotus accurrens ruit in collum meum, & osculatus me proferri iubet stolam, qua induar, & calceamenta, quibus muniar: *quia filius, inquit, meus mortuus erat, & renixit, perierat & inuentus est.* Non minus domestici eius Cardinales Illustriss. plausu replentur & gaudio, accurrunt, spectât, lætâtur, salutant, *maiusq; gaudium est super vno peccatore resipiscente, quàm super nonaginta nouem iustis, qui semper cum patre manentes pœnitentia non indignerunt.* Hanc tantam tamque excellentem erga me pietatem humanitatemq;, nondum quidem coram, sed literis tamen abundè testatâ, quibus ego verbis prædicabo? quibus laudibus efferam? Lachrymæ admirantes, singultus approbantes exoriuntur pectori meo, nec quicquam possum, nisi, *veni, vide, mirare, gratulare.* S. ANTONIVS, cum ad eum scriberet Constantinus Magnus humilitatis admiratione abreptus, *Ecce, inquit, etiam reges & principes terre ad nos scribunt.* Quanto magis ego miserrimus peccator, vixè fugadomum rediens, & ne comparandus quidem ANTONIO, Viro sanctitate & miraculis

culis clarissimo, tanta beatitudine affectus, exclamare debeo: Ecce etiam summi Ecclesiarum præfules, pastor summus ouilis dominici, illustrissimi eius Cardinales, viri omni virtutum genere instructissimi ac sanctissimi, ad me miserum scribunt, ad me accurrunt, me complectuntur, me in manibus gerunt, instruunt, ad beneficiorum suorum messem inuitant. Cicerone hic aliquo laudatore opus est, nostra nimis frigent. Et fortè nō par sit ipse *Tullius Romani maximus Eloquenti*. Vos verò hæretici invidentes, audete iam amplius Romæ exprobare fastum: Ecce fastuosa non est, humilima est, benignissima est, misericordissima est. Elati non scribunt ad humiles, etsi fortè benefaciant humilibus. Tu verò rumpere liuor iners, dispergere, confundere, disce pietatem habitare Romæ, non elationem. Triumphet anima mea in Domino DEO, qui tam bene mihi vult, qui auertit cæcitatem meam, tamq; liberali spe exilium meū consolatur. Iam quas Pontifici Maximo totique sedi Apostolicæ pro commemoratis beneficiis gratias debeo, vellem quidem, sed nō possum exsoluere dignas. Tuam Illustr. Parrauicine in mea causa tuenda præclare nauatam operam tacitus nullo modo præterire possum. Pro egregia enim animi tui erga Germaniam nostram voluntate, non secus ac quatuor illi baiuli paralytici, *quicum non possent appropinquare Domino præ turba, nudauerunt tectum adiuu, funi-*

busq; demissis grabbatum ante oculos eius staturunt : Ita tu occupatissimo Pontifici & turba negotiorum quasi presso grabbatum litterarum mearum tanquam per medios parietes insinuasti, & commendasti, vtque tam citò & benignè responderet, indefesso tuo studio effecisti. Hoc tantum beneficium, cùm velim, nec possim satis dignè celebrare, partes meas commendo tibi omnipotētissime Deus, qui diues gratia & benedictione, *Beati*, inquis, *miseriordes, quoniam misericordiam consequentur: & qui receperit Iustum in nomine Iusti, mercedem Iusti ac ipiet,* Augusta Vindelic. Anno 1601.

EPISTOLA XIV.

DE INCOMPARABILI DAMNO GERMANIAE PER HODIERNAS HERESSES ILLATO.

ILLVSTRISSIMO
AC REVERENDISSIMO,
D. CAESARI BARONIO SORANO,
S.R.E. Presbytero Cardinali, Tit. SS. Martyrum Nerei & Achillei, sanctæ Apostolicæ sedis Bibliothecario, Domino suo clementissimo,

IVSTVS CALVINVS S.D.

INter priscae crudelitatis exempla, Cardinalis Reuerendissime, nec non sanguinaria fauer-

fauerrimi istius aduersus genus humanum hostis stratagemata, non postremum sibi locum vendicant *Saturnaliæ gladiatorum pugna, ac ludus matutinus Bestiariorum*. Quo- *Gladiato-*
 rum quemadmodum illi, vel ad defuncto- *res.*
 rum manium propitiationem, vel ad conui-
 uiorum delectationem, vel ad luxum & ma-
 gnificentix ostentationem, denis, tricenis,
 aut etiam millenis sæpe paribus, in foro, se-
 ptis circisue, acutissimo inter sese ferro con- *Bestiaris.*
 currentes, de vita certabant: ita hi non be-
 nigniori fato, homines vel liberi in prælio
 capti, vel serui ad hanc lanienam educati, vel
 Christiani denique ob fidem morti dediti,
 ad oblectandos impiorum hominum ani-
 mos, oculosque crudelium tyrannorum, vel
 populi sanguinem sitientis obsaturandos,
 crudelissimis valentissimisque bestiis obie-
 cti, aduerso cum illis Marte congregari, atque
 ab iis vel mortem vel victoriam deportare
 cogebantur.

Acerbum sanè ac triste spectaculum! quod *Clades per*
 tantam cladem vastidieque generi huma- *gladiaturâ.*
 no attulit, ut nullus mensis abierit, qui non
vicenis aut tricenis capitum millibus Europa *lustus Lios.*
constiterit. Quo nomine non sapientioribus *libr. I. Sa-*
 tantum Ethnicis horrore, sed Christianis in- *turnal.*
 primis imperatoribus tantæ obomationi *cap. 12.*
 fuit, ut nihil toto suo imperio execrabilius
 sibi à maioribus traditum, nihil maiori cura *Gladiatu-*
 prohibendum abrogandumque censuerint, *ra abrogat-*
 quam dira illa & funesta spectacula, ubi *ur.*
 e homo

Cypr. Epist. l. ad Donat. homo in hominis voluptatem occidebatur. Ac laudis quidem huius potissima pars *Constantino Magno* adscribenda venit, cuius adhuc in codice sancta hæc lex extat: *Cruentia spectacula in otio civili & domestica quiete non placent. Quapropter omnino gladiatores esse prohibemus.*

Dial. oliv. gladiatura loco hereses excusat.

Sed vide malignissimi hostis nostri fraudes & astutias. Pro tua insatiabili ad humanum sanguinem hauriendum cupiditate, præreptam sibi gladiaturæ lanienam dolens, redintegrata acie, perniciosioribusque excogitatis armis, noua mundo munera, noua spectacula edere cœpit: & tum patrum, tum nostrainfirmis memoria *Amphitheatris hereseon extructis*, talem gladiaturam instituit, quæ & corpora & animi hominum perpetuo dolore confecti macerarentur. Perruptis enim ecclesiæ repagulis, sensibusque hominum à fide & vnitæte pristina deiectis, circos septaque cinxit, quibus omnis illa prisca gladiaturæ facies, mentis errore, & hæresis furore depugnaret. Atque olim quidem quos huius farinæ homines in arenam produxerit, quàm bellè illi suum latrocinando munus exornarint, publicè notum est. Nunc hac nostra ætate triplici potissimum manu orbem Christianum depopulatur.

Lutheranus. Atque alios quidem dedit, vt ita loquar, boreales, *Lutheri* signa sequentes, sine culta armatura cæstibus tantum pugnantes, atque

que, ut ille ait, *stipitibus duris, sudibusque præiustis.*

Alios australes & occiduos *Zwinglio & Caluino* sacramento obstrictos, politissimisque & acutissimis instructos telis, ad integram quasi militiam sufficientibus. *Zwingliani & Calvinista.*

Alios denique inter medios, *Menno-* *Anabaptista.*
ne duce in aquis pyrarum instar prædas agentes, & ut variorum signorum, ita vario quoque ferro pugnantes, præcipue autem salutaris fonte submergentes, quos est **CHRISTI** nauicula in suas cymbas pelle-
 xerunt.

Triplex hæc gladiatoria manus, ita strenue passim suum munus exercet, ut totam illam priscam familiam reuixisse putes. Alii enim veluti noui **SECUTORES** tanto spiritu cum rugiente illo leone gregem Domini insequuntur, ac cuspide linguæ mendacis, massaque plumbea calumniarum innoxios ecclesiæ præfules ita infestant, ut nemo quisquam eorum effugere furorem possit. Alii tanquam **RETIARI** & **LAQUEARI** tam blandè apertaque facie, sophismata sua incautis iniiciunt, ut priusquam hostem obseruarint, damnabili iam errore constricti, irretitique teneantur. Alii inhumanorum instar **THRECV** ita ad seditiones & fundendum sanguinem assueti sunt, ut cum Catholicorum copia non datur, ipsis fratribus suis virulentum mucronem imprimant.

Comparatio hodiernarum hæreseon, cum priscæ familiæ gladiatorum. Arma Secutorum.

Retiariorum & Laqueariorum arma.

Threces.

*Essedarj
& Andabata.*

Alii tanquam **ESSEDARI** & **ANDABATÆ**, vel calumniarum plaustris infidentes, vel furoris & insanix equis vecti, imperita ac cæca temeritate in medium veritatis clypeum feruntur, laxisque habenis se & alios in æternam perniciem præcipitant. Tandem his omnibus accedunt quidam veluti **MYRMILLONES**, **HOPLOMACHI** & **SAMNITES**: quorum illis contra veritatem continuum impudentix tegimen, & secundum Apocalypsin *loricæ ferreæ*: His verò acies novis doctrinarum insignibus clara, & scuta magnificæ prædicationis auro cœlata, & galeæ cristatæ, vt respondeant similitudini *locustarum*, quas Iohannes vidit *similes equis paratis in prælium, & super capita habentes coronas aureas, faciesque vt facies hominum*.

Myrmillones, Hoplomachi, Samnites.

Apocal. 9.

Clades animarum per hæreticos.

Horum omnium cædes, vulnera, cadavera, rapinas, quas in omnibus mundi provinciis quotidie agunt & hactenus egerunt, si quis dextro oculo intueatur, næ ille demum triste ac luctuosum spectaculum videre se fatebitur, omnium quotquot sub sole viuunt oculis deplorandum, & conatu maximo prohibendum. Nam quod olim corporibus hominum in *spectaculo meridiano* accidit: id demum hic animis eorundem & spiritibus maiori feritate contingit, vt rectissimè cum Seneca exclames:

Epistola 7.

Quidquid ante pugnatum est, misericordia fuit, nunc omissis nugis mera homicidia sunt,

sunt. Nihil habent quo tegantur, ad idem totis corporibus expositi, nunquam frustra mittunt manum: non galea, non scuto repellitur ferrum. quò munimenta? quò artes? omnia ista mortes mera sunt. Manè leonibus & ursis homines: meridie spectatoribus suis obiciuntur. Interfectores interfecturis iubentur obici, & victorem in altam detinent cædem. Exitus pugnantium mors est. Hæc fiunt dum vacat arena. O veram viamque spectaculorum nostrorum Iconographiam! Quid enim? Hæreticus homo panoplia Diaboli instructus, fraude, mendaciis, technis ac blasphemis vndique oblitus ac tectus, cuius oculi nil nisi infernales spirant ignes, lingua præsentissimum virus fundit, manus Harpyiarum instar nefario contactu omnia fœdant, quas putas strages edit, quantâ vulnera animabus infligit? Ac tantò quidem magis, tantò fraudulentius omnia hic geruntur. Ostendebant amphitheatra suum cuique hostem: qui cordatiores ac robustiores erant, propositum sibi antagonistam subigebant, ac suam tutabantur vitam. Ast hîc non hostis, non interfector, non bellum aut pugna, sed pax & statæ induciæ, omniaque blandissima & securissima: quibus hominum mentes inescatæ, non tantum non galea, aut scuto repellunt ferrum, sed obuiò etiam pectore accipiunt, ipsique sibi firmiter imprimunt. O fatalem calamitatem! quis sine lachrymis tantam stragem

*Facilius
gladiatori,
quam heretico
obstititur.*

intueatur? Ecce enim, quocunque oculos
conuertis,

*Sanguine rorat humus, reboat clamoribus
æther,*

Sydera caesorum sanguine clara rubent.

O Luthere caue, Calvine quiesce: reconde

Sicam, qui binis corpora tingis aquis.

*Sauitum satis est: Exhorret vulnera Pha-
bus,*

*Mergitur infernâ cymba charontis
aqua.*

*Nec tantum insano peregrinos perditis ense,
Vestra perit propriâ vita salusq; manu.*

*Schola præ-
cipua ho-
dicernorum
hæresicorâ.*

Sed iam operæ pretium puto, ludos quo-
que præcipuos horum lanistarum com-
memorare. Quemadmodum enim olim
gladiatores in familia primum habiti atq;
postea crescente numero & crebritate edi-
tionum in ludis quibusdam publicis vsum
armorum condocerant, & ad pugnam in-
stituti sunt: ita etiam hæc noua manus in-
tra priuatos nata parietes, paulò post pu-
blica facta sua κατὰ γῶνα & μονομαχοτε-
φεία nacta est, in quibus discit docetque
quomodo Catholicam veritatem oppu-
gnet, quo pede sese recipiat, & quomo-
do obuersa aduersariis in quantulo spatio
resistat.

*Anabapti-
sta ferè sine
iudo.*

Primùmq; intermedii *Anabaptiste* nulla
Scholastica disciplina aut theatriali splendore
clari, in lacunis, cauernis, agris, aut mediis et-
iâ sæpe syluis discunt, docent, iugulât, quot-
quot

quot simplicitatis suæ cassibus induerunt.

At Lutherus tanquam sicarius arcticus *Lutheri*
 Saxonia occupata, quatuor sibi ludosillu- *Schola infra*
 stres constituit, quibus discant omnes, qui *gniores*
 in vicinis postea Hassiæ, Porussiæ, Sue- *quæ: not.*
 uiæ, &c. finibus nomine eius verbi DEI ru-
 dibus batuant, hominesque ad inortis iter
 instituant. Ii sunt *Wittenbergensis, Lipsen-*
sis, Ienensis, & tandem Tubingensis Acade-
 miæ, virtutibus ita claræ, vt orationem no-
 stram ipsa multitudine sua absterreant.

Iam Zvvinglius & Calvinus facto syn- *Zvvinglii*
 cretismo familias suas coniunxerunt, & vt *& C. luma*
 latioribus grassari finibus possent, varios *Schola con-*
 hinc inde per Galliam, Germaniam, An- *iunã sed*
 gliam, Belgium, ludos aperuerunt, è quibus *larè disper-*
 quanta damna communi patriæ prouene- *sa.*
 rint, publicè satis constat. Præcipuam autem
 sedem ac veluti arcem imperatoriam *in*
montibus. Himeris fixerunt, vbi leges præ-
 scribentes & dictata dantes tantum disci-
 pulorum numerum colligunt, vt colonias
 postea aliò quoque mittant, nec vllus Ger-
 manix angulus supersit, vbi non aliquis
 huius sectæ tenebrio latitet, qui se data oc-
 casione tanquam ex insidiis prodat, suo-
 rumq; magistrorum spicula in obuios quos-
 que contorqueat. Hanc tantorum malo-
 rum officinam, quis est qui ignorare possit?
 Tu minura Babylon, Apollineis insignibus
 clara, scriptū habens in fronte nomē myste-
 riū: nega si potes, negate matrē esse abomi-

nationum Dipnosophisticarum in omnibus terris : nega te mysteriis tuis , sacramentariis erroribus tuis , quotquot vsquam familiæ huius sunt , vel nascendo peperisse , vel obstetricando formasse , vel nutricando aluisse. Tu Hyrcana Tigris vbera admoues Gallis , vt spurii potius Caluini & Bezae , quàm soboles CHRISTI esse malint. Tu Britannos , Heluetios , Belgas instituis , vt domum reuersi patria incendia alere , quàm pacificæ veritati locum dare pulchrius ducant. Inprimis-que hoc detestabili scelere fœcundus est *ludus ille magnus in urbe* , calidus institutione , densus Tyrociniis , stultus peruersa sapientia : Inde tanquam ex equo Troiano innumerabiles patriæ incendiarii prodierunt. Hic sementis vicinarum ditiorum , hic messis , hic triturationis. O fatales Cellulæ , pingui sagina fordida , *quibus cibus corpora impletis insuccum , vt carius pereant in pœnam* , suoque sanguine fœcudent arenam ! Quàm metuo Babylon , ne veniat super te sanguis omnium , qui à prædicato Euangelio aures præbuerunt seductoribus , malueruntque paucos sequi cæcos ad perniciem , quàm multos oculatos ad salutem. Resipisce , resipisce , *priora opera facito , ne moueatur candelabrum de loco suo*. Ablacta infantulos tuos , nec quære præmium obstetricationis tuæ , ne flagella & tormenta inuenias. Ad perniciem instituis , cibosque propinas venenatissima errorum toxica.

Nec te falle sapientiæ tuæ persuasione, vano veritatis Ecclesiæque titulo ne tibi impone. Plures sunt sapientiores te, oculatiores, spiritu ditiores, qui te stultam esse dicunt & conuincunt. Audi mundum audientem Christum: Crede mundo credenti Christo. *Magnum ipse prodigium est, qui mundo credente non credit.* Neque hic Ecclesiæ DEI mos aut genius est, vt rupto quo cœpit filo, ad aliam transeat lineam, diuque latitans inter angusta tandem & motibus intestinis referta spelæa concludatur vna est, sancta est, Catholica & Apostolica est: regia est, in sole collocata, mons magnus ab oriente in occidentem protensus, ardentissimis luminibus lucidus.

S. Aug. lib.
22. de ci-
uit. Dec. 8.

Ecclesiastica
sura.

Tu autem qualis sis cognosce, parentes tuos intuere, facta tua contemplare. Ramus es ab arbore excisus, humore iam cassus, vitaque vacuus: ac nisi redieris ad arborem & interaris, succumque ab radice tractum in flores & fructus conuertas, breui incendio ignis depascendus. Scripturam iactitas, vana est gloriatio: Extra Ecclesiam scripturæ pretextus nullus est, nec potest habere sensum Christi, qui à corpore Christi auulsus adulteræ iungitur, promissionumque sacramentis contradicit. *Augustinum audi, Consentio suo suadentem: Intellectum valde ama, quia & ipse scripturæ sancte, que magnatum rerum ante intelligentiam suadent fidem, nisi eas rectè intelligas, utiles tibi esse*

Scriptura
Vendita
110.

Epist. 222.

bi esse non possunt. Omnes enim heretici qui eas in autoritate recipiunt, ipsas sibi videntur sectari, cum suos potius sectentur errores: ac per hoc non quod eas contemnant, sed quod eas non intelligant heretici sunt. Agnosce igitur culpam tuam, cerne vlcera tua, si quid habes, quod te muniri posse putas, scio totum *Donatisticum* ac *Novatianum* esse, iam dudum voce scriptisque antiquitatis condemnatum, & Anathematizatum. Non credis scio, veni ergo & vide: lege antiquitatem, lege præter multa præclarissimos duos, *Cypriani* & *Augustini de unitate Ecclesie libellos*: sed secutura lege, non præscriptura: abundè dubitationi tuæ satisfaciet.

Sed certo scio, me surdo fabulam: ita perplacent sibi homines isti in erroribus suis, pulchrumque ducunt contradicere orbi terrarum, vt videantur magistri orbis terrarum: nec sicam è manibus deponent, donec *Cōstantinus* aliquis pro tribunali iubeat, fractisque threcidicis pacem orbi restituat.

Quod vtinam breui à vobis experiri liceat, Illustrissimi Cardinales, vosque cæteri sanctissimi Ecclesiarum præfules, fortissimi patrię defensores ac Principes &c. ne pereant ita homines in æternum consultò. Quanquam stulti sunt ipsi, cæci, non intelligentes magna ex parte, quid vel agant, vel patiantur. Illecti à sicariis spectatum adveniunt ludos, & priusquam animadvertunt, auribus

*Votum ad
prohibendos
m: seros ab
heresi.*

ribus oculisque truncati, deinceps nec audire monentes nec cernere ferientes possunt. Quare vestræ hæ partes sunt, qui sanis sensibus superestis, vt succurratis nescientibus vt excitetis dormientes; prohibeatis cæcos à præcipitio, stultos ab incendio, malè sanos à laqueo, omnes à fraude & æterno exitio. Imprimisq; tu æterne Deus, pater luminū & intelligentiæ fons, cõcute hominū istorū corda, vt videant quomodo peregrinètur à te, & diruant ouile tuum. Fac quærât causas secessionis suæ, an satis iustè insectentur domum tuam, & dum quærunt inueniant veritatem tuam in sanctis tuis & sequantur: fac videant errorem & emendent impietatem, ament quos oderunt, laudent quos condemnarunt, sequantur quos exhorruerunt, & salui fiant qui perierant, &c. August. Vindel. Anno 1601.

EPISTOLA XV.

CINTHIUS AL-
DOBRANDINVS, S. R. E.
Cardinalis Tit. S. GEORGII,
&c.

IUSTO CALVINO S.

ADmodum Magnifice & Ornatissime Domine, Paternum S. Dn. N. erga te animum declarare pergunt alteræ S. S. litteræ quas etiam mitto. Quid autem
tem

Ista secundum Pontificis litteras hic ommissa sunt.

tem & ipse causa tua velim, malle equidem solidis officiis, quàm verbis ostendere: & ostendam vel non rogatus, vbicunque se eius rei dabit facultas. Sic enim existimare debes, non solum me ex tua ad Catholicam fidem conuersione singulari quodam gaudio affectum, sed etiam statim erga te sic fuisse animatum, vt in te diligendo nemini eorum concedam, quos nosti esse tui amantissimos. Prioribus S. S. litteris ego itidem officii causa comites adiunxeram paucos versiculos, quos vnà tibi redditos arbitror. Vt vt sit, hosce denuò certissimos testes habebis meæ in te propensissimæ voluntatis. Quod reliquum est, à Deo optimo maximo summis precibus contendo, vt quemadmodum mente & animo, sic etiam corpore perpetuo valeas, cui iterum omnia studia atque officia mea lubens defero ab polliceor. Romæ die 14. Iulii 1601.

EPISTOLA XVI.

CÆSAR BARONIVS SORANVS, S. R. E.
 Cardinalis, Tit. S. S. Nerei & Achillei, &c.

IVSTO CALVINO S.

Clarissime Domine, Accepi litteras tuas, ex quibus summum dolorem hausi, quòd te,

te, quem hoc tempore, quo itinerite commiseras, rectè valere optaueram, nunc in morbum incidisse intelligam. Equidem summoperè cuperem pluribus verbis te consolari, nisi scirem ea te fortitudine esse, vt à nullo potius, quàm à te alleuationem vllam debeas expectare; cùm omninò confidam, *infirmi-
tatem hanc non esse ad mortem*, quod olim Dominus noster sororibus Lazari ægrotantis respondit, *sed pro gloria Dei*. Porro cum S.D.N. egi de rebus tuis, qui ea propensione in te est animatus, vt nihil æque desideret, quàm vt omnia tibi cedant felicissimè. Quapropter bono animo esto. etsi enim constitutus sis (vt Paulus ait) *in labore, in ærumna, in vigiliis, in frigore, & nuditate*; confide tamen in Domino, sicut mons Syon, nam ipse opem feret super lectum doloris tui, & auferet à te languores & infirmitates pessimas. Ego verò, quamuis satis notum esse existimem, qua beneuolentia te tuaque negotia sin prosequutus, cupio intelligas, nihil mihi tam graue vquam posse euenire, quod me ab hoc meo animo valeat auocare. Romæ Pridie

Id. Quint. 1601.



EPISTOLA XVIII.

Continens Apologiam privatam ad parentes & necessarios.

AMPLISSIMIS,
REVERENDIS, CLARISSIMIS ET HUMANISSIMIS, SVIS IN
Palatinatu parentibus, amicis,
ac necessariis

*IVSTVS CALVINVS VETERA-
cast. Illuminantem DEI gratiam & per-
petuam felicitatem.*

ET si probè scio, parentes amique in Christo dilectissimi, non iucundissimum me vobis nuncium allaturum, quòd ab ea fide & religione, quam ex hisce meis me palam amplexum intelligetis, toto quasi cælo, & plusquam Vatiniano odio dissidetis: tamen quia ipsi testes estis, pluris faciendum iustissimi DEI amorem, conscientia tranquillitatem, & communem omnium nostrum salutem, quàm fluxam aliquam, lubricam & perniciosam in erroribus sectandis concordiam: iusta me ratione impulsus putavi, vt non solum securus fama, manifestissimæ DEI veritati, à quâ longè aberrassem, manus darem, sed vobis etiam
& qui-

& quibusuis, quocunque in me animo affectis, causam meam, si possem, probarem, quæque in me vndique iaciuntur scommata, humaniter declinarem.

Enim verò, quòd tam tragicas aduersum me querelas excitastis, quòd tam sinistra & iniqua passim de me sparsistis, vel ab aliis sparsa temerè credidistis, non possū sine maximo meo dolore meminisse. Sed vt ego iniurias omnes propter Christum voluntaria obliuione libentissimè conteram: sic vos ad medelam vulneris vestri, mea vobis emigratione inflicti cogitate, quæ hic causa agatur, quàm grauis, quàm periculosa, atque omni sollicitudine peragenda.

Temporis æterni hîc, & non tantum vnius

horæ

Ambigitur status, in quo sit mortalibus omnis

nis

Ætas, post mortem quæ restat cunq; manenda.

*Lucretii
Serba paulum a suo
sensu dimota.*

Primùm ergo, quod magno hiatu clamatis, me contra diuina & humana iura, contra fidem & conscientiam meam, contra deniq; honestatem & humanitatem omnem, familiam, vocationem, ipsamq; Orthodoxam fidem & Ecclesiam deseruisse: scitote ampullas verborum esse, sed fictiles & fragiles. Quod enim ius diuinum prohibet vsquam, adire Ecclesiam Catholicã, quã symbolo credere iubemur, & ex scriptura domum Dei viuentis, columnã & firmamentũ veritatis esse didicim⁹?

1. Tim. 3.

nonnè

nonnè potius omnes paginae & omnes lineae eò respiciunt, vt nos è dispersione ad vnitatem colligant, & Christo fabricent Ecclesiam, *in qua non sint schismata, sed id ipsum dicant omnes, & sint omnes perfecti in eodem sensu, & in eadem sententia, vt unanimes & vno ore honorificent Deum & patrem Domini nostri IESU Christi.* Neque nunc dicite, incertum adhuc esse, vbi sit Ecclesia, in vestris ne an nostris partibus. Aliter *Augustinus, non est operta Ecclesia, inquit, quia non est sub modio, sed super candelabrum, vt luceat omnibus qui in domo sunt. Et de illa dictum est, non potest ciuitas abscondi, super montem constituta. Sed Donatistis velut operta est, qui audiunt tam lucida & manifesta testimonia quae illam toto orbe demonstrant: & malunt clausis oculis offendere in montem, quam in eum ascendere: qui cum esset lapis praecisus de monte sine manibus, creuit, & factus est mons ingens, & impleuit vniuersam terram. Iam si pontificum iura pro sacris agnoscitis, profectò inclementer habebimini. Legite librum 5. Decretalium Gregorii, per integra sedecim capita, inuenietis quae ad hanc causam opportuna sunt. Quibus omnibus si addatis expressum disertumque summi in hisce terris vicarii Christi ad me mandatum, (cuius obedientia mihi instar legum omnium est) quod quaeso ius reperiri potest sacrum, consiliis meis vel minima ex parte aduersum? Humana iura quantoperè laesurim, iu-*

1. Cor. 1. 10.

*De vnitat.
Eccles. c. 16.*

NB. Aug. non lesus, dictum Domini de ciuitate in monte posita, Eccles. applicat. Matth. 5.

rim, iudicent rerum periti. Nulla gens est tam fera aut barbara, quæ sine discrimine alterius præsentissima vitare pericula, & longius potius quàm propè ab incendio consistere vetet? Si conuictus in conscientia, fidem vestram erroneam esse, perstitissem tamen apud vos, & turbata pace publica animi sensa passim defendissem, potuissetis ne gratam mei habere præsentiam? potuissetis ne ego haberetutam? ergo præstitit potius *ἐκ βελίων* abire tranquillè, quàm cum turbis & clamoribus in carceres. Secundo loco fidem & conscientiam meam petitis, putantes vel religionis statuta, vel promissorum conuenta, vel deniq; interioris pectoris dictamina à me neglecta & rupta esse. Quæ in re nimium vestris iniquissimis suspitionibus indulgetis. Vsq; quam ne fides est, quæ non animæ immortalitatem propositam habeat, & vel præmia bonorum, vel pœnas malorum operum? potestisne igitur conscientiam meam tam iniqui arbitri esse, vt quam hactenus in vestro errore integram saluamq; iudicastis, nunc in Christi fide læsam cautefiatamque pronunciare audeatis? non non ita impio corde sumus, vt Dei metum tam vilitate habeamus, & contra quàm mens serio credat, cum huius & futuræ vitæ periculo, patrio solo exules profiteamur. Nemo Cyclops positum in visceribus suis tribunal Dei tam fastuosè euerterit. Fortasse rudera illi sua nesciunt, qui in alieno fundo tam

altas turres non suspicantur. Dominus igitur iudicabit causam meam, & occulta cordium patefaciet, ac dabit unicuique secundum sinceritatem animi sui: cui quæso ne quisquam se humana leuitate præponat, & propterea quod ipse laxiores habet animi habenas, nos nullas habere existimet.

De affectatis honoribus & lucro, familiaris vilisque calumnia est, cum qua non mihi soli sed multis aliis, ac fortè vobis ipsis concertandum. *Augustinus* hanc ipsam inuidiam passus, cum à Manichæis recessisset, & paucis agellulis paternis contemptis, ad DEI liberam seruitutem esset conuersus, Epist. 225. ad Albinam. Ego, inquit, secundum multorum sensum, comparantium semetipsos sibi met ipsis, non diuitias dimisisse, sed ad diuitias videor venisse. Vix enim vigesima particula res mea paterna existimari potest, in comparatione prædiorum Ecclesie, qua nunc ut Dominus existimor possidere. Utinam ergò vos à calumniandi libidine tam remoti, quàm purus est à cupiditate per Dei gratiam animus meus, nunquam mihi istam litè moueritis.

Honestatem & humanitatem erga liberos, sanè dulcissimos mihi, totamque familiam, adeo nihil abieci, ut etiam abiectam resumferim demùm, & verè induerim, quemadmodum ipsi cognosceretis, nisi magis in oculis cor haberetis, quam in corde. Quæ enim maior honestas est, pietate & ordinaria charitate

August. lib.
1. contra
Epist. Parmen.
cap. 8.

ritate : quæ autem ordinaria charitas , nisi quæ minora postponit maioribus , & animam magis curat , quàm fortunam. Non ego in morte relinquere debebam filios, quibus per me vitam sæculi huius dederat Dominus , & vitam, quod spero , dabit sæculi futuri. Quæ res etsi multo constat labore , non tamen à me trahi ad otium , nec à vobis debet ad invidiam. Nullus hic humanis affectibus locus, nullus parentum amor, nullus amicorum studis , nullus periculorum formidini, sed vnica diuini numinis reuerentia , grata veritatis cultura, conueniensque æternitatis metus totam suo arbitrio causam moderatur , nec vel minimum de suo iure remittit: Sanè si quæritis , inficias ire non possum , vehementer hæc consilia mea variis affectibus quassata esse. Nunc enim tua charissime parens , septuagenaria canities succurrebat : nunc matris vnice in me recumbentis fletus , nunc fratrum sororumque anxietas , nunc liberorum & familiæ periculum , nunc amicorum totiusque familiæ quasi labascens fama & existimatio.

Sed quæso vós per Deum, carissima capita, quid facerem? parcerem ne vobis, & mihi non parcerem? parerem ne voluntatibus vestris, & Deo immorigerus essem? Cauere ne pericula fortunarum, & me cum liberis meis ac familia in sempiternum exitium præcipitarem? Apagesis profana cura, noxia

Matth. 10.

reuerentia: cum Deo mihi res est, qui potestatem habet animam & corpus perdendi in gehennam. Huic malo cum periculo & famæ iactura seruire, quàm gloriosus detrudi in infernum, ubi est fletus & stridor dentium perpetuus. Pulchrum est periculum ad Deum transfugere: & quod Seneca quoq; iubet. Conscientiæ satisfiat, nihil in famam laboremus: sequatur vel mala, dum benè mereamur.

Clemens in
Protreptico.
Seneca.

Neque hunc animum impietati mihi dabit, carissimi, aut leuitati. CHRISTVS sic docuit Matth. 10. qui amat patrem aut matrem plus quàm me, non est me dignus. Moses sic docuit, Deut. 33. qui dixerit patri suo aut matri suæ, nescio vos, & fratribus suis, ignoro illos, & nescierunt filios suos, hi custodierunt eloquium tuum, & pactum tuum seruaerunt, iudicia tua ô Jacob, & legem tuam ô Israel.

S. CHRYSOSTOMVS sic docuit hom. 36. in Matth. In omnibus obtemperandum est parentibus, præterquam in iis, quæ pietati officiant. Et doctrinâ Saluatoris, qui amat patrem, &c. & credentes filios maioris animi facit, & patres remissiores ac leniores, ne ab amore CHRISTI liberos dimouerent, videntes tantas esse ipsius vires, ut facillè possit à parentibus filios eripere.

D. HIERONYMVS sic docuit, Epist. I. ad Heliodorum: Licet paruulus ex collo pendeat nepos, licet passo crine & scissis vestibus, ubera quibus te nutrierat mater, ostendat, licet

in li-

in limine pater iaceat, per calcatum perge patrem, sicis oculis ad vexillum crucis euola. Solum pietatis genus est, in hac re esse crudelem.

Denique **AUGUSTINVS** sic docuit Epist. 38. ad Lætum, qui amat animam suam, perdet eam in isto seculo, in vita æterna inueniet: ita de parentibus rectissimè dicitur, ut qui eos amat, perdat eos, non more parricidarum interficiens, sed spiritali gladio verbi **DEI** carnalem affectum eorum, quo & seipsos, & eos quos genuerunt, irritamentis huius seculi obligare conantur, piè fidenterque percutiens & occidens, illud in eis viuere faciat, quo fratres sunt, quò cum filiis suis temporalibus, parentes æternos **DEVM** Ecclesiamque cognoscant. Ecce rapit te studium veritatis cognoscendæ, atque percipiendæ voluntatis **DEI** in Scripturis sacris. Rapit Euangelicæ prædicationis officium. Dat signum Dominus, ut vigilemus in castris, & ædificemus turrim, de qua hostem sempiternæ vitæ & prospicere & propellere valeamus. Rapit militem **CHRISTI** tuba cœlestis ad prælium, & retinet mater: Non planetalis, qualis **Maccabeorum** fuit, nec saltem similis **Lacedæmonis** matribus, de quibus memoria traditum est, quod filios suos, ut pro terrena patria sanguinem funderent, multò amplius atque ardentius in certamina bellica, quàm signorum sonitus excitabant. Nam mater quæ te ad descendam vitam remoueri à curis secularibus non permittit, satis ostendit, quemadmodum te,

si opus esset, ad obeundam mortem penitus se-
 culum repudiare permetteret. Sed quid dicit,
 aut qui allegat? Fortè decem illos menses, qui-
 bus viscera eius onerasti, & dolores parturitionis,
 ac labores educationis? Hoc hoc interfi-
 ce verbo salutari, hoc perde matris, ut in vi-
 tam eternam inuenias eam. Hoc memento
 ut oderis in ea, si diligis eam, si Tyro Christi
 es, si turris fundamenta posuisti, ne dicant trans-
 euntes: Hic homo cœpit edificare & non potuit
 perficere. Carnalis enim affectus est iste, &
 adhuc veterem hominem sonat. Hunc car-
 nalem affectum & in nobis & in nostris mili-
 tia Christiana ut perimamus hortatur, nec
 tamen ut ingratus sit quisque parentibus, &
 eadem ipsa beneficia, quibus in vitam hanc e-
 ditus, susceptus, atque nutritus est, enumerata
 derideat: seruet potius ubique pietatem. Ha-
 bent hæc locum, ubi maiora non vocant. Ma-
 ter Ecclesia mater est matris tue. Hæc nos de
 Christo concepit, hæc martyrum sanguine par-
 turivit, hæc in sempiternam lucem peperit, hæc
 fidei lacte nutriuit, cibosq; maiores preparans,
 quod adhuc paruuli & sine dentibus vagire vul-
 tis horrescat;

Iam de vocatione & religione vestra, res
 facilis & expedita est. Etsi enim in ea natus
 & educatus sum, non tamen propterea in
 eadem persistere aut mori debui, nisi salu-
 tarem fuisse demonstraueritis. Nascimur om-
 nes filii ADAM, nascuntur multi in gen-
 tilif-

tilismo, multi in Turcismo, aut Iudaismo, nec tamen in illo rectè persistunt statu, quia aliud est nasci in Ecclesia malignantium, aliud per communionem Catholicæ Ecclesiæ regnum intrare cœlorum. Meminerimus extra repagula nati per ostium intrare ouile, vt sit *grex vnus & pastor vnus*, & qui persecutores erant cum Saulo, pastores defensoresq; cum Paulo euadant.

Nec leuitas in mutanda sententia vlla est.

Cum enim non omnes possint habere primas prudentiæ, habeant secundas modestiæ: vt qui non valuerunt omnia impœnitenda credere saltem pœniteant, quæ cognorint credenda non fuisse. *August. in prolo. Re-tract.*

Neque ignorare potestis, fœdè multos in adolescentia hallucinari, cùm infirmis adhuc iudiciis, & nulla experientia aut literatura cultis, de re omnium grauissima constituunt, & ad quamcunque sunt Religionem, vel casu, vel necessitate delati, ad eam tanquam ad scopulum adhærescunt, A quorum ego stultitia alienus, maturioris ætatis maturiora consilia sequutus, DEI que ductu melius & felicius agnitam veritatem amplexatus, prioribus erroribus meis æternum vale nunciaui, meamque anchoram in tutissimo Ecclesiæ Catholicæ portu fixi. Iuuante CHRISTO, suadente conscientia, trahente AVGVSTI-

Lib. 6.

NO, aut quicumque author est librorum Hypognoſticôn, *Si iactatus curru inanium quaestionum cadis in fluctus vanæ contentionis, & velut navis deferta gubernaculo per diuersa & incognita littora volueris, nec prorsus ibi prosperè nauigare potes, reuertere, & sede in portu fidei Catholicæ, ubi te nulla possit fluctuosa cogitationis tempestas turbare & mergere.*

Quod tam salutare consilium, quod apostasiæ conuitio suspectum mihi reddere conamini, frustra laboratis. Errores enim relinquere, & ignoratam diu amplexari veritatem, non apostasia, sed necessaria sapientia est. Alioqui Paulus quoque Iudaismo valedicens, & Augustinus Manichæorum castra deserens, non electionis vasa, vel columnæ Ecclesiæ, sed leuissimi transfugæ, & vt vultis, apostatæ nuncupandi essent. Sed tutamur nos illo Cypriani contra Nouatianos: *Non nos ab illis, sed illi à nobis recesserunt. Illi enim diuersa sibi conuenticula statuerunt, illi veritatis caput atque originem reliquerunt, Cathedram Petri, super quam fundata est Ecclesia.* Eodem modo si vos vnitatem Ecclesiæ, quæ teste eodem Cypriano, *adulterari non potest*, multò minus in Antichristianismum degenerare, firmiter & constanter tenuissetis, nec cum Luthero & Caluino Apostatæ facti essetis, non mihi iam vestrum crimen exprobraretis.

De vnitatem
Ecclesiæ

Iam communicato quod vultis me cum aliis

aliis consilio egisse, valdè miror. Quod enim fidem attinet, adhibui sanè in consilium multos, sed quos cautè & sine damno poteram. Consului patres in antiquitate: consului fratres in suis aduersus Catholicos disputationibus: quin & cum multis coram sententias contuli. Nullū tamen aliud ex omnibus iudicium facere potui, quàm quod factò sequutus sum. De profectiois verò, non clanculariæ, sed publicæ, & apertæ, multisq; honestissimis comitibus perspectæ, consilio detegendo, planè estis inconsiderati. Cùm enim *regnum Dei thesaurus sit absconditus in agro, quem repertum homo abscondit, & præ gaudio quod habet super eo, abit, & omnia quæcunque habet vendit, & mercatur agrum illum*: Ego dies noctesque Catholicorum fodiens arua, Theaurum ibi veritatis defossum reperi, maiorum nostrorum calumniis tanquam grandi lapidum aceruo obrutum. Hunc vt garrulitate perderem aut prostituerem, nihil erat. Quin potius lentè incendendum prudenterque agendum duxi, ne consilio meo deiectus, irrecuperabilem iacturam facerem.

Haftenus ergo nullum apud Deum reatum, nullam infamiam apud bonos mihi conciliaui, nisi qui imperiti rerum arbitri esse volunt. Quod autem vobis conuersionem meam dedecori, & Ecclesiæ scandalo ducitis, profectò plurimum à vero aberratis. Dedecus inurit, qui malè facit. Offendiculum

culum Ecclesiæ parit, qui ad impietatem la-
cessit. Ego neutrum facio, vtrumque contra.
Atque vt breuiter cum Paulo dicam, *optarim
omnes esse sicut ego sum*, non cauda mutilos, vt
vos ex Æsopolo luditis, sed fide integros, & ve-
ritate fortes, & constantia firmos, vt agno-
scant vnã sanctã Catholicã & Apосто-
licã Ecclesiã: extra quam qui vitam finit,
non magis saluari potest, quã qui olim di-
liuuii tempore extra Noë arcam vel in mon-
tibus, vel arborum cacuminibus refugium
quæsiuerunt.

*Aug. crist.
E37. ad Cel.*

Quocirca carissimi, vt & ipsi lectis Ca-
tholicæ fidei propugnatoribus, meum in ti-
more Domini exemplum sequamini, vosq;
è dispersione ad vnitatem Catholicã omni
cunctatione abiecta aggregetis, quantum
possum ac debeo, per salutem vestram vos
obtestor. *Quã in concussis enim documento-
rum firmamentis omnis Nouatorum vanitas
conuincatur, non magnum est etiam tardis in-
genio, si tantum patienter aut intentè audierint,
peruidere. Sed ad sectandã insolitam reëlitu-
dinem, vsitata & quasi familiaris peruersitatis
vinculum abrumpere, maiorum virium, est.*
Quare expergiscimini, carissimi, expergi-
scimini, spectate lucentem toto orbe mani-
fissimæ veritatis solem: damnate tenebras,
eligite lucem, vt filii lucis sitis, subtrahite
collum diabolo, & subdite Christo, qui lu-
dex futurus orbis, beatitudine sempiterna
afficiet Ecclesiã, hereticos autem, schisma-
ticos,

ticos, & reprobos omnes æternis suppliciis
 maectabit. Nec putate vos ratiunculis vestris,
 & σεσιφισμῶν λόγους, contra hæc tam ma-
 nifesta & aperta saluos fore. Folia ficulnea
 sunt: *Et foris sufflantes in puluerem, excitabi-*
tis terram in oculos vestros, Iudiciumque vo-
bis grauius accerfetes: Tanto quidem gra-
uius, quantò à me fideiùs estis moniti. Ser-
mo enim hic quem de munere Dei, nouit
ipse quanta & pacis & vestri dilectione,
deprompsi, testis erit, si nolitis,
correctio verò si ve-
litis.

August. 124
Confess. c.
16.





S. AVRELII AVGVSTINI

HIPPONENSIS EPISCOPI,
ET DOCTORIS ECCLESIAE
præcipui

EPISTOLÆ DVÆ,
PRÆSENTI ARGV-
mento congruentissimæ, &c.

EPISTOLA XLVIII. ad
Vincentium.

Argumentum Epistolæ.

Augustinus Vincentio ex heresi Rogatiana, docens se fuisse aliquando eius sententia, ut arbitraretur cum hereticis nulla vi, sed solo Dei verbo agendum, verum aliorum sententiis & exemplis superatum, mutasse sententiam; & arbitrari leges principum rectè implorari aduersus hostes fidei, modo id fiat animo corrigendi, non studio vindicandi, aliâq; multa contra anabaptismum Donatistarum, & pertinaciam illorum.

EPISTOLA XLVIII.

Dilectissimo fratri Vincentio Augustinus.



Accepi epistolam, quam tuam esse mihi non incredibile visum est. Attulit enim eam, quem Catholicum Christianum esse constaret, qui (ut opinor) mihi mentiri non auderet. Sed si forte non sunt literę tuę, ego ei qui scripsit, rescribendum putavi. Nunc me potius quietis esse avidum & petentem, quam nunc cum me adolescentem viuo adhuc Rogato cui successisti, apud Carthaginem noueras. Sed Donatistę nimium inquieti sunt, quos per ordinatas à Deo potestates cohiberi atq; corrigi, mihi non videtur inutile. Nam de multorum iam correctione gaudemus, qui tam veraciter vnitatem Catholicam tenent atq; defendunt, & à pristino errore se liberatos esse lætantur, ut eos cum magna gratulatione miremur. Qui tamen nescio qua vi consuetudinis nullo modo mutari in melius cogitarent, nisi hoc terrore perculsi, sollicitam mentem ad cõsiderationem veritatis intenderent, ne fortè si non pro iustitia, sed pro peruersitate, & præsumptione hominum ipsas temporales molestias, infructuosa, & vana tolerantia pate-

Dubius sabellianus.

33. q. 9. nimum.

*De Serbio
Domini
sermo. 6.*

*Quatenus
cogi ad fidẽ
expediat.*

*Ecclesia la-
ritudo.*

paterentur, apud Deum postea non inuenirent, nisi debitas pœnas impiorum, qui eius tam lenem admonitionem, & paterna flagella contemserint. Ac sic ista cogitatione dociles facti, non in calumniis & fabulis humanis, sed in diuinis libris promissam per omnes gentes inuenirent Ecclesiam, quam suis oculis reddi conspicerent, in quibus & CHRISTVM prænunciatum, etiam non visum, super cœlos esse minimè dubitarent. Nunquid nam ego istorum saluti inuidere debebam, vt collegas meos ab huiusmodi paterna diligentia reuocarem, per quam factum est, vt multos videamus accusare suam pristinam cæcitatem? qui eum super cœlos exaltatum Christum, etiam non videntes credebant: gloriam tamen eius super omnem terram, etiam violenter negabant, cùm propheta vtrunque vna sententia tanta manifestatione complexus sit, dicens: *Exaltare super cœlos Deus, & super omnem terram gloriatur.* Istos ergo atroces quondam inimicos nostros, pacem & quietem nostram variis violentiarum & invidiarum generibus infestantes, si sic contemneremus & tolerarem, vt nihil omninò, quod ad eos terrendos ac corrigendos valere posset, excogitaretur & ageretur à nobis, verè malum pro malo redderemus.

Psal. 107. 6.

*Vtile malè
instructos
etiam seu-
vius ad fi-
dem perdu-
cere.*

*Elegans si-
mile
23. q. 9. ni-
vium.*

Si enim quisquam inimicum suum periculosis febribus phreneticum factum, currere videret in præcep, nonnè tunc potius

tius malum pro malo redderet, si eum sic currere permetteret, quàm si corripendum ligandumque curaret, & tamen tunc ei molestissimus & adversissimus videretur, quando vtilissimus & misericordissimus extitisset? Sed planè salute reparata tantò vberius ei gratias ageret, quanto sibi eum minus percipisse sensisset.

O si possem tibi ostendere, ex ipsis Circumcellionibus, quàm multos iam Catholicos manifestos habeamus, damnantes suam pristinam vitam & miserabilem errorem, quo se arbitrabantur pro Ecclesia Dei facere, quicquid inquieta temeritate faciebant, qui tamen ad hanc sanitatem non perducerentur, nisi legum istarum, quæ tibi displicent vinculis, tanquam phrenetici ligarentur. Quid illud alterum genus morbi grauissimi eorum, qui turbulentam quidem audaciam non habebant, sed quadam vetusta socordia premebantur, dicentes nobis: Verum quidem dicitis, non est quod respondeatur, sed durum est nobis traditionem parentum relinquere: nonnè salubriter regula temporali molestiarum excutendi erant, vt tanquam de somno lethargico emergerent, & in salutem vnitatis euigilarent? Quàm multi ex ipsis nunc nobiscum gaudentes, pristinum pondus perniciosi sui operis acculant, & fatentur nos sibi molestos esse debuisse; ne tanquã mortifero som-

Exempla conuersorū ex ipsis Circumcellionibus.

Exempla aliorum & gnauorum.

no, ita morbo veterinosæ consuetudinis in-
terirent. At enim quibusdam ista non pro-
 sunt: nunquid ideo negligenda est medici-
 na, quia nonnullorum est insanabilis pesti-
 lentia? Tu non attendis nisi eos qui ita
 duri sunt, vt nec istam recipiant discipli-
 nam. De talibus enim scriptum est; *Frustra*
flagellavi filios vestros, disciplinam non re-
ceperunt. Puto tamen quia dilectione non
 odio flagellati sunt. Sed debes etiam tam
 multos attendere, de quorum salute gau-
 demus. Si enim terrentur & non doce-
 rentur, improba quasi dominatio videre-
 tur. Sed rursus si docerentur, & non terre-
 rentur, vetustate consuetudinis obdurati
 ad capeffendam viam salutis pigrius moue-
 rentur: quandoquidem multi, quos bene
 nouimus, reddita sibi ratione & manifesta
 diuinis testimoniis veritate, responde-
 bant nobis, cupere se in Ecclesiæ Catholi-
 cæ communionem transire, sed & violentas
 perditorum hominum inimicitias formi-
 dare, quas quidem pro iustitia, & pro æ-
 terna vita vtique contemnere debuerunt.
 Sed talium infirmitas donec firmi efficiantur
 sustinenda est, non desperanda. Nec
 obliuiscendum, quod ipse Dominus ad-
 huc infirmo Petro ait: *Non potes me modo*
sequi, sequeris autem postea. Cum verò ter-
 rori vtili doctrina salutaris adiungitur, vt
 non solum tenebras erroris lux veritatis ex-
 pellat, verùm etiam malæ consuetudinis
 vincula

Occupatio.
Non omnes
sanantur
eo remedio.

Ier. 2. 30.

Doctrina
cum terrore
coniungen-
da.

Ioan. 13. 6.
36.

vincula vis timoris abrumpat, de multorum
sicut dixi, salute lætamur, benedicientiũ no-
biscum, & gratias agentium Deo, quod sua
pollicitatione completa, qua reges terræ
Christo seruituros esse promisit, sic curauit

morbidos, sic sanauit infirmos. *Non omnis* *Elegans*
qui parcit, amicus est: nec omnis qui verberat, *sententia.*

inimicus. Meliora sunt vulnera amici, quàm
voluntaria oscula inimici. Melius est cum se- *Prou. 27.6.*
ueritate diligere, quàm cum lenitate decipere.

Vtilius esuriendi panis tollitur, si de cibo se-
curus iustitiam negligat, quàm esuriendi pa-
nis frangitur, vt iniustitiæ seductus acquies-
cat. Et qui phreneticum ligat, & qui lethar-
gicum excitat, ambobus molestus ambos
amat. Quis nos potest amplius amare, quàm

Deus? Et tamen nos non solum docere sua-
uiter, verum etiam salubriter terrere non
cessat. Fomentis lenibus quibus consolatur,
sæpe etiam mordacissimum medicamen-
tum tribulationis adiungens, exercet fame

Gratia Dei
tribulatio-
nibus per-
missa.

patriarchas etiam pios & religiosos, popu-
lum contumacem pœnis grauioribus agi-
tat. Non aufert ab Apostolo stimulum car-
nis tertio rogatus, vt virtutem in infirmitate

1. Cor. 12. 9.

perficiat. *Diligamus etiam inimicos nostros,*
quia hoc iustum est, & hoc præcepit Deus,
vt simus filii patris nostri, qui in cœlis est, qui
facit solem suum oriri super bonos & malos, &
pluit super iustos & iniustos. Sed sicut ista do-

Mat. 5. 43.

na eius laudamus, ita etiam flagella eius in
eos quos diligit, cogitemus. Putas nemi-

nem debere cogi ad iustitiam, cùm legas pa-
Luc. 14. *Actor. 9. 5.* trem familiãs dixisse seruis: *Quoscunq; inuene-
 ritis, cogitè intrare:* cùm legas etiã ipsum pri-
 mò Saulum, postea Paulum, ad cognoscen-
 dam & tenendam veritatem, magna violen-
 tia Christi cogentis esse compulsus? nisi for-
 tè chariorè putas hominibus esse pecuniam
 vel qualemlibet possessionem, quàm lucem
 istam quæ oculis carpitur. Hanc ille cœlesti
 prostratus voce subitò amissam non recupe-
 rauit, nisi cùm sanctæ incorporaretur Eccle-
 siæ. Et putas nullam vim adhibendam esse
 homini, vt ab erroris pernicie liberetur? cùm
Iaen. 6. 44. ipsum Deum quo nemo nos vtilius diligit
 certissimis exemplis facere videas, & Chri-
 stum audias, dicentem, *Nemo venit ad me, nisi
 quem pater attraxerit:* quod fit in cordibus o-
 mnium, qui se ad eum diuinæ iracundiæ ti-
 more conuertunt: & noueris aliquando fu-
 rem auertèdis pecoribus pabulum spargere,
Gen. 16. & aliquando pastorem flagello ad gregem
 pecora errantia reuocare. Nonne contuma-
 cem ancillam data sibi potestate, Sara potius
 affligebat? Et utiq; non eam quam superius
 beneficio suo matrem fecerat, crudeliter o-
 derat, sed in ea superbiam salubriter edoma-
Gal. 4. 24. bat. Non autè ignoras, quod istæ duæ mulie-
 res Sara & Agar, & duo filii earum Isaac &
 Ismaël, pro spiritalibus & carnalibus figu-
 rentur? Et cùm legamus ancillam & filium
Gal. 4. 29. eius à Sara passos graues molestias, Paulus ta-
 men Apostolus dicit, quod ab Ismaële per-
 sequu-

sequutionem sit passus Isaac. *Sed sicut tunc,*
 inquit, *ille qui erat secundum carnem, perseque-*
batur eum qui erat secundum spiritum, ita &
nunc: ut qui possunt intelligant, magis Eccle-
siam Catholicam persecutionem pati su-
perbia & impietate carnalium, quos tempo-
ralibus molestiis atq; terroribus emendare
conatur. Quicquid ergo facit vera & legiti-
ma mater, etiam in asperum amarumq; sentia-
tur, non malum pro malo reddit, sed bonum
disciplinæ expellendo malum iniquitatis ap-
ponit, non odio nocendi, sed dilectione sa-
nandi. Cum boni & mali eadem faciunt, eadem-
que patiuntur, non factis & pœnis, sed causis uti-
que discernendi sunt. Pharao populum Dei du-
 ris laboribus atterebat: Moyses eundem po-
 pulum impiè agentem duris coërcitionibus
 affligebat: similia fecerunt, sed non similiter
 prodesse voluerunt: ille dominatione infla-
 tus, iste zelo inflammatus est. Iezabel occidit
 prophetas, Helias occidit pseudopphetas. *3. Reg. 18.*
 Puto quod diuersa sunt merita facientium, *4. & 40.*
 & diuersa passorum. Aspice etiam tempora
 noui testamenti, quando iam ipsa mansuetu-
 do charitatis nõ solum in corde erat seruan-
 da, verum etiam in luce monstranda, quando
 Petri gladius in vaginã reuocatur à Christo, *Matt. 26. 52*
 & ostenditur non debuisse de vagina eximi
 nec pro Christo. Legimus tamè non solum,
 quod cæciderunt Iudæi Paulum Apostolum, *Act. 19. 23*
 verum etiam quod cæciderunt & Græci pro Paulo *& 16. 19.*
 Apostolo Sosthenem Iudæum. nõne similitudo *Act. 18. 17*

facti quasi utrosque coniungit, & tamen eos causæ dissimilitudo discernit? *Nempe Deus proprio filio suo non pepercit, sed pro nobis omnibus tradidit illū.* Nempe de filio ipso dicitur? *Qui me dilexit, & tradidit semetipsum pro me.* Nempe & de Iuda dicitur, *quod introiret in eum satanas, ut traderet Christum.* Cū ergo & pater tradiderit filiū suum, & ipse Christus corpus suum, & Iudas Dominum suum, cur in hac traditione Deus est pius, & homo reus, nisi quia in re vna quam fecerunt, causa non vna est, ob quam fecerūt? Tres cruces in loco vno erant: in vna latro liberandus, in alia latro damnandus, in media Christus alterū liberaturus, alterū damnaturus. Quid similius istis crucibus? Quid dissimili⁹ istis pendentibus? Traditus est Paulus includendus & colligandus. Sed quolibet custode carceris peior est utique satanas, cui tamen ipse Paulus *tradidit hominem in interitum carnis, ut spiritus saluus sit in die Domini IESU.* Et hic quid dicimus? Ecce mitiori tradidit crudelis traditor, crudeliori tradidit misericors traditor. Discamus frater in similitudine operum discernere animos operantiū, nec clausis oculis calumniemur, & beneuolos pro nocentibus accusemus.

Item cū ait idem Apostolus, *tradidisse se quosdam satanae, ut discerent non blasphemare,* malum pro malo reddidit, an potius malos etiam per malum emendare, bonum opus esse iudicauit? Si semper esset laudabile persequutio-

quationem pati, sufficeret Domino dicere,
Beati qui persecutionem patiuntur, nec adde-
ret, propter iustitiam. Item si semper esset cul-
 pabile persecutionem facere, non scriptum
 esset in sanctis libris, *Detrahentem proximo*
suo occultè, hunc persequer. Aliquando ergo
 & qui eam patitur, iniustus est, & qui eam
 facit, iustus est. Sed planè semper & mali per-
 secuti sunt bonos, & boni persecuti sunt ma-
 los. Illi nocendo per iniustitiam, illi consu-
 lendo per disciplinã. Illi immaniter, illi tem-
 peranter. Illi seruentes cupiditati, illi cha-
 ritati. Nam qui trucidat, non considerat,
 quemadmodum laniet, qui autem curat con-
 siderat, quemadmodum secet. Ille enim per-
 sequitur sanitatem, ille putredinem. Occi-
 derunt impii prophetas, occiderunt impios
 & prophetæ. Flagellauerunt Iudæi Chri-
 stum, Iudæos flagellauit & Christus. Traditi
 sunt Apostoli ab hominibus potestati huma-
 nã, tradiderunt & Apostoli homines pote-
 stati satanæ. In his omnibus quid attenditur,
 nisi quis eorum pro veritate, quis pro ini-
 quitate, quis nocendi causa, quis emendan-
 di. Non inuenitur exemplum in Euangeli-
 cis & Apostolicis literis, aliquid petitũ a re-
 gibus terræ pro Ecclesia, contra inimicos Ec-
 clesiæ: quis negat non inueniri? Sed nondum
 implebatur illa prophetia. *Et nunc reges in-*
telligite, & erudimini qui iudicatis terram, ser-
uite Domino in timore. Adhuc enim illud im-
 plebatur, quod in eodem Psalmo paulò supe-

23. q. q. ni-
 mium.

Psalm. 100. 5

NB. Occu-
pasio. Quod
scriptura
non faciat
mentionem
imborate
auxilii se-
cularis.

Psalm. 2. 10. 2

rius dicitur : *Quare fremurunt gentes, & populi meditati sunt inania. Astiterunt reges terre, & principes conuenerunt in unum aduersus Dominum, & aduersus Christum eius.* Veruntamen si facta præterita in propheticis libris figuræ fuerunt futurorum, in rege illo qui appellabatur Nabuchodonosor, utrunque tempus figuratum est, & quod sub Apostolis habuit, & quod nunc habet Ecclesia. Temporibus itaq; Apostolorum & Martyrum illud implebatur quod figuratum est, quando rex memoratus pios vel iustos cogebat adorare simulachra, & recusantes in flammis mittebat. Nunc autem illud impletur quod paulò post in eodem rege figuratum est, cùm conuersus ad honorandum Deum verum, decreuit in regno suo, *ut quicumque blasphemaret Deum Sidrac, Misac, & Abdenago, pœnis debitis subiaceret.* Prius ergo tempus illius regis significabat priora tempora regum infidelium, quos passi sunt Christiani pro impiis. Posterius verò tempus illius regis, significauit tempora posteriorum regum iam fidelium, quos patiuntur impii pro Christianis. Sed planè in eis, qui sub nomine Christi erant seducti à peruersis, ne fortè oues Christi sint errantes, & ad gregem aliter reuocandæ sint, temperata seueritas & magis mansuetudo seruetur, ut coërcitione exiliorum atq; damnorum tribulatione admoneantur considerare, quid & quare patiantur, & discant præponere ru-

moribus

Dan. 3. 26.

N. B. Ecclesia non se-
per debet
passi.

moribus & calumniis hominum scripturas
 quas legunt. *Leges ad-*
 Quis enim nostrum, quis ve- *uersus pa-*
 strum non laudat leges ab Imperatoribus da- *ganos.*
 tas aduersus sacrificia paganorum? Et certè
 longè ibi pœna seuerior constituta est, il-
 lius quippe impietatis capitale supplicium
 est. De vobis autè corripiendis atq; coërcen-
 dis habita ratio est, quo potius admonere-
 mini ab errore discedere, quàm pro scelere
 puniremini. Potest enim fortassè etià de vo-
 bis dici, quod ait Apostolus de Iudæis? *testi-*
monium illis perhibeo, quia Zelum Dei habent,
sed non secundùm scientiam, ignorantes enim
Dei iustitiam & suam volentes constituere, iu-
stitiæ Dei non sunt subiecti. Quid enim aliud,
 & vos quàm vestram iustitiam constituere
 vultis, quando non dicitis iustificari nisi eos
 qui à vobis potuerunt baptizari? In hac ergò
 Apostolica sententia, quam de Iudæis protu-
 lit, hoc distatis à Iudæis, quod vos habetis
 sacramenta Christiana, quibus illi adhuc
 carent. Cæterum ad hoc quod ait, *Ignorantes*
Dei iustitiam, & suam, volentes constituere, &
quod zelum Dei habent, sed non secundùm sci-
entiam, pares estis omninò, exceptis dunta-
 xat illis, quicumque in vobis sunt, scientes
 quid verum sit, & pro animositate suæ per-
 uerſitatis contra veritatem etià sibi notif-
 ſimam dimicantes.

Rom. 10. 2.

Horum quippe impietas etià idolola-
 triam forsitan superat. Sed quia non facilè
 conuinci possunt, (in animo namque latet

hoc malum) omnes tanquam à nobis minus alieni leniori seueritate coërcemini. Et hoc quidem vel de omnibus hæreticis, qui Christianis sacramentis imbuuntur, & à Christi veritate siue vnitatem dissentiunt, vel Donatistis omnibus dixerim Quod autem ad vos attinet, qui non solum cum illis communiter Donatistæ à Donato, verum etiam propriè Rogatistæ à Rogato appellamini, mitiores quidem esse videmini, quia cū Circumcellionum immanissimis gregibus non sæuitis, *sed nulla bestia si neminem vulneret, propterea mansueta dicitur*, quia dentes & ungues non habet. Sæuire vos nolle dicitis, ego non posse arbitror. Ita enim estis numero exigui, vt mouere vos contra aduersarias vobis multitudines non audeatis, etsi cupiatis. Sed ponamus, vos etiam nolle quod non valetis, ponamus vos Euangelicam sententiam, qua scriptum est: *Si quis tibi voluerit tunicam tollere, & iudicio tecum contendere, dimitte illi & pallium*: sic intelligere, sic tenere, vt persecuentibus vos non solum nulla iniuria, verum etiam nullo iure resistendum putetis: hunc certè intellectum Rogatus autor vester aut non habuit, aut non impleuit: qui de nescio quibus rebus vt dicitis vestris acerrima perseuerantia etiam forensi disceptatione confligit. Cui si diceretur, quis vnquam Apostolorum in causa fidei res suas iudicio publico defendit, sicut tu in Epistola tua posuisti? quis vnquam Apo-

NB.]

Matt. 5. 40.

stolorū

stolorum in causa fidei res alienas inuasit? nullum quidem in diuinis literis huius facti reperiret exemplum, sed tamen forte inueniret aliquam veram defensionem, si veram Ecclesiam retineret, & non sub Ecclesiæ veræ nomine impudenter aliquid possideret. Quod autem pertinet ad terrenarum potestatum iussâ, contra schismaticos aut hæreticos vel imploranda vel exercenda, illi quidem à quibus vos separastis acerrimi fuerunt, & contra vos (quantum audire potuimus) & contra Maximianistas, quod gestorum etiam certis documentis probamus: sed tamen nondum ab eis separati eratis, quando Iuliano Imperatori in sua petitione dixerunt, quod apud eum sola iustitia locum haberet, quem certè apostatam nouerant, & idololatriis deditum sic videbât, vt aut iustitiam esse idololatriam faterentur, aut scele- ratè mentitos, negare non possent, vt apud eum dicerent solam locum habere iustitiam, apud quem magnum locum cernerent habere idololatriam. Sed fuerit error in verbo, de facto ipso quid dicis? Si nihil iniustum ab imperatore petendum est, cur à Iuliano petendum est, quod iniustum putatum est? An hoc petendum est, vt sua quisque reciperet, non vt aliquem quo ab Imperatore coërceatur, accuset? Interim & in suarum rerum recipiendarū repetitione ab Apostolicis exēplis receditur, quia hoc fecisse nemo inuenitur illorum. Sed tamen cū maiores

*Iulianus
Apostata*

*Cæcilianus
Episcopus.*

vestri ipsum *Cæcilianum* tunc Ecclesiæ Carthaginensis Episcopū cui tanquā criminoso cōmunicare noluerunt, apud principē *Constantinum*, per Anulinū procōsulem accusauerunt, non res suas amissas repetiuerunt, sed innocentem (sicut existimamus, & sicut ipse iudiciorū exitus docuit) calumniosè appetiuerunt. Quo quid sceleratius ab eis fieri potuit? Si autē (sicut falsò arbitramini) verè criminosum indicādum terrenis potestatib. tradiderūt, quid nobis obiicitis, q̄ vestrorum præsumptio primitus fecit : quod eos nō argueremus q̄ fecerunt, si non animo inuido & noxio, sed emendandi & corrigendi voluntate fecisset. Vos autem indubitanter arguimus, quibus crimen videtur de inimicis communionis nostræ, Christiano Imperiali quid conqueri, cū libellus à maioribus vestris Anulino proconsuli datus & Constantino Imperatori mittendus, ita supra scriptus sit : *Libellus Ecclesiæ Catholice, criminum Cæciliani, traditus à parte Maiorini.* Illos autem magis hinc arguimus, quia apud Imperatorem vltro Cæcilianum accusauerunt, quem prius apud collegas transmarinos conuincere debuerunt, ipso autem Imperatore longe ordinatius agente, vt episcoporum causam ad se delatā, ad Episcopos mitteret, nec victi pacem cum fratribus habere voluerunt, sed rursus ad eundem Imperatorem venerunt, rursus non Cæcilianum tantum, verū etiam datos sibi Episcopos iudices

*Libellus
criminum
Cæciliani:*

*Imperator
causam E-
piscoporum
mittit ad
Episcopum.*

iudices apud terrenum regem accusauerunt. Rursus ab alio Episcopali iudicio ad eundem Imperatorem appellauerunt. Nec eo ipso inter partes cognoscente atq; iudicante, vel vnitati, vel paci cedendum esse duxerūt. Quid autem aliud statueret Constantinus aduersus Cæcilianum & socios eius, si essent vestris maioribus accusantibus victi, quàm quod statuit in eos ipsos, qui cum vltro accusassent? nec ea quæ intendebant, probare potuissent, Noluerunt enim vnitati consentire, nec victi. Ille quippe Imperator primus constituit in hac causa, *ut res conuictorum, & vnitati pernicaciter resistentium, sisco vendicarentur.* Sed videlicet si vestris maioribus accusantibus atque superantibus contra communionem Cæciliani imperator tale aliquid decreuisset, prouisores Ecclesiæ, defensores pacis & vnitatis nominari velletis. Cùm verò in eos qui vltro accusantes nihil probare potuerunt, nec oblato sibi gremio pacis, quo corecti exciperentur consentire voluerunt, ab imperatoribus talia decernuntur, indignum facinus clamitatur, neminem ad vnitatem esse cogendū malum p̄ malo reddendum nemini esse cōtenditur. Quid est aliud q̄ id quod de vobis quidā scripsit, *quod volumus sanctū est?* Et nunc nō erat magnum, neq; difficile considerare atq; cogitare Constantini iudicium atque sententiam contra vos vigere, quæ vestris maioribus Cæcilianum apud imperatorem totiens

*Haræcorā
inconstan-
tia in eli-
gendo &
reprobando
iudice.*

*22. 9. 9. No-
mum.*

*Πάντα
ἀντισπέ-
φει.*

*Hemisti-
chium Ty-
chonis*

accusantibus, & non conuincantibus, aduersus vos promulgata est: eamq; necessariò si qui cæteros Imperatores, maximè Catholicos Christianos, quoties de vobis aliquid agere vestræ obstinationis necessitas cogit.

Orbis Christianus huius vel illius præpositi sceleribus non maculatur.

Facile erat ista cogitare, vt vobis ipsis aliquândo diceretis: Si Cæcilianus vel innocens fuit, vel nocens, & conuinci non potuit, quid in hoc negotio tam longè latèq; diffusa societas Christiana peccauit? Cur orbi Christiano nò licuit ignorare, quod non potuerunt qui accusauerant demonstrare? Cur illi, quos Christus in agro suo, id est in hoc mundo seminauit, & inter zizania crescere vsq; ad messem præcepit: cur tot milia fidelium in omnibus gentibus, quorum multitudinem stellis cœli & arenæ maris Dominus comparauit, quos in semine Abrahæ benedicendos promisit & reddidit, propterea negantur esse Christiani, quia in hac causa, in qua discutienda non inter-

N.B.

*23. q. 9. n. mium.
1. q. 9. n. llius.*

terfuerunt, iudicibus potius suo periculo iudicantibus, quàm victis litigatoribus credere maluerunt? Certè nullius crimen maculat nescientem. Quomodo fideles toto orbe diffusi, crimen traditorum cognoscere poterant, quod accusatores etiã si nouerant, tamen eis ostendere non valebant? Hos ergo ab hoc crimine innocentes esse, nempe ipsa ignorantia facillimè ostendit. Cur ergo innocentes falsis criminibus accusantur, quia crimina aliena seu falsa, seu vera nescierunt? Quis locus innocentiae reseruatur, si crimen est proprium, nescire

nescire crimen alienum? Porro si tot gentium populos ipsa ignorantia (sicut dictum est) innocentes ostendit , quàm magnum crimen est ab istorum innocentium communione separari? Nam & facta nocentium, quæ innocentibus demonstrari, vel ab innocentibus credi non possunt, non inquinant quenquam, si propter innocentium consortium etiam cognita sustinentur. *Non enim propter malos boni deserendi, sed propter bonos mali tolerandi sunt* : sicut tolerauerunt prophetae, contra quos tanta dicebant, nec communionem sacramentorum illius populi relinquebant: sicut ipse dominus nocentem Iudam vsq; ad condignum eius exitum tolerauit, & eum sacram Cœnam cum innocentibus communicare permisit: sicut tolerarunt Apostoli eos, qui per inuidiam (quod ipsius Diaboli vitium est) Christum annunciabant: sicut tolerauit Cyprianus collegarum auaritiam, quam secundum Apostolum appellat idololatriam. Postremò quicquid tunc inter illos Episcopos gestum est, etiam si fortè ab aliquibus eorum sciebatur, si non sit acceptio personarum nunc ab omnibus ignoratur. Cur ergo nunc ab omnibus pax amatur? Hæc facillimè cogitare possētis, aut fortasse etiam cogitatis, sed melius erat, vt amaretis possessiones terrenas, quas timendo perdere cognitę veritati consentiretis, quàm vt amaretis vanissimam hominum gloriam, quam vos putatis perdere,

23. 9. 9 Ni-
miam &
c. p. quam
magnum.

Communi-
o
orbis non
deserenda
propter ma-
los.

Exempla
prophetarū
& aliorū.

//dere, si cognitæ veritati consentiretis. Vides itaq; iam (vt opinor) non esse considerandû, quod quisq; cogitur, sed quale sit illud quo cogitur, vtrum bonum an malum: non quo quisq; bonus possit esse inuitus, sed timendo quod non vult pati, vel relinquit impeditentem animositatem, vel ignoratâ compellitur cognoscere veritatem, vt timens vel respuat falsum, de quo contendebat, vel quærat verû quod nesciebat, & volens teneat iam quod nolebat. Superfluo hoc fortasse diceretur quibuslibet verbis, si non tam multis ostendetur exemplis. Non illos aut illos homines, sed multas ciuitates videmus fuisse. Donatistas, nûc esse Catholicas, detestari vehementer diabolicam separationem, diligere ardentem vnitatem. Quæ tamen timoris huius, qui tibi displicet, occasionibus Catholica factæ sunt per leges Imperatorum, à Constantino apud quem primû vestri vltro Cæcilianum accusauerunt, vsq; ad præsentes Imperatores, qui iudiciû illius quem vestri elegerunt, quem iudicibus Episcopis prætulerunt, iustissimè contra vos custodiendum esse decernunt. His ergo exemplis à collegis meis mihi propositis cessi. Nam mea primitus sententia erat, neminem ad vnitatē Christi esse cogendum, verbo esse agendum, disputatione pugnandum, ratione vincendum, ne fictos Catholicos haberemus, quos apertos hæreticos noueramus. Sed hæc opinio mea, nō contradicentium verbis, sed demonstrantium superabatur

83. 9. 6.
Vides.

*Exempla
integrarū
Erbium, à
Donatistis
per metum
pœnarium
ad Catho-
licas sepa-
ratarum.*

*Prima Au-
gustini sen-
tentia, de
non cogen-
dis hæreti-
cis.*

rabatur exemplis: nam primò mihi opponebatur ciuitas mea, quæ cùm tota esset in parte Donati, ad vnitatem Catholicam timore legum imperialium cõuerfa est, quam nunc videmus ita huius vestræ animositatis perniciem detestari, vt in ea nunquam fuisse credatur. Ita aliæ multæ, quæ mihi nominatim commemorabantur, vt ipsis rebus agnoscerem etiam in hac causa rectè intelligi posse, quod scriptum est: *da sapienti occasionem, & Prou. 9. 9. sapientior erit.* Quàm multi enim quod certò scimus, iam volebant esse Catholici, manifestissima veritate commoti, & offensionē suorum reuerendo quotidie differebant. Quàm multos non veritas (in qua nunquã præsumpsistis) sed obduratæ cõsuetudinis graue vinculum colligebat, vt in eis compleretur diuina illa sententia? *Verbis non emendabitur seruus durus, si enim & intellexerit, non obediit.* Quàm multi propterea putabant veram Ecclesiã esse partē Donati, quia eos ad cognoscendam Catholicam veritatē securitas torpidos, fastidiosos, pigrosq; faciebat. Quàm multis aditum intrandi obserabant rumores maledicorū, qui nescio quid aliud nos in altare Dei ponere iactitabant. Quã multi nihil interesse credētes in qua quisq; parte Christianus sit, ideo permanebãt in parte Donati, quia ibi nati erant, & eos inde discedere, atq; ad Catholicam nemo transire cogebat. His omnib. harum legū terror, quibus promulgandis reges seruiunt Domino in timore, ita profuit,

*Vulgares
causæ quib.
multi à Ca-
tholica vni-
tate etiam
hodie, pròh
dolor, detri-
nentur.*

Prou. 19. 13.

Nota bene

profuit, vt nunc alii dicant, iam hoc volebamus. Sed Deo gratias, qui nobis occasionem præbuit. iamq; faciendi & dilationum morulas amputauit: alii dicant, Hoc esse verū iam sciebamus, sed nescio qua consuetudine tenebamur. Gratias domino, qui vincula nostra dirupit, & nos ad pacis vinculū transtulit. Alii dicant, nesciebamus hic esse veritatem, nec eam discere volebamus, sed nos ad eam cognoscendam metus fecit intentos, quō timuimus ne fortè sine vllis rerum æternarum lucris damno rerum temporalium feriremur. Gratias Domino, qui negligentiam nostram stimulo terroris excussit, vt saltem solliciti quæreremus, quod securi nunquam nosse curauimus. Alii dicant, nos falsis rumoribus terrebamur intrare, quos falsos esse nesciremus, si non intraremus: nec intraremus, nisi cogeremur. Gratias Domino, qui trepidationem nostram flagello abstulit, expertos docuit, quā vana & inania de Ecclesia sua mendax fama iactauerit. Hinc iam credimus & illa falsa esse, quæ authores huius hæresis criminati sunt, quādo posteri eorum tam falsa & peiora finxerunt. Alii dicant, putabamus quidem nihil interesse, vbi fidem Christi teneremus: sed gratias Domino, qui nos à diuisione collegit, & hoc vni Deo congruere, vt in vnitatem colatur, ostendit. His ergo dominicis lucris impediendis, ad contradicendum me opponerem collegis meis, ne in montibus & collibus vestris, id est, in tumoribus

moribus superbiæ vestre, Christi oves errantes in pacis ouile colligerentur, vbi est vnus grex & vnus pastor. Ita sanè huic prouisioni cōtradocere debui, ne res quas dicitis vestras, perderetis, & securi Christum proscriberetis: vt iure Romano testamenta conderetis, & iure diuino patribus conditum testamentum, vbi scriptum est. *In semine tuo benedicentur omnes gētes*, calumniolis criminationibus rumperetis: vt in emptionibus & venditionibus liberos contractus haberetis, & vobis diuidere, quod Christus emit venditus, audereris: vt quod quisq; vestrūm cuiquam donasset, valeret, & quod donauit Deus deorū, *à solis ortu vsq; ad occasum vocatis filiis non valeret*, vt de terra corporis vestri in exiliū non mitteremini, & de regno sanguinis sui, *à mari vsq; ad mare*, & à flumine vsq; ad terminos orbis terræ Christum exulem facere conaremini? imò verò *seruiant reges terræ Christo, etiam leges ferendo pro Christo*. Maiores vestri Cæcilianum, & socios eius regibus terrę puniendos falsis criminibus obiecerunt: conuertantur leones ad comminuenda ossa calumniantium, nec Daniel ipse intercedat innocens comprobatus, & de lacu, quo illi pereunt, liberatus. Qui enim parat proximo suo foueam, ipse iustius cadet in eam. Eripe te frater, dum in hac carne viuis, ab ira quę ventura est pertinacibus & superbis. Terror temporalium potestatum, quando veritatem oppugnat, iustis fortibus gloriosā probatio

Ecclesia laetudo.

Regum leges pro Christo.

Nota bene.

Rom. 13. 8.

batio est, infirmis periculosa tentatio, quando autem veritatem prædicat errantibus, cordatis utilis admonitio est, & insensatis inutilis afflictio. *Non est tamē potestas nisi à Deo: qui autem resistit potestati, Dei ordinationi resistit. Principes enim nō sunt timori bono operi, sed malo. Vis autem non timere potestatem? Bonum fac, & habebis laudem ex illa.* Siue enim potestas veritati fauens aliquem corrigat, laudem habet ex illa qui fuerit emendatus: siue inimica veritati in aliquem sæuiat, laudem habet ex illa qui victor fuerit coronatus. Tu autē non bonum facis, vt timere non debeas potestatem, nisi fortè bonum est sedere, & non aduersus fratrem detrahere, sed aduersus fratres omnes in omnibus gētibus constitutos, quibus testimonium perhibent Prophete, Christus, Apostoli: cum legitur; *In semine tuo benedicentur omnes gentes: cum legitur à ortu solis vsq; ad occasum sacrificium mundum offertur nomini meo, quoniam glorificatum est nomen meum in gentibus, dicit Dominus.* Audi, dicit Dominus, nō dicit Donatus, aut Rogatus, aut Vincentius, aut Hilarius, aut Ambrosius, aut Augustinus: sed dicit Dominus: cum legitur: *Et benedicentur inter omnes tribus terra, omnes gentes magnificabunt eum: Benedictus Dominus Deus Israel, qui fecit mirabilia solus: Et benedictum nomen gloriæ eius in æternum, & in seculum seculi: Et replebitur gloria eius omnis terra, fiat fiat.* Et tu sedes Cartennis, & cum decem Rogatistis, qui remansistis, dicis: non fiat,

non

NB.

*Ecclesia la-
titudo a-
fruitur ex
scripturis,
contra he-
reticorum
angustias.
Gen. 26. 4.
Malac. 1. 11.*

*Psal. 71. 27.
18. 3.*

non fiat, Audis loqui Euangelium; oportebat impleri omnia quæ scripta sunt in lege & Prophetis, & Psalmis de me: & tunc aperuit illis sensum, ut intelligerēt scripturas; & dixit eis. Quoniam sic scriptum est, & sic oportebat pati Christū, & resurgere à mortuis tertia die, & prædicari in nomine eius pœnitentiam & remissionem peccatorum per omnes gentes, incipientibus ab Hierusalem. Legis etiam actus Apostolorum, quemadmodū hoc Euangelium cœperit ab Hierusalem, vbi primò illos centū viginti Spiritus sanctus impleuit, atq; inde in Iudæam atque Samariam, & in omnes gentes exierit, sicut eis dixerat ascensurus in cœlum; *Eritis mihi testes in Hierusalem, & in tota Iudæa & Samaria, & usq; in fines terræ: quia in omnem terram exiuit sonus eorum, & in fines orbis terræ verba eorum.* Et tu contradicis diuinis testimoniis tanta firmitate roboratis, tanta luce manifestatis, & ad istam præscriptionem Christi hereditatem perducere conaris: vt cū in eius nomine (sicut dixit) prædicetur pœnitentia in omnib⁹ gentib. quisquis hac fuerit prædicatione commotus, in qualibet parte orbis terrarum, nisi quæsierit & inuenerit latetem in Mauritania Cæsariensi Cartennensem Vincentiū, aut aliquem ex eius noue aut decem confortibus, dimitti ei peccata non possint. Quid non audeat typhus morticinę pelliculæ, quò non se præcipitet præsumptio carnis & sanguinis? Hoc cine est bonum opus tuum, propter quod non timeas potestatem? tan-

Lnc. 24. 44

Act. 18.

ND.

tum scandalum ponis aduersus filium matris tuæ, paruulum scilicet & infirmum, propter quem Christus est mortuus, nondum cibo paterno idoneum, sed adhuc materno lacte nutriendum: & Hilarii libros mihi opponis, vti neges Ecclesiam crescentem in omnibus gentibus vique in finem seculi, quam Deus contra incredulitatem vestram cum iuratione promisit? Et cum essetis infelicissimi, si tunc quando promittebatur resisteretis, nunc etiam cum redditur, contradicitis. Sed historicus doctus magnum aliquid inuenisti, quod contra Dei testimonia proferendum putares. Dicis enim quantum ad totius mundi pertinet partes, modica pars est compensatione totius mundi, in qua fides Christiana nominatur: nec vis attendere, aut te nosse dissimulas, in quam multas iam barbaras nationes tam paruo tempore venerit Euangelium, vt nec inimici Christi dubitare iam possint breui tempore futurum, quod discipulis respondit de seculi fine quærentibus. *Et predicabitur hoc Euangelium in vniuerso orbe, in testimonium omnibus gentibus, & tunc veniet finis.* Nunc & clama & cõtende quantum potes, etiamsi apud Persas & Indos Euangelium prædicetur, vbi quidem iam diu prædicatur, nisi quisquis hoc audierit Cartennas venerit, vel in viciniam Cartennensium, mundari omnino à delictis suis non poterit: ita ne si carueris ista voce, rideri te metuis: & cum ea non careas, fleri te non vis?

*Obiectio
Donatist.
contra su-
periora.*

Acutum

Acutum autem aliquid videris dicere, cum
*Catholica nomen non ex totius orbis communio-
 ne interpretaris, sed ex obseruatione præceptorū
 omnium diuinorum, atq; omnium sacramento-
 rum: quasi nos etiam si fortè hinc sit appel-
 lata Catholica, quod totum veraciter teneat,
 cuius veritatis nonnullæ particulæ etiam in
 diuersis inueniuntur hæresibus, huius nomi-
 nis testimonio nitamur ad demonstrandum
 Ecclesiam in omnibus gentibus, & non pro-
 missis Dei, tam multis tamq; manifestis ora-
 culis ipsius veritatis. Sed nempe hoc est to-
 tum, quod nobis persuadere conaris, solos
 remansisse Rogatistas, qui Catholici rectè
 appellari possint, ex obseruatione præcepto-
 rum omnium diuinorum, atq; omnium sa-
 cramentorum; & vos esse solos, in quibus in-
 ueniat fidem cum venerit filius hominis. Da ve-
 niam, non credimus. Licet enim & hoc au-
 deas forsitan dicere, vt in vobis possit inue-
 niri fides, quàm se in terra non inuenturum
 Dominus dixit, & nō vos in terra, sed in cœ-
 lo esse deputandos, nos tamen Apostolus ita
 cautos reddidit, vt etiam angelum de cœlo no-
 bis aliud euangelizantem, præterquam quod
 accepimus, anathema debere esse præceperit.
 Quomodo autem confidimus ex diuinis li-
 teris accepisse nos Christum manifestum, si
 non inde accepimus & Ecclesiam manife-
 stam? Quaslibet quisq; ansas & vncos aduer-
 sus simplicitatem veritatis intexat, quaslibet
 nebulas callidæ falsitatis offundat, sicut ana-*

NB.
Alia obie-
ctio, de si-
gnificatio-
ne vocabulæ
Catholice,
qua hodie
nouatorib.
vsitatissu-
ma.

Attende
lector.

I. Luc. 18. 8.

Galat. 3. 8.

Ecclesia
non minus
manifesta
quàm ipse
Christus.

thema erit, qui annunciauerit Christum neque passum esse, neque tertia die resurrexisse, quoniam in veritate Euangelica accepimus: oportebat Christum pati, & resurgere à mortuis tertia die: *Sic erit anathema quisquis annunciauerit Ecclesiam præter communionem omnium gentium: quia eadem veritate consequenter accepimus, & prædicari in nomine eius poenitentiam & remissionem peccatorum per omnes gentes, incipientibus ab Hierusalē: & inconcussè tenere debemus, quisquis vobis annunciauerit, præterquam quod accepistis anathema sit. Si autè vniuersos Donatistas non audimus, se pro Ecclesia Christi supponētes, quia nullum p se testimoniū de diuinis libris pferunt, quoid doceant: quanto min⁹ rogo te Rogatistas audire debemus, qui nec illud pro se interpretari conabūtur, q̄ scriptum est: *ubi pascis, ubi cubas in meridie?* Si n. hoc loco scripturarum meridies Africa intelligenda est, in parte Donati, q̄ sub cæli feruentiori plaga est, omnes vos Maximianistæ superabūnt, quorū schisma in Byzantio, & in Tripoli exarsit. Sed confligant cum eis Arzuges, & hoc magis ad se pertinere contendant; Mauritania tñ Cæsariensis, occidentali quam meridiana parti vicinior, quando nec Africā se vult dici, quomodo de meridie gloriabitur? non dico aduersus orbem terrarum, sed aduersus ipsam partem Donati, vnde pars Rogati breuissimum frustū de frusto maiore p̄cisū est. *Quis autē non impudētissi-**

NB.

Luc. 24.
46. & 47.Cant. l. 7.
Vulgare
Donati-
starum
Χρησφύ-
287v.

venitatur aliquid in allegoria positū pro se in-
terpretari, nisi habeat & manifesta testimonia
quorum lumine illustrentur obscura? Quod au-
 tem omnibus Donatistis dicere solemus,
 quantò vobis fortius dicimus: si possunt
 (quod fieri non potest) aliqui habere causam
 iustam, qua communionem suam separent
 à communione orbis terrarum, eamq; ap-
 pellent Ecclesiam Christi, quod se iustè ab
 omnium gentium communione separaue-
 rint: vnde scitis in Christiana societate, tam
 longè latèque diffusa, ne fortè antequam vos
 separaretis, iam se aliqui iusta causa separa-
 uerint in longinquissimis terris, vnde ad vos
 eorum iustitiæ fama non potuerit pèrveni-
 re? Quomodo in vobis potest esse Ecclesia,
 potiusq; in illis, qui se priores fortè separaue-
 runt? Ita fit vt cum hoc nescitis incerti, vobis-
 metipsis sitis: q; necesse est contingat omni-
 bus, qui pro sua societate vtuntur testimonio
 non diuino sed suo. Neq; n. potestis dicere, si
 hoc cõtigisset, nos latere non posset, cùm in
 Africa ipsa, q; iam partes factæ sint ex parte
 Donati, si interrogemini non dicatis: præfer-
 tim quia tantò sibi videntur, qui hoc faciunt *Contra aff-*
 iustiores, quantò fuerint pauciores, & utiq; *gumentum*
 tantò sunt latentiores. Ac p hoc incerti estis, *paucorum*
 ne fortè aliq pauci iusti & ideo minimè noti, *in Africa*
 alicubi longè cõtra Africę meridiem, anteq̃
 pars Donati iustitiam suam à ceterorum ho-
 minū iniquitate secerneret, se primitus causa
 b 4 æquis

æquissima separauerint in latere aquilonis, & ipsa sit potius Ecclesia DEI tanquam Sion spiritualis, quæ vos omnes iusta separatione præuenit, multoque præsumptius pro se interpretetur, quod icriptum est. *Mons Sion, latera Aquilonis, ciuitas regis magni;* quam pro se interpretatur pars Donati; *ubi pascis, ubi cubas in meridie.* Et tamen vereris, ne cum imperialibus legibus ad vnitatem cogimini, nomen Dei à Iudæis & paganis diutius blasphemetur: quasi nesciant Iudæi quemadmodum primus populus Israël etiam bello delere voluerit duas illas tribus & dimidiam: quæ vltra Iordanem terras acceperant, quando eas putauerunt se ab vnitatem sui populi separasse. Paganis verò magis nos blasphemare possunt de legibus, quas contra idolorum cultores Christiani imperatores tulerunt, & tamen ex eis multi correcti, & ad Deum viuum verumque conuersi sunt, & quotidie conuertuntur. *Sed planè & Iudæi & pagani, si tam paucos putarent esse Christianos, quam pauci vos estis, qui solos vos Christianos esse perhibetis, nec blasphemare vos dignarentur, sed & nunquam ridere cessarent.* Non timetis ne vobis dicant Iudæi: vbi est quod Paulus vester Ecclesiam vestram intelligit, vbi dictum est; *Letare sterilis quæ non parit, erumpe & exclama, quæ non parturis, quoniam multi filii deserte magis quam eius quæ habet virum,* præponens multitudinem Christianorum multitudini Iudæorum, si Christi Ecclesia est paucitas

*Psal. 74. 3.
Cant. 1. 7.*

Nota bene.

Gal. 4. 27.

citā vestra? Hōccine illis dicturi estis : *Ideo magis iusti sumus quia pauci sumus* : nec attenditis eos responsuros, quotlibet vos esse dicatis, non tamen estis illi, de quibus dictum est, *Multi filii desertæ* : si tam exiguo numero remansistis?

Hic tu oppositurus es exemplū iusti illius in diluio, qui cum domo sua solus liberari dignus inuentus est. Vides ergō quā longē sis adhuc à iustitia? prorsus donec ad septem remaneas, quibus tu sis octauus, iustum te esse non dicimus : si tamen non istam iustitiam sicut dicebam præripuit aliquis ante partem Donati, & cum suis septem iusta aliqua causa commotus, se longē alibi separauit, & à mundi huius diluio liberauit. Quod cū ignoretis an factum sit, atq; ita vobis inauditum, sicut multis populis Christianorum in longinquis terris constitutorum nomē Donati inauditum est, incerti estis vbi sit Ecclesia. Ibi enim erit, vbi primum forsitan factum est, quod postea vos fecistis, si potuit esse vlla iusta causa, qua vos à communione omnium gentium separare possētis. Nos autem idē certi sumus, neminem se à communione omnium gentium separare iustē potuisse, quia nō quisq; nostrū in iustitia sua, sed in scripturis diuinis quærit Ecclesiam, & vt promissa est, reddi cōspicit. Ipsa est enim de qua dicitur, *sicut lilium in medio spinarum, ita proxima mea in medio filiarum* : quæ nec spinæ dici possent, nisi malignitate morum : nec fi-

*Obiectio
Donatistarum & hodiernorum etiam hæreticorum, pro sua paucitate.*

Cant. 2. 2.

liæ nisi communione sacramentorum. Ipsa est quæ dicit; *A sinibus terræ ad te clamaui, cum anxietur cor meum. Quæ in alio psalmodi-
cit; Tedium detinuit me à peccatoribus derelin-
quentibus legem tuam: & vidi insensatos & ta-
bescebam.* Ipsa est, quæ dicit sponso suo; *Vbi
pascis, ubi cubas in meridie, fortè fiam sicut
operta super greges sodalium tuorum.* Id est
quod alibi dicitur; *dexteram tuam notam fac
mihi & eruditos corde in sapientia.* In quibus
luce fulgentibus & charitate feruentib⁹ qua-
si in meridie requiescis, ne fortè velut opta,
id est, occulta & ignorata, irruam non in gre-
gem tuum, sed in greges sodalium tuorum id
est hæreticorum. Quos ita sodales dicit, sicut
ipinas illas filias, propter communionem sa-
cramentorū. De quibus alibi dicitur; *Tu verò
unanimes meus, & dux meus, & notus meus, qui
simul mecum dulces capiebas cibos, in domo Do-
mini ambulauimus cum consensu: Veniat mors
super illos, & descendant in infernū viuentes, si-
cut Dathan & Abiron, impiæ separationis
autores.* Ipsa est cui continuò respondetur;
*Nisi cognoueris temetipsam, ô pulchra inter
mulieres, exi tu in vestigiis gregum, & pasce
hædos tuos in tabernaculis pastorum.* O re-
sponsio dulcissimi sponsi. Nisi cognoueris
temetipsam, inquit: *Quia utique non potest
ciuitas abscondi supra montem constituta: &
ideo non es operta, vt incurras in greges so-
daliū tuorum. Ego enim sum mons para-
tus in cacumine montium, ad quem veni-*
ent

Psal. 60. 3.

Psal. 1. 2.

Psal. 89. 12.

Psal. 50.

Cant. 1. 8.

Ecclesia
manifestis-
sima.

Mat. 5. 15.

ent vniuersæ gentes. Nisi ergo cognoueris
 temetipsam, non in verbis calumniosorum,
 sed in testimoniis librorum meorum. Nisi
 cognoueris temetipsam, quia de te dictum est:
porrige longius funiculos, & palos validos con-
firma: etiam atq; etiam in dexteram atq; sinistra
extende. Semen enim tuum hereditabit gentes,
& ciuitates quæ deserta erant inhabitabis. Nō est
quod metuas, praualebis enim, nec erubescas quod
detestabilis fueris. Cōfusionem enim in æternum
obliuisceris, ignominia viduitatis tuæ non eris
memor. Ego enim sum Dominus qui facio te, Do-
minus nomen ei. Et qui eruit te, ipse Deus Israel
vniuersa terra vocabitur. Nisi cognoueris te-
metipsam, ô pulchra inter mulieres: quia
de te dictum est: Concupiuit Rex speciem tu-
am: quia de te dictum est: pro patribus tuis
nati sunt tibi filii, constitues eos principes super
omnem terram. Nisi ergo cognoueris temet-
ipsam, exitu: non ego te eiicio, sed exi vt di-
catur de te: Ex nobis exierunt, sed non erant
ex nobis. Exi tu in vestigiis gregum non in
vestigiis meis, sed in vestigiis gregum: nec v-
nus gregis, sed gregum diuersorum & er-
rantium. Et pasce hædos tuos, non sicut Pe-
trus, cui dicitur: pasce oues meas, sed pasce
hædos tuos in tabernaculis pastorum; non
in tabernaculo pastoris, vbi est vnus grex &
vnus pastor. Cognoscit enim semetipsam,
 ne hoc ei contingat, quod contingit eis, qui
 se in illa non cognouerunt. Ipsa est, de cuius
 paucitate dicitur in comparatione plurimo-
 rum

Psal. 44. 10

Iou. 21. 17

rum malorum: quia angusta & arcta via est
 quæ ducit ad vitam, & pauci sunt qui ambu-
 lant in ea.

Genes. 22.
 17.

Et rursus ipsa est, de cuius multitudine di-
 citur: *Sic erit semen tuum, sicut stella cœli, & si-
 cut arena maris.* Idem quippe fideles sancti &
 boni, & in comparatione plurimorum ma-
 lorum pauci sunt, & per se ipsi multi sunt:
 quia multi filii desertæ, magis quàm ei⁹ quæ

Mat. 8. 11.

habet virū. *Et multi ab oriente & occidente ve-
 nient, & recumbent cum Abraham, Isaac &
 Iacob in regno Celorum: & quia exhibet sibi
 Deus populum abundantem emulatorem bono-
 rum operum.* Et multa millia quæ numerare ne-

Apoc. 7. 9.

mo potest. videtur in Apocalypsi, ex omni tri-
 bu & lingua in stolis albis palmisque victricibus.
 Ipsa est quæ aliquando obscuratur, & tanquã
 obnubilatur multitudine scandalorum, quã-

Psal. 10. 21

do peccatores intendunt arcum, ut sagittent in
 obscura luna rectos corde. Sed etiam tunc in
 suis firmissimis eminent. Et si aliqua in his
 verbis diuinis distributio facienda est, for-
 tasse non frustra dictum sit de femine Abra-

Gen. 22. 17.

hæ: *Sicut stella cœli, & sicut arena quæ est ad
 oram maris:* ut in stellis cœli pauciores fir-
 miores, clarioreque intelligantur, in arena
 autem maritimi littoris magna multitudo
 infirmorum atque carnalium, quæ aliquan-
 do tranquillitate temporis quieta & libera
 apparet, aliquando autem tribulationum &
 tentationum fluctibus operitur atque tur-
 batur. Tale tunc erat tempus, de quo scri-
 psit

psit *Hilarus*, vnde putasti inficiandum contra testimonia tot diuina, tanquam perierit Ecclesia de toto orbe terrarū, potes hoc modo dicere, nec tot Ecclesias Galatię tunc fuisse, quando dicebat Apostolus: *O stulti Galatae, quis vos fascinauit, ut cum spiritu caperitis, nunc carne consumemini?* Sic enim calumniaris docto viro, qui tardicordes & timidos grauiter increpabat, quos iterū parturiebat, donec Christus formaretur in eis. Quis enim nescit illo tempore obscuris verbis multos parui sensus fuisse delusos, vt putarent hoc credi ab Arianis, quod etiam ipsi credebant: alios autem timore cessisse & simulatè consensisse, non rectè ingredienti ad veritatem Euangelii, quibus tu postea correctis sic quæ admodū ignotum est, nolles ignosci? prorsus non nosti literas Dei. Lege enim quid de Petro scripserit Paulus, & quid inde etiam senserit Cyprianus, & tibi non displiceat Ecclesiæ mansuetudo, quæ membra Christi dispersa colligit, non collecta dispergit, quam & illi qui tunc firmissimi fuerunt, & verba hæreticorum insidiosa intelligere potuerunt, sed pauci quidem in comparatione cæterorum, sed tamen etiam ipsi quidam pro fide fortiter exulabant, quidam toto orbe latitabant.

Ac sic Ecclesia, quæ per omnes gentes crescit, in frumentis dominicis conseruata est, & vsque in finem, donec omninò gentes omnes, etiam barbaras teneat, conseruabitur.

Hilarij locus.

Gal. 3. 1.

Cypriani locus.

bitur. Ipsa est igitur Ecclesia in bono semine, quoa seminavit filius hominis, & usque ad messem crescere inter zizania, prænunciavit. Ager autem mundus est, messis finis est seculi.

Hilarius ergo decem prouinciarum Asiaticarum, aut zizania non triticum arguebat, aut ipsum etiam triticum, quod defectu quodam periclitatur, quanto vehementius, tanto utilius arguendum putabat. Habent enim etiam scripturæ Canonice hunc arguendi morem; ut tanquam omnibus dicatur, & ad quosdam verbum perueniat, quod etiam

1. Cor. 15. 12.

Apostolus dicit ad Corinthios: *Quomodo dicunt quidam in vobis; quia resurrectio mortuorum non est?* Manifestat utiq; non omnes esse tales, veruntamen & tales non extra, sed in eis fuisse testatur: à quibus ne illi seducerentur, qui non ita sentiebant, paulò post monuit, dicens: *Nolite seduci, corrumpunt mores bonos colloquia mala. Sobrii estote iuste & nolite peccare. Ignorantiam enim Dei quidam habent. Ad reuerentiam vobis loquor. Quod autem dicit: Cum enim sint inter vos emulatio & contentio, nonne estis carnales, & secundum hominem ambulatis?* tanquam omnibus dicit. Et vides quam sit graue quod dicit. Proinde nisi in ipsa Epistola legeremus: *Gratias ago Deo meo semper pro vobis in gratia Dei, que data est vobis in Christo Iesu, quia in omnibus ditati estis in illo, in omni verbo & scientia; sicut testimonium Christi confirmatum est in vobis; ita ut nihil desit vobis in vlla gratia.* Putaremus

2. Cor. 3. 3.

omnes

1. Cor. 1. 4.

omnes Corinthios carnales & animales, non percipientes quæ sunt spiritus Dei, contentiosos, emulos, secundum hominẽ ambulantes. Itaque & totus mundus in maligno positus est, propter zizania quæ sunt per totum mundum: & Christus propitiator est peccatorum nostrorum, non tantum nostrorum, sed totius mundi, propter triticum, quod est per totum mundum.

Refrigescet autem charitas multorum propter scandalorum abundantiam, quando magis magisque glorificato Christi nomine congregabuntur in communionem sacramentorum eius etiam peruersi, & perseuerabunt omninò maligni, sed tamẽ tanquam palea de area Dominica, non nisi vltima ventilatione separandi: non extinguent isti frumenta Dominica, in eorum quidem comparatione pauca, sed multa per se ipsa, non extinguent electos Dei congregandos in fine seculi, sicut Euangelium loquitur, à quatuor ventis, à summis cœlorum vsque ad terminos eorum. Ipsorum enim vox est: *Saluum me fac Domine, quomodo defecit sanctus? Quoniam diminute sunt veritates à filiis hominum.* De quibus & Dominus dicit inter abundantiam iniquitatis, *qui perseuerauerit vsque in finem, hic saluus erit.*

Denique non vnum hominem, sed plures in eodem Psalmo loqui consequentia docent, vbi dicitur: *Tu Domine seruabis nos & custodies nos à generatione hac in æternum,* propter

Luc. 18 8.

propter hanc enim abundantiam iniquitatis quam Dominus futuram esse prædixit, etiam illud positum est: *Cum venerit filius hominis, putas inueniet fidem in terra?* Dubitatio enim cuncta scientis nostram in illo dubitationem præfigurauit. quando Ecclesia ex multis, de quibus multum sperauit, sæpè decepta. quod aliter quàm credebatur inuenti sunt, sic perturbatur in suis, vt de nullo facile bono aliquid velit credere. Ipsos tamen quorum inuenturus est fidem in terra, per totum agrum cum zizaniis crescere, dubitare fas non est. Ipsa est ergò Ecclesia, quæ intra sagemam dominicam cum malis piscibus natat, à quibus corde semper & moribus separatur atque

Ephes. 5. 27.

discedit, vt exhibeatur viro suo gloriosa, non habens maculam neq; rugam. Corporalem autem separationem in littore maris, hoc est, in fine seculi expectat, corrigens quos potest, tolerans quos corrigere non valet: non tamen propter eorum quos non corrigit iniquitatem, ipsa bonorum deserit vnitatem. Noli ergo frater contra diuina tam multa, tam clara, tam indubitata testimonia colligere velle calumnias ex episcoporum scriptis, siue nostrorum sicut Hilarii, siue antequàm pars Donati separaretur, ipsius vnitatis, sicut Cypriani & Agrippini: primò, quia hoc genus literarum ab autoritate Canonis distinguendum est. Non enim sic leguntur, tanquam ita ex eis testimonium proferatur, vt contra sentire non liceat, sic ubi fortè aliter sapuerint,

*Distinct. 9.
noli frater.**Patrum
quedam pri-
uata senten-
tiæ quomo-
do accipi-
ende.*

quam

quàm veritas postulat. In eò quippe numero sumus, vt non dedignemur etiã nobis dictum ab Apostolo accipere, *Et si quid aliter* Phil. 3. 18. *sapitis, id quoque Deus vobis reuelavit.* Veruntamen in id quod peruenimus, in eo ambulamus, in illa via scilicet, quæ est Christus. 1. Cor. 14. 6. De qua via ita Psalmus loquitur. *Deus miserere nostri, & benedicat nobis, illuminet vultum suum super nos, vt cognoscamus in terra viam tuam, in omnibus gentibus salutare tuum.* Deinde si sancti Cypriani Episcopi, & gloriosi martyris te delectat authoritas, quam quidem sicut dixi, à Canonica authoritate distinguimus, cur in eo te nõ delectat, quòd vnitatem orbis terræ atq; omnium gentium, & diligendo tenuit, & disputando defendit: quòd eos qui se tanquam iustos ab eà separare voluissent, arrogatissimos & superbissimos iudicauit, irridens eos hoc sibi assumere, quod nec Apostolis concessit Dominus, *vt ante tempus* Matt. 13. 31. *zizania colligerent*, aut tanquã ipsi palam ferre, & aream purgare concessum sit, paleas conarentur à tritico separare: quòd vnumquemq; peccatis alienis maculari non posse monstrauit, quam sibi omnes impiæ seditionis authores solam causam separationis assumunt: quòd in eo ipso in quo aliter sapuit, collegas diuersa sentientes, nec iudicandos, nec à iure communionis amouendos esse decreuit: quòd in ea ipsa Epistola ad Iubaianum quæ in Concilio (cuius authoritatem ad rebaptizandum sequi

vos dicitis) primitus recitata est, cum fateatur in præteritum sic esse admissos in Ecclesiam qui fuerant alibi baptizati, ut denuò non baptizarentur. vnde illos sine baptismo fuisse arbitratur: tantum tamen ponit utilitatis & salubritatis in pace Ecclesiæ, ut propter illam non eos credat ab Ecclesiæ muneribus separari. Qua in re sicut ingenium tuum noui facillimè perspicias totam causam vestram penitus euersam & extinctam. Si enim sacramenta cum peccatoribus communicando, sicut putatis, perit Ecclesia quæ fuerat in orbe terrarum, nam vos ideo separastis, iam prius tota perierat, cum sicut dicit Cyprianus, in eam sine baptismo admittebantur, ac sic nec ipse Cyprianus habebat, in qua Ecclesia nasceretur, quanto magis multò posterior vester author paterq; Donatus? Si autem illo tempore, cum in eam sine baptismo admittebantur, erat tamen Ecclesia quæ pareret Cyprianum, pareret & Donatū, manifestū est non cõtaminari iustos alienis peccatis, quando cum eis sacramenta communicant. Ac per hoc separationem qua existis ab vnitatem, qua exultatione possitis abluere non habetis, impleturque in vobis sanctæ scripturæ illud oraculum: *Filius malus ipse se iustum dicit, exitum autem suum non abluit.* Meritis autem Cypriani sic non æquatur, qui propter paria sacramenta nec ipsos hæreticos audet rebaptizare, sicut non æquatur meritis Petri, qui quis non cogit

git gentes Iudaizare. Sed illa Petri non tantum claudicatio, verum etiam correctio in scripturis Canonicis continetur. Cyprianus autem sensisse aliter de baptismo, quam forma & consuetudo habebat Ecclesiæ, non in Canonicis, sed in suis & in Concilii literis inuenitur: Correxisse autem istam sententiam non inuenitur: non incongruenter tamen de tali viro existimandum est quod correxerit, & fortasse suppressum sit ab eis, qui hoc errore nimium delectati sunt, & tanto vel patrocínio carere noluerunt: quanquam non desint, qui hoc Cyprianum prorsus non sensisse contendunt, sed sub eius nomine à præsumptoribus atque mendacibus fuisse confictum. Neque enim sic potuit integritas atque notitia literarum, vnius quamlibet illustri Episcopi custodiri, quæadmodum scripturæ Canonica, tot linguarum literis & ordine, & successione celebrationis Ecclesiasticæ custoditur, contra quam tamen non defuerunt, qui sub nominibus Apostolorum multa confingerent. Frustra quidem, quia illa sic commendata, sic celebrata, sic nota est. Verum quid possit aduersus literas, non Canonica authoritate fundatas, etiam hinc demonstrat impiæ conatus audaciæ, quod & aduersus eas quæ tanta notitiæ mole firmatæ sunt, sese erigere non prætermisit. Nos tamen duas ob res non negamus illud sensisse Cyprianum: quod & stylus eius habet quandam propriam faciem qua possit

*Cyprianus
an errorem
de anaba-
pismo re-
tractarit.*

fit agnosci: & quòd ibi magis contra vos nostra causa monstratur inuictior, vestraque separationis præsumptio, videlicet ne macularemini peccatis alienis, tota facilitate subuertitur, cùm appareret in literis Cypriani communicata esse cum peccatoribus sacramenta, cùm admissi sunt in Ecclesiam, qui secundum vestram, & sicut vultis, illius sententiam, baptismum nõ habebant, & tamen Ecclesiam non perisse, sed in sui generis dignitate per totum orbem sparsa dominica frumenta mansisse. Ac per hoc si perturbati tanquam ad aliquem portum, sic ad auctoritatem Cypriani confugitis, videtis quem illic scopulum vester error offendit. Si autem iam nec illuc confugere audetis, sine villo luctamine naufragatis. *Porro autem Cyprianus, aut non sensit omninò quod eum sensisse recitatis: aut hoc postea correxit in regula veritatis: aut hunc quasi nauum sui candidissimi pectoris cooperuit ubere charitatis, dum unitatem Ecclesie toto orbe crescentis, & copiosissimè defendit, & perseverantissimè tenuit vinculum pacis.* Scriptum est enim: *Charitas cooperit multitudinem peccatorum.* Accessit huc etiam, quòd tanquam sarmentum fructuosissimum, si quid in eo fuerat emendandum, purgavit pater falce passionis. *Sarmentum autem, ait Dominus, quod in me facit fructum, purgat illud pater meus, ut maiorem fructum afferat.* Vnde? nisi quia hærens in diffusionem vitis, radicem non deseruit

1. Pet. 4. 8.
4. Senten.
distinct. 6.
Sunt tamè.

Ioan. 15. 2.

seruit vnitatis? *Nam etsi traderet corpus su- 1. Cor. 13. 3.*
um ut arderet, charitatem autem non habe-
ret, nihil ei prodesset. Attende adhuc paulu-
 lum in literas Cypriani, vt aduertas, quàm
 inexcusabilem ostenderit, qui se voluerit ab
 vnitae Ecclesiæ (quàm Deus in omnibus
 gentibus promisit & reddidit) quasi iustitiæ
 suæ causa separare, magisq; intelligas quàm
 sit vera sententia paulò ante à me comme-
 morata: *Filius malus ipse se iustum dicit, exitum autem suum non abluit.* Ponit in qua- *Lib. 4. epist.*
 dam Epistola sua, quam scripsit ad Anto- ^{2.}
 nianum, rem quandam satis rei de qua nunc
 agimus necessariam, sed melius eius verba
 inserimus. *Antecessores, inquit, nostri qui-*
dam de Episcopis isthinc, in prouincia nostra
dandam pacem mœchis non putauerunt, &
in totum pœnitentiæ locum contra adulteria *Verba Cy-*
clauserunt: non tamen à Cœpiscoporum suo- *priani.*
rum collegio recesserunt: aut Catholice Eccle-
sie vnitatem vel duritiæ, vel censuræ suæ obsti-
natione ruperunt, vt quia apud alios adulte-
riis pax dabatur, qui non dabat, de Ecclesia
separaretur, manente Concordiæ vinculo, &
perseuerante Catholice Ecclesie indiuiduo sa-
cramento. Actum suum disponit & dirigit
Episcopus vnusquisque, rationem propositi sui
Domino redditurus. Quid ad hæc dicis, fra-
 ter Vincenti? nempe intueris hunc tantum
 virum pacificum Episcopum, & fortissi-
 mum martyrem nihil vehementius fatigif-
 se, quàm ne vnitatis vinculum rumperetur.

Vides eum parturientem, non solùm vt paruuli in CHRISTO concepti nascantur, verùm etiam ne iam nati, de sinu matris excussi, moriantur, Porro autem ipsam rem, quam contra impios separatores commemorauit, attende.

Si adulteris communicabunt, qui pœnitentibus adulteris pacem dabant, nunquid illi qui hoc non faciebant, collegio maculabantur istorum? Si autem quod veritas habet, & quod Ecclesia meritò tenet rectè pœnitentibus adulteris pax dabatur, illi qui in totum locum pœnitentiæ contra adulteros clauderent, impiè utique agebant, qui membris CHRISTI sanitatem negabant, & clauis Ecclesiæ pulsantibus subtrahebant, & misericordissimæ patientiæ DEI, quæ illos propterea sinebat viuere, vt pœnitendo sanarentur sacrificio cõtriti spiritus, & contribulati cordis oblato, dura crudelitate contra dicebant,

Nec tamen istos misericordes & pacificos, cum eis Christiana sacramenta communicantes, & eos intra vnitatis retia tolerantes, donec ad littus perducti separarentur, tam immanis eorum error & impietas inquinabat, aut si inquinabat, iam tunc Ecclesia malorum communione deleta est, nec erat quæ pareret ipsum Cyprianum. Si autem, quod certum est, permansit ipsa Ecclesia, certum est etiam peccatis alienis

hienis in vnitate CHRISTI neminem posse maculari, non malorum factis consentientem, ne ipsis peccatis communicando polluatur, sed propter societatem bonorum, malos tanquam paleas vsque ad vltimam ventilationem in area Dominica tolerantem.

Quæcùm ita sint, vbi est præsumptio separationis vestræ? Nonne filii mali estis, qui ipsi vos iustos dicitis, exitum autem vestrum non abluitis? Iam si velim & illa commemorare quæ Tychonius homo communionis vestræ scriptis suis inferit, qui magis contra vos pro Ecclesia Catholica scripsit, frustra se ab Afrorum, quasi traditorum communionem discernens, quo vno eum Parmenianus suffocat; quid respondere poteritis, nisi quod de vobis idem Tychonius dixit, & ego paulò ante recolui, *quod volumus sanctum est?* scribit enim ille Tychonius homo (vt dixi) vestræ communionis, à ducentis & septuaginta Episcopis vestris Concilium Carthagine celebratum. In quo Concilio per septuaginta & quinque dies postpositis omnibus præteritis, limatam esse sententiam; atque decretam, vt traditoribus immanenti criminis reis, si baptizari nollent, pro integris communicaretur.

*Tychonius
Anatista*

Deuterium etiam Macrinensem Episcopum communionis vestræ, dicit traditorum plebem congregatam, Ecclesiæ miscuisse,

& secundum statuta illius Concilii à ducentis & septuaginta Episcopis vestris facti, fecisse cum traditoribus vnitatem, eique Deuterio post hoc factum iugiter communicasse Donatum: nec solùm huic Deuterio, sed etiam vniuersis Maurorum Episcopis per quadraginta annos, quos dicit vsque ad persecutionem per Macharium factam, traditoribus sine baptismo communicasse. Sed dicitis: Quis est iste Tychonius? ille est Tychonius, quem Parmenianus rescribendo compescit, & eum deterret, ne talia scribat, non tamen refellit ea ipsa quæ scribit; sed vno, sicut suprà dixi, eum premit, quod cùm talia diceret de Ecclesia toto orbe diffusa, & quod neminem in eius vnitatem macularèt aliena peccata, ab Afrorum se tamen quasi traditorum contagione remouebat, & erat in parte Donati. Posset autè dicere Parmenianus, ista eum omnia esse mentitum: sed sicut idem Tychonius commemorat, adhuc viuebant multi, per quos hæc certissima & apertissima esse ostenderentur. Sed de his taceo, contende Tychonium esse mentitum, ad Cyprianum te reuoco, cuius mentionem ipse fecisti. Prorsus secundum scripta Cypriani, si peccatis alienis in vnitatem quisque maculatur, iam ante Cyprianum periit Ecclesia, nec erat vnde existeret ipse Cyprianus. Si autem hoc sentire sacrilegum est, & certum est Ecclesiam permanere, nemo alienis peccatis in eius vnitatem maculatur,

tur, frustra filii mali iustos vos esse dicitis, exitum vestrum non abluitis, non purgatis. Cur ergo, inquis, nos, quæritis? cur sic suscipitis, quos hæreticos dicitis? Vide quàm facile breuiterq; respondeam. Quærimus vos quia peristis, vt de inuentis gaudeamus, de quibus perditis dolebamus. Hæreticos autem vos esse dicimus, sed antequam ad pacem Catholicam conuertamini, antequam errore quo irretiti estis exuamini. Cùm autem transitis ad nos, prius vtique relinquitis, quod eratis, ne ad nos hæretici transeat. Baptiza ergo me, inquis. Facerem, si baptizatus non esses, aut si Donati vel Rogati, non CHRISTI baptismo baptizatus esses. Non *Christi vna sacramenta faciunt te hereticum, sed praua dissensio.* Non propter malum quod processit ex te, negandum est bonum quod remansit in te, quod malo tuo habes, si non ibi habes, vnde est bonum quod habes. Ex Catholica enim Ecclesia sunt omnia dominica sacramenta, quæ sic habetis & datis quemadmodum habebantur & dabantur etiam priusquam inde exiretis. Non tamen ideo non habetis, quia ibi non estis, vnde sunt quæ habetis. Non in vobis mutamus in quibus nobiscum estis. In multis enim estis nobiscum. Nam & de talibus dictum est. Quoniam in multis erant mecum, sed ea corrigimus in quibus nobiscum non estis, & ea vos hic accipere volumus, quæ non habetis illic vbi estis. Nobiscum autem

*Obiectio
Donati-
starum.*

*i. q. i. ex Ca-
tholica*

estis in baptismo, in Symbolo, in cæteris dominicis sacramentis. In spiritu autem unitatis & vinculo pacis, in ipsa denique Catholica Ecclesia nobiscum non estis. Hæc si accipiatis, non tunc aderunt, sed tunc proderunt quæ habetis. Non ergò sicut putatis suscipimus vestros, sed suscipiendo efficiamus nostros, qui recedunt à vobis, ut suscipiantur à nobis. Et ut incipiant esse nostri, prius desinunt esse vestri. Nec nobis coniungi compellimus operarios erroris, quem detestamur, sed idèd nobis illos homines coniungi volumus, ne hoc sint quod de te testamur.

*à Iohanne
baptizati,
& Paulo re-
baptizati.*

Sed baptizavit, inquis, post IOHANNEM PAVLVS Apostolus: nunquid post hæreticum? aut si fortè audes illum amicum sponsi hæreticum dicere, & in unitate Ecclesiæ non fuisse, volo & hoc scribas. Si autem hoc dementissimum est vel sentire, vel dicere, iam tuæ prudentiæ est considerare, quare post Ioannem Paulus Apostolus baptizauerit. Si enim post æqualem, omnes post vos baptizare debetis. Si post maiorem, debes & tu post Rogatum. Si post minorem, debuit post te Rogatus cum presbyter baptizasset. Si autem baptismus qui nunc datur, idèd pariter valet in eis quibus datur, quamuis sint imparis meriti per quos datur, quia Christi est, non eorum à quibus ministratur: puto quod iam intelligas, idèd Paulum dedisse quibusdam baptismum Christi, quia Iohannis bapti-

baptismo fuerant baptizati, non CHRISTI.

IOHANNIS quippe baptismus ille dictus est, sicut multis locis diuina scriptura testatur, quod & ipse DOMINVS dicit; *Baptismus Iohannis unde erat, de cœlo an ex hominibus?* Baptismus autem quem dedit Petrus, non erat Petri, sed CHRISTI, & quem dedit Paulus, non erat Pauli, sed CHRISTI, & quem dederunt qui tempore Apostolorum non castè, sed per inuidiam CHRISTVM annunciabant, non erat eorum, sed CHRISTI. Et quem dederunt qui tempore CYPRIANI fundos insidiosis fraudibus rapiebant, vsuris multiplicibus fœnus augebant, non erat eorum sed Christi. Et quia Christi erat, ideo quamuis non per æquales daretur eis, tamen quibus dabatur æqualiter proderat. Nam si tantò melius quisque baptizatur, quantò à meliore fuerit baptizatus, non rectè *gratias agit Apostolus, quod neminem Corinthiorum baptizauerit, nisi Crispium & Caium & Stephana domum.* Tantò enim melius baptizarentur, quantò erat Paulus melior, si ab ipso baptizarentur. Denique cùm dicit: *Ego plantavi, Apollo rigauit*, videtur significare se Euangelizasse, illum baptizasse, Nunquid melior Apollo, quàm IOHANNES? Cur ergo post istum non baptizauit, qui post IOHANNEM baptizauerat, nisi quia iste baptismus per quemlibet datus, quamuis CHRISTO viam præpararet, tamen IOHANNIS erat? Inuidiosè dicivi-

*Iohannis
Baptismus
alius à
Baptismo
Christi.
Act. 21. 18.*

1. Cor. 2. 14.

1. Cor. 3. 6.

Gal. 5. 19.

ci videtur, post IOANNEM baptizatum est & post ebriosos non baptizatur. Sed potest & hoc inuidiosè dici, post IOANNEM baptizatum est, & post ebriosos non baptizatur. Melius enim hoc vitium commemoro, quod nec occultare possunt, in quibus regnat, & quàm multi vbique sint, quis vel cæcus ignorat? Et tamen inter opera carnis, *quæ qui agunt, regnum Dei non possidebunt*, etiam hoc ponit Apostolus, vbi etiam hæreses enumerat. *Manifesta autem, inquit, sunt opera Carnis, quæ sunt fornicationes, immunditie, luxuria, idolorum seruitus, veneficia, inimicitie, contentiones, emulationes, animositates, dissensiones, hæreses, inuidia, ebrietates, comessationes, & his similia, quæ predico vobis sicut prædixi, quoniam qui talia agunt, regnum DEI non possidebunt.* Hac ergo ratione quamuis baptizatum sit post IOANNEM, non baptizatur post hæreticum: qua ratione quamuis baptizatum sit post IOANNEM, non baptizatur post ebriosum, quoniam & hæreses, & ebrietates in eis operibus sunt, quæ opera qui agunt, regnum Dei non possidebunt. Nonne tibi videtur quasi intolerabiliter indignum, vt cum baptizatum fuerit post eum, *qui non sobriè vinum bibens, sed vinum omnino non bibens*, regno DEI viam parauit, non baptizetur post ebriosum, qui regnum DEI non possidebit? Quid hic responderetur, nisi quia ille baptismus erat IOANNIS, post quem CHRISTI baptismo baptizauit Apostolus: iste au-

tem

tem baptismus CHRISTI est, quo baptizavit ebriofus? Inter IOHANNEM & ebriofum à contrario multum interest: *inter baptismum Christi & baptismum Iohannis non à contrario: sed tamen multum interest: inter Apostolum & ebriofum multum interest: inter baptismum CHRISTI, quem dedit Apostolus, & baptismum CHRISTI, quem dedit ebriofus, nihil interest. Sic inter IOHANNEM & hæreticum, à contrario multum interest, & inter baptismum IOHANNIS, & inter baptismum CHRISTI, quem dat hæreticus, non à contrario, sed multum interest. Inter baptismum autem Christi, quem dedit Apostolus, & baptismum Christi, quem dat hæreticus, nihil interest. Agnoscitur enim sacramentorum species æqualis, etiam cum magna differentia est in hominum meritis. Sed da veniam, erravi, quando te volui de ebrioso baptizante convincere, exciderat mihi cum Rogatista me rem habere, non cum qualiscunque Donatista. Potes enim tu in tam paucis collegis tuis, & in omnibus clericis vestris nullum inuenire forsitan ebriofum. Vos enim estis, qui non ex totius orbis cõmunionem, sed ex obseruatione præceptorum omnium diuinorum atq; omnium sacramentorum tenetis Catholicam fidem: in quibus eam solis inuenturus est, *cum venerit filius hominis, quando non inueniet fidem in terra: quia nec terra estis, nec in terra, sed cœlestes in cœlo habitatis: nec timetis, nec attendi-**

NB.

attendi-

- Jacob. 4. 6.* attenditis, quia Deus superbis resistit, humilibus autem dat gratiam. Nec vos Evangelii locus ipse compuigit, ubi Dominus ait:
- Luc. 18. 10.* Cum venerit filius hominis, putas inueniet fidem in terra? Continud quippe tanquam præsciens nonnullos sibi superbè arrogaturos hanc fidem, dixit ad quosdam, qui sibi iusti videbantur, & spernebant cæteros, similitudinem hanc. *Duo quidam ascenderunt in templum orare, vnus Phariseus & alter Publicanus, & cætera.* Iam tibi quæ sequuntur, ipse responde. Inspice tamen diligentius ipsos paucos vestros, vtrum nullus illic baptizet ebriosus. Tam enim latè vastat hæc pestilentia animas, & tanta libertate dominatur, vt multum mirer, si non etiam vestrum gregiculum penetrauit: quamuis ante ipsum aduentum filii hominis vnus boni pastoris iam vos oues ab hædis separasse iactetis. Audi sanè per me vocem dominicorum frumentorum, in area dominica vsque ad vltimam ventilationem inter paleam laborantium, per totum scilicet mundum, *qua*
- Psal. 112. 3.* *DEVS vocauit terram a solis ortu vsque ad occasum*, vbi etiam pueri laudant Dominum: quicumque vos ex occasione legis huius imperialis, non dilectione corrigendi, sed inimicandi odio persequitur, displicet nobis.

*Ebrietas
regnabat
in Africa.*

*Psal. 112. 3.
23. 97. cap.
quicumq.*

Et quamuis res quæque terrena non rectè à quoquam possideri possit, nisi vel iure diuino, quo cuncta iustorum sunt, vel iure

iure humano, quod in potestate regum est terræ: ideoque res vestras falsò appellatis, quas nec iusti possidetis, & secundum leges regum terrenorum amittere iussi estis: Frustraque dicatis, non eis congregandis laborauimus, cum scriptum legatis: *Labores impiorum iusti edent.* Sed tamen quisquis ex occasione huius legis, quam reges terræ Christo seruietes, ad emendandam vestram impietatem promulgauerunt, res proprias vestras cupidè appetit, displicet nobis. Quisquis denique ipsas res pauperum, vel Basilicas congregationum, quas sub nomine Ecclesiæ tenebatis (quæ omninò non debentur nisi ei Ecclesiæ, quæ vera Christi Ecclesia est) non per iustitiam, sed per auaritiam tenet, displicet nobis. Quisquis pro aliquo flagitio, vel facinore periculum à vobis suscipit, sicut suscipiuntur, qui (excepto errore quo à nobis separamini) sine crimine apud vos vixerunt, displicet nobis. Sed nec facile ista monstratis, & si monstretis, non nullos toleramus, quos corrigere vel punire non possumus, neque propter paleam relinquitur aream Domini, neque propter pisces malos rumpimus retia Domini, neque propter hédos in fine segregandos, deserimus gregem Domini, neque propter vasa facta in contumeliam, migramus de domo Domini. Tu autem frater, quantum mihi videtur, si vanam gloriam hominum non attendas, & insensatorum contempnas opprobrium. qui

34. q. 2

quis/qui.

Basilica sola

Catholica

Ecclesia de-

bentur.

dictu-

NB.

dicturi sunt : *quare modo destruis quæ prius edificabas?* sine dubio transires ad Ecclesiam, quam veram sentire te intelligo, nec huius sententiæ tuæ testimonia longè peto. Tu quippe in eiusdem tuæ Epistolæ principio, cui nunc respondeo, hæc verba posuisti. *Cum optime*, inquis, *nouerim te longè adhuc à fide Christiana sepositum, & studiis olim deditum literarum, quietis & honestatis fuisse cultorem, cumque postea conuersus ad Christianam fidem (ut ex multorum relatione cognoui) disputationibus legalibus operam dares:* Certè si tu ad me illam Epistolam misisti, hæc verba tua sunt. *Cum ergo fatearis me conuersum ad Christianam fidem, cum ego nec ad Donatistas, nec ad Rogatistas conuersus sim, sine vlla dubitatione confirmas, & præter Rogatistas, & præter Donatistas esse Christianam fidem. Hæc ergo fides, sicut diximus, in omnibus gentibus dilatatur, quæ secundum Dei testimonium in semine Abrahamæ benedicuntur. Quid igitur adhuc dubitas tenere quod sentis, nisi quia id, quod nunc sentis, vel aliquando non sensisse, vel aliud defendisse confunderis, & dum erubescis corrigere errorem, non erubescis permanere in errore, quod utique potius erubescendum fuit? Hoc est illud quod scriptura non tacuit: Est confusio adducens peccatum, & est confusio adducens gratiam & gloriam. Confusio adducit peccatum, cum erubescit quisque prauam mutare sententiam, ne aut inconstans putetur,*

aut

NB.

Abiicere errorem laudabile. Eccles. 4. 25

aut diuersus à seipso iudice teneatur: *ita descendunt in infernum uiuentes*, id est, suam perditionem sentientes, quos Dathan & Abiron & Chore hiatu terræ absorpti, tantò antè futuros figurauerunt.

Confusio autem adducit gratiam & gloriam, cùm erubescit quisque de propria iniquitate, & pœnitendo in melius commutatur, quod te facere piget illa perniciosa confusione superatum, ne tibi ab hominibus nescientibus quid loquantur, obiiciatur illa Apostolica sententia: *Si enim quæ destruxi, hæc eadem iterum ædifico, prauaricatorem me ipsum constituo*. Quæ si dici posset etiam in eos qui veritatem correcti prædicant, quàm peruersi oppugnabant, in ipsum Paulum primitus diceretur, in quo Ecclesiæ Christi magnificabant DEVM, audientes quod euangelizaret fidem, quam aliquando vastabat.

Gal. 2. 18.

Contra conuicium Apostasia.

Nec quenquam putes ab errore ad veritatem, vel à quocunque seu magno seu paruo peccato ad correctionem sine pœnitentiâ posse transire. Sed nimis impudens error est, hinc velle calumniari Ecclesiam, quam tot diuinis testimoniis cõstat esse Ecclesiam Christi, quod alteri tractat illos qui eam deserant, si hoc ipsum pœnitendo corrigant, aliter illos qui in ea nondum fuerunt, & tunc primùm eius pacem accipiunt, illos amplius humiliando, istos lenius suscipiendo, vtrisque diligendo, vtrisque sanandis materna charitate seruiendo.


De pœnit. dist. 1. ne minem.

Habes epistolam prolixiorē fortasse, quā velles. Eset autem multò breuior, si te tantū in respondendo cogitarem. Nunc verò etiam si tibi nihil profit, non puto nihil eis profuturam, qui eam legere cum Dei timore, & sine personarum acceptione curauerint, Amen.

S. AVRELI
AVGVSTINI,

EPISTOLA L. DE CORRE-
*ctione Donatistarum ad Boni-
facium.*

ARGVMENTVM
EPISTOLÆ.

 VGVSTINVS Bonifacio viro militari de Cesaris comitatu, monstrans illi Donatistarum heresin nihil habere commune cum Arriana, & qua moderatione per metum legum imperialium heretici possunt ad Ecclesie societatem reduci, tum de Donatistarum & Circumcellionum immanitate, postremo de peccato in Spiritum sanctum non remittendo. Idem argumentum tractavit Epistola quadragesima octava.

LAUDO,



AVDO, & gratulor, & admiror fili dilectissime Bonifaci, quòd inter curas bellorum & armorum vehementer desideras ea nosse quæ Dei sunt. Verè hinc te apparet etiam de ipsa virtute militari, fidei seruire, quam habes in Christo. Vt ergo breuiter insinuem dilectioni tuæ, inter *Arrianorum & Donatistarum* quid intersit errorem. *Arriani* patris & filii & Spiritus sancti diuersas substantias esse dicunt. *Donatista* autem non hoc dicunt, sed vnã trinitatis substantiam confitentur. Etsi aliqui ipsorum minorem filium esse dixerunt, quàm pater est, eiusdem tamen substantiæ non negarunt. Plurimi verò in eis hoc se dicunt omninò credere de Patre & Filio, & Spiritu sancto, quod Catholica credit Ecclesia. Nec ipsa cum illis vertitur quæstio, sed de sola communione infeliciter litigant, & contra vnitatem Christi rebelles inimicitias peruersitate sui erroris exercent.

Arrianorum & Donatistarum discrimen

Aliquando autem sicut audiuius, nonnulli ex ipsis volentes sibi Gothos conciliare, quando eos vident aliquid posse, dicunt, hoc se credere, quod & illi credunt. Sed maiorum suorum authoritate contincuntur, quia nec Donatus ipse sic credidisse asseritur, de cuius parte se esse gloriantur. Non te autem ista conturbent fili dilectissime: Hæreses enim & scandala futura prædicta sunt, vt inter inimicos erudiamur, ac sic

Hæreses conturbantur esse.

& fides & dilectio nostra possit esse probatior. Fides utique ne ab eis decipiamur, dilectio autem, ut etiam ipsis corrigendis quantum possumus consulamus, non solum instantes ne infirmis noceant, atque ut ab errore nefario liberentur, sed etiam orantes pro eis, ut aperiat Dominus illis sensum, & intelligant scripturas, quia in sanctis libris, ubi manifestatur Dominus Christus, ibi & eius Ecclesia declaratur: isti autem mirabili cœcitate cum ipsum Christum præter scripturas nesciant, eius tamen Ecclesiam non diuinarum literarum autoritate cognoscunt, sed humanarum calumniarum vanitate confingunt.

*Non minus
ex scriptu-
ris Ecclesia
nota, quam
Christus.*

Psal. 21. 17.

Agnoscent nobiscum CHRISTVM in eo quod legitur: *Foderunt manus meas & pedes meos, dinumerauerunt omnia ossa mea: ipsi vero considerauerunt & conspexerunt me, diuiserunt sibi vestimenta mea, & super vestem meam miserunt sortem, & nolunt agnoscere Ecclesiam in eo quod post paulum sequitur: Memorabuntur & conuertentur ad Dominum uniuersi fines terre: Et adorabunt in conspectu eius uniuersæ patriæ gentium: quoniam Domini est regnum, & ipse dominabitur gentium.*

*Ecclesiæ &
niuersitas
ordine ex
scripturis
exeruitur.*

Psal. 2. 7.

Agnoscent nobiscum CHRISTVM, in eo quod legitur; *Dominus dixit ad me, Filius meus es tu, ego hodie genui te: & nolunt agnoscere Ecclesiam in eo quod sequitur: Postula a me, & dabo tibi gentes hæreditatem tuam,*
& pos-

Et possessionem tuam terminos terræ. Agnoscunt nobiscum Christum in eo quod ipse Dominus in Euangelio loquitur: *Oportebat* Luc. 24. 46. *Christum pari, & resurgere à mortuis tertia die: & nolunt agnoscere Ecclesiam in eo quod sequitur: Et prædicari in nomine eius pœnitentiam & remissionem peccatorum per omnes gentes, incipientibus ab Hierusalem.*

Et innumerabilia sunt testimonia librorum sanctorum, quæ in hunc librum coarctare non debui. In quibus sicut apparet Dominus Christus, siue secundum diuinitatem, quæ æqualis est patri, *qui in principio erat* Ioan. 1. *verbum, & verbum erat apud Deum, & Deus erat verbum,* siue secundum susceptæ carnis humilitatem, *qua verbum caro factum est, &* Multo minus nunc in sola Germania, Anglia, aut Gallia. *habitauit in nobis:* sic apparet etiam eius ecclesia, non in sola Africa (sicut isti impudentissima vanitate delirant) sed toto orbe terrarum diffusa.

Testimoniis enim diuinis lites suas præferunt, quia in causa Cæciliani quondam Ecclesiæ Carthaginensis episcopi: cui crimina obiecerunt, quæ nec potuerunt probare nec possunt, se ab Ecclesia Catholica, hoc est, ab vnitæ omnium gentium diuiserunt. Quamuis & si vera essent quæ ab eis obiecta sunt Cæciliano, & nobis possent aliquando monstrare, ipsum iam mortuum anathematizaremus: sed tamen Ecclesiam Christi, quæ non litigiosis opinionibus fingitur, sed diuinis attestationibus comprobatur,

batur, propter quemlibet hominem relin-
Psal. 117. 8. quere non debemus; quia *bonum est confidere in Domino, quam confidere in homine.* Neque enim, quod sine iniuria innocentia illius dixerim, si peccavit Cæcilianus, ideò hæreditatem suam perdidit Christus.

Facile est homini, seu vera seu falsa de altero homine credere, sed scelerata impudentia est, propter crimina hominis, quæ orbi terrarum non possis ostendere, communionem orbis terrarum velle damnare. Vtrū Cæcilianus à traditoribus diuinorum codicum fuerit ordinatus, nescio, non vidi, ab inimicis eius audiui. Non mihi de lege Dei, non de præconio Prophetarum, non de sanctitate Psalmorum, non de Apostolo Christi, non de Christi eloquio recitatur. Ecclesiam verò toto terrarum orbe diffusam, cui non communicat pars Donati, vniuersarum scripturarum testimonia consona voce proclamant. *In semine tuo benedicentur omnes gentes*, Lex Dei dicit. *Ab ortu solis usque ad occasum sacrificium mundum offertur nomini meo, quoniam glorificatum est nomen meum in gentibus*, per Prophetam dixit Deus. *Dominabitur à mari usque ad mare, & à flumine usque ad terminos orbis terrarum*, per Psalmum Dominus dixit. *Fructificans & crescens in universo mundo*, per Apostolum Dominus dixit. *Eritis mihi testes in Hierusalem, & in tota Iudea, & in Samaria, & usque ad fines terra*, Filius Dei ore suo dixit.

Cæcilianus Ecclesiæ Carthaginensis episcopus humanis litibus accusatur. Ecclesia CHRISTI in omnibus gentibus constituta, diuinis vocibus commendatur. *Ipsa pietas, veritas, charitas, nos non permittit contra Cæcilianum eorum hominum accipere testimonium, quos in Ecclesia non videmus, cui DEVS perhibet testimonium.* NB. Hostium Ecclesiæ testimonium non admittenda.

Qui enim diuina testimonia non sequuntur, pondus humani testimonii perdididerunt. Adde quod Cæciliani causam ipsi ad Imperatoris Constantini iudicium accusando miserunt, imò verò ipsum Cæcilianum post episcopalia iudicia, vbi eum opprimere non potuerunt, ad supradicti Imperatoris examen, pertinacissimis persecutoribus perduxerunt. Et quod in nobis modò reprehendunt, vt decipiant imperitos, dicentes, non debere Christianos contra inimicos CHRISTI aliquid à Christianis Imperatoribus postulare, ipsi priores fecerunt, quod etiam in collatione, quam simul apud Carthaginem habuimus, negare non ausi sunt, imò & gloriari ausi sunt, quod apud Imperatorem maiores eorū criminaliter Cæcilianum fuerint infecuti, insuper addentes mendacium, quod eum illic vicerint, fecerintque damnari. Quomodò ergo nunc ipsi non sunt persecutores, qui eum accusando persequuti sint Cæcilianum, & ab eo fuerint superati, falsam sibi gloriam impudentissimo mendacio arrogare voluerunt,

runt, non solùm culpam non putantes, verùm etiam pro sua laude iactantes, si probarent Cæcilianum maioribus suis accusantibus fuisse damnatum? Quemadmodum autem in ipsa collatione modis omnibus victi sint, quoniam valdè proluxa sunt gesta, & tibi aliis rebus Romanæ paci necessariis occupato, multum est vt legantur, Breuiarium eorum tibi legi forsitan poterit, quod credo habere fratrem, & coëpiscopum meum *Optatum*: aut si non habet, potest facilimè accipere de Ecclesia Sitiuensi, quandoquidem liber iste iam sua prolixitate curis tuis forsitan onerosus est. Hoc enim contingit Donatistis, quod accusatoribus sancti Danielis. Sicut enim in illos leones, sic in istos conuersæ sunt leges, quibus innocentem opprimere voluerunt, nisi quod propter misericordiam Christi magis pro eis sunt istæ leges, quæ illis videntur aduersæ, quoniam multi per illas correcti sunt, & quotidie corriguntur; & se esse correctos atque ab illa furiosa pernicie liberatos gratias agunt. Et qui oderant diligunt, molestasque sibi fuisse saluberrimas leges, quantum in infania detestabantur, tantum recepta sanitate gratulantur, & in residuos cum quibus fuerant perituri, iam simili dilectione nobiscum, vt pariter instemus ne illi pereant, excitantur. Molestus est enim & medicus furenti phrenetico, & pater indisciplinato filio, ille ligando, iste cædendo, sed ambo dili-

Daniel. 6.

24.

Legi contrahereticos Scilita.

diligendo. Si autem illos negligent, & perire permittant, ista potius mansuetudo falsa, crudelis est. Si enim equus & mulus, quibus non est intellectus, morsibus & calcibus resistunt hominibus, à quibus eorum curanda vulnera contrectantur, & cum inter dentes eorum & calces sapè homines periclitentur, & aliquando vexentur, non tamen eos deserunt, donec per dolores & molestias medicinales reuocent ad salutem: quantò magis homo ab homine, & frater à fratre, ne in æternum pereat, non est deserendus, qui correctus intelligere potest, quantum sibi præstabatur beneficium, quando se persecutionem perpeti querebatur? sicut ergo Apostolus dicit; *Infatigabiles cum tempus habemus operemur bonum ad omnes*: qui possunt Catholicorum præceptorum sermonibus, qui possunt Catholicorum principum legibus, partim per eos qui diuinis admonitionibus, partim per eos qui iussis imperialibus parent, omnes ad salutem uocentur, omnes à pernicie reuocentur, quia & Imperatores quando pro falsitate contra veritatem constituunt malas leges, probantur benè credentes, & coronantur perseverantes. Quando autem pro veritate contra falsitatem constituunt bonas leges, terrentur sæuientes & corriguntur intelligentes. Quicumque ergò legibus Imperatorum quæ contra veritatem Dei feruntur obtemperare non vult, acquirit grande præ-

Psal. 31. 9.

Gal. 6. 10.

*Distinct. 9.
cap. Impera.
& duobus
sequen. &
11. 9. 3. Imperatores.*

mium. Quicumque autem legibus Imperatorum, quæ pro DEI veritate feruntur, obtemperare non vult, acquirit grande supplicium. Nam & temporibus Prophetarum omnes Reges qui in populo Dei prohibuerunt, nec euerterunt quæ contra Dei præcepta fuerant instituta, culpantur, & qui prohibuerunt & euerterunt, super aliorum merita laudantur. Et rex *Nabuchodonosor*, cum feruus esset idolorum, constituit sacrilegam legem, vt simulachrum adoraretur, sed eius impiæ constitutioni qui obedire noluerunt, piè fideliterque fecerunt. Idem tamen rex, diuino correctus miraculo piam & laudabilem legem pro veritate constituit, vt *quicumque diceret blasphemiam in Deum verum Sidrac, Misac, & Abednago, cum domo suo penitus interiret.* Hanc legem si qui contempserunt, & id quod fuerat constitutum, meritò perpeffi sunt, debuerunt dicere, quod isti dicunt, se iustos esse, quia ex lege Regis persecutionem patiebantur: quod vtique dicerent, si ita insanirent, sicuti isti insaniunt, qui diuidunt membra Christi, exufflant Sacramenta Christi, & de persecutione gloriuntur: quia prohibentur ista facere legibus Imperatorum, quas constituerunt pro vnitatem Christi, & iactant fallaciter innocetiam suam, & quam non possunt à Domino accipere, ab hominibus quærunt martyrum gloriam. Veri autem martyres illi sunt, de quibus Dominus ait;

Beati

Dan. 3. 5.

Veri martyres qui.

Beati qui persecutionem patiuntur propter iustitiam. Non ergo qui propter iniquitatem, & propter Christianæ vnitatis impiam divisionem, sed qui propter iustitiam persecutionem patiuntur, hi martyres veri sunt. Nam & Agar passa est persecutionem à Sara, & illa erat sancta quæ faciebat, illa iniqua quæ patiebatur. Nunquid & huic persecutioni, quam passa est Agar, comparandus est sanctus David quem persecutus est iniquus Saul? Valdè utique distat, non quia patiebatur, sed quia propter iustitiam patiebatur. Et ipse Dominus cum latronibus crucifixus est. Sed quos passio iungebat, causa separabat. Idèd in Psalmo vox illa intelligenda est verorum martyrum, volentium se discerni à martyribus falsis: *Iudicæ Deus, & discerne causam meam de gente non sancta.* Non dixit, *discerne pœnam meam: sed discerne causam meam.* Potest enim esse impiorum similis pœna, sed dissimilis est martyrum causa: quorum & illa vox est; *iniuste persecuti sunt me, adiuua me.* Idèd se dignum existimavit, qui adiuuaretur iustè, quia illi persequebantur iniustè. Nam si iustè illi persequerentur, non fuerat adiuuandus, sed corrigendus. Si autem putant, quòd nemo possit iustè aliquem persequi, sicut in collatione dixerunt, illam esse veram Ecclesiam, quæ persecutionem patitur, non quæ facit, omitto dicere, quæ superius commemoravi: quia si ita est, ut dicunt, Cæcilianus ad veram

Matth. 9
6.10.

1. Reg. 19.
22.

Luca 23.
33.

Psal. 42. B

Psal. 118.

Persecutio
annota Ec-
clesia.

veram

veram Ecclesiam pertinebat, quando eum maiores illorum vsque ad Imperatoris iudicium accusando persequabantur. Nos enim dicimus, idè illum ad veram Ecclesiam pertinuisse, non quia persecutionem patiebatur, sed quia propter iustitiam patiebatur. Illos autem idè fuisse alienatos ab Ecclesia, non quia persequabantur, sed quia iniuste persequabantur. Nos itaque hoc dicimus. Illi verò si non quærunt causas, quare quisque faciat persecutionem, vel quare patiatur: sed hoc putant esse signum veri Christiani, si persecutionem non faciat, sed patiatur: sine dubio Cæcilianum in ea definitione constituunt, qui non faciebat, sed patiebatur. Maiores autem suos ab ea definitione foras mittunt, qui faciebant, non patiebantur. Sed hoc, vt dixi, omitto: illud dico: si Ecclesia vera ipsa est quæ persecutionem patitur, non quæ facit: quærant ab Apóstolo, quam Ecclesiam significabat Sara, quando persecutionem faciebat ancillæ. Liberam quippe matrem nostram, cœlestem Hierusalem, id est veram Dei Ecclesiam, in illa muliere dicit fuisse figuratam, quæ affligebat ancillam. Si autem melius discutiamus, magis illa persequabatur Saram superbiendo, quàm illam Sara coercendo: illa enim dominæ faciebat iniuriam, ista imponebat superbix disciplinam. Deinde quæro, si boni & sancti nemini faciunt persecutionem, sed tantummodo patiuntur: cuius

putant

23.9 4. Ec-
clesia.

Gal. 4. 26.

Gen. 16. 4.

putant esse in Psalmo vocem, vbi legitur;
Persequar inimicos meos & compræhendam illos, *Psal. 17.38.*
& non conuertar donec deficiant? Si ergo ve-
 rum dicere vel agnoscere volumus, est per-
 secutio iniusta, quam faciunt impii Ecclesiæ
 Christi, & est iusta persecutio, quam faciunt
 impiis Ecclesiæ Christi. Ista itaque beata est,
 quæ *persecutionem patitur propter iustitiam,* *Math. 5.12*
 illi verò miseri, qui persecutionem patiun-
 tur propter iniustitiam. Proinde ista perse-
 quitur diligendo, illi scruendo. Ista vt corri-
 gat, illi vt euertant. Ista vt reuocet ab erro-
 re, illi vt præcipitent in errorem. Denique
 ista persequitur inimicos & compræhendit,
 donec deficiant in vanitate, vt in veritate
 proficiant. Illi autem retribuentes mala pro
 bonis, quia eis consulimus ad æternam salu-
 tem, etiam temporalem nobis conantur au-
 ferre, sic amantes homicidia, vt in seipsis ea
 perficiant quando in aliis perpetrare non
 possunt. Sicut enim charitas laborat Eccle-
 siæ sic eos ab illa perditione liberare, vt eo-
 rum nemo moriatur: sic eorum laborat furor,
 aut nos occidere vt suæ crudelitatis pascant
 libidinem, aut etiam se ipsos, ne perdidisse
 videantur occidendorum hominum pote-
 statem. Qui autem nesciunt consuetudinem
 illorum, putant eos modo se ipsos occide-
 re, quando ab eorum insanissima domina-
 tione per occasionem legum istarum, quæ
 pro vnitatem sunt constitutæ, tanti populi li-
 berantur. Qui autem sciunt, & ante ipsas
 leges

*Prodigiōsa
mōtia cū-
piditas.*

leges quid facere soleant, non eorum mirantur mortes, sed recordantur mores: maximè quando adhuc cultus fuerat idolorum, ad paganorum celeberrimas solennitates ingentia turbarum agmina veniebant, non vt idola frangerent, sed vt interficerentur à cultoribus idolorum. Nam illud si accepta legitima potestate facere vellent, si quid eis accidisset, possent habere qualemcunque vmbra[m] nominis martyrum, sed ad hoc solùm veniebant, vt integris idolis ipsi perimerentur.

Nam singuli quique valentissimi iuvenes cultores idolorum, quis quot occideret, ipsis idolis vouere consueuerant. Quidam etiam se trucidandos armatis viatoribus ingerebant, percussuros eos se, nihil ab eis perimerentur, terribiliter comminantes. Nonnunquam & à iudicibus transeuntibus extorquebant violenter, vt à carnificibus vel ab officio ferirentur. Vnde quidam illos sic illuisse perhibetur, vt eos tanquam percutiendos ligari & dimitti iuberet, atque ita eorum impetum incruentus & illæsus euaderet. Iam verò per abrupta præcipitia, per aquas & flammam occidere se ipsos quotidianus illis ludus fuit. *Hæc enim eos tria moriis genera diabolus docuit, vt mori volentes, quando non inueniebant quem terrent, vt eius gladio ferirentur, per saxa se mitterent, aut ignibus gurgitibusque donarent.* Quis autem illos hæc docuisse credendus est, possidens

dens cor eorum, nisi ille qui & Saluatori nostro, vt se de pinna templi præcipitaret, tanquam de lege iugessit? Cuius suggestionem à se vtique prohiberent, si magistrum Christum in corde portarent. Sed quia in se diabolo potius dederunt locum, ac sic per-
 eunt, quemadmodum grex ille porcorum, *Matth. 5. 13*
 quem de monte in mare turba dæmonum deiecit: aut illis mortibus erepti, pio matris Catholicæ gremio collecti, ita liberâtur, quemadmodum est à Domino liberatus, quem pater eius à dæmonio sanandum obtulit, dicens: *quod aliquando cadere in aquam, Matth. 17. 15.*
aliquando in ignem soletet. Vnde magna in eos fit misericordia, cum etiam per istas Imperatorum leges, ab illa secta, vbi per doctrinas dæmoniorum mendaciloquorum mala ista didicerunt, prius eripiuntur inuiti, vt in Catholica postea bonis præceptis & moribus sanentur assueti. Nam multi eorum quorum iam in vnitate Christi, pium fidei feruorem charitatemque miramur, cum magna lætitia Deo gratias agunt, quòd illo errore caruerunt, vbi mala ista bona putauerunt: quas gratias modò volentes non agerent, nisi prius etiam nolentes ab illa nefaria societate discederent. Quid de illis dicamus, *Timore periculi multi à Catholica detinentur.*
 qui nobis quotidie confitentur, quòd iam olim volebant esse Catholici; sed inter eos habitabant, inter quos id quod volebāt esse, non poterant per infirmitatē timoris, vbi si vnum verbū pro Catholica dicerent, & ipsi
 & dō-

& domus eorum funditùs euerterétur. Quis est tam demens, qui neget istis debuisse per iussa Imperialia subueniri, vt de tanto eruerentur malo, dum illi quos timebant timere coguntur, & eodé timore, aut etiam ipsi corriguntur, aut certè cùm se correctos esse confingunt, correctis parcunt, à quibus antea timebantur. Si autem se ipsos occidere voluerint, ne illi qui liberandi sunt liberentur, & eo modo liberantium terrere pietatem, vt dum timetur, ne quidam perditii pereant, non eruantur perditioni, qui vel iam nolabant perire, vel coërciti poterant non perire; quid hic agit charitas Christiana, præsertim cùm illi, qui suas mortes voluntarias & furiosas minantur, in populorum liberandorum comparatione perpauci sint? Quid agit ergo fraterna dilectio? vtrum dum paucis transitorios ignes metuit caminorum, dimittit omnes æternis ignibus gehennarum: & tam multos vel iam volentes, vel postea non valentes per Catholicam pacé ad vitam venire perpetuam relinquit in interitum sempiternû, cauendo ne quidam voluntario moriatur interitu, qui viuunt ad impedimentum salutis aliorû, quos non permittunt secundû Christi doctrinã viuere, vt eos doceant, quocunq; tēpore secundum consuetudinē doctrinæ diabolice ad eas, q̄ in illis modò timétur mortes voluntarias festinare: an potius cōseruat quos potest, & si spōtè pereant quos cōseruare non potest? Vt n. omnes viuant

Ignis.

uant ardentè exoptat : sed omnes ne per-
 cant, plus laborat. Gratias autem Domino,
 quod & apud nos, non quidem in omnibus,
 sed valdè in pluribus locis, & per alias Afri-
 cæ partes, sine vllis istorum infanorum mor-
 tibus, pax Catholica cucurrit & currit: Ibi
 autem illa funesta contingunt, vbi est tam
 furiosum & inutile hominum genus, qui &
 aliis temporibus eadem facere consueue-
 runt. Et prius quidem quàm istæ leges à Ca-
 tholicis Imperatoribus mitterentur, pacis
 atque vnitatis Christi paulatim doctrina cre-
 scebat, & in eam quisque sicut discebat &
 volebat & poterat ex ipsa parte transibat,
 cùm tamen apud illos perditorum hominum
 dementissimi greges in diuersis causis quie-
 tem innocentium perturbarent. Quis non
 Dominus seruum suum timere compulsus
 est, si ad illorum patrocinium confugisset?
 Quis euerfori minari saltem audebat? quis
 consumptorem apothecarum, quis quemli-
 bet poterat exigere debitorem, auxilium eo-
 rum defensionemque poscentem, timore fu-
 stium & incendiolorum mortisque præsentis?
 Pessimorum seruorum vt liberi abscederent
 tabulæ frangebantur, extorta debitoribus
 chirographa reddebantur. Quicumque dura
 illorum verba contempserant, durioribus
 verberibus quod iuebant facere cogeban-
 tur, innocentium qui eos offenderat domus
 aut deponebantur ad solum, aut ignibus cre-
 mabantur. Quidam patres familiâs honesto

*Cruelitas
 Circumces-
 lionum.*

loco nati, & generoso cultu educati, vix viui post eorum cædes ablati sunt, vel vinc̄ti ad molam, & eam in gyrum ducere, tanquam iumenta cōtemptibilia verberere adacti sunt. Quod enim de legibus auxilium, à ciuilibus potestatibus aduersus eos aliquid valuit? quis in præsentia eorum officialis anhelauit, quisque quod illi noluisſent, exactor exegit? Quis eos qui eorum cædibus extincti sunt vindicare tentauit, nisi quod propria de illis pœnas poscebat insania, cum alii prouocandis in se gladiis hominum, quos vt ab eis ferirentur, morte terrebant, alii per varia præcipitia, alii per aquas, alii per ignes, se in mortes voluntarias vsquequaq; mittebant, & animas ferales à se sibi illatis suppliciiis proiiciebant? Horrebant ista plurimi in ipsa superstitione hæretica constituti, & cū innocentia suâ sufficere arbitrarentur, quòd sibi talia displicerent, dicebatur eis à Catholicis: Si innocentiam vestram mala ista non pollunt, quomodo dicitis orbem Christianū vel falsis vel certè ignotis Cæciliani peccatis esse pollutum? Quomodo vos nefario scelere, ab vnitatem catholica, tanquam ab area dominica separatis, quæ vsque ad tempus ventilationis necesse est vt habeat & frumentum in horreo recondendū, & paleam ignibus consumendam? Atque ita quibusdam ratio reddebatur, vt aliqui ad vnitatem Catholicam etiam inimicitias perditorum parati sustinere transirent: sed plures, quamuis id vellent,

eostamen homines, quibus tanta fuerat li-
 centia sæuendi, inimicos facere non aude-
 bant. Nonnulli quippe illos, cùm ad nos
 transissent, crudelissimos passi sunt. Accidit
 etiam vt apud Carthaginem quendam dia-
 conum suum, nomine MAXIMIANVM, con-
 tra Episcopum suum superbientem, quidam
 Episcoporum eiusdem partis facto schisma-
 te & in plebe Carthaginis diuisa parte Do-
 nati ordinarent Episcopum contra Episco-
 pum. Quod cùm eorum pluribus displice-
 ret, eundem Maximianum cum aliis duode-
 cim, qui eius ordinationi præsentibus affue-
 rant damnauerunt, cæteris autem ad ean-
 dem societatem schismatis pertinentibus,
 die constituto facultatem redeūdi dederunt.
 Sed postea ex ipsis duodecim quosdam, & ex
 illis quibus dilatio data fuerat, post diem po-
 situm redeuntibus, propter pacem suam in suis
 honoribus susceperunt, & quoscunque ex-
 tra ipsorum communionem damnati bapti-
 zauerant, rebaptizare non ausi sunt. Cœpit
 hoc eorum factum contra illos pro Catholi-
 cam multum valere, vt ora eorū penitus clau-
 derentur. Quæ res cùm (sicut oportebat) ad
 sanandos ab schismate animos hominum
 spargeretur instātius, & quaquā versum po-
 terat Catholicorum sermonibus ac disputa-
 tionibus monstraretur: eos pro pace Donati
 & damnatos suos in honorē suum integrum
 suscepisse, & baptismum quem damnati, vel
 etiam dilati foris ab Ecclesia eorū dederant,

non aulos fuisse rescindere, & orbi terrarum
 contrapacem Christi contaminationem (ne-
 scio quorum) obiicere peccatorum, & eua-
 cuare baptismum in illis quoque Ecclesiis
 datum, vnde in Africam venit ipsum Euan-
 gelium: plurimi confundebantur, & mani-
 festæ veritati erubescerentur corrigebantur,
 solito crebrius, & multò magis vbicunque
 ab eorum sæuitia respirabat aliquanta liber-
 tas. Tum verò illi sic exarserunt; & tantis
 sunt odiorum stimulis incitati, vt contra eo-
 rum insidias atque violentias, & apertissima
 latrocinia, vix vllæ nostræ communionis Ec-
 clesiæ possent esse securæ, vix vlla via tuta,
 quæ iter agerent, quicumque aduersus eorum
 rabiem pacem Catholicam prædicarent, eo-
 rumque dementiam perspicua veritate con-
 uincerent. Vsq; adeò prorsus non solum lai-
 cis, vel quibuslibet clericis, sed ipsis quoque
 Episcopis Catholicis, quodam modo propo-
 nebatur dura conditio. *Aut enim tacenda erat
 veritas, aut eorum immanitas perferenda.* Sed
 si veritas taceretur, non solum nemo fuerat
 eius silentio liberandus, sed multi etiam il-
 lorum seductione perdendi. Si autem veri-
 tatis prædicatione furor eorum ad sæuien-
 dum prouocaretur; aliquibus liberatis no-
 strisque firmatis, rursus à sequenda veritate,
 formido impediret infirmos. Cùm igitur his
 angustiis affligeretur Ecclesia, quisquis exi-
 // stimat omnia potius sustinenda, quàm Dei
 // auxilium, vt per Christianos Imperatores
 ferre-

ferretur, fuisse poscendum, parum attendit //
 non bonam de hac negligentia reddi potuif- //
 se rationem. Quod enim dicunt, qui contra ^{23. q. 4. §}
 suas impietates leges iustas constitui nolunt: ^{Ecclesiim.}
*non petisse à regibus terre Apostolos talia, non
 considerant aliud fuisse nunc tempus, & omnia
 suis temporibus agi.* Quis enim tunc in Chri-
 stum crediderat Imperator, qui ei pro pieta-
 te contra impietatem leges ferendo seruiret,
 quando adhuc illud propheticum comple-
 batur: *Quare fremuerunt gentes: & populi* ^{Psal. 2. 1.}
*meditati sunt inania? Astiterunt reges terre &
 principes conuenerunt in unum aduersus Domi-
 num & aduersus Christum eius.* Nondum au-
 tem agebatur, quod paulò post in eodem
 Psalmo dicitur: *Et nunc reges intelligite, eru-* ^{ibid. 6. 10.}
*dimini qui iudicatis terram: Seruite Domino in
 timore, & exultate ei cum tremore.* Quomodo
 ergo reges Domino seruiunt in timore, nisi
 ea, quæ contra iussa Domini fiunt, religiosa
 seueritate prohibendo atque plectendo? Ali-
 ter enim seruit quia homo est, aliter quia et-
 iam rex est: quia homo est, ei seruit viuendo
 fideliter, quia verò etiam rex est, seruit leges
 iusta præcipientes; & contraria prohiben-
 tes, conuenienti vigore sanciendo. Sicut ser- ^{4. Reg. 18. 4.}
 uiuuit Ezechias, lucos & templa idolorum, &
 illa excelsa quæ contra Dei præcepta fue-
 rant constructa, destruendo. Sicut seruiuit ^{4. Reg. 23.}
 Iosias, talia & ipse faciendo. Sicut seruiuit ^{6. 4. 5.}
 rex Niniuitarum, vniuersam ciuitatem ad ^{Isa. 3. 6. 6.}
 placandum Dominum compellendo. Sicut

Daniel. 14.
24.

Dan. 3. 96.

seruiuit Darius idolum frangendum in potestatem Danieli dando, & inimicos eius leonibus ingerendo. Sicut seruiuit Nabuchodonosor, de quo iam diximus, omnes in regno suo positos à blasphemando Deo lege terribili prohibendo. In hoc ergo seruiunt Domino reges, in quātum sunt reges, cū ea faciunt ad seruiendum illi, quæ nō possunt facere nisi reges. Cū itaq; nondum reges Domino seruirent temporibus Apostolorū, sed adhuc meditarentur inania aduersus Deū, & aduersus Christum eius, vt Prophetarū prædicta omnia complerentur, non vtique tunc possent impietates legibus prohiberi, sed potius exerceri. Sic enim ordo temporum voluebatur, vt & Iudæi occiderent prædicatores Christi, putantes se officium Deo facere, sicut prædixerat Christus, & gentes frēmerent aduersus Christianos, & omnes patientia martyrum vinceret. Postea verò quā cœpit impleri quod scriptum est: *Et adora-*

Psal. 71. 11. *bunt eum omnes reges terræ, omnes gētes seruient illi:* qui mente sobrius regibus dicat. Nolite curare in regno vestro, à quo teneatur vel oppugnetur Ecclesia Domini vestri, non ad vos pertineat in regno vestro, quis velit esse siue religiosus, siue sacrilegus: quibus dici non potest, non ad vos pertineat in regno vestro, quis velit pudicus esse, quis impudicus? Cur enim cū datum sit diuinitus homini *liberum arbitrium*, adulteria legibus puniantur & sacrilegia permittantur? An fidem

non

non seruare leuius est animam Deo, quàm fœminam viro? Aut si ea quæ non contemptu, sed ignorantia religionis committuntur, mitius vindicanda, nunquid ided negligenda sunt? Melius est quidem, quis dubitauerit, ad Deum colendum doctrina homines duci, quàm pœnæ timore vel dolore compelli? Sed non quia isti meliores sunt, ideo illi qui tales non sunt, negligendi sunt. Multis enim profuit (quod experimentis probauimus & probamus) prius timore vel dolore cogi, vt postea possint doceri, aut quod iam verbis didicerant, opere sectari. Proponunt nobis quidam sententiam secularis authoris, qui dixit: *Pudore & liberalitate liberos retinere, satius credo esse quàm metu.* Hoc quidem verum est, sed sicut meliores sunt, quos dirigit amor, ita plures sunt, quos corrigit timor. Nam vt de isto authore istis respondeatur, apud illum etiam legunt: *Tu nisi malo coactus, rectè facere nescis.* Porro autem scriptura diuina, & propter illos meliores dixit, *Timor non est in charitate, sed perfecta charitas foràs mittit timorem.* Et propter hos inferiores qui plures sunt, ait: *Verbis non emendabitur seruus durus, si enim & intellexerit, non obediet.* Cùm dixit, verbis eum non emendari: non eum iussit desereri, sed tacitè admonuit, vnde debeat emendari. Alioquin non diceret: verbis non emendabitur, sed tantummodo diceret, non emendabitur. Alio quoque loco dicit, non solùm

Obiectio contra seueritatem legum imperial.

Terent in Adelph.

1. Ioan 4. 18.

Prou. 29. 19.

Prover. 23.
14.
Prover. 13.
24.
Psal. 41.3.
Philip. 1.23.
Ioan. 15.13.
Marc. 1.16.
Matt. 4.18.
Act. 9.4.

seruum, sed etiam *filium indisciplinatum* plagi esse coercendum, & magno fructu. Nam tu quidem, inquit, percutis eum virga, animam vero eius liberabis à morte. Et alibi dicit; *Qui parcit baculo, odit filium suum*, Da qui recta fide veròque intellectu, totis animæ suæ viribus dicas: *Sitiuit anima mea ad Deum fontem vivum, quando veniam & apparebo ante faciem Dei.* & huic tali, non solùm temporalium pœnarum, vel imperialium legum, sed nec gehennarum timor est necessarius, cui tam desiderabile bonum est adhærere Deo, vt non solùm ab illa felicitate alienari, tanquam magnum supplicium perhoreseat, verùm etiam differri molestè ferat. Sed tamen antequam dicant boni filii, *Concupiscentiam habemus dissolui, & esse cum Christo:* multi prius tanquam mali serui, & quodammodo improbi fugitiui, ad Dominum suum temporalium flagellorum verberare reuocantur. Quis enim nos potest amplius amare quam Christus, *qui animam suam posuit pro omnibus suis?* Et tamen cùm Petrum & alios Apostolos solo verbo vocasset, Paulum prius Saulum, Ecclesiæ suæ postea magnum ædificatorem, sed horrendum antea vastatorem, non solùm voce compescuit, verum etiam potestate prostrauit, atque vt infidelitatis tenebris sæuientem ad desiderandum lumen cordis vrgeret, prius corporis cœcitate percussit. Si pœna illa non esset, non ab ea postmodum sanaretur. Et quando aper-

tis oculis nihil videbat, si eos saluos haberet non ad impositionem manus Ananiæ, vt eorum aperiretur obtutus, tanquam squamas quibus clausus fuerat inde cecidisse scriptura narraret. *Alia excerptio.* *Vbi est quod isti clamare consueverunt, liberum est credere, vel non credere.* Cui vim Christus intulit? quem coëgit? Ecce habent Paulum Apostolum, agnoscant in eo prius cogentem Christum, & postea docentem: prius ferientem, & postea consolantem. Mirum est autem quomodo ille qui pœna corporis ad Euangelium coactus intrauit: *plus illis omnibus, qui solo verbo vocati sunt, in Euangelio laborauit.* *1. Cor. 15. 10.* Et quæ maior timor compulit ad charitatem, eius perfecta charitas foras misit timorem. Cur ergo non cogeret Ecclesia perditos filios vt redirent, si perditii filii coëgerunt alios vt perirent? Quamuis etiam illos quos non cogerunt, sed tantummodo seduxerunt, si per terribiles, sed salubres leges in eius gremio reuocentur, blandius pia mater amplectitur, & de illis multò amplius, quàm de his quos nunquam perdiderat gratulatur. An non pertinet ad diligentiam pastoraalem, etiam illas oues quæ non violenter ereptæ, sed blandè leniterque seductæ: à grege aberrauerint, & ab alienis cœperint possideri, inuentas ad ouile dominicum, si resistere uoluerint, flagellorum terroribus, vel etiam doloribus reuocare: præsertim quoniam si apud fugitiuos & prædones seruos fœcunditate

ditate multiplicentur, plus habet iuris quod in eis *Dominicus Character* agnoscitur, qui in eis quos suscipimus, nec tamen rebaptizamus, minimè violatur? *Sic enim error corrigendus est ovis, ut non in ea corrumpatur signaculum redemptoris.* Neque enim si quisquam regio caractere à signato desertore signetur, & accipiat indulgentiam, atque ille redeat ad militiam, ille autem esse in militia, in qua nondum erat, incipiat, in aliquo eorum caractere rescinditur, an non potius in ambobus agnoscitur, & honore debito quoniã regius est approbatur? Quia ergo non possunt malū esse ostendere quo coguntur, nec ad bonum se cogi oportere contendunt, sed à Christo coactum ostendimus Paulū: imitatur itaq; Ecclesia in istis cogendis Dominū suum, quæ prius ut neminē cogeret expectavit, ut de fide regum atq; gentium prædicatio prophetica compleretur. Etiam hinc enim non absurdè intelligitur illa Apostolica sententia, ubi Paulus beatus dicit: *Parati ulcisci omnem inobedientiam, cūm completa fuerit prior obediētia vestra.* Vnde & ipse Dominus ad magnam cœnam suā prius adduci iubet conuiuas, postea cogi. Nam cūm ei serui sui respondissent: *Domine factum est quod iussisti, & adhuc est locus; Exite, inquit, in vias & sepes, & quoscunq; inueneritis, cogite intrare,* In illis ergo qui leniter primò adducti sunt, completa est prior obediētia. In iis autem qui coguntur, inobediētia co-

ercetur.

2. Cor. 10.

Luc. 14. 17.

Luc. 14. 23.

ercetur. Nam quid est, *cogite intrare* : cùm primò dictum esset, *Adducite*: & responsum esset, *Factum est quod iussisti, & adhuc est locus?* Si miraculorum terroribus cogendos voluisset intelligi, magis ad eos, qui prius vocati sunt diuina miracula multa facta sunt, maximè ad Iudæos, de quibus dictum est: *Iudæi signa petunt*. In ipsis quoque gentibus talia temporibus Apostolorum miracula Evangelium commendauerunt, vt si talibus cogi iuberentur, priores (vt dixi) potius conuiuæ coacti esse meritò crederentur. Quapropter si potestate, quam per religionem ac fidem regum, tempore quo debuit, diuino munere accepit Ecclesia, hi qui inueniuntur in viis & in sepibus, id est, in hæresib. & schismatibus coguntur intrare, non quia coguntur reprehendant, sed quò cogantur, attendant. Conuiuium Domini, vnitas est corporis Christi, non solum in sacramento altaris, sed etiam in vinculo pacis. De ipsis sanè possumus verissimè dicere, quod neminem cogant ad bonum. Quoscumque enim cogunt, non cogunt nisi ad malum. Veruntamen antequam istæ leges, quibus ad conuiuium sanctum coguntur intrare, in Africam mitterentur, nonnullis fratribus videbatur, in quibus & ego eram; quamuis Donatistarum rabies vsquequaque sæuiret, non esse petendum ab Imperatoribus, vt ipsam hæresim iuberent omninò non esse, pœnam constituendo eis, qui in illa esse voluissent, sed hoc

1. Cor. 1. 22

*Augustini
& aliorum
sententia
prior, de
modo agen-
di cum hæ-
reticis.*

Lex in hæreticos.

sed hoc potius constituerent, ut eorum furiosas violentias non paterentur, qui veritatem Catholicam vel prædicarent loquendo, vel legerent constituendo. Quod eo modo fieri aliquatenus posse arbitramur, si legem piissimæ memoriæ *Theodosii*, quam generaliter in omnes hæreticos promulgavit, ut quisquis eorum Episcopus, vel clericus vbilibet esset inuentus, decem libris auri mulctaretur, expressius in Donatistas, qui se negabant hæreticos, ita confirmarent, ut non omnes ea mulcta ferirentur, sed in quorum regionibus aliquas violentias à Clericis, vel à Circumcellionibus, vel populis eorum Ecclesia Catholica pateretur: ut scilicet post protestationem Catholicorum, qui fuissent ista perpeffi, iam cura ordinum ad persolvendam mulctam episcopi siue ministri cæteri tenerentur. Ita enim existimabamus eis territis, & nihil tale facere audentibus, posse liberè doceri & teneri Catholicam veritatem, ut ad eam cogeretur nemo, sed eam qui sine formidine vellet sequeretur, ne falsos & simulatores Catholicos haberemus. Et quamvis aliis fratribus aliud videretur, iam ætate grauioribus, vel multarum ciuitatum & locorum exempla currentibus, vbi firmam & veram Catholicam videbamus, quæ tamen ibi talibus beneficiis Dei constituta esset atque firmata, dum per priorum imperatorum leges ad communionem homines Catholicam cogerentur: obtinuimus

mustamen, vt illud potius quod dixi ab Imperatoribus peteretur, decretum est in concilio nostro, legati ad comitatum missi sunt. Sed Dei maior misericordia, qui sciret, harum legum terror & quædam medicinalis molestia quàm multorum esset prauis vel frigidis animis necessaria, & illi duritiæ, quæ verbis emendari non potest, sed tamen aliquantula seueritate disciplinæ potest, id egit vt legati nostri quod susceperant, obtinere non possent. Iam enim nos præueniant ex aliis locis quædam Episcoporum querelæ grauissimæ, qui mala fuerant ab ipsis multa perpessi, & à suis sedibus exturbati, præcipuè horrenda & incredibilis cædes *Maximiani Episcopi Catholica Ecclesiæ Vagiensis* effecit, vt nostra legatio iam quid ageret, non haberet.

Iam enim lex fuerat promulgata, vt tantæ immanitatis hæresis Donatistarum, cui crudelius parci videbatur, quàm ipsa sæuebat, non tantùm violenta esse, sed omnino esse non sineretur impunè: non tamen supplicio capitali propter seruandam etiam circa indignos mansuetudinem Christianam, sed pecuniariis damnis propositis, & in episcopos vel ministros eorum exilio constituto, supradictum quippe Episcopum Vagiensem, quoniam apud ordinarium iudicem dicta inter partes sententia, obtinuerat basilicam, quam illi, cum Catholica esset, inuaserunt, stantem ad altare irruentes horren-

Lex pecuniaria in Donatistis.

*Periculum
Maximiani a Donatistis.*

horrendo impetu & furore crudeli, fustibus & huiuscemodi telis, lignis denique eiusdem altaris effractis inmaniter ceciderunt, pugione etiam percusserunt in inguine, quo vulnere sanguis effluens eum exanimem redderet, nisi ei ad vitam maior sæuitia eorum profuisset. Nam cum grauiter fauciatum per terram insuper traherent, exundanti venæ puluis obstrusus sanguine obtinuit, cuius effusione ibat in mortem. Deinde cum ab eis tandem relictum, nostri cum Psalmis auferre tentarent, illi ira ardentiore succensi, eum de portantium manibus abstulerunt, malè mulctatis fugatisque Catholicis, quos ingenti multitudine superabant, & facilè sæuendo terrebant. Inde in quandam turrem leuatum, iam defecisse arbitrantur, cum ille adhuc viueret, abiecerunt.

Sed quodam molli aggere exceptus, & à quibusdam nocte transeuntibus per lucernam conspectus, agnitus atque collectus, & ad religiosam domum apportatus, adhibita magna cura post multos dies cum ab illa desperatione recreatus esset, occisum eum tamen fama scelere Donatistarum etiam trans mare nunciauerat: quod posteaquam venit & vita eius inopinatissima apparuit, cicatricibus suis, tam multis, tam ingentibus, tam recentibus, non frustra fama mortuum se nunciasse monstrauit. Auxilium ergo petiuit ab Imperatore Christiano, non tam sui

vlcif

vlciscendi causa, quàm tuendæ Ecclesiæ sibi
 creditæ. *Quod si prætermisisset, non eius*
fuisse laudanda patientia, sed negligentia
merito culpanda. Neque enim & Apосто-
 lus Paulus vitæ suæ transitoria consulebat
 sed Ecclesiæ DEI, quando contra illos, qui
 eum occidere conspirauerant, consilium il-
 lorum Tribuno vt proderetur effecit. Vnde
 factum est, vt eum ad locum quo fuerat per-
 ducendus, deduceret miles armatus, ne il-
 lorum pateretur insidias. Romanas etiam
 leges implorare minimè dubitauit, *ciuem*
Romanum se esse proclamans, quos tunc af-
 fligi verberibus non licebat. Itemque ne
 Iudæis eum interimere cupientibus trade-
 retur, Cæsaris poposcit auxilium, Romani
 quidem principis, sed non Christiani. Vbi
 satis ostendit, quid facere deberent postea
 CHRISTI dispensatores, quando impe-
 ratores Christianos periclitante Ecclesia re-
 perirent.

Hinc ergo factum est, vt imperator reli-
 giosus & pius perlatis in notitiam suam tali-
 bus causis, mallet piissimis legibus illius im-
 pietatis errorem omninò corrigere, & eos
 qui contra CHRISTVM Christi signa por-
 tarent, ad vnitatem Catholicam terrendo
 & coërcendo redigere, quam sæuendi
 tantummodò auferre licentiam, & er-
 randi ac pereundi relinquere. Iam verò
 cum ipsæ leges venissent in Africam, præci-
 puè illi qui quærebant occasionem, aut sæ-
 uitiam

H. L.
 uitiam furentium metuebant, aut suos verecundabantur offendere, ad Ecclesiam continuo transferunt, multi etiam qui sola illic à parentibus tradita consuetudine tenebantur, qualem verò causam ipsa hæresis haberet, nunquam antea cogitauerant, nunquam quærere & considerare voluerant; mox ubi cœperunt aduertere, & nihil in ea dignum inuenire, propter quod tanta damna paterentur, sine vlla difficultate Catholici facti sunt. Docuit enim eos sollicitudo, quos negligentes securitas fecerat. Istorum autem omnium præcedentiũ authoritatem & persuasionem secuti sunt multi, qui minus idonei erant per se ipsos intelligere, quod distaret inter Donatistarum errorem, & Catholicam veritatem: ita cum magna agmina populorum vera mater in sinum gaudens reciperet, remanserunt turbæ duræ, & in illa peste infelici animositate sistentes. Ex his quoque plurimi simulando communicauerunt, alii paucitate latuerunt. Sed illi qui simulabant paulatim assuescendo, & prædicationem veritatis audiendo, maximè post collationem & disputationem, quæ inter nos & Episcopos eorum apud Carthaginem fuit, ex magna parte correcti sunt. In quibusdam verò locis, ubi pertinacior & impacatior præualuit multitudo, cui resistere non poterant pauciores, quorum erat melior de communionem sententia, aut turbæ authoritati paucorum potentiorum subditæ in malam partem,

tem, obtemperarunt, aliquando diutius laboratum est. Ex his sunt in quibus adhuc laboratur, in quo labore multi Catholici, & maximè episcopi & clerici horrenda & dura perpeffi sunt, quæ commemorare longum est, quando quorundam, & oculi extincti sunt, & cuiusdam episcopi manus & lingua præcisa est: nonnulli etiam trucidati sunt. Taceo crudelissimas cædés, & domorum deprædationes, per nocturnas aggressiones & incendia, non solum priuatorum habitaculorum, verum etiam Ecclesiarum, in quas flammæ non defuerunt, qui & codices dominicos mitterent. Sed nos huiusmodi afflictos malis, consequens consolatus est fructus. Nam vbicumque à perditis ista commissa sunt, ibi feruentius atque perfectius vnitas Christiana profecit, & vberius laudatur Dominus, qui donare dignatus est, vt serui eius passionibus suis lucrarentur fratres suos, & oues eius mortifero errore dispersas in pacem salutis æternæ suo sanguine congregarent. Potens est Dominus & misericors, quem quotidie rogamus, vt etiam cæteris det pœnitentiam & resipiscant de diaboli laqueis, à quo captiui tenentur secundum ipsius voluntatem, qui non quærunt nisi vnde nobis calumpnientur, & retribuunt mala pro bonis: quia nec intelligere nouerunt, quem circa eos animum dilectionemq; seruemus, & quomodo eos velimus secundum Domini præceptum, quod per *Ezechielem* Prophetam

Donatistarum immanitas.

i. Tim. 2. 26

Psal. 34. 12

Exec. 34. 4. Pastoribus dedit, *reuocare errantes, & perditos inuenire*. Illi autem quod & alibi aliquando diximus, & quod nobis faciunt, sibi non imputant, & quod sibi faciunt, nobis imputant. Quis enim nostrum velit nō solum aliquem illorum perire, verū etiam aliquid perdere? Sed si aliter non meruit pacem habere domus David, nisi *Absalon* filius eius in bello, quod contra patrem gerebat, fuisset extinctus, quamuis magna cura mandauerit suis, vt eum quantum possent viuum saluumque seruarent, vt esset cui pœnitenti paternus affectus ignosceret, quid ei restitit, nisi perditum flere, & sui regni pace acquisita suam mœstitiã consolari? Sic ergo Catholica mater bellantibus aduersus eã quid aliud quàm filiis suis, quia vtique ex ipsa magna arbore, quæ ramorum suorum porrectione toto orbe diffunditur, iste in Africa ramusculus fractus est, cum eos charitate parturiat; vt redeant ad radicem, sine qua veram vitam habere non possunt, si aliquorum perditione cæteros tam multos colligit, præsertim quia isti non sicut *Absalon* casu bellico, sed spontaneo magis interitu pereunt, dolorem materni cordis, lenit & sanat tantorum liberatione populorum. Quorū si videas in Christi pace læticias, frequentias, alacritates, & ad hymnos audiendos & canendos, & ad verbum Dei percipiendum celebres hilaresque conuentus, multorumq; in eis cū dolore magno recordationem præteriti erroris, &

cum

cum gaudio considerationem cognitæ veritatis, & cum indignatione & detestatione mendacium magistrorum, quod modo cognoscant de nostris sacramentis quàm falsa iactauerint: multorum etiam in eis confessiones, quod olim vellent esse Catholici, nec inter homines tanti furoris auderent: horum ergo populorum congregationes per plurimas Africæ regiones, ab illa perditione liberatorū, si sub vno cōspectu videres, tunc diceres, nimix fuisse crudelitatis, si dum timeretur, ne homines desperati & istorū innumerabili multitudini nulla æstimatione comparandi suis & voluntariis ignibus cremarentur, isti in æternum perdendi, & sempiternis ignibus cruciandi relinquenterent. Si enim duo aliqui in vna domo habitarent, quàm certissimè sciremus esse ruituram, nobisque id prænunciantibus nollent credere, atque in ea manere persisterent, si eos inde possemus eruere vel inuitos, quibus iminentem illam ruinam postea demonstraremus; vt redire vltterius sub eius periculum non auderent, puto nisi faceremus, non immeritò crudeles diiudicaremur. Porro si vnus illorum nobis diceret, Quādo intraueritis eruere nos, me ipsum cōtinuò trucidabo: alter autem nec exire quidē inde, nec erui vellet, sed neq; necare se auderet, quid eligeremus, vtrū ambos ruinæ opprimendos relinquere, an vno saltē per misericordiæ nostram operam

Elegans simile.

liberato, alterum non nostra culpa, sed sua potius interire? Nemo est tam infœlix, qui non quid fieri in talibus rebus oporteat, facillimè iudicet. Et de duobus hominibus vno scilicet perduto, & vno liberato similitudinem istam proposui. Quid ergò sentiendum est de quibusdam paucis perditis, & innumerabili multitudine populorum liberatorum? Non enim vel tot sunt illi homines qui sua voluntate perent, quot liberantur per istas leges ab illa pestifera æternaque perniciæ fundi, pagi, vici, castella, municipia, ciuitates. Si autem diligentius rem de qua loquimur cogitemus, puto quod si plurimi essent in domo ruitura, & inde saltem vnus liberari posset, atq; id cum facere conareremur, alii seipsum præcipitio necarent, dolorem de cæteris nostrum, de vnus saltem salute cõsolaremur, non tamen ne seipsum alii perderent, perire vniuersos nullo liberato permitteremus. Quid igitur de opere misericordiæ, quod pro vita æterna adipiscenda, & pœna æterna vitanda hominibus debemus impendere, iudicandum est: si pro salute ista non solum temporali, sed etiam breui, ad ipsum tempus exiguum liberanda, sic nos hominibus subuenire, ratio vera & benigna compellit? Quod autem nobis obiiciunt, quod res eorum concupiscamus & auferamus: vtinam Catholici fiant, & non solum quæ dicunt sua, sed etiam nostra in pace nobiscum & charitate possideant. Vsq; ad eum autem

2. q. 4. ipsa
pœnas.

Calumniæ
anaristæ.
2. q. 7.
Quod au-
tem-

tem calumniandi cupiditate cæcatur, vt non attendant, quàm sint inter se contraria, quæ loquuntur. Ipsi certè dicunt, & inuidiosissimè sibi conqueri videntur, quod eos in nostram communionem violento legum imperio coarctamus. Hoc vtique nullo modo faceremus, si res eorum possidere vellemus. Quis auarus quærit compossessorem? Quis dominandi cupiditate inflammatus, vel fastu dominationis elatus, desiderat habere cõfortem? Ipsos certè attendant quondam suos, iam nostros socios & fraterna nobis dilectione cõiunctos, quemadmodum sua teneant, nõ solum quæ habebant, sed etiam nostra quæ non habebant, quæ tamen si pauperum compauperes sumus, & nostra sunt & illorum. Si autem priuatim quæ nobis sufficiant possidemus, nõ sunt illa nostra, sed pauperũ, quorũ pcurationem quodammodo gerimus, nõ proprietatẽ nobis vsurpatione damnabili vèdicamus. Quicquid ergo nomine Ecclesiarũ partis Donati possidebatur, Christiani Imperatores legibus religiosis cū ipsis Ecclesiis ad Catholicam transire iusserunt. Cùm ergo nobiscum sint plebes earundem Ecclesiarum nobiscum pauperes, qui ab eisdem possessiunculis alebantur, ipsi potius foris positi, desinant concupiscere aliena, sed intrent in vnitatis societatem, vt pariter gubernemus, non illa tantum quæ dicunt sua, verum etiam quæ dicuntur & nostra. Scriptum est enim; *Omnia vestra sunt, vos autem* 1. Cor. 3. 21.

Christi, Christus autem Dei. Sub illo capite in vno eius corpore vnum simus, & de istis talibus rebus faciamus quod scriptum est in actibus Apostolorum; *Erat illis anima vna & cor vnum, & nemo dicebat aliquid propriū, sed erant illis omnia communia.* Amemus quod cantamus; *Ecce quam bonum & quam iocundum, habitare fratres in vnum:* vt sic experiantur & sciant, quàm veraciter ad eos clamet mater Catholica, quod scribit B. Apostolus ad Corinthios, *Non quero quæ sunt vestra, sed vos.* Si autem consideremus quod dictum est in libro sapientiæ, *Ideo iusti tulerunt spolia impiorum:* Item quod legitur in Prouerbiis *Thesaurizatur autem iustis diuitie impiorum:* Tunc videbimus non esse quærendum, qui habeant res hæreticorum, sed qui sint in societate iustorum. Scimus quidem illos tantam sibi arrogare iustitiam, vt eam se iactent non solum habere, sed etiam aliis hominibus dare. A se quippe dicunt iustificari eum, quæ baptizauerint, vbi nihil eis restat, nisi dicere illi qui baptizatur ab eis vt in baptizatorem suum credat. Cur n. non faciat, quando Apostolus dicit: *Credenti in eum qui iustificat impium, deputatur fides eius ad iustitiã.* In ipsum ergo credat, si eū ipse iustificat, vt deputetur fides eius ad iustitiam. Sed puto quod etiam ipsi se ipsos horreant, si tamen ista vel cogitare dignantur. Iustus n. & iustificans non est, nisi Deus. Potest autem & de istis dici q̄ dicit Apostolus de Iudæis, quia *ignorantes Dei iustitiam*

Psal. 132. 1.

2. Cor. 12. 14

Sap. 10. 19.

*Donatistæ
aliorum
Iustificatores*

Rom. 4. 5.

stitiã, & suam volentes constituere, iustitiæ Dei non sunt subiecti. Absit autem vt quisquam nostrum ita se iustum dicat, vt aut suam iustitiam velit constituere, id est, quasi à seipso sibi datam, cum dicatur ei: *Quid enim habes quod non accepisti?* aut sine peccato se esse iactare audeat in hac vita, sicut ipsi in nostra collatione dixerunt, in ea se esse Ecclesia, quæ iam non habet maculam aut rugam, aut aliquid huiusmodi: nescientes hoc modo in eis compleri, qui vel post baptismum continuò vel dimissis debitis, quæ demittenda in oratione poscuntur, de hoc exeunt corpore: in tota verò Ecclesia tunc futurum, vt sit omninò non habens maculam, aut rugam, aut aliquid eiusmodi, quando dicendum erit: *Vbi est mors victoria tua: Vbi est mors aculeus tuus? Aculeus enim mortis est peccatum.* In hac autem vita, vbi corpus quod corrumpitur aggrauat animam, si Ecclesia eorum iam talis est, non ergo dicant DEO, quod Dominus non orare docuit: *Dimittite nobis debita nostra.* Cùm enim in baptismo cuncta dimissa sunt, vt quid hoc poscit Ecclesia, si iam etiam in hac vita non habet maculam, aut rugam, aut aliquid huiusmodi; Contemnant & Apostolum IOANNE M clamantē in Epistola sua; *Si dixerimus quia peccatum non habemus, nos ipsos seducimus, & veritas in nobis non est. Si autem confessi fuerimus peccata nostra, fidelis est & iustus, qui dimittat nobis peccata, & mundet nos ab*

1. Cor. 4. 7.

Ephes. 5. 27.

Contra
perfectio-
nem ista-
lem.

1. Ioh. 1. 8.

omni iniquitate. Propter hanc spem dicit vniuersa Ecclesia; *Dimitte nobis debita nostra:* vt non superbientes, sed confitentes mundet nos ab omni iniquitate, atq; ita sibi Dominus Christus exhibeat, in illa die gloriosam Ecclesiam non habentem maculam atque rugam, aut aliquid eiusmodi: quam modò mundat lauacro aque in verbo, quia neq; aliquid remanet in baptismo, quod non dimittatur omniũ præteritorum peccatorum, si tamen ipse baptismus non frustrà foris habeatur, sed aut intus detur, aut si iam foris datus est, non foris cum illo remaneatur, & quicquid ab eis, qui post acceptũ baptismum hic viuunt, infirmitate humana contrahitur quarumcunq; culparũ, propter ipsum lauacrum dimittitur. Neque enim aliquid prodest non baptizato dicere: *Dimitte nobis debita nostra.* Ita modò mundat Ecclesiã suam lauacro aquæ in verbo, vt tunc eam sibi exhibeat, non habentem maculam neque rugam, aut aliquid eiusmodi, totã scilicet pulchram atque perfectam, *quando absorbebitur mors in victoriam.* Nunc ergò in quantum viget in nobis, quod ex Deo nati sumus, ex fide viuentes, iusti sumus. In quantum autem reliquias mortalitatis ex Adam trahimus, sine peccato non sumus. Et illud enim verum est, *Qui natus est ex Deo, non peccat,* Et illud verum est, *Si dixerimus quia peccatum non habemus, nos ipsos decipimus, & veritas in nobis non est.* Dominus itaque Christus & iu-

I. Cor. 15.
54.

I. Iob. 2. 9.
I. Iob. 1. 8.

& iustus est & iustificans, nos autem iustificati gratis per gratiam ipsius. *Non autem iustificat nisi corpus suum, quod est Ecclesia.* Et ideò si corpus Christi tollit spolia impiorum, & corpori Christi thesaurizantur diuitiæ impiorum, non debent impii foris remanere, vt calumnientur, sed intrare potius vt iustificentur. Vnde & illud quod de die iudicii scriptum est; *Tunc stabunt iusti in magna constantia aduersus eos, qui se angustiauerunt & abstulerunt labores eorum*, non vtique sic intelligendum est, quia stabit Chananæus aduersus Israël, cùm Chananæi abstulerint labores Israël, sed stabit Nabuthæus aduersus Achab, quoniam labores Nabuthæi abstulit Achab, Chananæus quippe impius, Nabuthæus iustus.

Eodem modo non stabit Paganus aduersus Christianum, qui abstulit labores eius, quando idolorum expoliata vel donata sunt templa: sed stabit Christianus aduersus Paganum qui abstulit labores eius, quando martyrum prostrata sunt corpora. Sic ergo non stabit hæreticus aduersus Catholicum, qui abstulit labores eius, quando præualuerunt leges Catholicorum Imperatorum. Sed stabit Catholicus aduersus hæreticum, qui abstulit labores eius, quando furores præualebunt impiorum Circumcellionum. Ipsa quippe scriptura soluit quæstionem; quæ non ait: Tunc stabunt homines, sed tunc stabunt iusti. Et ideò in magna constantia,

quia in bona conscientia. Iustus autem hic nemo est iustitia sua, id est, tanquam sibi à seipso facta, sed, vt dicit Apostolus, *Sicut unicuique Deus partitus est mensuram fidei.*

Rom. 12. 3. Sequitur autem & adiungit? *Sicut enim in uno corpore multa membra habemus, omnia*

*Extra Ec-
clesiam no-
mo iustus.*

autem membra non eundem actum habent: Ita multi unum corpus sumus in CHRISTO: Ac per hoc nemo poterit esse iustus, quamdiu fuerit ab vnitate huius corporis separatus.

Quemadmodum enim membrum si præcidatur ab hominis viui corpore, non potest tenere spiritum vitæ: sic homo qui præciditur de CHRISTI iusti corpore, nullo modo potest spiritum tenere iustitiæ, etiam si figuram membri teneat, quam sumpsit in corpore. In huius ergo compagem corporis veniant, & labores suos non dominandi cupiditate, sed benè vtendi pietate possideant. Nos autem voluntatem nostram, vt iam dictum est, ab huius cupiditatis sordibus, quolibet inimico iudicante purgamus, quando eos ipsos quorum labores dicuntur, vt nobiscum & illis & nostris in societate Catholica vtantur, quantum valeamus inquirimus. Sed hoc est, inquit,

*Obiectio
Donatista-
rum.*

quod nos mouet. *Si iniusti sumus, quare nos queritis?* Quibus respondemus; *Querimus vos iniustos, ne permaneatis iniusti. Querimus perditos, vt de inuentis gaudere possimus, dicentes: Mortuus erat frater & renixit, perierat & inuentus est.* Quare ergò

Luc. 15. 32.

me

me, inquit, non baptizas, vt abluas me à peccatis? Respondeo; Quia non facio iniuriam characteri Imperatoris, cùm errorem corrigo desertoris.

Quare, inquit, apud te vel pœnitentiam non ago? Imo nisi egeris, saluus esse non poteris. Quomodo enim gaudebis te esse correctum, nisi doleas fuisse peruersum? Quid ergo inquit apud vos, cum ad vos transimus, accipimus? Respondeo: Non quidem accipitis baptismum, qui vobis extra compagem corporis Christi inesse potuit, prodesse non potuit? sed accipitis vnitatem spiritus in vinculo pacis, sine qua nemo poterit videre Deum: & charitatem, quæ sicut scriptum est, *cooperit multitudinem peccatorum.* 1. Pet. 4. 8.

Quod tam magnum bonum, sine quo nec linguas hominum & angelorum, nec scientiam omnium sacramentorum, nec prophetiam, nec tantam fidem, qua montes transferantur, nec omnia quæ possidet homo distributa pauperibus, nec corporis in ignibus passionem prodesse aliquid, Apostolus 1. Cor. 13. 3. testis est: hoc ergo tam magnum bonum, si paruum & nullum putatis, meritò infelicitè erratis, meritò si in vnitatem Catholicam non transitis, peritis. Si ergo, inquit, oportet vt nos extra Ecclesiã & aduersus Ecclesiã fuisse pœniteat, vt salui esse possimus, quomodo post istam pœnitentiã apud vos clerici, veletiam Episcopi permanemus?

Hoc

Hoc non fieret, quoniam reuera, quod fa-
 tendum est, fieri non deberet, nisi pacis ipsius
 compensatione sanaretur. Sed sibi hoc di-
 cant, & multò maximè humiliter doleant,
 qui in tanta morte præcisionis iacent, vt isto
 quodam vulnere matris Catholicæ reuiui-
 fiant. Cùm enim præcisus ramus inferitur,
 fit aliud vulnus in arbore, quo possit recipi
 vt viuat, qui sine vita radicis peribat: Sed
 cum receptus recipienti coaluerit, & vigor
 consequetur, & fructus. Si autem non coa-
 luerit, ille quidem arescit, sed vita arboris
 permanebit. Est enim & tale inferèdi genus,
 vt nullo præciso ramo, qui intus est, ille qui
 foris est, inferatur, non tamen nullo sed vel
 leuissimo arboris vulnere. Ita ergo & isti
 cùm ad radicem Catholicam veniunt, nec
 eis quamuis post erroris sui pœnitentiam
 honor clericatus vel Episcopatus aufertur,
 fit quidem aliquid tanquam in cortice ar-
 boris matris contra integritatem seueritatis.

1. Cor. 3. 7. Veruntamen quia, *neque qui plantat est ali-*
quid, neque qui rigat, ad Dei misericordiam
 precibus suis coalescente in sitorum pace
 ramorum charitas cooperit multitudinem
 peccatorum. Vt enim constitueretur in Ec-
 clesia, ne quisquam post alicuius criminis
 pœnitentiam clericatum accipiat, vel ad cle-
 ricatum redeat, vel in clericatu maneat, non
 desperatione indulgentiæ, sed rigore factum
 est disciplinæ: alioquin contra clauas datas
 Ecclesiæ disputabitur, de quibus dictum est:

1. Cor. 3. 7.

Distinct. 50
Et consti-
tuer.

Quæ solueritis in terra, soluta erunt & in cælo. Matt. 16. 19

Sed ne forsitan etiam de cæteris criminibus spe honoris Ecclesiastici animus intumescens superbè ageret pœnitentiam, seuerissimè placuit, vt post actam de crimine damnabili pœnitentiam, nemo sit clericus, vt desperatione temporalis altitudinis medicina maior & verior esset humilitatis. Nam & sanctus Dauid de criminibus mortiferis pœnitentiam egit, & tamen in honore suo perstitit. Et beatum Petrum, quando amarissimas lachrymas fudit, vtique Dominum negasse pœnituit, & tamen Apostolus mansit.

Sed non idèdè superuacua putanda est posteriorum diligentia, qui vbi saluti nihil detrahebatur, humilitati aliquid addiderunt, quo salus tutius muniretur, experti credo aliquorum fictas pœnitentias per affectatas honorum potentias. *Cogunt enim multas inuenire medicinas, multorum experimenta morborum.* Verùm in huiusmodi causis vbi per graues dissensionum scissuras non huius aut illius hominis est periculum, sed populorum strages iacent, detrahendum est aliquid seueritati, vt maioribus malis sanandis charitas sincera subueniat. Habeant ergo isti de præterito detestabili errore, sicut Petrus habuit de mendaci timore, amarum dolorem, & veniant ad Ecclesiam Christi veram, hoc est, matrem Catholicam: sint in illa clerici, sint Episcopi.

Posteriores prioribus scilicet aliquid addere possunt.
2.3.9.9. pi-ccas.

piscopi vtiliter, qui contra illam fuerunt
 hostiliter. Non inuidemus, imò amplecti-
 mur, optamus, hortamur, & quos in viis
 aut sepibus inuenimus, intrare cogimus, &
 sic nondum quibusdam persuademus, quia
 non res eorum, sed ipsos quærimus. Apo-
 stolus Petrus, quando Salvatore negauit
 & fleuit, & Apostolus mansit, nondum ac-
 ceperat promissum spiritum sanctum. Sed
 multò magis isti eum non acceperunt, vbi à
 corporis compage diuisi, quod solum cor-
 pus viuificat spiritus sanctus, extra Ecclesiã
 & contra Ecclesiam, Ecclesiæ sacramenta te-
 nuerunt, & tanquam ciuili bello nostris cõ-
 tra nos erectis signis armisque pugnaverunt:
 veniant, fiat pax in virtute Hierusalem, quæ
 virtus charitas est. Cui sanctæ ciuitati dictũ
 est, *Fiat pax in virtute tua, & abundantia*
inturribus tuis. Non se extollant aduersus
 maternam sollicitudinem, quam pro ipsis &
 pro tantis populis, quos decipiunt, vel deci-
 piebant, colligendis & habuit & habet: non
 superbiant, quia sic eos suscipit: non refe-
 rant ad elationis suæ malum, quod facit i-
 ipsa propter pacis bonum. Sic multitudini-
 bus per schismata & hæreses pereuntibus
 subuenire consuevit. Hoc displicuit Luci-
 fero, quia factum est in eis suscipiendis atque
 sanandis, qui veneno perierant Arriano:
 & cui displicuit, in tenebras recidit schisma-
 tis, amisso lumine charitatis. Hoc ergo i-
 stos ab initio seruauit Africa Catholica ex
 Episco-

Episcoporum sententia, qui in Ecclesia Romana inter Cæcilianum & partem Donati iudicauerunt, damnatoque vno quodam Donato, qui author schismatis fuisse manifestatus est, cæteros correctos etiam si extra Ecclesiam ordinati essent, in suis honoribus suscipiendos esse censuerunt: non quo etiam foris ab vnitae corporis Christi possent habere spiritum sanctum, sed maximè propter eos, quos foris positi possent decipere, & à susceptione illius muneris impedire. Deinde vt etiam ipsorum infirmitas lenius excepta intus sanaretur, iam nulla pertinacia claudente oculos cordis aduersus euidentiam veritatis. Quid autem aliud etiam ipsi cogitauerunt, quando Maximianistas, quos in sacrilego, sicut eorum concilium indicat, schismate damnauerant, & in quorum iam locum alios ordinauerant, posteaquam viderant ab eis populos non recedere, ne omnes perderent in suis honoribus receperunt, & baptismo quem foris ab eis damnati dederant, nullam contradictionem quæstionemque mouerunt? Quare ergo mirantur, aut queruntur, aut calumniantur, quòd eos sic suscipimus pro vera pace Christi, & non recordantur, quid ipsi fecerint pro vana quæ contra Christum est pace Donati? Quod eorum factum si contra eos teneatur, & intelligenter asseratur, quid omninò respondeant, non habebunt. Quod autem dicunt, *si peccauimus*
in spi-

*in Spiritum sanctum, quia exufflauimus baptis-
mum vestrum, vt quid nos quæritis, cùm re-
mitteri nobis hoc peccatum omninò non pos-
sit dicente Domino: Qui peccauerit in Spiri-
tum sanctum, non remittetur ei neque in hoc se-
culo, neque in futuro: non attendunt, quia se-
cundum istum sensum nemo liberandus est.*

Mat. 12. 32.

Quis enim non loquitur aduersus Spiritum sanctum & peccat in eum, siue qui nondum est Christianus, siue qui est hæreticus Arrianus, aut Eunomianus, aut Macedonianus, qui eum dicunt esse creaturam, aut Photinianus, qui eius omninò negat aliquam esse

** id est per-
sonam.*

* substantiam, sed vnum tantummodò esse Deum patrem: siue alii hæretici, quos commemorare longum est? Nulli ergò istorum liberandi sunt? Aut ipsi Iudæi, quibus Dominus hoc obiecit, si in eum crederent non erant baptizandi? Non enim ait Saluator, in baptismo remittetur: sed, *Non remittetur inquit, neque in hoc seculo, neque in futuro.* Intelligant ergo non omne, sed aliquod significatum esse peccatum in Spiritum sanctum, quod omnino non remittetur. Sicut enim cùm dixisset, *Si non venissem, peccatum non haberent:* vtique non omne peccatum intelligi voluit, quando quidem pleni erant multis magnisque peccatis; sed aliquod proprium peccatum: quod si non haberent, possent illis omnia dimitti quæ habebant, id est quod in eum venientem non crediderunt: hoc enim non haberent peccatum, si

*2. Sent.
dist. 43.*

non

non veniret. Sic etiam cū dixit, *Qui peccauerit in spiritum sanctum*, vel qui verbum dixerit aduersus spiritum sanctum, non utique omne quod in S. S. peccatur facto siue dicto, sed aliquod certum & proprium intelligi voluit. *Hoc est autem duritia cordis vsque ad finem huius vite, qua homo recusat in unitate corporis CHRISTI, quod uiuificat spiritus sanctus, remissionem accipere peccatorum.* Cū enim dixisset discipulis, *Accipite spiritum sanctum*: continuò subiicit, *si cui dimiseritis peccata, dimittentur ei: Si cui tenueritis, tenebuntur.* Huic ergo dono gratiæ Dei quicumque resisterit & repugnauerit, vel quoquo modo fuerit ab eo alienus, vsque in finem huius temporalis vitæ non remittetur ei, neque in hoc seculo neque in futuro. Hoc scilicet tam grande peccatum ut eo teneantur cuncta peccata, quod non probatur ab aliquo esse commissum, nisi cum de corpore exierit. Quamdiu verò hic uiuit, eum, sicut dicit Apostolus, *patientia DEI ad pœnitentiam adducit.* Sed si ipse perseuerantissima iniquitate, sicut consequenter adiungit Apostolus, *secundum duritiam cordis sui, & cor impœnitens thesaurizat sibi iram in die ire & reuelationis iusti iudicii DEI*, non remittetur ei neque in hoc seculo, neque in futuro. Isti autem cum quibus agimus, vel de quibus agimus non sunt desperandi: adhuc enim sunt in corpore: sed non quærant spiritum sanctum,

NE.

Rom. 2. 4.

ctum, nisi in Christi corpore, cuius habent foris sacramentum, sed rem ipsam non tenent intus, cuius est illud sacramentum, & idè sibi iudicium manducant & bibunt. Vnus enim panis sacramentum est vnitatis; quoniam sicut Apostolus dicit: *Vnus panis, unum corpus multi sumus*, Proinde Ecclesia Catholica sola corpus est Christi, cuius ille caput est Saluator corporis sui, Extra hoc corpus neminem viuificat Spiritus sanctus, quia, sicut ipse dicit Apostolus: *Charitas DEI diffusa est in cordibus nostris per spiritum sanctum, qui datus est nobis*. Non est autem particeps diuinæ charitatis qui hostis est vnitatis. Non habent itaque spiritum sanctum, qui sunt extra Ecclesiam. De illis quippe scriptum est; *Qui seipfos segregant animales spiritum non habentes*. Sed nec ille eum percipit, qui fictus est in Ecclesia, quoniam deinde scriptum est; *Sanctus enim spiritus discipline effugiet fictum*. Qui ergo vult habere spiritum sanctum, caueat foris ab Ecclesia remanere, caueat in eam simulatè intrare. Aut si iam talis intrauit, caueat in eadem simulatione persistere, vt veraciter coalescat arbori vitæ.

Epilogus.

Prolixum tibi librum derexi, & tuis fortasse occupationibus onerosum. Si ergò potuerit tibi vel partibus legi, dabit tibi Dominus intellectum, vt habeas quid respondeas eis corrigendis atque sanandis, quos
etiam

1. Cor. 10. 17

*Sola Catho-
lica Eccle-
sia corpus
Christi,
Etc.
Rom. 5. 5.*

*Attende le-
ctur.*

Iuda. 5. 9.

Sapient. 1. 5.

etiam tibi ipsi tanquam fideli filio, mater Ecclesia ubi potueris, & quomodo potueris, siue ipse loquendo & respondendo, siue ad doctores Ecclesiæ perducendo, in adiutorio Domini corrigendos sanandosque commendat.

S. AVGVSTINVS CONTRA EPISTOLAM Manichæi cap. 5.

VIdeamus quid me doceat *Manicheus*, & potissimum illum consideremus librum, quem *Fundamenti epistolam* dicitis, ubi totum penè quod creditis continetur. Ipsa enim nobis illo tempore mileris, quando lecta est, inclinati ducebamur à vobis, Certè sic incipit: *Manicheus Apostolus Iesu Christi, providentia DEI Patris. Hæc sunt salubria verba, de perenni ac vivo fonte.* Iam cum bcna conscientia, si placet attendite quid quæram. Non credo istum esse Apostolum CHRISTI, quæso ne succenseatis, & maledicere incipiatis. Nostis enim me statuisse, nihil à vobis prolatum temerè credere. Quæro ergo quis sit ille Manichæus? Respondebitis, Apostolus CHRISTI. *Non* credo. Iam quid dicas aut facias non habebis: *Prophetam.*

*Paciat
quæso lector
collationem
novatorum
nostrorum
cum Mani-
cheo, vide-
bit, quam
belle Aug.
Grosq; re-
darguat.
Sic inter
Novatores
Lutherus se
Euangeli-
stam Iesu
Christi esse
gloriatum
est: item A-
postolam et
Prophetam.*

Qui cum Elia, Esaiâ, & Iohanne Baptista comparandus sit. Alii etiam nomina ista ambitiosa sibi non arrogant: tamen & potestatem usurpant, & à suis non minoris fiunt.

bis: promittebas enim scientiam veritatis, & nunc quod nescio cogis vt credam. Euangelium fortè mihi lecturus es, & inde Manichæi personam tentabis asserere. *Si ergo inuenires aliquem, qui Euangelio nondum credit, quid faceres dicenti tibi, non credo?* EGO VERÒ EVANGELIO NON CREDEREM, NISI ME ECCLESIE CATHOLICÆ COMMOVERET AVTHORITAS.

NE

Sic nunc obtemperemus matri Catholica dicenti. Noli credere Lutherò, Caluino, Mennoxi, &c.

Quibus ergò obtemperaui dicentibus, Credite Euangelio, cur eis non obtemperem dicentibus mihi, Noli credere Manichæo? Elige quid velis. Si dixeris, Crede Catholicis, ipsi me monent vt nullam fidem accommodem vobis. Quapropter non possum illis credens, nisi tibi non credere. Si dixeris, Noli catholicis credere, non rectè facies per Euangelium me cogere ad Manichæi fidem, quia ipsi Euangelio catholicis prædicantibus credidi. Si autem dixeris. Rectè credidisti Catholicis laudantibus Euangelium, sed non rectè illis credidisti vituperantibus Manichæum: vsque adèd me stultum putas, vt nulla reddita ratione, quod vis credam quod non vis non credam? Multò quippe iustius & cautius facio, si catholicis, quoniam semel credidi, ad te non transeo, nisi me non credere iufferis, sed manifestissimè ac apertissimè scire aliquid feceris. Quocirca si mihi rationem redditurus es, dimitte Euangelium. *Si ad Euangelium te tenes, ego ad eos me teneam, quibus præcipientibus Euangelio*

NB.

Vide ergò quam miserè Nouatores dicitur superius Augustini torquere soleant.


gelio

gelio credidi: & his iubentibus tibi omninò non credam. Quod si fortè in Euangelio aliquid apertissimum de Manichæi apostolatu inuenire potueris, infirmabis mihi Catholicorum authoritatem, qui iubent vt tibi non credam. *Qua infirmata, iam nec Euangelio credere potero*, quia per eos illi crediderim, ita nihil apud me valebit, quicquid inde protuleris. Quapropter si nihil manifestum de Manichæi apostolatu in Euangelio reperitur, Catholicis potius credam, quàm tibi. Si autem inde aliquid manifestum pro Manichæo legeris, nec illis, nec tibi: illis, quia de te mihi mentiti sunt: tibi autem, quia eam scripturam mihi profers, cui per illos credideram, qui mihi mentiti sunt. Sed absit vt ego Euangelio non credam. Illi enim credens, non inuenio quomodo possim etiam tibi credere, &c.


*Infirmata
Catholica
Ecclesia
authoritate
neque ipsi
Euangelio
tutum cre-
dere.*

F I N I S.









61/K

